

2

02.6.11.3663-3664

COMMEN

TARII IN EPISTOLAM PAVLI

Apostoli ad Titum, in quibus agitur copiose de uniuerſa doctrina Chriſtiana, & de corrigendis abuſibus, qui in Eccleſiam, conuiuentibus epiſcopis & doctoribus, irreperunt.

AUTORE
Chriſtophoro Hofman.

S. 6

Elenchus locorum communium theologicorum, qui in hiſce commentarijs explicantur.



FRANCOFVRTI EX

Officina Petri Brubacchij
Menſe Martio.

ANNO M. D. XLI.



Scripti sunt autem isti commentarii
ad usum & commoditatem fidelium
Iesu Christi, præcipue tamē illorum,
quorū est, fidei uerbo alios erudire, con-
solari & confirmare, hoc est, pro illis Ec-
clesiæ pastoribus, qui aut sunt nouicii do-
ctores Euangelii, aut quibus non usque-
quaque & perfecte cognita est religionis
& pietatis Christianæ doctrina. Simul in
confusionem aduersariorum, à qui-
bus doctrina gratiæ & ueri-
tatis blasphematur.



698

02.6.11.3663



ELENCHVS

LOCORVM COMMVNIVM

theologicorum, qui in his commenta-
rijs sunt expositi & explicati.

De fidei documentis, & primo de diuina essen- tia, quæ est una in tri- bus personis, patre, fi- lio, & spiritu san- cto	85	bus spiritus sancti in Ecclesia Christi	228.
			& 235
De noticia & fide crea- tionis			100
De peccato originali	213		
Esse unum Deum	86	Diabolus suo arbitrio ma- lus. Itē, de causa pec- cati obiter & pau-	
De diuinitate patris & fi- lij	ibid.		
De diuinitate spiritus san- cti	87	cis	104
De Christi naturis	88	De lege, & triplici eius usu	74
Vnio duarum natura- rum	89	Politicus legis usus	75
De practica noticia essen- tiæ diuinæ, trium per- sonarum	92	Vsus legis theologicus et spiritualis	77
De operatione & effecti- tionis doctrina	82.78	Lex est poenitentiae & contritionis, non iustifica- tionis doctrina	

INDEX.

Legis est contrarius esse ctus quàm iustificatio nis	83	Quid possit aut uelit ex- clusiua, cum dicitur, quòd sola fide iusti co-	
De usu legis in iustifica- tis	84	ram Deo simus	220
Sed in hunc locum conge- re omnia, quæ sunt in- frà in loco communi, de bonis opibus, & ne- cessitate bonorũ ope- rũ in iustificatis. Itẽ, doctrinam de legis ab- rogatione	fol. 15. ¶ 185	De fidei necessitate, & certitudine electio- nis apud eos, q̃ in pro- missionem gratiæ Euā- gelij credunt 7. ¶ 18 Vetustas promissionum gratiæ, seu Euangelij, de Christo	22 224
De gratia & iustificatio- ne	219	Excludit ergo gloriatio- nem meriti, iusticiarũ rationis.	
De redemptione nostri per Christum, & si- mul de noticia & fide redemptionis	100	Ignorantia rerum fidei, & Iudaicæ opiniones in papistis	81
Fidei definitio	9	De spei natura	129
Tria fidei iustificantis ob- iecta	223. ¶ 227	Item, de spe non ex me- ritis	238
Iusti per fidem in Chri- stum	80	De iusticia bonorum ope- rum, in qua est dile- ctionis	

INDEX.

tionis doctrina	179	est autor & effector	
Huc pertinent loci illi su-		in nobis ipse spiritus	
præ annotati, unus de		sanctus	158
usu legis in iustifica-		De poenitentia lapsor-	
tis, & alter de opera		rum	ibidem
tionem & effectibus spi-		De communicando cum	
ritus sancti in Eccle-		poenitentibus reconci-	
sia Christi, hoc est, in		liatis	109
renatis, quibus adde		De maledicentia	172. 203
illos sequentes.		De litibus & contentio-	
De necessitate bonorum		ne	205
operum in iustificatis,		De sacramentis noui te-	
seu de externa poeni-		stamenti	230
tentia 12. 179. & 181.		De baptismo	231
Dignitas iusticiæ bono-		De remissione peccati, q̃	
rum operum	180	est perpetua per ba-	
Quæ opera sint necessa-		ptismi susceptionē	110
ria	182	De usu dominicæ coe-	
De poenitentia	133	ne	232
De contritione	134. 136	De Ecclesia, & quod ex	
De externa nouitate, in		tra illam nemo saluus	
eo qui agit poenitenti-		fiat	116
am	ibid.	De resurrectione mortuo-	
Nouitas Christiana, est		rum generali	105
res spiritualis, cuius		De sanctarum scriptura-	

I N D E X.

rum autoritate	103	da matrimonia dam-	
Item, de autoritate uerbi		nent	106
apostolorū in Eccle-		De papistica digamia &	
sia	26	polygamia	46
De autoritate doctrinæ		Impietas præcepti coeli-	
beatorum patrum in		batus à papistis	145
Ecclesia	27	De prophanata missa	146
De hominum traditioni-		De pharisaicis commen-	
nibus	142	tis in prophanata mis-	
Genera traditionum		sa papistarum	152
duo	143	De usu alterius speciei in	
Genus traditionum pror		sacramento cœnæ lai-	
sus impiarum	145	cis prohibito	159
Contra impias & corru-		De pharisaicis satis fa-	
ptas consuetudines in		ctionibus pro peccati	
Ecclesia	18	pœnis	160
Sequuntur exempla impia		De confessione priuata de	
rum doctrinarum &		lictorum, quam præci-	
traditionū in Ecclesia		piunt papistæ	ibid.
De damnato coniugio in		De cultu & inuocatione	
sacerdotibus	36.	sanctorum	161
&	145	De monachatu pharisa-	
Qui secundum dæmonio		co & impio	164
rū doctrinas nuptias		Portenta papisticæ doctri-	
prohibeant, & secun		næ de remissione pec-	
		cati	

INDEX:

cati	110	De exhortatione	124
Carnium æsus à quibus		De redarguendo	127
reprobetur	108	De coniugio episcoporum	36
Apud quos dogmata Christi		Quid unitas uxoris, &	
stiana nouentur	24	quomodo episcopis	
Papa iure diuino non est		præcepta	49
summus episcopus	107	De necessitate & commo-	
De forma episcopi	34	ditatibus imperiorum	
Quomodo sit examinandus		& ciuilibus magistratus	196
qui in episcopum		Vindictam magistratus	
eligitur	72	esse præceptam	198
Doctrinæ certitudo &		Vtrum liceat in iudicio	
firmitas necessaria episcopis	70	contendere	261
Triplex genus doctrinæ,		De hæreticis corripiendis	
in quo excellat episcopus	72	& iudicandis	242

FINIS INDICIS.



ILLVSTRIS

SIMO PRINCIPI AC DO
mino, D. Augusto, duci Saxoniae, Land-
grauio Turingiae, Marchioni Mysnae
&c. Christophorus Hofman,
pastor Ecclesiae Ienensis
S. D.



AEPE nos hortantur coelestia
mandata, ut pro principibus &
gubernatoribus populorum uota
faciamus. Id praecipuum pluris
facerent homines, si principum
pericula intelligerent, cogitaréntque his praecipue
crudelissimum illum hostem generis humani, Diabo-
lum, insidiari. Ego quidem intuens in uitam moresq;
hominum, ac omnium temporum historiam animo re
petens, perhorresco interdum toto corpore, conside
rans in tanto numero paucissimos fuisse bonos & sa
lutares principes, quosdam etiam magna & heroica
ui ingenij praeditos, tamen postea non tantum suam,

EPISTOLA

sed prorsus hominum naturam exuisse? Vt enim omit-
tam cætera regna, seriem uide Romanorum princi-
pum. Qualia portenta successerunt Augusto? Tibe-
rius, Caligula, Claudius, Nero: Deinde, etsi sunt in-
teriecti pauci quidam mediocres, ut Vespasianus,
Traianus, Marcus. In cæteris, qualis furor fuit, qui
se flagiciosissimis libidinibus contaminârunt, ac in ci-
ues infinitam crudelitatem exercuerunt? Quàm lon-
gus esset catalogus, si recensere omnes uelim? itaque
unum tantum adijciam, Alexandrum Macedonem,
ut consideremus, ne quidem præstantes naturas in il-
lo rerum fastigio diu sibi constare. Nihil enim pul-
chrius atq; admirabilius fuit in uniuerso Alexandri
regno, quàm ipsius regis ingenium? Quantum consi-
lio pollebat in suscipiendis rebus maximis, cum penè
adolescens sæpe reprehenderet ueterum ac peritissi-
morum ducum sententias? Quanta fuit in acie fortitu-
do? Idem ante captam Babylonem moderatione ani-
mi tanta præditus fuit, nihil ut superbe, nihil crudeli-
ter fecerit, ac gentibus omnibus propter iusticiam,
modestiam & clementiam charissimus esset. Ad hoc
decus addebat adhuc temperantiam & continentiam.
Erga suos etiam comitate & suauitate sermonis tan-
ta fuit, ut Plutarchus dicat eum hac dote omnibus re-
gibus, qui unquam extiterunt, antecelluisse. Ac talis
quidem

quidem fuit non multo amplius sexennio. Postea hac ingenij & uirtutis præstantia, & ut ita dicam, diuinitate in ocio abiecta, quàm teira et immanis belua fuit, cū furens inter pocula, interficeret amicos? cum optime meritos duces iniuste necaret? cum perpetuo temulentus, & turpiſſimarum libidinum flammis ardens, ac nihil agens dignum homine, tamen postularet sibi diuinos honores tribui. Et quidē hac morum turpitudine cito sibi exitium accersuit. Cumq; in armis fuisset inuictus, obscœnis uoluptatibus fractus, & subito extinctus est, ut multo antè significauerat Daniel, cum pinxit eum specie pardalis, quæ se armatis uenatoribus audaciſſime offert, & in tela ruit, eaq; motuum celeritate eludit. itaque non capitur, ut urſi aut aliæ feræ, certamine aliquo, sed singulari arte. Aiunt auidiſſimas eſſe uini pardalides, ideoq; fingunt Bacchi nutrices mutatas eſſe in eas bestias. Spargit itaque uenator aliquantulum uini in uiam antro pardalis uicinam, deinde in locum opportunum collocat uasa plena uini. Excitate igitur uini odo: e bestię, prodeunt ex specu, & uinum quærunt, eoq; se iniurgitāt, deinde, q̃a salacitas incenditur uino, accedit uenus. Postea defatigatæ, opprimūtur somno. Ibi sopitas uenator adoritur, eisq; uincula inijcit. Quæ potuit imago pingi, magis exprimēs naturas & mo

EPISTOLA

res Macedonicorum regum, qui fuerunt præcipui, Philippi, Alexandri ac Demetrii? Cum igitur Diabolus maxime insidietur gubernatoribus, econtrà, nos qui Ecclesias docemus, præcipue de principum periculis cogitare decet, eosq; deo assiduis precibus commendare. Hæc causa est, cur aliquid mearum lucubrationū tibi, Princeps illustrissime, dedicare uoluerim, non solum, ut meam obseruantiam erga pios principes ostendam, quos ex animo ueneror, sed etiam ut lectores huius scripti admoneam, ut cogitantes hæc tanta pericula gubernatorum, suas preces ad mea et totius Ecclesiæ uota adiungant, ac petant, ut filius Dei Emanuel regat mētes principum, ac dissipet opera diaboli horribiliter grassantis in imperijs. Nō dubito pios angelos socios esse nostrarum precū. Sed in coetu hoīm longe pauciores sunt, quàm oportuit, qui huius tantæ rei cura afficiuntur. Utinam non solum uniuersa hominum multitudo, sed etiam pecudes & plantæ omnes clamore suo pias preces pro principibus adiuuare possent, qui nisi diuinitus tegantur & gubernentur, nequaquam possunt undique incurstantes Diabolos depellere. Et tamen opus est hominum societati aliquibus bonis principibus. Te igitur, Auguste princeps, adhortor, ut quum pater te ad pietatem & uirtutem institui curet, tibiq; uirum doctissimum

N V N C V P A T O R I A :

mum addiderit, Ioannem Riuium, ut literas & doctrinam pietatis tibi tradat, annitaris & ipse, ut uoluntati parentum, & magistri præceptis tua diligentiare spondeat. Et quoniam audio te non abhorre à lectione piorum scriptorum, edidi commentarium auspicio tui nominis, ut ad legenda scripta huius generis te inuitarem, ac opto, ut meum officium & tibi gratum sit, & Ecclesiæ utile.

Bene uale.

IENAE ad Salam, die
diui Augustini.

Anno 1540.

ΜΑΡΤΥΡΙΟΝ ΠΑΥ

λου τοῦ ἀποστόλου.

Ε ΠΙ Νέρωνος ἡ καίσαρος ῥωμαίων ἐμαρ
 τύρησεν αὐτόδι παῦλ^{ος} ὁ ἀπόστολος
 ξίφει τὴν κεφαλὴν ἀπ' τμηθεὶς ἐν βελ
 ῥιακοσῶ^ς ἐκ τῶ^ς ἑταί το σωτηρί^ς πάντες,
 ὅν καλὸν ἀγῶνα ἀγωνισάμενος ἐν ῥώμῃ πέμ
 τη ἡμέρ^α πανέμου μηνός, ἡ τις λέγει τ' ἂν πα
 ρὰ ῥωμαίοις τῇ περὶ ῥιῶν καλανδῶν ἰσλίων,
 καθ' ἣν ἐτελειώθη ὁ ἅγι^{ος} ἀπόστολ^{ος} βελ
 κατ' αὐτὸν μαρτυρίῳ ἐξηκοσῶ^ς ἐννὰ τῶ^ς
 τει θι^ς τῇ σωτηρί^ς ἡμῶν ἰησοῦ
 Χριστοῦ παρυσίας.

IN EAM

QVAE EST AD TITVM

à Paulo scripta, præfatio &
argumentum.



Aulus in ea epistola, quæ est ipsi
us ad Titum, scribit de electione
& forma Episcoporum, tradens,
quales ordinari debeant, quid do
cere & prædicare, qui ecclesias
dei instituere, formare ac regere debent. Quam uitæ
integritatem, & iusticiæ morum innocentiam, ipsi
ante omnes alios præstare: quoniam sunt forma gre
gis, ut Petri uerbo utar. Et ab omnibus alijs obseruā
tur, quantum pietati, quæ est in Deum, deferant: &
quantum fidei in Christum. Si enim indigne ambulent
sua uocatione & suo ministerio, nemo quisquam ma
gis noxius esse potest in ecclesia. Scribit autem idem
Apostolus in priore ad Timotheum his similia: tra
ctans hoc idem argumentum. Et Cap. 3. etiam formas
eorum tradit, quos adpellant Diaconos: qui sunt Ep
iscoporum ministri.

Neq; uero Episcopi, illi de quibus Paulus loquitur

P R A E F A T I O

tur, & quorum est uel esse potest usus in ecclesia Dei, sunt alij, præterquam quos nunc aut parochos, græca adpellatione, uocamus, hoc est, præbitores, quòd tradant, opinor, & exhibeant, ceu œconomi & dispensatores, ecclesijs demensum cibum, ut Dominus in euangelio inquit, hoc est, mysteria sibi credita, tradenda & reuelanda ecclesijs, iuxta illud Pauli, 1. Cor. 4. Sic nos existimet homo, ut ministros Christi, & dispēatores mysteriorum Dei. Aut quos pastores dicimus, quòd curam dominici gregis agant, id est, Ecclesiæ Christianæ. Nam pascere illam fidei uerbo debent, 1. Pet. 5. Act. 20. Ac habent eas omnes adpellationes ex officio, quæ nec tribuunt Episcopis aliam potestatem, quàm est doctrinæ & consolationis scripturarum. Et ipse Dominus quoq;, pastoris adpellationem sibi sumit, ex officio docendi, cum inquit, Ego sum pastor bonus. Quamquam ipse est aliter quoq; suæ ecclesiæ pastor, quàm alij eius ministri, utique non solum ut doctor siue prædicator uerbi Dei, uerum etiam, ut hæres ac Dominus, utq; sponsus & seruator Ecclesiæ. Deniq; ut precium & pignus, pro peccato & æterna morte, adeoq;, dux, autor, & causa unica iusticiæ & æternæ uitæ. Imò, ipsissima iusticia, uita & certa atque indubia salus, omnium qui in ipsum credunt.

Sed Episcoporum quos dico, & de quibus in hoc
scripto

cripto nobis sermo est, siue pastorum ecclesiae Christi, aut quomodocunque aliter illos adpellare uoles, non est nisi pascere ecclesias, uerbi fidei doctrina, & poenitentiae praedicatione. Habent enim officij nomina ac Titulos, ut dixi, & quidem ad hoc unum, ut gubernent Ecclesias uerbo Dei, & sacramentis fidei consulentur, non dignitatis aut praelaturae adpellationes, seu dominatricis potestatis, in morem secularium principum, ut tyrannizent in plebe. Nec alios agnoscit aut recipit, pro Episcopis & pastoribus, quae uere est ecclesia CHRISTI, iuxta illud Christi Ioan. decimo: Oues meae uocem meam audiunt. Nam qui alios audiunt, & audientes recipiunt, eos impossibile est ecclesiam DEI, & CHRISTI lesu esse. Quia secundum Euangelium, à Christo traditum, neque uiuunt, neque possunt uiuere, ut quod neque audiunt neque discunt usquam. Quare necessario sunt ignari, tam fidei in Deum, quam uerae & Christianae poenitentiae praestandae. Ideo nec sunt dissimiles Turcis & Iudaeis, qui cura & fidelitate Episcoporum CHRISTI penitus destituuntur. Esto utantur communibus Ecclesiae sacramentis, tamen quia haec sine fidei doctrina eis traduntur, oportet illorum usum eos ignorare, ut prodesse ipsis non possint, nisi admonitis tandem per

P R A E F A T I O :

fidei doctrinam, & correctis, conuersis ac retractis in uiam : qua ipsi Domino Christo Iesu adhereant, eumq; ut ducem & seruatorem suū, siue, ut Petrus inquit, pastorem & Episcopum animarum nostrarum, sequantur.

Quapropter, & si qui sunt ex electis Dei, ac uere ecclesiae Christi membra, illi tandem conuertuntur necessario : ac conuertunt ipsi sese & auertunt, ab istis impostoribus, furibus scilicet & latronibus in ecclesia, qui fidē non docent : aut pure nō tradunt : Siue, qui poenitentiae Christianae doctrinam negligunt, seu alienam docent : Hoc est, quasdam operum hypocrises, secundum doctrinas mandatorum hominum, aut fiduciam mandatorum legis, quae faciant. Sicut fit hoc tēpore in ijs ecclesijs, in quibus inualuerunt hominum doctrinae, & tyrannis Pontificis Romani. Istos igitur fugiunt, qui uere sunt Christi : sicut iterum Dominus ait, Ioan. 10. Alienum, (qui non est pastor.) non sequuntur, sed effugiunt ab eo. Quia non nouerunt uocem alienorum.

Porro Diaconi illi, de quibus Paulus in priore ad Timotheum scribit, & quorum opera, diligentia & labore quoque opus habet Ecclesia, sunt qui subseruiūt Episcopis in administratione, quam praestant, aut praedicatione eiusdem uerbi, aut dispensatione Sacramentorum, siue deniq; eleemosynarum ecclesiae

sia

sia in pauperes erogatione. Nec plures habet ecclesia ministros, nec indiget alijs. Nam presbyteri, quod suo loco, testimonio ipsius met Pauli, clarum faciemus, sunt iidem qui & Episcopi. Vulgus autem sacerdotum istud & Monachorum, quod nunc in templis uenales habet preces & Missas, tam est alienum ab ecclesia Christi genus, quam quod maxime, perniciosi ecclesiae, ne dum necessarij esse, aut pertinere ad eam, possint. Sed usu scholarum indiget ecclesia, ut in quibus futuri ecclesiae pastores, & ministri doceantur, de fidei mysterijs, quae alijs tradant. Prorsus enim nullae ecclesiae, sine scholarum opera, possent conseruari.

Cæterum, cum doctrinae Christianae genus principaliter sit duplex, alterum, quo docemur, de gratia Dei, iustificante & saluante nos, per Christum Iesum, & rursus alterum, de iusticia morum & bonorum operum, quam iustificati & salui facti praestemus, Paulus tamen in hac ad Titum epistola, non multa tradit, de gratia, quam dixi, erga nos DEI, ac longe plura, de operibus nostrae obedientiae. Scribit. Ac de gratia quidem non scribit seria disputatio-
ne, ut facit in epistola ad Romanos, & in alia ad Galatas, quamquam fidelibus in Christo clarum facit, & in hac ad Titum epistola, quod nulla alia re iustificemur coram D E O, aut salui efficiamur.

P R A E F A T I O

à peccato & morte, quàm per iustificatoris IESV Christi gratiam & beneficentiam. Primum, Cap. 1. in epigrapha, deinde Cap. 2. & 3. Per occasionem, uidelicet, in hortatorijs argumentis. Sed neque opus habuit in hac epistola, de gratia disputare, ut in qua Episcopo scribit, suo met, Pauli inquam, testimonio, docto, pio, & fideli. Quem propterea oportuit gratiæ doctrinam callere, ac penitus nosse, ut doctrina & institutione peculiari, ea de re nihil opus haberet.

De instituendis autem & formandis in ecclesia doctoribus, adeoque de doctrina morum & operum bonorum, quam tradant doctores, & ecclesijs commendent, uoluit copiose agere, tum ut Titus ea uteretur, in gubernanda Creta, & constituendis Episcopis in ea insula. Tum etiam, ut alij recte ordinati Episcopi, & bene institutæ ecclesiæ eam semper retinerent, atque adeo, ut hac institutionis & doctrinæ forma, quam tradidisset Apostolus IESU CHRISTI, sese contra impios doctores, & fanaticos spiritus defenderent. Multi enim illis Pauli temporibus currebant impostores, & pharisaici spiritus, qui ecclesias suis impijs opinionibus de necessitate quorundam operum ac rituum dementabant, quanquam nihil necessariorum. Imò etiam in utilium per se, & quibus Ecclesiæ Christi grauari
nulla

nullo modo debuerunt. Vnde etiam utile fuit, monstrare, quomodo oporteret talibus os audaciae & blasphemiarum obturare, & quorum operum obedientia crederetur necessaria esse.

Nam postquam nouatio religionis inciderat & lex Mosaica erat abrogata, (quam tamen multi, conuersi ex Iudaismo ad Christum, ualde urgebant, & eius totam obseruationem, cum ipsis quoque ceremonijs, obseruationibus ciborum, dierum, & circumcisione, & tanquam necessariam ad iustificationem requirebant), utile fuit, quin etiam necessarium docere, quid apud Christianos necessarium sit obseruare, quid minus, siue quod liberam obseruationem habet. Proinde, satis liquet, ex scripto Pauli, quod Christiani nullius operis debitores sumus, quod sub Decalogi mandatis non contineatur: & quod nulla prorsus re iustificemur, aut salui efficiamur, praeterquam fide, in filium Dei, Iesum Christum, Dominum & seruatores nostrum. Itaque alia operum praecpta habent liberam obseruationem, & illa Decalogi, quanquam necessaria, non tamen fieri debent opinione promerendae iustificationis, sed studio glorificandi Dei, & ornandae doctrinae Euangelij IESV Christi. De qua tota ratione, suis in locis copiose satis dicemus:

Vt ergo Capite primo, de forma Episcopi

P R A E F A T I O

porum scribit, quod ad mores & priuatam iustici-
am eorum attinet, & admonens præterea episcopum
decere tenacem esse, fidelis sermonis, qui secundum
doctrinam est, ut potens sit exhortari doctrina sana,
& eos qui contradicunt arguere. Ita in Cap. secun-
do, formas tradit, de communibus moribus, & iusti-
cia bonorum operum, quam præstet tota reliqua ec-
clesia, aut singuli, pro suo officio, & suæ personæ di-
gnitate. Ac iubet, ut de his moribus doceant ecclesi-
am episcopi, ut per salutaria hortamēta episcoporū,
iusticia bonorum operum, Deo & sua uocatione
digna, omnes glorificent gratiam, & doctrinam Do-
mini ac seruatoris nostri Iesu Christi ornent.

Capite tertio, præterquam quod præcipit de
obedientia erga ciuiles magistratus, pristini quoq;
mali nos commonet, hoc est, peccati, in quo natura
omnes homines sumus. Stulti, errantes, & serui plu-
rimarum noxiarum cupiditatum, nunquam aliter iu-
sti, aut salui, quam beneficio gratiæ Dei, & redemp-
tionis nostræ, quæ est à Christo. Quapropter etiam
uetat eo locō, ne de quoquā male loquamur, aut cōui-
ciū ulli dicamus. Neq; litigemus, sed simus cōmodi et
mansueti in oēs. Vtiq; memores huius ueteris cōditi-
onis, qua fuimus natura filij iræ & æternæ dānatio-
nis, adeoq; beneficiorū gratiæ, præstitorum nobis in
Christo Iesu. Et cogitemus atq; conemur Deo nostro
obtemperare

obtemperare, qui salutem nostram sanguine unigeniti filij sui redemit. Ac ne simus ingrati redemptori Christo, qui aliud à nobis nō requirit, quàm ut redempti à peccato deinceps uitemus ac fugiamus peccare, & obedientiæ mandatorum Dei studeamus.

Sed hæc in præfatione & argumento epistolæ sufficiant. Nam etiam, si reliqua sunt quædam, de quibus nihil dum diximus, commodius de eis loquemur in epistolæ enarratione.

Enarratio primi capituli.

PAVLVS SERVVS DEI, APO-
STOLVS AVTEM IESV CHRISTI.

HAc subscriptione utitur Paulus, primum ex necessitate, ut uidelicet doceat, quod à se apostolo Iesu Christi, hoc ipsum scriptum profiscatur. Nam si nomē suum celaret, doctrinam Christianam fraudaret gloria Christi, & sua autoritate. Deinde addendum fuit nomen, & propter hanc admonitiōem, ut meminerint Ecclesiæ, ne quorumlibet scripta recipiant doctrinæ salutaris noiē. Si. n. nō constet probatæ & certissimæ fidei esse dogmata quæ uocant ecclesiastica, qualia non habemus Christiani, nisi tradita à prophetis, Christo & apostolis, non debēt audiiri, admitti, aut recipi. Itaq; & à Christo, in confirmationem nostræ fidei, & dogmatum recipiendorum,

de solis apostolis & euāgelistis dictum est: Qui uos audit, me audit. Nam hoc dictum de nullis alijs intelligi potest, nisi quatenus doctrinam remissionis peccati & poenitentiae acceptam ab apostolis & euāgelistis retinet, & urgēt atq; sequuntur in praedicatione.

Deinde spectat alias commoditates Paulus, quod inscriptionibus ferè prolixioribus utitur. Familia-
re enim est Paulo in epistolis suis, lōgo tractu, de sua uocatione, & uocationis officio, concionari, eumq; totum epigraphæ post subscriptionem & ante inscriptionem inferere. Sicut & ex alijs epistolis liquet. Sed prius de seruitutis & apostolatus adpellationibus, ut eis hic utitur Paulus, aliqua scribamus, postea & de reliquis, adiuuante nos Christo Iesu, dicturi.

Quòd igitur Paulus se dicit seruum Dei, & apostolum Iesu Christi, praterquam quòd narrat quæ faciunt ad gloriam uerbi Dei & Euangelij Iesu Christi à se praedicati, & pseudoapostolis se cū doctrina sua opponit. Nam istorū passim multi currebant, non studio gloriæ Dei, sed auaritiæ & ambitionis: neq; salutis Ecclesiarū, sed odio Euangelij & Christi. Quare nec serui Dei, nec apostoli Iesu Christi erant, quicquid fingerēt: ut nec sunt, qui hoc tempore in papatu aliud docent, quàm uerbum Dei & Euangelium Iesu Christi. Nam utrorumq; hoc uicium & fuit & est, quòd doctrinis de merito & dignitate operū nostro

rum

rum, & obscurabant & obscurāt gloriam Iesu Christi. Et ueteres quidem insensissimis odijs persequebantur Paulum, tanquā legis calumniatorem & hostem, cum non intelligerent recte, neq; legis neq; Euangelij doctrinā. Quemadmodū & papistæ pignorantiam legis & Euangelij oīa contra gloriam Iesu Christi molliuntur. Et de utrisque in genere dicit Paulus 1. Timoth. 1. Finis autē præcepti est charitas, ex corde puro, & conscientia bona, & fide non ficta. A quibus quidam aberrantes, conuersi sunt in uaniloquium, uolentes esse legis doctores, non intelligentes, neq; quæ loquuntur, neq; de quibus affirmant.

Istis ergo uanis & impijs hoībus, hostibus gratiæ Dei, etiā opponit sese Paulus, & iactat Dei seruū & apostolum Iesu Christi, necessaria & sanctissima gloriatione. Non ita seruū, ut qui adoratione cordis & spūs Deum religiose colunt, eoq; serui Dei dici possunt, sed peculiaris officij adpellatione. Ut qui significat, qd credita sibi & delegata à deo perferat ad alios ac ministret Ecclesijs in dispensatione Euangelij Iesu Christi. Est. n. officij aplīci nomē ac titulus hoc loco, ac testatur Paulū ministrū Ecclesiæ agere, uereq; euangelistā. Sic autē & 2. Tim. 2. utitur serui adpellatione, ubi scribit, Seruū autē Domini nō oportet liigare, sed placidū esse ad oēs, aptū ad docēdū, patientem cū māsuetudine, corripiētē aduersarios. Quin etiam

IN CAP. I. AD TITVM

Paulus ipse exposuit serui uocabulū, per hoc q̄ continuo adiecit: Apostolus Iesu Christi, quasi dicat. Itaque ego seruum Dei, ut ministerio meo illustrem & uulgem apud omnes prædicationem Euangelij de gloria seruatoris nostri Iesu Christi. Quæ ipsum quoq; Deum patrem glorificat ac monstrat, quo præcipuo cultu uelit honorari ab omnibus nobis. Nimirum fide unigeniti filij sui Iesu Christi nostri redemptoris.

Ita ergo opponit se iusticiarum rationis doctoribus, & refellit eorū impias opiniones, q̄ contēdunt, q̄ per iusticias legis saluemur. Sunt enim plus, quàm dici aut credi potest, perniciosi impostores & blasphemii, minimumq; ferendi, quia ueritatem Euangelij opprimunt: & per hoc Deū suæ gratiæ gloria, Christū redemptoris, Ecclesias iusticia & salute æternæ uitæ, fraudant ac spoliant. Paulus ergo ita se dicit seruum, nō ut seruiunt, q̄ obsequijs fidei & pœnitentiæ Deum colunt, sed ut qui ministrāt in Ecclesia prædicatione & doctrina, annunciantes remissionem peccati per Christum & pœnitentiam prædicantes. Adeoq; ut qui sacramenta alijs ministrant, quanquam in eo obsequio ipse quoq; præstet & exhibeat quēdam cultum Deo: sed in peculiari & priuata uocatione, hoc est, apostolica & ecclesiæ doctoris. Non ut uocatus per gratiam ad salutem, quæ contingit omnibus eadē per Christū, quotquot credunt in eū. Porro de isto Euāgelio

list. a

listæ seu doctoris euāgelici cultu, ita scribit Rom. 1. Testis. n. mihi est Deus, quē colo spiritu meo, in euangelio filij ipsius &c. Et cap. 16. Audacius tamen scripsi uobis fratres ea parte, ueluti cōmone faciens uos propter gratiam, q̄ data est mihi à deo, in hoc ut sim minister Iesu Christi in Gentes, sanctificans Euangelium Dei, ut fiat oblatio Gentium accepta, & sanctificata in spiritu.

Cæterum Apostoli nomen, factum est à mittendo. Et admonet ea appellatio, neminem foeliciter docere in Ecclesia, nisi qui uocatus & missus sit, atq; ad docendū ablegatus, uel immediate à Deo patre & Christo Iesu, uel mediate per Ecclesiam, episcopos, principes & magistratus ciuiles, siue quoscūq; alios, qui pietate præditi & autoritate pollēt in Ecclesia. Porro apostolum esse Iesu Christi, est esse nūcium, præconem ac testē beneficiorum gratiæ, quæ nobis contigerunt per Christum, hoc est, donatæ gratuitæ remissionis peccati, iusticiæ, & æternæ uitæ, per misericordiam Dei propter Christum. Nec aliud uolunt hæc Christi uerba de officio apostolico, Act. 1. Et eritis mihi testes in Hierusalē, & in omni Iudæa & Samaria, & usq; ad extremum terræ. Proinde officij apostolici est, docere Euangelium de Christo. Euangelium autem est annūciatio de incarnato filio Dei, & traditio ne eius pro redimendis nobis à peccato & morte per

IN CAP. I. AD TITVM

De fidei ne
cessitate, &
certitudine
electionis,
apud eos qui
Euangelio
credunt.

gratiam illam ineffabilem Dei, qua ille misericorditer omnibus ignoscit, ac recipit omnes in gratiam & gloriam filiorum Dei, quatenus in redemptorem Christum credunt. Quo testimonio detrahatur iusticijs nostris illa omnis gloria, & Christo tribuitur seruatoris titulus, nomen & honor, quem quicumque auferunt ab eo, non possunt saluari. Et hæc quidem admonent nos de fidei necessitate. Quia beneficia Euangelij accipi aliter aut possideri, quam per fidem, non possunt, ut de illa necessitate mox plura scribemus.

IVXTA FIDEM, ELECTORVM DEI, ET
AGNITIONEM VERITATIS, QVAE
EST SECVNDVM PIETATEM, IN SPE
AETERNAE VITAE.

Id est, Ad hoc apostolus Iesu Christi, ut annunciem electis promissionem gratiae & misericordiae Dei, quam fide recipiant, adprehendant, & æternaliter possideant. Siue, ut doceam ea quæ sunt fidei iustificantis per Christum, quæ solis, qui electi sunt à Deo, in spem gloriæ æternæ uitæ, contingit.

Sic ergo est seruus Dei Paulus, & apostolus Iesu Christi, ut doceat euangelion, de remissione peccati, iusticia & æterna uita per Christum, quæ tanta gratiæ beneficia nemo habere potest, quam per fidem in
Chri

Christum. Magna igitur necessitas fidei est, ut sine qua nemo potest saluari, & per quam solam adprehenditur salus, iuxta illud Abac. 2. Iustus fide sua uieturus est. Sed & soli, qui electi sunt, credunt uere & perseuerāter Euangelio, id quod cōsolantiſſimum est audire & cognoscere, his qui diligunt Dominum nostrum Iesum Christum, uereq; credunt in eum, ut suum seruatore. Nec illi aliter solliciti sunt de prędestinatione sui coram Deo ad æternam uitam, nisi ut per Euangelium in Christum Iesum credant, nempe cuius fiducia sunt certi, se esse in gratia, esse filios Dei, & hæredes æternæ uitæ. Sic enim scriptum est Ioan. 1. Dedit eis potestatem filios Dei fieri, his qui credunt in nomen eius. Et Ioan. 3. Sic enim Deus dilexit mundum, ut filium suum unigenium daret, ut omnis qui credit in eum, non pereat, sed habeat uitam æternam.

Apostoli itaque promiscue quidem docent bonos & malos, & Euangelij annunciationem spargunt in omnes, sed non omnes credunt Euangelio. Quin etiam eius doctrine & prædicationi plurimi contradicunt, sed in sui grauissimam condemnationem. Nam Euangelio & prædicationi apostolorum cōtradicere quid est, quàm testimonio spūssancti refragari, & se reum efficere irremissibilis peccati, nisi corrigatur et uitetur? In summa soli electi credūt Euāgelio, & hi

foli adprehendunt æternam uitam. Nec per aliud, quàm per promissionum fidem, Ioan. 8. Qui ex Deo est, uerba Dei audit. Et cap. 3. Qui credit in filium Dei, habet æternam uitam. Quotquot igitur credunt in redemptorem Christum Iesum, sancti iusti, beati & salui coram Deo, nec per ullam rem aliam, quàm per solam in Iesum Christum fidem. Legè Rom. 3:

Proinde, ut dixi, hæc recte & prudenter intellegit adferunt magnam consolationem omnibus qui Euangelium audiunt, discunt, & fidem ei habent. Si significant enim esse quosdam electos Dei, qui non possunt non saluari, sicut docetur Rom. 8. Quos prædestinauit, hos & uocauit: & quos uocauit, hos & iustificauit: quos autem iustificauit, illos & glorificauit. Porro, & adferri illis ipsis electis Dei necessario gratiæ promissiones, quibus, ut medijs quibusdam, trahantur & perueniant ad salutem, utiq; si credant in eas. Deniq; & credere electos saluandos his gratiæ promissionibus, quia salus aliter adprehendi non potest, nisi per promissionum gratiæ fidem. Quibus etiam qui non credunt, illæ sunt magis noxiæ, quia promissiones gratiæ cōtemni impune à nemine possunt.

Credunt itaq; electi Euangelio, & credendo efficiuntur filij Dei. Quia, ut Dei gratia & ueritas reuelatur per promissiones, ita credentes iustificat efficaciter, beatos efficit & saluat ab æterna morte. Hinc
liquet

liquet, q̄ electi non solum uocātur ut credant, uerum etiā credere eos Euangelio. In quo, hoc est, quia credunt promissionibus gratiæ, habent testimonium & pignus intra se suæ adoptionis coram Deo, & præsentitæ sibi & ordinatæ à Deo æternæ uitæ. Ephesi. i. Credentes signati estis spiritu promissionis sancto, qui est pignus hereditatis nostræ ad redemptionem acquisitionis, ad laudem gloriæ ipsius.

Vt sunt ergo quos elegit Deus à condito orbe, ut gloriam immortalitatis hereditate possideant, sicut dicitur Ephe. i. Elegit nos per ipsum (Christum) ante mūdi constitutionem &c. Ita existimemus & sciamus, non alios esse præterquàm eos, qui promissionibus gratiæ reuelatis per salutis Euangelion, de Christo redemptore credunt. Et Paulus quidem clare significat se in hoc seruire Deo patri & Christo Iesu, per promissionum Euangelij annunciationem, ut electi credentes salui fiant. Quapropter magna gratia habenda est Deo, pro hac salutis donatione per Christum, tum eiusdem annuntiatiōe per apostolos & reliquos Euangelij ministros. Et ipsis quoq; doctores gratiæ debentur.

Sed impius mundus miris modis ingratus est Deo & redemptori Christo, atque adeo doctores Euangelij hostilissime persequitur. In quo est manifesta significatio condemnationis eius. Sicut Paulus scribit

Philippen. primo. Aliter itaque solent, quos Deus de hoc impio mundo, ut uitam æternam possideant, sibi delegit. Isti enim amanter amplectuntur Euangelium, & credunt in filium Dei Christum Iesum. Accedit præterea in eis confessio huius gratiæ & gloriæ Dei, cum gratiarum actione pro beneficijs redemptionis, quæ sunt à Christo Iesu. Prorsus enim sciunt se placere Deo, propter Christum, habere peccati remissionem & æternam uitam. Sciunt autem per promissionum Euangelij fidem. Nam error est, si credas te Deo placere propter opera tua, tum mereri per illa peccati remissionem & æternam uitam. Grauior tamen impietas est, si admonitus de errore, blasphemam & impiam opinionem non corrigis, & cor tuum obduras ad gratiæ uerbum. Denique, si quomodocunque aliter queras saluari, quam per solam gratiæ fidem. Quia Deo nemo placet, ut hæres æternæ uitæ, nisi per electionis gratiam, & promissionum gratiæ fidem.

Est porro in hoc textu elegans fidei definitio, quæ solis electis contingit, & non potest non contingere eis. Si enim quæras, quid sit fides, recte respondetur, esse ueritatis huius agnitionem, quæ efficit uere pios homines, & excitat in eis spem æternæ uitæ. Sed illa ueritatis agnitio, est assensus in gratiæ promissionem, ac facit redamari Deum, & glorificari

Fidei definitio.

cari ab his qui assensum promissioni habent, quod est ueræ pietatis in Deum. Et quia nihil diffidunt promittentis gratiæ, non possunt non concipere spem firmam æternæ uitæ. Itaque liberat à peccato fides, uidelicet saluificæ ueritatis cognitio. Ac uere pios efficit ac iustificat credentes, & gignit in eis spem salutis æternæ. Quò per legis iusticias peruenire nemo unquam potuit, neque poterit aliquando. Et de illa noticia saluificæ ueritatis, habes illud Esaie quinquagesimo tertio: In noticia sui iustificabit ipse iustus, seruus meus, multos, quoniam iniquitates eorum ipse portat. Ideo dissipetiam ei plurimos, & fortium diuet det spolia &c.

Proinde hic obserua, esse aliquam ueritatis cuiusdam certæ noticiam, quæ efficiat uere pios, iustos, sanctos & beatos homines coram Deo. Et eam ipsam noticiam non esse, quàm fidei promissionum gratiæ, & seruatoris Iesu Christi, qui est datus omnibus nobis in pignus gratiæ, adeoq; in precium & satisfactiõnem pro peccatis omnium nostrum, & pro æterna morte. Hoc enim uolunt illa prophætæ uerba, In noticia sui iustificabit multos, quoniam iniquitates eorum ipse portat. Videlicet agnus ille Dei, qui tollit peccata mundi. Et solus tollit, quia non est per alium salus. Act. quarto.

Præterea obserua, in pietate Christiana esse

præcipuum quendam & summū cultū Dei, uidelicet hanc amplitudinis immensitatem gratiæ Dei agnoscere & recipere per fidem, & Christum Iesum Dei filium pro æterno seruatore habere. Contrā, summā contumeliā esse Dei & Iesu Christi, contemnere hanc tantam gratiam, bonitatis huius effusæ tam prodigaliter, & misericordiæ Dei, quod faciunt increduli. Primum isti, qui per iusticias operum legis quærent saluari: deinde & hi quoq; qui per grauiorem delictorum cognitionem desperāt de gratia. Cum ipsi Domino Iesu quilibet peccatores hūc fidei honorem debemus, & glorificationē eius, q̄ uenerit in mundum saluos facere peccatores.

Hæc proinde sit gloria Iesu Christi, q̄ uenerit iustificare & saluos facere peccatores. Et illa confessione gloriæ Christi nihil detrahimus legi, nisi effectum iustificationis, ut qui est proprius iustificatoris Iesu Christi in nobis. Qui semetipsum dedit preciū, & uictimā, & satisfactionem pro nostris peccatis. Gal. 1. 1. Timoth. 2. Nec est aliud nomen sub cœlo datum hominibus, in quo oporteat nos saluos fieri. Act. 4. Et Paulus inquit 1. Timoth. 1. Certus sermo est, et dignus qui omnibus modis accipiatur, q̄ Iesus Christus uenit in hunc mundum peccatores saluos facere. Et angelus Domini Matth. 1. Vocabis nomen eius Iesum. Ipse enim saluum faciet populum suum à peccatis eorum.

rum. Et in huius gratiæ noticia cum esset Paulus, & oībus ecclesiis passim inculcaret eā, tādē de ea ipsa ita scriptū reliquit: Non. n. iudicaui me q̄quam scire inter uos, nisi Iesum Christum, & hunc crucifixum. Idē pro hac ipsa noticia uulgata in Ecclesiis frequenter gratias agit, & precatur, ut omnibus plenior & locupletior, atq; adeo confirmatissima contingat. Vi de exempli gratia 1. Cor. 1. Ephe. 1. Col. 1. &c.

Eodem facit illud Christi Ioan. 17. Hæc est uita æterna, ut cognoscāt te solum Deū uerum, & quem misisti Christum Iesum. Quia uita æterna, nisi per fidem gratiæ, eius qui unus est, uerus & æternus Deus, adprehendi aut haberi non potest, nec præstari alijs poterit, quā per fiduciam seruatoris Christi, uidelicet mediatoris gratiæ. Hinc etiam dicitur, q, in eius facie formæ illæ saluificæ cognitionis Dei sunt expressæ. 2. Corinth. 4. Quoniam Deus est, qui dixit de tenebris lucem splendescere, ipse illuxit in cordibus nostris ad illuminationem scientiæ gloriæ Dei, in facie Christi. Huius etiam notiæ comparatione ad iusticias legis, Paulus omnia derogat legi, affirmans quod per solam IESV CHRISTI cognitionem iustificemur & salui efficiamur. Phil. 3. Sed quæ mihi fuerunt lucra, hæc arbitratus sum propter Christum detrimenta. Veruntamen existimo omnia detrimentum esse propter eminentem cognitionem IESV

IN CAP. I. AD TITVM

CHRISTI Domini mei, propter quem omnia pro damnis duxi, habeoq; pro reiectamētis, ut Christum lucrifaciam : utq; reperiar in illo, non habens meam iusticiam ex lege, sed eam quæ est per fidem Christi. Quæ est ex Deo iusticia, per fidem ad cognoscendum illum & uirtutem resurrectionis eius, & societatem passionum illius &c.

Itaque fides non est dubia uel incerta opinio, sed maxime certa & firma noticia. Quamquam rerum capacitate rationis humanæ incomprehensibilem, & demonstrationibus per naturam creatam inexplicabilem, sed tamen reuelatarum à Deo, qui neminem fallit, nec potest fallere. Quare nulla alia rerum noticia certior est aut firmior, quàm illa per fidem promissionum gratiæ, de æterna salute nostra per Christum. Ideo efficacissime consolatur eos qui credunt. Rom. quinto. Et est præsentissimum remedium contra peccatum & æternam mortem. Quia est firmus & certissimus assensus, ut dictum est, hærens atque innitens in ineffabili & certa ueritate. Idcirco qui credunt Euangelio, sciunt quòd habeant placatum Deum perpetuòque clementissimum & indulgentissimum patrem propter Christum, qui nostrum miseretur, ac fauet nobis, adcoque defendit & tuetur nos in quibuslibet calamitatibus & morte, si in illa præstita nobis per Christum gratiæ noticia & fide

Et fide permanemus, tum stabiles ac firmi perduramus.

DE NECESSITATE
bonorum operum.

Sed ut est pars præcipua pietatis, credere Evangelio: ita in sanctificatis à Christo & cōsecratis Deo in hereditatem immortalis gloriæ., accedere debet illa altera species pietatis, quæ lucet in iusticia morum & operum bonorum. Quanquam enim per solam fidem saluemur, tamen illa morum & operum bonorum iusticia quoque necessaria est coram Deo. Debet autem ex fide placati nobis Dei per Christum proficisci, & nemo ambigere aut dubitare debet, quæ placeat Deo propter Christum. Quanquam enim adhuc sit imperfecta, & legi nondum satis faciat, tamen grata est Deo, in illis qui ex fide propiciatoris Christi operantur, quibus propterea Deus ignoscit, si quas imperfectiones & immundicias adhuc habent. Tranquillat itaq; conscientiam perturbatam fides, & securam facit æternæ vitæ per Christum. Sed eadem immutat quoq; animos nostros, & corda nostra ita transformat ac rapit, ut ineffabili quodam studio & amore Dei & legis, cupiamus Deo in mandatis eius obsequi, & proximo servire per dilectionem. Et hoc est quod Paulus inquit Gal, quinto: Nos spiritu

IN CAP. I. AD TITVM

ex fide spem iustitiæ expectare. Item, fide, quæ per charitatem est efficax.

Hæc ergo demum solida & uerax pietas est, puritati fidei coniungere religiosam obseruationē mandatorum legis. Quam etiam Euangelia docent & prædicant, & apostoli & euangelistæ seduli sunt in eius præconijs & laudatione. Scilicet non iactare fidem, quæ est uacua iustitiæ morum & operum bonorum. In hac enim nihil est, nisi inanis & uana ostentatio fidei, uera fides nō est. Nec opera iactare, separata à fide, hoc est, fiduciam operum habere, gratiæ fide exclusa. In quo est perfidiæ hypocritarū arrogantia, transferentium in facta sua gloriam gratiæ Dei. Sed fidem habere, per quam inclusum teneas in corde tuo Christum Iesum iustificatorem & seruatorem tuum, quæ foris quidem proferat multos fructus pietatis & operum bonorum. Nam coram Deo non esse iustos & pios, qui iactant fidem, & turpitudini indulgent, & iniquitati seruiunt, & obseruationem mandatorum Dei contemnunt, res ipsa clamat, & communis omnium sensus, nec aberrans ea in re. Id quod liquet testimonio Pauli in hac tota epistola ad Titū, & in alijs omnibus eius scriptis. Vt taceam testimonia prophetarum, Christi, & reliquorum apostolorum & euangelistarum.

Adde, quod renatis per promissionum euangelij
fidem

fidem, datur spiritus sanctus, Tit. 3. Sed ille nouos, & spirituales motus creat in cordibus iustificatorum, ac totos mutat, ut per nouitatem uitæ Deum stu- deant glorificare. Lege quæ sunt hac de re Hier. 31. Et de fructibus spiritus ad Gal. 5.

Abrogata est quidem lex, per Euangelij promul- gationem, tum, quia inefficax fuit ad iustificandum, tum etiam ne condemnet eos qui in Christum Iesum credunt. Sed illæ causæ non tollunt necessitatem ali- cuius nouæ obedientiæ erga legem. Sed hoc agunt, ne quis iusticiam quærat ex lege, cum hoc frustra fa- ciat: Sed per fidem remissionis peccati, quæ datur propter Christum. Item, ne quis metuat sese accusari per legem, si tamen in Christum iustificatorem crea- dat. Per quem & promissionem remissionis peccati & uitæ æternæ habet, & spiritum cordis & interno- rum motuum renouatorem, quo agente & mouente nos mandata Dei facimus. Eph. 2. Conditii in Chri- sto Iesu ad opera bona, quæ præparauit Deus, ut in eis ambulemus.

Quare ualde miror, quid acciderit Antinomis, nouo & prius inaudito generi pseudoprophetarū, nostro seculo exortorum, quòd audeant hanc partē iusticiæ amputare & tollere à fidei iusticia, tanquā minus necessariam, aut quæ non pertineat ad iustici- am Christianam, secure & impune contemni possit.

IN CAP. I. AD TITVM,

Nam etiam si illa bonorum operum iusticia, neminem saluet à peccato, aut à morte: non ideo tamen tolli debuit, uel separari, à perfectione iusticiæ. Quasi eius nulla necessitas esset coram Deo, nulla dignitas, si præstetur ab eo, qui per iusticiam fidei liberatus est à peccato & à morte.

Necessaria est enim, quia constat à Deo præceptum esse. Adeoque prædicari eam à Christo & Apostolis, & exigi eam, ab his qui fide iustificati sunt, & salui facti. Ostendi autem supra, illam placere Deo, in ijs qui ex fide in Christum operantur. Necesse est enim, ut persona operans prius sit reconciliata Deo, quàm per opera & facta sua placere queat. Habet etiam sua & ingentia præmia apud Deum in coelis, quemadmodum transgressio & contemptus æternas poenas. Lege quæ sunt Matth. 5. 16 25. Rom. 2. 2. Cor. 5. &c. Ut ne dicam, quod 1. Cor. 6. Gal. 5. Eph. 5. &c. clare docetur, quòd nulli qui flagitiose uiuunt, possint regnum Dei hæreditate consequi.

Adde, quòd obedientia boni operis, non modo exercet fidem, uerum etiam egregie munit, & confirmat eam, contra tentationes desperationis. Constat enim fidem durare, ac retineri non posse, in illis qui flagitiose uiuunt. Non potest enim conscientia mali operis, cum qua uiuitur sine poenitentia, & sine correctione sui, simulcum fide remissi peccati

&

et propitij nobis Dei consistere. Rursus, qui ex fide gratiæ bene operantur et honeste uiuunt, hi simul certas significationes habent, propitiæ erga se et misericordis uoluntatis Dei. Hinc ipse quoq; Petrus iubet, ut studio bonorum operum, certam efficere nostri uocationem et electionem apud Deum conemur et laboremus. 2 Pet. 1.

Itaq; ipsa quoq; bona opera in iustificatis et credentibus in Christum Iesum, habent quandam significationem uoluntatis et beneuolentiæ Dei, iuxta illud, Luc. 6. dimittite, et dimittetur uobis. Date, et dabitur uobis, etc. Et hanc maximam commoditatem nemo negligere debet, aut parui aestimare. Nam à quibus negligitur aut contemnitur, illi cogentur haud dubie, tandem, per reuelationem peccati in conscientia, desperare. Notum est horribile exemplum proditoris Iudæ, et similiū. Id metuedum est, ne quis similiter iram et perditionem sibi accersat.

In summa, quisquis dicit, se nosse Deum et mandata eius non custodit, mendax est. 1 Ioan. 2. Et qui facit peccatum, ex Diabolo est: quoniã ab initio Diabolus peccat. Ergo etiam autor est peccati, et transgressionum et contemptus Dei, in reprobis istis, qui mandata Dei irrident. Contrà, In hoc adparuit filius Dei, ut dissoluat opera Diaboli. 1 Ioan. 3.

IN CAP. I. AD TITVM,

Igitur efficax est in illis quos saluat, ut uidelicet dissoluat illa opera peccati, quorum autor est, et causa impulsiva Diabolus: deinde, ut operetur in eis nouam uitam, quam Deo & uocatione sua dignam uiuant. Lege Col. 3. Rom. 6. 12. &c.

Hec habui, quæ dicere libuit hoc loco, de iusticia bonorum operum, hinc sumpta occasione, quod incidit in expositionem loci communis, de pietate, cuius constat esse duas partes, fidem in Deum, seu fidem promissionum Euangelij, & externam bonorum operum iusticiam. Et Paulus quidem hoc loco meminit tantum alterius partis eius, nempe, fidei, quæ est noticia ueritatis, & pietas in Deum. Alteram tacet, uidelicet, iusticiam morum & operum bonorum, quæ est superioris partis effectus quidam. Sed quoniam suscepi officium interpretis scripturarum, meum fuit de tota pietate dicere, præsertim hoc tempore, quo alij à doctrina pietatis separant fidem, eamque in totum negligunt. Et alij rursus abstrahunt ab ea opera bona, & miris modis lacerant scripturas & doctrinam ueritatis. Sed quomodo illæ partes coniungi debeant, in prædicatione Christianæ iusticiæ, iam supra dixi.

Reuerenter de utraque sentiendum & iudicandum est, sicut docemur exemplis omnium prophetarum, Christi & Apostolorum. Satis est enim, si adimas ac detrahas

detrahas iusticiæ operum nostrorum, laudem meriti remissionis peccati & æternæ uitæ: Quia hæc est solius misericordiæ & iustificatoris Christi, & per fidem accipitur. Quare impium est & blasphemum, illam in nostras carnales iusticias transferre, & derogare, hoc pacto, gratiæ Dei, & beneficijs redemptoris Iesu Christi. Ut ne dicam, eas iusticias nostrorum operum causam facere æternæ salutis, quæ sunt infinitis modis imperfectæ, immundæ & pollutæ coram Deo.

Sed rursus hoc quoq; impium est & blasphemum, iusticiam bonorum operum in totum damnare, quasi sine periculo sint, ac liberi à quouis malo, qui eam omittunt, & quâcunq; occasionem bene operandi contemnunt. Cum utrumq; frustra nequeat esse, & quòd malis operibus comminatur Deus ultionem atq; uindictam suæ iræ, maxime uero æternam condemnationem, his qui non conuertuntur. Et contra, quòd à Renatis exigat aliquam uitæ nouitatem, bonos mores & bona opera, atq; adeo multa & magna præmia polliceatur, his qui dicto obediunt, & bene operantur. Quæ redditurus est bonis æterna in cœlis, alijs iudicium & condemnationem.

Hactenus ea pars epigraphæ exposita est, in qua Paulus officium apostolatus sui graphice describit, quanquã parce et tenuiter de illo locutus, sed uerbis

IN CAP. I. AD TITVM,

tamen amplissimis & sententijs profundissimis usus est. Tribuit sibi officium, in quo doceat fidem, ut inquit, electorum Dei, hoc est, officium prædicandi gratiæ promissiones, quæ sunt materia & præbent exercitium fidei electorum, & per cognitionem ueritatis gratiæ Dei, efficiunt creditæ uere pios homines, & beatos spæ æternæ uitæ. Atq; adeo, quibus solis fides electorum hæret ac nititur, tanquã causæ remissionis peccati, iusticiæ & æternæ uitæ. Nam, ut in summa dicam, Deus per reuelationem promissionis gratiæ suæ, iustificat non solum Electos credentes, uerum etiam facit illis spem æternæ uitæ, qua nihil certius aut firmitus, ut infra dicetur, esse potest. Sic autem Paulus clare discernit inter Euangelij ministerium & legis prædicationem, & Episcopos, seu pastores Ecclesiæ, facit non legis sed Euangelij doctores. Nam etiam lex beneficio Christi per Euangelium abrogata est, & Christo succedunt in officio docendi Episcopi, nõ Moisi. Quibus & dicitur Mar. ult. Prædicate Euangelium uniuersæ creaturæ, qui crediderit, &c. Item, Ioan. 20. Quorum remisistis peccata, remittuntur eis.

De legis abrogatione.

Sed illa de abrogatione legis, non oportet ita intelligere, ut solent Antinomi, nouum genus furiosorum, quasi nullus legis usus sit, uel esse possit in Ecclesia. Nam etiam si uerum est, quod per legem nemo iustificatur

iustificatur coram Deo, sicut testimonijs Pauli liqui-
dissime patet. Gal. 2. Rom. 3. &c. Tamen est legum
diuinarum multiplex alius usus, et magna necessitas,
cur earum prædicatio in ecclesijs retineatur, ut de
illa infra propitio Christo scribam. Loquer autē de
illa parte legis, quæ uocatur morum seu operum bono-
rum doctrina, & in Decalogi mandatis summam
continetur. A prophetis autem, Christo & Aposto-
lis uarie multis in locis tractatur & exponitur: quia
pertinet ad poenitentiae prædicationem. Hæc uero est
summe necessaria, siue de interna illa, quam uocant
contritionem, & fidem præit, loquaris, siue de exter-
na huius nouitatis, quam præstamus per obedientiam
morum, & operum bonorum, fide iustificati & sal-
ui facti. Non ut iustificemur, &c.

Non ergo imaginanda est politica, seu ciuilis abro-
gatio legis, ubi agitur de præceptis Decalogi abro-
gatis per Euangelium: sed spiritualis, qua conscientie
peccato onerate, terrore & cōminationibus legis
exonerantur, & peccatores per consolationes Euan-
gelij seruātur à desperatione. Vt quibus remissio peccati
gratuita, iusticia & salus, in Christo Iesu offertur et
donatur. Res est. n. cōscientiarū Christiana libertas:
quantū præsertim attinet Decalogi mādata. Ac debēt
hoīes huius prudēter admoneri, in illius, libertatis in-
quā prædicatione, ne uidelicet quærāt iustificationē

IN CAP. I. AD TITVM,

ex lege. Ad iustificationem enim lex est inefficax & ociosa doctrina, & eo usq; abrogata, ne quis iusticiã ex illa quærat. Tum etiam, ne quis desperet, quanq̃ peccator, & legis exactioni nullo modo satisfaciens. In summa, ut nihil prorsus cum lege habeamus, in caussa illa conscientie, qua agitur de iustificatione, uita & salute coram Deo. Est enim præsumptio, & caussam habet ignorantia sui & gratie, quærerere iusticiam ex lege: & desperare propter gravitatem peccati, est Euangelij promissiones & Christum iustificatorem negare.

Proinde lex, neq; exigere iustificationem quam præstemus ipsi per opera et facta nostra, potest, neq; terrere aut cruciare peccatores, quos Christus promissionibus gratie consolatur. Alioqui enim seruiret homini ad peccandũ, et ad grauissimas blasphemias contra Deum, duplici ratione & modo. Priore, quo ad superbam & arrogantem præsumptionem, & posteriore, quo ad horribiles & graues blasphemias desperationis. Vtrumq; enim uicium horum, Deus maxime odit, quia filium suum unigenitum misit, saluos facere peccatores. Ex quo sanè liquet, quòd aliunde querenda est iusticia & salus, quam ex lege, nempe, ex Euangelio, per promissionem gratie & iustificatoris Christi fidem. Si qui enim ex lege quærant iustificari, nunquam fient nisi præsumptuosi & arrogantes

arrogantes hypocritæ, aut certe ex uera noticia peccati deiicient sese in horribilem desperationem.

Sed præterea sciendum est, beneficium abrogatæ legis, non pertinere, nisi ad eos, qui promissionibus gratiæ Euangelij, de iustificatore & seruatore, Christo Iesu, credunt. Ideo ex actionibus legis nihil debere, solos eos, qui in Deum per redemptorē Christum Iesum credunt. Quanquā sint debitores glorificandi Dei, frenandæ carnis, & seruiendi proximo, propter Christum. Sed ex actionibus legis nihil debere, est liberatum esse à legis maledictione: Christo autē debere, est hominem, in gratia constitutum, debitorem esse seruiendi gloriæ Dei & ornandæ gratiæ doctrinæ. 1 Cor. 6. Non estis uestri iuris. Nam empti estis precio. Glorificate iam Deū, in corpore uestro, & in spiritu uestro, quæ sunt Dei. In corpore, ut carnis lasciuias comprimatis: in spiritu, ut Deum timeatis, & fugiatis quælibet peccata & transgressionem legis: Atque adeo, ut cum metu & tremore uestram ipsorum salutem operemini. Vt dicitur Phi. 2. Et rursum Phil. 1. Tantum digne Euangelio Christi conuersemi.

Docenda est autem hæc libertas apud Christianos, ut suus gratiæ honor, Christo redemptori debita gloria, & Ecclesiæ gratiæ salus, retineatur. Sicut igitur exactio iustificationis quæ fit lege, sublata est

D



IN CAP. I. AD TITVM,

& inducta, his qui Euangelio credunt: Ita ius condē-
 nandi peccatores legi ademptum est, in illis qui per
 fidem sunt incorporati Christo Iesu: Nam remissio-
 nem peccati accipiunt, propter Christum, quicumq;
 per Euangelium credunt in eum, eoq; & à legis ira
 liberātur. Gal. 3. Christus nos redemit de maledicto
 legis, factus pro nobis maledictum. Non tamen con-
 cessæ est licentia, uel impunitas peccandi. Nam &
 ad pœnitentiam uocamur, nouitate totius uitæ no-
 stræ præstandam: tum coniungendam cum gratiæ
 fide, ut quæ aliter, neq; placere Deo, neq; hilariter
 & serio præstari, potest. Luc. ult. oportebat Chri-
 stum pati, & c. Rom. 8. Nihil nunc damnationis est
 his qui sunt in Christo Iesu, qui non secundū carnem
 ambulant. Et ibidem dicitur, si secundum carnē uixe-
 ritis, moriemini, si autem spiritu facta carnis morti-
 ficaueritis, uiuetis. Ideo perpetuis execrationibus
 legis obnoxij manent, quicumq; sine fide promissionū
 Euāgelij, et sine pœnitentia agunt: nec est cur faciāt
 sibi ullā spē libertatis, aut promittāt gratiæ salutem.

Hæc fortassis nimium prolixè prosequor, & usq;
 ad tædium eruditi lectoris. Sed tamē propter multas
 graues causas, necessaria existimo quæ diligenter
 exponantur. Neq; enim eruditis & intelligentibus
 hæc mysteria scribimus, non enim indigent nostro la-
 bore. Sed harū rerum imperitiis seruimus, &
 qui



qui Euangelicæ ueritatis adhuc ignari sunt. Quorū
esse multos, etiam ex illis, quibus cura pastoralis in
Ecclesia, & administratio Euangelij cōmissa est, ne-
mo ignorat. Deinde & propter aduersarios scribi-
mus, qui uel obscurant beneficia gratiæ, per operum
doctrinas, imprudenter & pharisaice traditas, uel
pœnitentiæ doctrinam, per imprudentē gratiæ præ-
dicationem, auferunt ex Ecclesia. Nā utrisq; necesse
est os obturare, quia & ueritatem gratiæ, & gloriā
uerbi legis oportet uindicare, & resistere his, à qui-
bus, aut Euangelium, aut leges, blasphemantur. Oīo
autem insania est & furor, male de legibus sentire, et
male de iusticia operum loqui. Et tales, qui hoc fa-
ciunt, necesse est nihil quicquam in gratiæ doctrina
intelligere.

Reliqua est illa altera pars epigraphæ, in qua
Paulus agit, de diuinis promissionibus, quo ad certē
tudinem & firmitatem illarum: Item, quo ad duratio-
nem, secundum antiquitatē, quæ est temporis nota,
quādo primum sint exortæ, seu promulgatæ. Deniq;
quando sint per Euangelij prædicationem uulgatæ
in toto terrarum orbe, & administratio illarum Apo-
stolis commissæ. Sic ergo scribit Paulus.

QVAM PROMISIT, QVI MENTI
RI NESCIT, DEVS ANTE TEMPO-
RA AETERNA,

IN CAP. I. AD TITVM,

De certitudi-
ne gratiæ &
salutis, eorū
qui in gratiæ
promissionē
credunt,

PROinde hic primus locus admonet nos de cer-
titudine et firmitate diuinarum promissionum, atq;
adeo, de certitudine salutis, eorum qui in gratiæ
promissionem credunt, prorsus omnium. Ideo
magnas consolationes adfert, in omni certamine con-
scientiæ, & uetat, ne in tentationibus peccati, infero-
rum, mortis, iræ & iudiciorum Dei contra peccato-
res, desperemus. Nam quia Deus promittit, se uelle
saluare peccatores, si promittētī sibi credant, haud
dubie saluat credentes, quanticunq; aut qualescunq;
sint peccatores. Neq; uult neq; potest aliquando mu-
tare sententiā. Quia, ut dicit scriptura, Deus non est
homo, ut mentiatur, nec filius hominis ut mutetur:
Num. 23. Quapropter, ut bonus est et misericors, ita
fidelis ac uerax, adeoq; seruans promissi, & perma-
net talis, mentiri uel mutari nesciens.

Hæc igitur recte intellecta faciunt nos maxime
securos nostræ salutis, coram Deo, ut quā amittere,
eo loco certitudinis positam, nunquā possumus ullius
creaturæ iniuria. Non mundi, aut peccati, uel Diabo-
li et inferorum, nō deniq; ullius alterius mali, si quod
nominari posset. Nam ex manibus Dei, in quibus po-
sita est, extorqueri non potest, qui uult quidem sal-
uos facere, quotquot promissioni gratiæ suæ credūt.
Si ergo in fide gratiæ permanserimus, nihil est quod
nos salute nostra fraudare possit. Nec uult Deus nos
aliter

aliter certos esse, aut noticiã uoluntatis gratiæ suæ aliter habere, quã per promissionis fidẽ. Nec prodesset aliter scire, quia hæc gratiæ uoluntas, reuelata in promissionis uerbo, retinet credentes in dilectione et fide, adeoq; in timore Dei, utq; continuo studẽat proficere, & Deum in omni uita sua glorificare.

Huc facit ergo, in testimonium certitudinis & firmitatis huius, de qua loquor, primũ illud Pauli, Ro. s. Si Deus pro nobis, quis contra nos? Qui etiã proprio filio suo non pepercit, sed pro nobis omnibus tradidit illum, quomodo nõ etiam cum illo omnia nobis donet? Quis accusabit aduersus electos Dei? Deus est, qui iustificat. Quis ille, qui condemnet? Christus est, qui mortuus est. Imò qui & resurrexit, qui est ad dexteram Dei. Is etiam interpellat pro nobis. Quis ergo nos separabit à charitate Dei? Tribulatio, an angustia, an fames, an nuditas, an periculum, an persecutio, an gladius? Sicut scriptum est, Quia propter te mortificamur tota die, æstimati sumus sicut oves occisionis, sed in his omnibus superamus, per eum qui dilexit nos. Certus sum enim, quòd neq; mors, neq; uita, neq; angeli, neq; principatus, neque uirtutes, neq; instantia, neq; futura, neq; alitudo, neq; profundum, neq; ulla creatura alia, poterit nos separare à dilectione Dei, quæ est in Christo Iesu Domino nostro.

IN CAP. I. AD TITVM,

Hæc itaq; maxima gloria est Christianorum, & summa fœlicitas, nempe, salutem ipsorum ita certo loco esse, ut amitti non possit, modo fidem retineant. Atq; ut impium sit, & longe grauißimum peccatum dubitare & ambigere, de certitudine saluis. Hoc enim esset dubitare, de reuelata uoluntate Dei, deq; certitudine, firmitate & ueritate promissionum gratiæ eius, & mendacij illū arguere. Qua grauiore iniuria et blasphemia nemo posset Deum afficere. Rursum, ut grauißima impietas est, dubitatio & diffidentia, ita summus cultus Dei est, & honor quē requirit à nobis, fides qua acquiescimus in promissiōibus gratiæ eius, & nihil diffidimus, quin filij & hæredes Dei simus, per Christum Iesum.

Huc similiter facit, illud B. Pauli, de eadem illa securitate & certitudine salutis, Rom. 5. Iustificati ex fide, pacē habemus erga Deum, per Dominū nostrū Iesum Christum. Per quem & accessum habemus, per fidem, in gratiam istam, in qua stamus, & gloria mur in spe gloriæ filiorum Dei. Tam igitur certum est eos qui credunt in promissionem Euangelij, seruari à peccato & æterna morte, quā est certum ac firmum, Deum mentiri neq; uelle neq; posse. Homines fallunt, alium alius: & spe facta inuicem fraudant, & frequēter mentiuntur. At Deus, ut neminē fallit, ita nec mentitur, ideo promissa spe salutis ne-

minem

minē fraudat. Nam etiam ad hoc promittit, quæ est bonitas & gratia eius, ut eos qui credunt per promissionem gratiæ saluet. Quare non possunt non saluari, qui promissiones Euangelij gratiæ eius fide apprehendunt: ideo & certum est eis, quod sunt in gratia, quod sunt filij Dei, & immortalis gloriæ hæredes, quatenus in fide manent.

Voluit autem Deus, omnis consolationis & misericordiæ clementissimus pater, omnia salutis nostræ, ex se pendere potius, quàm ex nobis. Ne si ex nobis penderent uidelicet, (hoc est, ex iusticijs legis, à nobis præstitis, potius quàm ex sua promittentis bonitate, misericordia, & clementia,) in manibus nostris posita, dubia efficerentur & incerta. Vt etiam iram & indignationem excitarent in homine, contra occulta iudicia Dei: & meras blasphemias: Ideo certa ac firma nobis esse debuerunt, illa quæ dixi nostræ æternæ salutis: certa autem & firma, in Deo, misericorde, bono, clemente, uero ac fideli. Imò ipsa met bonitate, gratia, misericordia, ueritate & fidelitate, his qui in eum per gratiæ promissiones credunt. Et huc respiciens Paulus, ad Roma. quarto inquit: Idcirco ex fide datur hæreditas, ut secundum gratiam firma sit promissio, uniuerso semini, &c. Loquitur enim de fide, quæ certitudini ac firmitati promissionum innititur, eoque certa

est & secura donatæ omnibus salutis per Christum.
 Quomodo certus homo, per opera legis, nunq̃ fieri
 potuisset. Imò quia legi nemo potest satisfācere, ideo
 nec potuisset quisquā, ex sola lege, nisi desperationē
 salutis reportare. Transfert igitur hæc sentētia, sum-
 mam salutis nostræ, in promittentis Dei gratiam &
 bonitatem, & meritis nostris eandem adimit, ut qui
 gloriatur, in Domino gloriatur, hoc est, in Domini mi-
 sericordia & bonitate. Sitq; certus & gratiæ ergo se
 Dei, & suæ æternæ salutis. Quanquā tales oportet
 at de meritis et dignitate operum suorum desperare.

Itaq; refelli uides hac sententia, quicquid à supe-
 rioris seculi Papistis, Scholasticis Theologis, et Mo-
 nachis, de meritis & dignitate operum nostrorum,
 est proditum. Non enim saluat ullos Deus, præterq̃
 per promissionum gratiæ suæ fidem, prorsus gratis,
 et sine operibus, aut meritis, quæ finguntur, nostris.
 Imprūnis etiam refelli uidemus, hæc blasphema
 commenta, quibus iubent hominem, de gratiæ er-
 ga se Dei & salutis certitudine dubitare. Ut ne
 dicam, quòd hæc dubitatio, est summum peccatum,
 & summa blasphemia, ut etiam supra exposui.
 Cæcitas supra cæcitatem, & profundior quàm ulla
 alia existere possit. Nempe, audire ueritatem pro-
 missorum, & illam necessario agnoscere. Et tamen
 dubitare, num ueræ sint & firmæ credentibus. Quæ
 enim

enim insania, furor & dementia potest cum hac comparari. Quanquam papistæ non quærunt accedere Deo, & in gratia Dei esse, fiducia promissionum gratiæ eius, sed fiducia operum legis à se præstitis & factis. Hinc etiam necesse est, ut perpetuo dubitent, atq; diffidant Deo, donec tandem in barathrum desperationis conijciantur.

Tractat autem hoc idem argumentum pro confirmandis nobis, de certitudine & firmitate erga nos Dei, & salutis nostræ repositæ in Christo Iesu servatore nostro, quatenus Euāgelio credimus, autor epistolæ ad Heb. capite 6. Inter cætera enim inquit eo loco, Plenius uolens Deus ostendere hæredibus promissionis immobilitatem cōsiliij, interposuit iusiurandum, ut per duas res immutabiles (per quas impossibile est mentiri Deum) firmum solatium habeamus. Qui confugimus ad tenendā propositam spem, quam sicut anchoram animæ tutam ac firmā habemus &c. Nec alio fine existimandus est iurasse Deus, his qui per poenitentiam & conuersionem sui reuertuntur, seseq; ex fide gratiæ & reconciliationis emendant, quàm ut certum sit ac firmum ipsis, se denuo recipi à Deo in gratiam, & adprobari hanc eorum conuersionem à Deo, & quatenus hanc gratiæ fidem retinēt immobiliter, & in proposito melioris uitæ durant, & pergunt ac proficiūt in illo, tum saluari eos à pec

IN CAP. I. AD TITVM,

cato & aeterna morte. Ezech. 33. Viuo ego, dicit Dominus Deus, nolo mortem impij, sed ut conuertatur impius à uia sua, & uiuat.

Huc denique facit illud Pauli 2. Corinth. 1. Quot enim sunt promissiones Dei, per ipsum sunt etiam, et per ipsum Amen, id est, quoniam Deus promittit, qui est ipsa ueritas, & alienus ab omni mendacio, efficaciter saluat quotquot promittenti credunt. Sunt enim Amen, id est, uere firmæ & efficaces Dei promissiones per ipsum qui est ipsa ueritas & solidum fundamentum aeternæ salutis, omnibus qui credunt in eum. Valeant ergo, & longe sint à nobis, ac ualeant suo more, nihil enim habent cum Deo & gratia eius, qui saluationem gloriæ regni Dei aliunde petendam esse, quàm ex promissionum gratiæ diuinæ ueritate & fidelitate existimant ac docent. Nec minus recedant à nobis, qui de certitudine salutis & gratiæ iubent dubitare. Nam his utrisq; commentis quorundam qui docent salutem ex legibus petere, & tamen de gratia dubitare iubent, conatur Diabolus ipse fiduciam promissionum gratiæ nobis excutere, & nos priuare foelicitate aeterna.

Vetat igitur promissio, ne dubitemus de gratia, & requirit, ut certissimo confidamus, Deum nobis præstare uelle salutem. Adeoq; saluare nos, quatenus in promissionem gratiæ eius credimus. Idē de lapsis
qui

qui poenitentiam agunt, pronunciamus, esse uidelicet certissimum, quod sunt in gratia aeternae saluationis. Quia Deus hanc fiduciam gratiae suae requirit ab eis, ut supra docui testimonio, Ezechielis prophetae. Iamq; & illis adest Deus, quāquam lapsis enormiter, ac prohibet ne desperent, sed emendati & correcti, confidant de gratia & bonitate Dei, ac sciāt se quoq; saluos fore. Quanquam. n. labi & peccare indignum sit homini Christiano, & res per se mala, ac displiceat Deo, tamen lapsos resurgere, & fiducia gratiae recedere à peccato, seseq; emendare semper bonum est, ac placet Deo, sed labi, errare, concidere, in peccato manere, & desperare de gratia, uilia sunt, quae ita displicent Deo, ut puniat illa aeterna morte.

Ante tempora aeterna dictum opinor ab Aposto-
lo pro tēporibus illis, quae fuerunt priusquam secula
res cursus, quales nūc cernimus, Vuelilich lauff und
uuesen, plene orirētur. Nam & prima gratiae promissio,
quae fuit uerum Euangelium, & hoc ipsum cum
nostro illo, quod praedicamus, de gratia & benefi-
centia erga nos Christi filij Dei, facta est primis pa-
rentibus nostris, ipsi Adam inquam, & Heue uxori
eius, adhuc in paradiso existentibus, quanquam mo-
ra breuis esset, à qua propter peccatum & transgres-
sionem atq; contemptū diuini mandati eiiciebantur
& exturbabantur è paradiso. Non tamē sine consola-

Vetustas pro-
missionū gra-
tiae, seu Euan-
gelij de Chri-
sto.

IN CAP. I. AD TITVM

tionē Euangelij, per quod dictum est ad eos de Christo seruatore contra diabolū, Ipsum semen conteret caput tuum, id est, conteret uim potentiae tuae, & credentes liberabit à tyrannide tua. Destruens denuo regnum peccati & mortis, tum regnum iusticiae & aeternae uitae confirmans.

Sublimius est, si intelligamus Apostolum loqui de electione saluandorum, quos Deus ab aeterno habuit in numero, siue inclusos certo numero in aeterna mente. Vt promissionem gratiae, quae extiterit ante tempora secularia dici accipiamus, id quod semel constituerat Deus, & proposuerat in semetipso per redemptorem Christum seruare credentes, & illam gratiae beneficentiā resedisse ab aeterno, in Dei mēte. Paulus de hac scribens, uocat *ὑποθέσιν* uel *ὑποπόριον*, hoc est, propositum ac praefinitionem Dei: & copiosius de illa scribit Rom. 8. & Ephe. 1. & c. Sed prior sententia, ut est simplicior, ita magis quadrare uidetur huic loco quem enarramus. Meminit. n. promissionum Paulus, non electionis gratiae, quam ante hunc locum paucis attigerat. Quanquam & illa altera sententia, quam recitauimus, est uera, & testimonia alia scripturae plurima habet. Et Theophylactus quidem de illa sublimitate textum Pauli exponit. Fruatur quisque suo iudicio. Res non habet periculum utrouis modo accipias ab Apostolo dictum esse.

Proinde

Proinde hæc testantur, promissionem æternæ uitæ per Christum Iesum semper fuisse in mundo, aut certe uix condito orbe & creato primo homine uulgatam, seu prædicatam esse in mūdo. Longe uero prius eius manifestandæ propositum à Deo conceptum esse, & in Deo fuisse, nimirum ab æterno. Deniq; Euangelij initia & promulgationem longe uetustiore esse promulgationi Mosaicæ legis. Ex quo sequitur, Euangelium esse doctrinam salutis, id est, remissionis peccati, iusticiæ & æternæ uitæ. Illo enim consolatus est Deus peccatores, ac proposuit eis spem reconciliationis & uitæ æternæ. Perniciosè errare eos, qui legi tribuunt, quòd suos factores iustificet ac liberet à morte. Neminem enim consolatur Deus per leges, sed peccata hominum accusat solum, & redarguit ac damnat. Et tamen hoc turpissimo & blasphemò errore, quo tribuitur legibus uis iustificandi & saluandi peccatores, hoc tēpore nihil uulgatius est in papatu. In isto enim perditionis & abominationis regno, una opera omnes Christi & Euangelij gloriā opprimunt, & quantum in ipsis est, Ecclesiam spoliant foelicitate & beatitudine æternæ uitæ.

Videant ergo quid agant, & cui sint rationem reddaturi suorum sceleratorum conatuum & cōsiliorum isti impostores. Deinde respondeant, si uideri uolunt boni uiri esse, cur nos de nouatis ecclesiasticis dogma

IN CAP. I. AD TITVM

tibus traducant, quæ nemo audacius corrumpit, aut foedius dehonestauit, quàm papistæ. Non modo, quòd doctrinam de promissione æternæ uitæ, quæ semper fuit in mundo, propè aboleuerunt, ac funditus sustulerunt ex Ecclesia. Idq; opinione erroris & impietatis concepta de lege, hoc est, de meritis & dignitate carnalium iusticiarum nostrarum, tum prædicatione & doctrina, exëplo & factis apud omnes ferè Christiani orbis homines confirmata. Verum etiam quòd pharisaicis doctrinis traditionum hominum tribuerunt meritum iusticiæ & æternæ uitæ, id quod longe impudentissimum est & audacissimū. Et tamē iubēt, ut his mendacibus doctrinis atq; imposturis parem honorem cum uerbo Dei habeamus. Penitūsque implent quod Paulus uaticinatus est 2. Thess. 2. de homine peccati, filio perditionis, Antichristo, qui aduersatur et extollitur supra omne quod dicitur Deus, aut quod colitur, (numen) Ita ut in templo Dei sedeat, ostendens se tanquam sit Deus.

Hæc contra eos qui Euangelij doctrinam, seu promissionem remissionis peccati, iusticiæ & æternæ uitæ calumniātur & blasphemant, nouum dogma esse, cum Euangelij promissione, q, uidelicet iustificet ac saluet Deus peccati remissione per Christū solos qui promissioni credunt, & quidem ita credunt, q, per nullam rē aliam salui fiant à peccato & morte, quàm
per

per solā fidem in Christum, nihil sit uetustius. Nam
huc etiā facit illud Heb. 13. Iesus Christus heri & ho-
die, idem est & in secula. Apoc. 13. Agni, qui occisus
est ab origine mundi. Tales enim sentētiæ testantur,
semper unam & eandem salutis uiam fuisse in mūdo,
& cognitā ac creditā ab omnibus electis. Et illis
quoq; sanctis patribus, qui claruerūt ante Christum
exhibitum in carne, iuxta illud Ioan. 8. Abraham pa-
ter uester exultauit, ut uideret diem meum. & uidit,
& gāuisus est. Itē 1. Cor. 10. Bibebant de spiritali,
q̄ illos comitabatur, petra. Petra uero fuit Christus.

Cæterum, noua & perniciosa dogmata in Ecclesia, Noua dogmata.
sunt imposturæ & hæreses papistarū, quibus nos in-
bent fiduciam facere carnaliū iusticiarū nostrarum.
Qualescunq; sint illæ, nihil refert, seu à Deo, seu ab
hōibus præceptæ. Fiducia. n. sui impia est, & ea præ-
sertim, qua hoīes querūt per opa sua iustificari, blas-
phemia est in gratiā Dei, & in seruatorē Christum le-
sum. Quapropter dogmatibus illis de meritis operū
& dignitate iusticiarū nostrarū extinguūt in nobis
fiduciā gratiæ et beneficiorū iustificatoris & redē-
ptoris Iesu Christi, cū doctrinā gratiæ & uiā salutis
semp oporteat retinere eādē, uulgatā à cōdito orbe,
ut q̄ hāc quādocūq; nouarint, semp pestilētissimæ pe-
stes extiterint in Ecclesia, iuxta illud Christi Ioā. 10.
Ego sum ostiū ouīū, oēs quotquot ante me uenerūt,

IN CAP. I. AD TITVM

fures sunt & latrones, sed non audierunt eos oues:

In summa una salutis uia est, beatorū patrum ante incarnatum Christum, & nostra post exhibitum in carne Christum, immortalitate ac regno in cœlis glorificatū. Via autem, ipsemet Iesus Christus Dei filius redemptor & saluator noster, qui semetipsum dedit uictimam & satisfactionem pro nostris peccatis, et pro æterna morte. Et eadem reuelata fuit & cognita atq; confessa omnibus electis, sanctis patribus iudeorum, tū nobis, q̄ in Ecclesia recte glorificamus Deū. Ioan. 10. Ego sum ostiū, si quis p̄ me introierit, saluabitur. Et cap. 14. Ego sum uia, ueritas & uita. Nemo uenit ad patrē, nisi p̄ me. Act. 4. Hic est lapis, q̄ reprobatus est à uobis ædificātibz, qui factus est in caput anguli, & nō est per aliquem aliū salus. Nec. n. aliud nomē datū est sub cœlo hoībz, p̄ qđ oporteat nos saluos fieri. Et cap. 10. Huic omnes prophete testimonium perhibent, q̄ remissionem peccatorum accipiant per nomen eius, omnes qui credunt in eum. Via autem impostorum, quæ abducūt ignaros in perditionem, sunt doctrine Sophistarum, de merito operum & iusticiarum rationis. Lege 2. Pet. 2.

MANIFESTAVIT AVTEM TEMPO-
RIBVS SVIS, VERBVM SVVM, PER
PRAEDICATIONEM.

Hoc est, palam prædicari fecit promissionem gra-
tiæ,

tie toto terrarum orbe, & beneficiā misericordiæ
sue peccatoribus insinuauit, nēpe Deus, & manifesta
uit quidem per uerbum Euāgelij, de incarnato, passo
& glorificato Christo, cuius p̄ prædicationē sunt mini
stri apostoli. Mar. ult. Prædicate Euāgelijū uniuersæ
creaturæ. Qui crediderit & baptizatus fuerit, sal
uus erit: qui uero non crediderit, condemnabitur.

Proinde illud manifestauit, significat eam gratiæ
seu promissionis æternæ uitæ reuelationem, quæ facta
est per exhibitionem iesu Christi, qui est testimonium
ac pignus in nos gratiæ Dei, & ipsum adeo precium
pro peccato & morte. Olim aut̄ promissa fuit diuini
tus electis Dei hæc eadem gratia, nūc aut̄ iuxta man
data Christi prædicata in toto orbe. Vt ergo prius de
promissione illa, per quam sola uerbi prædicatione
Euāgelij gloria reuelata est, locutus est, ita hic respi
cit ad ea Paulus, q̄ innotuerunt mūdo p̄ incarnationē
filij Dei, & traditionē eius p̄ peccatis nostris in mor
tem. Et loquitur de Euāgelij annūciatione, q̄ facta est
p̄ apostolos multo clarius & illustrius quā antea,
priusquam uidelicet Christus in carne uenisset.

Hæc proinde est temporis circumstantia illa, qua
docetur, q̄ certo ac præfinito à patre Deo tempore,
uenerit in mundum Christus seruator, & prædicatio
nem Euangelij exorsus sit, tū alijs prædicandā cōmi
serit, uidelicet apostolis, à se ad officium prædicandi

IN CAP. I. AD TITVM

delectis. Et de hoc ipso tempore ita scribit Paulus ad Gal. 4. Vbi uenit plenitudo temporis, misit Deus filium suum. Item Rom. 16. Iuxta reuelationem mysterij æternis temporibus taciti. Eph. 1. Vt notum faceret nobis mysterium uoluntatis suæ, secundum beneplacitum suum, quod proposuit in seipso, ut dispensaretur in plenitudine temporum.

Sed omnium pulcherrime de hac temporis nota scribit idem apostolus 2. Timot. 1. Saluos fecit nos, & uocauit uocatione sancta, non secundum opera nostra, sed secundum propositum suum & gratiam, quæ data est quidem nobis per Christum Iesum ante tempora æterna, sed palam facta est nunc per adparitionem seruatoris nostri Iesu Christi. Qui mortem quidem aboleuit, uitam autem in lucem produxit, & immortalitatem per Euangelium.

QVAE CREDITA EST MIHI SECUNDUM MANDATVM SALVATORIS NOSTRI DEI.

Hic uocationem suam allegat Paulus, & testatur se diuinitus missum esse ad Euāgelij annunciationē. Significat autem Deū esse Christum, à quo immediate missus est, & qui est saluator noster. Habuit igitur uocationem suam à Deo patre per Iesum Christum, sicut etiam scribit Gal. 1. Et mandata accepit de annunciendo Euangelio in omnes, Cuius præterea ex-

tat elegans testimonium ac scriptum Col. 1. quod libet hic recensere. Meminit itaque Euangelij, & postea subiicit,

Cuius factus sum ego Paulus minister secundum dispensationem Dei, quæ data est mihi ad uos, ut impleam uerbum Dei, mysterium quod absconditum fuit à seculis & ætatibus, nunc autem manifestatum est sanctis eius, quibus uoluit Deus notas facere diuitias gloriæ mysterij huius in Gentibus, quod est Christus inter uos, spes gloriæ quæ nos annunciamus, corripiētes oēm hominem, et docētes omnem hominē, in omni sapientia. Ut exhibeamus omnem hominem perfectum in Christo Iesu. Ad quod laboro certando secundum efficaciam eius, qui operatur in me potenter.

Paulo itaq; quemadmodum et reliquis apostolis, credendum est in prædicatione Euangelij, ut uoci sonanti è coelo Dei, utq; ipsius met Christi uerbis ac dictis. Nam ad eorum numerum pertinet, de quibus dictum est: Qui uos audit, me audit: et qui uos spernit, me spernit: qui autem me spernit, spernit eum qui me misit, Luc. 10. 11. Qui uos recipit, me recipit: & qui me recipit, recipit eū qui me misit. Mat. 10. Nā Paulum immediate uocauit Christus, ut paulo ante dictum est, Act. 9. Cui præterea Euangelij noticia contigit, non ab hominibus, sed per reuelationem à Christo Iesu, ut ipse de se scribit Gal. primo.

De auctoritate uerbi apostolorum.

IN CAP. I. AD TITVM

Alij non sunt audiendi uel recipiendi, saltem noīe doctorum ecclesiæ, nisi idem uerbum Euangelij, quod ab apostolis, & illi à Christo acceperunt, Christus à Deo, ut est iōan. 7. nos doceant. Quod etiam confirmationē accepit diuinitus factam, contestante uidelicet Deo, & confirmāte uerbum signis & prodigijs, & uarijs uirtutibus & spiritus sancti donis, secundum suam uoluntatem distributis. Marc. 16. Heb. 2.

Qui igitur aliena dogmata & pugnancia cum Euangelio Dei spargunt in Ecclesia, ut ferè semper fecerunt papistæ, & adhuc faciunt, & audiri postulāt ac recipi in suo uerbo, isti sunt fures & latrones. Nec audiunt uel recipiunt tales, qui sunt oues Christi, suæ ecclesiæ unici & æterni pastoris. Nam si necesse est Ecclesiam non errare, quoniam est columna & firmamentum ueritatis. 1. Timoth. 3. non potest alterius uocem audire & recipere quàm sponsi sui Christi. Quia alij oēs possunt esse pseudoprophetæ & mendaces, solus autem Christus suæ ecclesiæ uerus pastor est, & æternus doctor, & solus non mentitur. Itaque ne apostolis quidem licet aliud uerbum docere in Ecclesia, quàm quod acceperunt à Christo. Non sunt. n. nisi ministri Euāgelij Iesu Christi. Hinc etiam Paulus inquit Rom. 15. Non ausim aliquid loqui eorum quæ per me non effecit Christus &c.

Qui etiam Paulus eos execratur & anathematizat

tizat, qui doctrinæ salutaris & beatificæ noiæ spargunt noua dogmata in Ecclesia & Euāgelij prædicationem, quæ tradita est à Christo & apostolis, non retinēt. Gal. 1. Sed licet nos aut angelus è cœlo euangelizet uobis, præter id qđ euangelizauimus uobis, anathema sit. Sicut prædiximus, & nunc iterum dico, Si quis uobis euangelizauerit, præter id quod accepistis, anathema sit.

In summa, euangelistarum & apostolorum doctrina, ut tota sacra scriptura, canon est & regula ueritatis, quam solā recipere in omnibus debemus, eiq; obsequi in omnibus & seruire. Adeoq; aliorū omnium scripta (de dogmatibus ecclesiasticis loquor, & qbus in re salutis æternæ credi iubēt, hoc est, quibus agitur de iusticia corā Deo, & uita æterna, de cultu, quem oporteat Christi fideles Deo præstare: & similibus, quæ pertinent ad rem & negotium conscientiarum) per eam probare & examinare, nec prius recipere uel adprobare quicquam, quàm cōstet quod scriptis sacris nullo modo pugnet uel aduersetur: Ita ut ipsi quoq; sancti patres iudicauerūt ac censuerūt, quorū sententiæ in libro Decretorū papaliū à Gratiano referuntur, uidelicet dist. 9. quarum aliquot subscribam.

Vulgata est aut illa Augustini, Noli meis literis, quasi canonicis scripturis inseruire, sed in illis, & qđ non credebas, cum inueneris, incunctanter crede, in

De auctoritate doctrinæ beatorū patrum in Ecclesia.

IN CAP. I. AD TITVM,

Istis autem, quod certum non habebas, nisi certum intellexeris, noli firme tenere.

Item, illa eiusdem, Ego solis eis scriptorum, qui iam Canonici adpellantur, didici hunc timorē, tremorem honoremq; referre, ut nullum eorū scribendo errasse audeam credere, aut si aliquid in eis offendero, quod uideatur contrarium ueritati, nihil aliud existinem quā uel mendosum esse codicem, uel non esse affectum interpretem, quod dictum est, uel me minime intellexisse nō ambigam. Alios autem ita lego, ut quantalibet sanctitate, quātāue doctrina polleant, nō ideo uerū putem, quia ipsi ita senserunt, sed quia mihi per alios autores, uel per canonicas uel probabiles rationes, qđ à uero nō abhorreat, persuadere potuerunt.

Ad hæc illa eiusdem, Quis nesciat sacram scripturam canonicam tam ueteris quā noui testamenti, certis terminis suis contineri, eamq; posterioribus omnibus episcoporum literis ita præponi, ut de illa omnino dubitari & disceptari non possit, uirum rectum sit, quicquid in ea scriptum sit, uel constiterit esse. Episcoporum autē literas, quæ post confirmatum canonem uel scriptæ sunt, uel scribuntur, & per sermonem forte sapienticrem in ea re cuiuslibet peritioris, & per aliorum Episcoporum grauiorem auctoritatem, doctioremq; prudentiam, & per concilia licere reprehēdi, si qđ in eis forte à ueritate deuiatū est.

Et

Et in hanc sententiam habes plura testimonia per totam illam distinctionem quam dixi. Et si pontifices Romani omnia sibi sumant iudicare, ipsi uero à nemi ne uelint aut patiàtur sese iudicari. Quanquam Chrēstus dicat: Cauete uobis à pseudoprophetis. Mat. 7. Item, Surgent enim pseudochristi, & pseudoprophe tæ, & dabunt signa magna & prodigia, ita ut in errorem inducātur, si fieri possit, etiā electi. Et Paulus Act. 20. Cauete uobis & uniuerso gregi, in quo uos spiritus sanctus posuit episcopos, regere Ecclesiam Dei, quam acquisiuit sanguine suo. Ego enim scio, quòd post discessionem meam, lupi rapaces in uos irruent, non parcentes gregi, & ex uobis ipsis surgent uiri loquentes peruersa, ut abducant discipulos post se. Propter quod uigilate &c. Ac Petrus 2. Pet. 2. Fuerunt uero pseudoprophetæ in populo, sicut & inter uos erunt mendaces magistri, qui introducent sectas perditionis, & negabunt Deum, qui illos mercatus fuerat &c.

Et quid multis opus est, cum clare admoneat scriptura futurum, ut Antichristus ueniat, qui ueritatem Euangelij opprimat, corrumpat atque perdat in multis? Quis igitur est Romanus Episcopus, ut uelit in omnibus æqualis esse Deo? Et quis dedit ei hanc potestatem, ut proferat nouum uerbum in Ecclesia? Neque enim est Dominus Eccle

IN CAP. I. AD TITVM

sia, sed Euangelij minister, & Ecclesie seruulus, ut alij episcopi & ministri. Sed & cur pugnantia cum uerbo Dei loquitur, & admonitus non corrigit suas haereses & impietates? Damnat enim nuptias & esum carniū, & uiolat institutionem sacramenti dominicae coenae. Denique fingit, quod operibus & factis nostris iustificemur coram Deo. Et non credamus impostorem esse? Non fugiamus eum, & non reclamemus blasphemijs eius? Quin potius taceat & obmutescat, cedens auctoritati uerbi Dei, aut sit anathema & maledictus coram Deo. Audiat nostras correptiones, iuxta illud Pauli, Quod si alij reuelatum fuerit sedenti, prior taceat. prima Corinth. decimoquarto. Item, Omnia probate, quod bonum est tenete. prima Thess. quinto.

Cōtra impias
& corruptas
cōsuetudines

Sed adiiciam hic quaedam contra inolitās consuetudines malas ac prauas, siue cōtra errores plurimorū diuturnitate temporis roboratos. Nam & consuetudines & plurimorum consensum solent obijcere nobis, qui suae male causae amplius patrocinari nesciunt, cum a ueritate & luce uerbi Dei redarguantur. De aduersarijs Euangelij loquor, qui malunt animas iustorum periclitari & perire, quàm suos noxios errores corrigere, & dogmata corrupta renouare.

Proinde impiam & perniciosam consuetudinem radicitus euellendam esse docetur in cōstitutionibus

Decretorum

Decretorum, dist. 8. & primum, autoritate Nicolai Papæ, cui hæc sequentia tribuuntur. Mala autem cōsuetudo, non minus quam pernitiōsa corruptela, abijcienda & uitanda est. Quæ nisi citius radicitus euellatur, in priuilegiōrum ius ab impijs assumitur. Et incipiunt præuaricationes, & uariæ præsumptiones celerrime, nō compressæ, pro legibus uenerari: & priuilegiōrum more perpetuo celebrari.

Sed pergam in gratiam piorum & gloriam uerbi Dei, eam totam distinctionem, ab hoc decreto Nicolai Papæ, usq; ad eius finem referre. Igitur, quod proxime adiicitur, legitur sub titulo Augustini, in hunc modum. Veritate manifestata, cedat consuetudo ueritati. Plane quis dubitet, ueritati manifestatæ consuetudinem cedere. Item, Nemo consuetudinem rationi & ueritati præponat. Quia consuetudinem ratio et ueritas semper excludit.

Gregorij est. Si cōsuetudinem fortassis opponas, aduertendum est, quod Dominus dicit: Ego sum uia, ueritas & uita. Non dicit, Ego sum consuetudo, sed ueritas. Et certe, ut beati Cypriani utamur sententiā, quælibet consuetudo, quantumuis uetusta, quantumuis uulgata, ueritati omnino est postponēda, & usus, qui ueritati est contrarius, est abolendus.

Rursus Augustini est. Qui contempta ueritate præsumit consuetudinem sequi, aut circa fratres in-

IN CAP. I. AD TITVM,

uidus est, & malignus, quibus ueritas reuelatur, aut circa Deum ingratus est, in inspiratione cuius Ecclesia eius instruitur. Nā Dominus in Euangelio, Ego sum inquit, ueritas, non dixit, Ego sum consuetudo.

Et illud eiusdem, Frustra quidam, cum ratione uincuntur, consuetudinem nobis obijciunt: quasi consuetudo maior sit ueritate. Aut non sit in spiritalibus sequendum, quod melius à spiritu sancto reuelatum est. Hoc plane uerum est. Quia ratio & ueritas consuetudini præponenda sunt. Sed si consuetudini ueritas suffragatur, nihil oportet firmitus retinere.

Ex Cypriano sumpta. Cōsuetudo, quæ apud quosdam irrepperat, impedire non debet, quo minus præualeat ueritas & uincat. Nam consuetudo sine ueritate, uetustas erroris est. Propter quod relicto errore, sequamur ueritatem, scientes, quia apud Esdram ueritas uincit. Vt scriptum est, ueritas ualet & inualet, & uincit in æternum, & uerum obtinet in secula seculorum.

Et eodem, Ignosci potest simpliciter erranti, sicut de se ipso Paulus Apostolus dicit, Qui primo fui blasphemus & persecutor, & iniuriosus, sed misericordiam merui, quia ignorans feci. Post inspirationem uero et reuelationem ueritatis factam, qui in eo quod errauerat perseuerat, prudens ac sciens, iam non in uenia ignorantie peccat. Præsumptione enim

atq;

atque obstinatione quadam nititur, cum ratione superetur.

Eiusdem est. Si solus Christus audiendus est, non debemus attendere, quid aliquis ante nos faciendum putauerit, sed quid primus qui ante omnes est, Christus prior fecerit. Neque enim hominis consuetudinē sequi oportet, sed Dei ueritatē. Cū per Esaiā propheta loquatur Deus & dicat, sine caussa colunt me, mandata & doctrinas hoīm docentes uel sequentes:

Hæc propter eos inculcamus, (allata ex libro Decretorum Gratiani,) qui diffidunt scripturis, aut infidiose illas calumniantur. Cum in dictis hominū aut superstitiose hæreant, uel odiant potius ueritatis manifestationem, ac mallent oppressam. Sed & honesta uictoria est, si istos quosdam suo gladio iugulemus et suis armis conficiamus, qui autoritatibus Patrum magis niti uolunt, quàm uerbo Dei, deferentes Petram, & edificantes in harenam. Ad Pauli scriptum reuertor, cuius quanta sit autoritas supra expositū est. Prædicat enim uerbum, diuina autoritate confirmatum ac commendatum nobis. Sed & Iesu Christi est, illud de Paulo, Act. 9. Electum instrumentum est mihi ille, ut portet nomen meum, coram Genibus & Regibus & filiis Israel.

Paulo itaque cōmissa fuit Euāgelij et salutis æternæ doctrina, quā etiā pro officio Apostoli Iesu Christi fideliter

IN CAP. I. AD TITVM,

fidelicet & pure administrauit. 1. Cor. 9. Etenim si Euangelizē nō est quōd gloriē. Neceſſitas. n. mihi incūbit. Væ aut̃ mihi, niſi Euāgelizē. Quæ ſi expenderēt Epīſcopi, quorſum ſunt dicta, multo ſanius & purius traderēt, aut certe tradere curarēt, Chriſtiana dogmata quā nunc faciunt. Et abolitis impijs hoīm mādatis & conſtitutionibus, ſolū ea præualere facerent in Eccleſia, quæ ſunt Euangelij Domini & ſeruatoris noſtri Ieſu Chriſti. At ne agnoſcunt quidem, ſe eſſe Euangelij miniſtros: nec quærunt uel affectant niſi tyrannides in eccleſia. Væ ipſis.

Iſti enim ſunt pſeudoepīſcopi, Idola, & larvæ quædam Diaboli, per quos impoſtor ſpiritus iſte ſeducit mundum, & à ueritate et ſalutis uia illum auertit. De quibus lege quæ ſunt, 1. Tim. 4. 2. Timoth. 3. 2. Pet. 2. Item Zach. 11. de uafis & miniſterio paſtoris ſtulti, deſerentis gregem, & perdentis illum.

TITO, GERMANO FILIO IUXTA COMMVNEM FIDEM.

Priora ad perſonam Pauli, & ad officiorum eius deſcriptionē pertinuerūt. Ideo inſerta eſt eis quædā Euangelij deſinitio, & promiſſionum gratiæ eius. Hæc ſequentia continent inſcriptionem, uel ſunt inſcriptio. Ideo & Titum, cui inſcripta eſt Epiſtola, nonnihil laudant.

Quod

Quod igitur inquit, Tito germano filio, filij adpellationem insigni epitheto nobilitauit, quod autore Hieronymo, latino sermone uix potest explicari: Erasmus interpretatur, uero, legitimo, proprio & germano. Vetus interpres, uertit dilecto, per metalepsin, cuius usus est, cum in dicendo aliud ex alio intelligimus. Nam quæ natia sunt & uera, non suppositicia, non adulterina, ea chara habemus. Germanum autem adpellat filium Paulus Titum, quòd ardore & studio simili promouendi gloriam Euangelij rapere tur Titus, quo Paulus, & in eo Paulum ipsum, ceu uerus iam & natiuus filius eius, referret. In summa, uirtutes Episcopo fideli, et digno Ecclesiæ doctore, præstaret.

Quod uero subdit, iuxta communem fidem, licet, uel potius, oportet, ad idē referre. q. d. Ut Titus me non immerito agnoscit & confitetur suum patrem: Ita ego Titum agnosco & habeo, ueri, natiui, eoq; et dilectissimi filij loco. Non ideo solum, quia illum genui per Euangelium in Christo, uerum etiam, quia uix alium habeo, qui dotes Episcopi, & doctoris ecclesiæ, tam proprie habeat, & uirtutes eius tam diligenter & exacte præstat. Significat ergo Paulus, se amare Titum, ut unice charum filium, cum propter alias uirtutes & dotes animi, tum propter sinceritatem, puritatem & fidelitatem, quam in docendo

IN CAP. I. AD TITVM,

**Euangelium Christi , & propaganda gloria eius
præstabat.**

**GRATIA , MISERICORDIA , PAX , A
DEO PATRE , ET DOMINO IESV CHRIS-
TO , SERVATORE NOSTRO.**

Cum Paulus in hac salutatione , optet ac precetur
nobis contingere , gratiam , misericordiam , & pacē ,
& quidem à Deo patre , et Domino Iesu Christo , dis-
camus ea bona , nulla humana industria parari posse ,
nec ullis per merita operū suorum ea donari , sed so-
lis cōtingere , quibus gratuita donatione conferantur.

Gratia:

Significat autem gratiæ nomen simpliciter numi-
nis fauorem , & complectitur donū remissionis pec-
cati , & cætera beneficia quæ hominibus per Euange-
lium conferuntur. Sicut est liberatio ab æterna mor-
te , à Diabolo & insidijs eius , iusticia gratiæ , seu im-
putatio iusticiæ , & uitæ æternæ donum. Et si quæ
sunt alia præmia iustorū , siue in terris , siue in cælo ,
quæ nisi per fidem accipi non possunt.

Misericordia

Porro misericordia est gratuita ignoscentia , idē
prorsus quod gratia , aut affectio , qua ingemiscimus
& dolemus alijs male esse , ideo & in calamitatibus
illorum succurrimus eis & iuuamus eos . Et sic qui-
dem describitur misericordia et dilectio in nos Dei ,
Ioan. 3. Sic enim Deus dilexit mundum , (utiq; miser-
tus illius.) ut filium suum unigenitum daret , ut om-
nis

nis qui credit in eū nō pereat, sed habeat eternā uitā:
Et Rom. 5. Commendat autē charitatem suam Deus.
Quoniam si cum adhuc peccatores essemus, Christus
pro nobis mortuus est, multo igitur magis, iustificati
nūc in sanguine ipsius salui erimus ab ira per ipsum.

Ceterum Pax, Hebraica dicendi proprietate sig- Pax,
nificat quarumlibet rerum foelicitatem & prosperi-
tatem, corporalium æque ut spiritualium. Teutonice
glueck und heil. Imprimis conscientie tranquillitas ē
& gaudium. De qua pace est Rom. 5. Iustificati
ex fide, pacem habemus erga Deum, &c. Item
Esa. 32. Et erit opus iusticie pax. Dixi autem supra,
hec dona diuinitus & gratuita donatione nobis con-
ferri. Idcirco expectare illa per gratie fidem debe-
mus, & postulare, per nomen Domini & saluatoris
nostri Iesu Christi, ut per quem Deus nihil negare no-
bis potest: imò nihil non amat nobis donare, quod sal-
tem deceat illum donare, & nobis utile ac bonum esse
possit, ita ut per multas gratie promissiones doce-
mur. Vt Ioan. 16. Matth. 7. 18. Luc. 11. 18. &c. Nullæ
enim preces ualent, quàm per Christum. Cōiun-
git aut filiū patri, in eo quo tantā foelicitatē nobis coe-
lesti dono cōtingere orat, cū ut significet Deū esse
filiū, à quo ut à Deo patre ueniat atq; descēdat super
nos gratia, misericordia et pax, et si qd præterea sit
diuinorū munerū, quæ sub dictis cōprehenduntur.

IN CAP. I. AD TITVM,

Tum etiam, ut doceat, quòd ista dona, nisi per mediator
torem Christum nulli conferantur. Cum .n. sit unus
mediator, Dei & hominum, homo Christus Iesus, 1
Timoth. 2. necesse est, ut quicquid coelesti munere no
bis datur, id propter solum Christum accipiamus.
Col. 1. Per ipsum sunt uniuersa. Et ipse est caput cor
poris Ecclesie, &c. Quo grauiorem condemnationē
merentur, qui Iesu Christo sunt ingrati, & gloriæ ei
us detrahunt. Quia à Christo & per Christum ha
bent, quicquid sunt & habent, tum boni, tum mali.
Scorsim autem boni, spirituales & æternas fœlicita
tes. Largitur itaq; nobis Deus pater, necessaria hu
ius & futuræ uitæ, sed sine filio nihil quicquam, &
per eum, ac propter eum unum, omnia. Ac filius qui
dem accepta à patre bona, in nos transfundit. Ioan. 1.
Eph. 4.

Et quoniam hunc æqualem honorem filius cum
patre habet, ideo liquidissime constat, filium esse De
um, Vnum etiam & eundem cum potestate Deum.
Quia Deus per Esaiam inquit. Ego Dominus, hoc
est nomen meum. Gloriam meam alteri non dabo.
Esa. 42.

Hæc sunt ingentia & ineffabilia beneficia, uide
licet, recipi nos in gratiam à Deo, Deumq; misereri
nostrum & respicere nos. Tum adiuuare nos in qui
buslibet calamitatibus, & tandem æternæ morti
eripere.

eripere. Hæc enim omnia insunt in prædictis rebus,
gratiæ, misericordiæ & pacis: & propter Christū
nobis contingunt. Nec est enim alius mediator, om-
nium donorum Dei, ut dictum est. Hinc ipse quoq;
ad se unus uocat nos omnes, quia solus omnes iuuare
potest, & malis quibuslibet eripere. Matth. 11. Veni
te ad me omnes qui laboratis, & onerati estis, &
ego reficiam uos. Venit autem in hunc mundum, ut
nos peccato & morti eripiat, Gal. 1. & regno cœle-
stis gloriæ donet. Luc. 12. Noli timere pusillus grex:
Quia placuit patri uestro dare uobis regnum. Idcir-
co enim me mediatore uos donauit. Et Ioā 16. inquit,
Cōfidite quia ego uici mundum. Nobis ergo uictus
est. Nam omnis gloria Christi est nostra, quatenus si
de in illo permanemus.

HVIVS REI GRATIA RELIQVI TE IN
CRETA: VT QVAE DESVNT, PER GAS
CORRIGERE, ET CONSTITVAS O PPI-
DATIM PRESBYTEROS, SICVT EGO TI-
BI ORDINARAM.

Raræ sunt narrationes in Deliberatiuis, sed inci-
dunt tamen. Vt si opus sit aliqua cōmemoratione re-
rū, de quibus antea nōnihil constitutū fuit à nobis. Vt
in hac monitoria Pauli, breuis narratiuncula præmit-
titur, qua reuocantur Tito in memoriam, quæ prius
egerat cum ipso Paulus, uidelicet, de Episcopis eli-

IN CAP. I. AD TITVM,

Propositio
& status.

gendis in Creta, & oppidatim in ea insula ordinan-
dis & constituendis. Est autem species Deliberatiue
monitoria, & Paulus in hac ad Titum utens narratio-
ne, colligit ex ipsa propositionem, quæ obseruari de-
bet, uice Status. Videlicet, si quis sit inculpatus, illi
debere eligi & constitui in Episcopum: siue, ad do-
ctoris Ecclesiæ munus obeundum. Hanc enim dein-
ceps in tota Epistola obseruat Paulus, & exponit
atq; confirmat. Quia Episcopi formas tradit, et quæ
illum deceant in docendo prosequi & urgere.

Titum itaq; Paulus Ecclesiis in Creta, quæ et Cā-
dia uocatur, præfecerat, & inde abiens, quod ex nar-
ratione colligitur, præceperat, ut optimis quibusq;
maximeq; idoneis delectis, constitueret in singulis
ciuitatibus ex eis suos Episcopos, quarum olim Cre-
ta centum habuisse memoratur, unde etiam quondā
dicta est ἑκατόμπολις, ut Erasmus Rot. scribit
quod centum habuerit oppida. Adpellat autem hoc
loco presbyteros, quos paulo post nominat Episco-
pos, quare apud Paulum ijdem sunt presbyteri, quā
Episcopi. Illud ætatis, hoc officij nomen est. Presby-
ter enim significat seniozem, Episcopus autem specu-
latorem, seu inspectorem. Sed de hoc posteriore nomi-
ne infra scribemus. Magis autem apti sunt ad officia
Episcoporum seniores, quā iuniores, seu iuuenes, &
nulla rerum experientia, ut sunt serè homines in iu-
uenile

uenerili etate, docti.

Pertinet autem ad totam Ecclesiam hoc præceptum Pauli, non minus quàm ad Titum, ac necesse habet totus orbis ita prouideri, cura & custodia Episcoporum, ut Creta. Quare prodest obseruare, has formas Episcoporum, quas Paulus dilineat atq; depingit, ut in Ecclesijs semper tales curemus elegi & ordinari, si modo curæ est nobis gloria Christi, & salus animarum nostrarum. Ac prosunt hæc Pauli uerba non electoribus solum Episcoporum, sed interim ipsis quoq; Episcopis. Nam cū ipsi seorsim hæc secum legunt, debent cogitare, quales se esse deceat, & quid pro officio Ecclesijs præstare. Debent præterea timore Dei, & amore Domini nostri Iesu Christi & Ecclesiarum, officium quilibet suum præstare:

SI QVIS EST INCVLPATVS.

Hic orditur formas Episcoporum tradere & præscribere, quas si conferas cum huius seculi & ætatis nostræ Episcopis, uideris tibi in nouo orbe uersari, & in peregrina aliqua Ecclesia, quæ Christum & Apostolos Iesu Christi poenitus ignorat, & monita hæc salutaria & necessaria irridet atque contemnit. Nam isti noua facie Episcopi, uerius sunt principes huius mundi, quàm Episcopi. Imò nihil prorsus uerorum Episcoporum habent, sed impostorum, perdentium Ecclesias, plurimum.

De forma
Episcopi.

IN CAP. I. AD TITVM,

Missant enim, & indulgentijs illudunt Ecclesie, & baptizant campanas, & cætera huiusmodi decora sua faciunt. Nam Euangelium Iesu Christi annunciare, & sacramenta ministrare indignissimum suo officio ducunt. Quapropter & Christus istos reiecit ac repulit, ut turpitudine eorum, cum ignominia & confusione innotescat & iraducatur, in toto mundo, & fueris fabula fiant, quod uidelicet in Euangelio Dei nostri, & Domini Iesu Christi, ministrare contempserunt.

Cæterum Vetus interpres, pro si quis est inculpatus, dixit: si quis sine crimine est. Sed uox Græca ἀνέγκλητος, auctore Erasmo Roterodamo, nō ita sonat, quasi dicas, uacantem omni culpa, sed quem nemo possit accusare, siue criminari, & uocare in ius ob crimen aliquod. Nemo enim omni culpa uacat, præsertim coram Deo, sed apud homines, inculpabiles possumus esse. Ac talem uult esse Episcopum Paulus, ut qui inculpate apud homines uiuat, non qui sit sine omni peccato coram Deo. Cum talis nemo reperiatur, iuxta illud Prophetæ, Et ne intres in iudicium cum seruo tuo, quia non iustificatur in conspectu tuo omnis uiuens.

igitur in accusabilem se præstare apud homines, satis est Episcopo, quamquæ est magnæ uirtutis. Quod si hominum respectu de externis uicijs loquaris, etiã plus

plus est inculpabilem esse, quā crimine uacare, propterea quòd in egritas, ut Erasmus inquit, non raro sit obnoxia crimini, ob speciem probabilem culpæ. Sed non debet admittere Episcopus, uel in specie reprehensibile et uiciosum, etiā si ipsum opus seu factū, careat crimine. 2 Cor. 6. Nemini dantes ullam offensionē, ut nō uitupereur ministeriū nostrū. 1 Thess. 5. Ab omni specie mala abstinete. Quanquā enim hoc posterius dictum Apostoli in genere omnibus loquatur, tamen ab Episcopis imprimis requirit ut inculpate uiuant. Ne quos specie mali offendant, & alienent à fide. Quia Episcoporum uicia grauius ledūt, quā reliqui uulgi Christianorum. Et tanto conspectius crimen in se habet, quāto maior est qui peccat.

Hoc itaq; caueant Episcopi, ne cui offensionem, uel per speciem criminis et culpæ, præbeāt: id tamē, quod fieri quoq; posset, in re per se licita nec inhonestā. Exempli gratia, ob speciem turpis lucri, seu cupiditatis auariciæ debent abstinere Episcopi ab omnibus usuris, & alijs prophanis contractibus qui instituantur causa lucri. Sicut etiam præcipitur ipsis, in Decr. dist. 47. Quanquam enim ciuiles leges, aliquo usq; adprobenť usuras, & usura præendat aliquam æquitatis speciem: (Quia uidetur æquum & iustum, ut beneficio exhibito, reddatur aliquod emolumentum. Similiter in usura utilitas attenditur: quia

IN CAP. I. AD TITVM,

per ipsam in republica, multorum hereditates incolumes seruantur. Et pleriq; necessitatis causa, atq; ut habeant unde uiuant, uxor, liberi & familia, lucra emendo & uendendo quaerunt, &c.) tamen non ferendum est in Episcopo, posse uel per falsam suspicionem de crimine notari, si hoc sua culpa fiat. Vt in usura, dat significationem auariciae, quanquam in casu, quo nemini noceat, & in nullas leges peccet.

Atq; in hunc modum, de alijs si milibus casibus iudicium fieri debet, & per alia multa exempla excutienda est species mali, quam pra alijs cauere diligentissime debebunt Episcopi, & in eo honori Euangelij Domini nostri Iesu Christi seruire. Ac lege de causis huius rationis plura. 1 Cor. 9. Nam & cap. 9: inter caetera inquit Paulus, Omnia mihi licent, sed non omnia conducunt. Omnia mihi licent, sed non omnia aedificant. Nemo quod suum est quaerat: sed quisque quod alterius. Ideoq; idem Apostolus frequenter abstinuit ab ijs quoq; rebus, quibus cum summa honestate & summo iure uti potuisset, ac caruit eis, quorum usum ipsa quoq; necessitas flagitabat. Sed maluit egere, ne cui daret occasionem ministerium Euangelij reprehendendi, ut de se scribit, 1 Cor. 9. Voluit enim, sicut & debuit, per omnem occasionem se Ecclesijs Dei inculpabilem Euangelij ministrum exhibere, quem omnes boni, & Ecclesiae ueri Episcopi, curabunt imitari.

Tractat

Tractat autem hunc eundem locum Pauli quidam Canon, in Decr. dist. 25. sed ineptissime, & in doctissime, & miris modis nugatur, de parvis quibusdam, seu minutis peccatis, ut uocat, tolerabilibus scilicet in Episcopo, non intelligens sententiam scripturæ de peccato, & pharisaicis opinionibus iudicium de illo faciens, quem legat quisquis uolet suo loco. Quia indignissimus est, qui huc uel transcribatur, uel legatur in Christiano orbe. Pauli sententia est, sic decere Episcopum agere, ne ob ullum aliquod crimen, seu culpam, uideatur merito à reliqua Ecclesia accusari posse, in cuius oculis, & cum cuius offensione, peccat. Imò ne quidem ob suspicionem criminis: ut supra expositum est. Sed & dixi supra à Paulo hoc loco quasi propositionem principalem totius scripti constitutam esse, quam sequentia exponant atque confirmant. Vnde per ea quæ mox subiiciuntur ex ipsius met Pauli scripto intelligetur, quid sit, quod iubet Episcopum esse ἀνὴρ

ὑκλῆτον & inculpatum.

VNIUS VXORIS VIR.

Non prædicat per se, neq; laudat hic locus con iugia, sed aliàs prædicata, præcepta & laudata, De cōiugio sacerdotum adprobat & laudat in ipsis quoque doctoribus

IN CAP. I. AD TITVM,

Ecclesie, & Episcopis etiam libera permittit: Imò certis quibusdam de causis necessaria facit. Neque enim liberum est cœlibem uiuere ulli homini, nisi quatenus dono continentie uere est præditus, & cœlebs uiuendo, uere castus uiuit, non indulgens scortationibus, & cæteris huiusmodi immundicijs peccati, quas aut lex damnat, aut à quibus abhorret natura.

Vt ergo non cogantur ducere uxores ulli homines, uere casti & sancte continentes, imò laudabile est & pium, si qui tales sunt, sic permaneant, tamen quicumq; continentiam illam laudatam præstare non possunt, iubentur matrimonia contrahere. Et eam ob causam, ipsi quoq; Episcopi, coguntur habere, suam quisq; uxorem, si uidelicet extra matrimonij statum minus continenter uiuant, aut uiuere se posse confidunt. Ideo si uolunt eligere coniugium, nemo debet, aut potest iure, illos arcere & prohibere à cōiugio. Alioqui, quis nescit, si sua sponte cœlibes permanere uelint, & caste uiuere, hoc ipsum liberū esse eis, ut cœlibes permaneāt, & à nemine cogi posse, ut uxores ducāt? modo in cœlibatu isto suo pure et caste uiuāt. Quod igitur Paulus præcipit, de unitate uxoris, habēde ab Episcopo, illud propter incōtinentes dixit, ne intelligas huius necessitatis, & habēde unius uxoris, aliam causam esse, nisi ut scortationes uitent Episcopi. Idcirco enim suam quisque
uxorem

uxorē habere iubetur, si aliter cōtinēs esse nō possit. Nō potest enim, ut neq; uult, Apostolus leges matrimoni condere, sed conditas, positas & praeceptas à Deo, praeedicat, laudat & cōmendat his oībus quibus opusest usu propriae cōiugis. Maxime autē episcopis, ut facit in hac sua ad Titum, & in alia ad Timotheum epistola. Quia cum de formis episcopi scribat, docendum fuit, quomodo deceat episcopum in omnibus uirum honestum & inculpabilem esse. Qualis non est, quisquis uxorē ducit, uel ideo quia uxorem ducit, sed quantum ad rem coniugiorum attinet, honestate & unitate uxoris suae contentus, in matrimonio ita continenter uiuit, ut ab alijs corrumpēdis & polluendis sibi caueat, uicq; usu suae uxoris tantum fruatur.

Proinde his qui dono continentiae non sunt praediti, sunt praecepta coniugia, multo magis his qui incontinentes & intemperanter uiuunt, prorsus omnibus sub cœlo hominibus, nedum episcopis, qui prae alijs debent uitae exemplo lucere in Ecclesia. Nā & talem condidit hominem Deus, ut sit aptus ad coniugium, nec possit nisi cupere sibi suam uxorē, nisi quem ipse met Deus separat, peculiari dono continentiae illum honorans. Deinde, negatiua huius diuini praecepti, Non moechaberis, non solum adprobat coniugia in omnibus, uerumetiam praecipit omnibus, qui aliter continentes esse non possunt, ut suam quisque habeat

IN CAP. I. AD TITVM,

uxorem. Scortationes autem & libidines illas uagas, quas Deus damnat, fugiat. Nā si caste & continenter quidam uiuāt & amēt ita uiuere, nulla caussa est, cur cogantur ducere uxores. Idcirco tales semper oportet excipere à necessitate illa obedientiae legis, quæ præcipit coniugia, ut quos Deus ipse excipit, & priuilegio libertatis honorat. Sed et idcirco positum est negatiue præceptum, Non moechaberis, ut non hoc solum sciamus, semper damnari scortationes, uerum etiam propter uitandas scortationes, semper præcepta esse coniugia, his qui alioqui continenter uiuere non possunt, aut non confidunt. Sed rursus, si qui continēter uiuāt atq; ita uiuere amēt, nihil esse cur ad cōiugia cogātur. nō reprehēdit. n. lex nisi scortatiōes.

Iam Christi est illud Matth. 19. de puro cœlibatu & uera continentia. Non omnes capiunt uerbum hoc, sed quibus datum est. Proinde nihil obscure sic significat ueram continentiam ulli contingere, nisi donante Deo, cur igitur audent homines præcepta continētiæ dare, & quasi leges Deo suo præscribere donandæ continentiae? Aut certe irridendi & mandatū Dei, de fugienda scortatione? uel deniq; contemnēdi dona Dei? Cur præcipiunt. n. de continentia, his quibus ultro & libere non est donata à Deo? An somniant Deū coacte legibus papisticis subseruire, & continentiam donare tot hoībus quot isti præcipiunt eā?

Sine

Sive potius, An iuuat istos libidines & scortationes per suas sceleratas leges multiplicare? (quod & faciunt) contempto tum Deo, tum legibus Dei, tum expectatione doni? Scio ac sum certus, q̄ rem ipsam ac quod dici solet, tetigi, & nimis uere significauī, etiā si spūs impostores, erroris & impietatis, se ipsos nesciāt. Itaq; Christus loquitur de uera cōtinentia, quā Deus donat, eamq; solam laudat nobis, & illam quæ à cōiugatis præstatur. Nos igitur damnamus pharisaicam illam, quam hoīes præcipiunt, & nullam efficere possunt, in oībus quibus præcipiunt eā, nec præstare sua uirtute ueram, omnes quibus præcipiunt, nisi de illa loquaris, quæ præstatur à coniugatis, qui licet debitam beneuolentiam sibi reddant. Iam etiam quod Christus inquit. Qui potest capere capiat, etiam laudat cœlibatum, sed in continentibus & castis, quos Deus tales esse facit, non hominum mandata. Neq; enim possunt uere cōtinentes efficere, ut dictum est. Etiam si nimis efficaces sint ad multiplicandum damnatas libidines & prohibitas scortationes. Hæc enim uolo sæpius inclamare papistis, si forte experrecti audiant nostras accusationes & querelas.

Sed Pauli est illud 1. Corint. 7. Melius est matrimonium contrahere, quàm uri. Significat ergo præcepta esse cōiugia his qui foede & turpiter uruntur, et incēdia libidinis intra se sentiūt. Quales obsecro,

IN CAP. I. AD TITVM

an nō sunt cœlibes isti papistici sacerdotes, inquam, monachi & totum cahos istud hypocritarum, eorum qui simulant continētiā uerius quā pręstant? aut quomodocunq; pręstant, quam donatam à Deo non acceperunt? Rursus hoc quoq; Pauli est, eiusdem, quem suprā citaui, loci. Propter stupra uitiā sua quisq; uxorem habeat, & suum quęq; uirum. Quę an non sunt ministris Euangelij, hoc est, episcopis & pręsbyteris quoque dicta? Certe episcopos propter hanc unam causā iubet coniugatos & uxoratos esse, ne uidelicet sint scortatores. Nec aliud intelligit Paulus in eo quo illis pręcipit de unitate uxoris, nisi ut suam quisq; inter eos uxorem habeat, de cuius ratione infrā copiosius scribam. Quasi dicat Paulus: Episcopus unam habeat, quę sit sua uxor, & illa una contentus, à congressu aliarum abstineat.

Deniq; 1. Cor. 6 inquit Paulus: Fugite scortationem. Atq; idem testatur in eodem cap. quòd nulli immundi, nulli scortatores, nulli adulteri regnum Dei hereditate consequi possint. Vt ergo prohibita est quęuis immundicia & scortatio, & pœnam habet æternam condemnationem, ita pręcepta sunt coniugia, ut qui extra matrimonij statum continētes nequeant esse, continētiā conjugalem pręstent, ac sciant licitum esse coniugis usum. Et sperent immortalitē, si pmanferint in fide Domini nostri Iesu Christi.

sti. Sed Papa timorem Dei, & obedientiã erga illius
mãdata abolet, & Christianos spoliat sua libertate,
cui nihil prorsus cõcessum est in eos. Et quoniam au
tor est, ut plurimæ infandæ libidines in infinitũ mul
tiplicetur, etiam priuat multos æternæ uitæ foelicitate.
Quod nisi pro officio An. ichristi aduersarij istius
Dei & Iesu Christi, & communis omnium hostis sa
luis Christianorum facere non potuit.

Hæc ergo sententiã quam recitauimus, ut est ipsiusmet
Dei & Domini nostri Iesu Christi, tum apostoli Pau
li: ita necesse est, ut in eam omnis reliqua Ecclesia san
ctorum consentiat. Oportet enim consensum Eccle
siæ sanctæ catholicæ unum & eundem esse, ut etiam
hac in parte improbet uiolationem mandatorũ Dei,
& causas uiolationis, hoc est, ut damnet, episcopis et
presbyteris libertatem coniugiorum non relinqui,
prorsusq; adimi propriæ coniugis usum. Vt qui con
trã sentiunt ac statuunt, eos necesse sit aut errare per
ignorantiam, aut per malitiam ueritati aduersari, et
ex Diabolo esse. Hunc enim impostorẽ habemus prin
cipalem causam & autorem omnis mali, peculiari
ter efficacẽ in incredulis & inobedientibus istis, qui
mandata Dei susq; deq; faciũt, tantum ut suæ temeri
tati reliqui obsequantur, ut papistæ, q causas prohibi
ti cõiugij in sacerdotibus nullas alias habet, nisi suas
ambitiosas cupiditates, ut in opibus Ecclesiæ insolent

IN CAP. I. AD TITVM

tius dominari, ne dicam libidinari possint: Lege in Decret. dist. uigesimo octaua.

Proinde manifestum est & ex loco Pauli ad Titum, in quo enarrando nunc uersor & ex omnibus quæ hactenus in eum locum dixi, ministris Ecclesiæ, pastoribus dico & episcopis, quos illa habet omnino liberas esse nuptias. Et Papam uiolentum tyrannum esse, & impostorem, spiritu Diaboli agitatum, quod interdixerit illis nuptias. Neque parendum esse Papæ in hac impia constitutione, non magis quàm si in uniuersum prohiberet apud omnes legitimas nuptias. Tum sacerdotes ipsos, multo honestius & sanctius agere, si contrahant matrimonia, quàm si foede urantur, etiamsi uere abstineant se ab usu mulieris. Sin minus continenter uiuant, aut uiuere se posse desperent, tum uxores in remedium eius mali ducât, ne in publico sint scandalo toti reliquæ Ecclesiæ, aut per fornicationem ipsi se foelicitate æternæ uitæ priuent, & cum corpore & anima Diabolo tradant ac perdant.

Hic oportet addere, q̃ quicumq; sacerdotibus prohibet cōiugia, siue episcopi, siue principes seculares, id ea prudentia & dexteritate istos facere, qua aliàs solent oīa, omnes traditi in reprobā mentē, nisi quantum excuset illos inuoluntaria ignorantia. Offenduntur casto coniugio sacerdotum, immundicijs aut & turpitudine

turpitudine, & scortationibus nō offendūtur. Quid speres à talibus p gloria Dei, & salute Ecclesie, amore honesti, odio turpitudinis, dolore & tristitia pereuntiū animarū fieri atq; præstari posse? scilicet, quos credas turpitudine & blasphemijs in Deū, & pditiōnibus miserorū delectari, nisi sunt, ut iterū dicā, qui ignorantes papisticis abominationibus seruiunt.

Bonorum pontificum & pij magistratus est, uel cogere eos qui incontinententer uiuant, ut statum coniugij suscipiant & ingrediantur, uiuant honeste, pie & sancte potius in illo, quā in pharisaico coelibatu, turpiter, impie & perditē. Aut certe punire debent licentiam scortationum, tam in sacerdotibus quā in uulgo. In primis autem episcopos & Ecclesie doctores puniant, si incontinententer uiuant, & cogant illos ad coniugij cōtinentiam. Aut repugnantes officio administrationis deiiciant, & alijs legitimis pœnis affligant, ne perpetuo sceleris & audaciæ facinore alijs sint noxij in Ecclesia. Tum alios meliores & honesti amantes uiros publicæ administrationi sufficiant, qui sine hoc tanto ac tali scandalo, quantum ac quale præbent scortantes sacerdotes, Ecclesias gubernent.

Sed ad Paulum reuertor, qui liberas prædicat nuptias, & usum coniugiorum, & ubi laudat ac suadet coelibatū, nō ministris Ecclesie loquitur tantū, sed

IN CAP. I. AD TITVM

omnibus qui erant Corinthi. Et per consequens cunctis Euangelium & fidem in Christum Iesum professis, hoc est, uniuersali Ecclesiae, ubicunq; illa degit, in toto terrarum orbe. Igitur ex illius scripto eius loci de quo loquimur, nihil potest haberi, quod pertineat seorsim ad sacerdotes, multo minus, quod faciat ad papisticos sacerdotes, siue ad papisticū coelibatum: Quanquam sint qui impudenter eo torqueant Pauli scriptum. Sed dicam de coelibatu, cuius Paulus facit hanc praecipuam causam, quam adferebat praesens, ut inquit, necessitas, hoc est, persecutiones illae, quas tunc sustinebat Ecclesia propter confessam fidem in Christum. In quo casu certe tutius agit, & promptius cōfitetur, qui non est alligatus uxori, aut quae non est alligata uiro.

Et si praeterea hoc quoq; significat, coelibes omnia expeditius agere, q̄ sunt officij Christiani, quam coniugatos, nec distrahi illos in morem coniugatorum, uel cura rei domesticæ, uel alijs occupationibus, ne quid minus sedulo aut negligēter praestent. Sic enim inquit. Afflictionem tamen carnis habebunt tales. Sed in toto illo scripto cautiissime loquitur, ne cui laqueum inijciat. Nam ita quoq; dicit: Hoc ad utilitatem uestram dico, non ut laqueum uobis inijciam, sed ut id quod decorum est, sciatis, ut adhæreatis Domino assidui, non distracti. Sed hæc quid ad Romanum Pontificem,

Pontificē, qui non prædicat libera cōiugia? Imò, qui nihil obscure dānat cōiugia in toto genere sacerdotū.

Non est autem diuersa Christi sententia ab illa Pauli, Matth. 19. ubi dicit: Sunt Eunuchi, qui se ipsos castrauerunt propter regnum cœlorum, hoc est, ut expeditius & firmitus consiteantur Euangelium regnē Dei in persecutione. Adde, si libet, & hanc rationē, ut dicantur se castrare propter regnum cœlorū, quicunq; cœlibes manent, ut quælibet alia officij Christiani facilius præstent ac faciant. Nihil .n. repugno. Sed Papa nō facit talem aliquam causam cœlibatus, quem præcipit, sed fingit esse rem minus licitam & immundam in sacerdote. Quod cedit in infamiam totius coniugij, imò Deo ipso est ignominiosum, nempe auctori coniugij.

Et quis est tandem Papa, q. audet leges Dei refingere? An nō Antichristus ille, qui est uastator omnis honestatis et pietatis in Deū, quē olim ignorabamus: Num enim potest Papa incōtinentibus sacerdotibus prohibere nuptias, & licētiā & impunitatem scortandi concedere? Quod si non potest, quo præiudicio facit, si nō Antichristiano? Quos .n. sacerdotes Papa & papistæ serio corripiunt, propter scortationem et turpitudinem eius? Imò cur non sinunt sacerdotes sua libertate frui, quam habent à Deo, ne reprehensibiles fiant, propter admissam scortatiōem? Neq; enim tam

IN CAP. I. AD TITVM

Pauli, quàm Dei uox est illa 1. Corinth. 7. Propter stupra uitanda, suam quisque uxorem habeat.

Vt ergo qui donum continentiae habent, honesto & pio instituto coelibes manent: ita qui illo dono carent, periculose consulant sibi, si constituent secum, q̄ coelibes uiuere uelint. Multo aut̄ periculosius, qui ultro se per uotum astringunt ad cœlibatum: fortassis plerunq̄ ignari uirium suarũ. Stultius aut̄, qui coacti papisticis legibus continentiam uouent, ut papistici sacerdotes faciunt, cum melius longe esset, non uouere, & prorsus non fieri sacerdotem, quàm ita uouere, & per turpissimam & impiissimam conditionem suscipere sacerdotium. Et adhuc peius agunt, qui uouent continentiam, quam præstare nunquam in animum induxerunt, ut metuendum est à multis fieri, qui sacerdotia, siue præbendas, ut uocant, apud papistas ambiunt.

Denique omnium pessime facit Papa ille Satanæ minister & aduersarius Iesu Christi, q̄ legitimas nuptias in sacerdotibus reprehendit ac damnat, & uotum continentiae tyrannice ab omnibus requirit, tum contra Deum & mandata eius, tum etiam contra publicam honestatem. Sed & priores isti, quos dixi, cum Papa, omnes irridere uidentur & contemnere Deum, eo q̄ laudabile & honestũ coniugiũ deserunt, uel ex pharisaico instituto, uel propter mandata hominum,

minum & doctrinas dæmoniorum, quibus uidelicet seruiunt, & ab obediētia mandatorum Dei abstrahi & absterreri se patiuntur. Omnium aut̃ grauissime peccat Pōtifex, qui suis Diabolicis doctrinis autor est alijs, ut mandata Dei contemnant. Quanquam nunc securus fastidit nostras illas iustissimas accusationes & necessarias querelas contra impietatem & uim iniustam, quā facit his, quibus prohibet ducere uxores. Sederit quando ultra non ridebit, sed plorabit.

Addo nūc, Si continentia est donū, quod diuinitus contingit hoībus, ut supr̃a declaratum est, contingit quidem paucissimis, quod res ipsa testatur, & experientia publice apud omnes docet: certe furiosorum est, leges condere de uitando cōiugio, quæ tot mille hominibus præsertim, sine discrimine aut mitigatione legum imponuntur. An non enim hoc est uicōpellere hoīes ad scortandum, & Diabolo obijcere & tradere secundū suam uoluntatē & desiderium? Si enim adest nobis uera cōtinentia à Deo donata, quid opus habemus legibus Papæ? Si autem non adest, quid, obsecro, molitur Papa prohibendo nuptias? Aut quid efficit uel operatur? Sane quidem, castum efficere neminem potest, & uetat tamen uxores ducere. Sed hoc pacto, si non iubet uerbo atq; edictis propositis scortari, tamen scortationum est uehemens & summa causa. Ideo eius mandata, quibus cōiugia sa-

IN CAP. I. AD TITVM

cerdotum damnat, non possunt non ex Diabolo esse.

Alia confutatio cōtra eos, qui coniugia sacerdotum damnant.

Age uero, quando se obtulit mihi occasio, uolo sceleratam audaciam Pontificum Romanorum paulo copiosius & firmitus de impio & blasphemo errore cōuincere, cuius fuerunt in Ecclesia autores, in damna to coniugio sacerdotum, & defendunt illum tanquam pium, utilem ac necessarium. Atq; adeo frequēter admonui, corrigere & abolere nolūt, cū sit plus quā barbaricæ, crudelis, impiæ, inutilis, pharisaicæ & noxiæ constitutionis. Sunt igitur duo summa capita erroris & impietatis, circa quæ omnes papistæ impingunt in eo q̄ abolēt libertatem coniugiorum in sacerdotibus Prius, ut dictum est, q̄ contra decretum Dei & Apostoli Iesu Christi institutū damnant coniugia in clero, ut uocāt, siue in doctoribus & episcopis Ecclesiæ. Alterū, q̄ fingūt Paulū concionari, ne scio q̄, cōtra digamiā & polygamiā, & istius occasione uocabulū digami tam copiose, scelerate, nequiter & malitiose, prorsusq; papistice interpretantur ac torquent, ut nihil suprā cogitari, nedum dici, siue ad cumulum impietatis quomodocunque aliter accedere possit.

Prohiberi itaq; episcopos, pastores, sacerdotes, & Ecclesiæ doctores à coniugio audacia & temeritate Romanorū Pontificum & reliquæ totius sententiæ papistarum, per se notum est, cum etiam uelint et gaudeant

gaudeant in eo prædicari. Sed prædicabimus eos, ut merentur, qui iam dudum neminem ordinant siue admittunt ad officiũ ecclesiasticũ, nisi qui uoto se astrinxerit prius, q̃ uelit in perpetuum totius uitæ suæ, unitate, commertio & consuetudine uxoris carere, hoc est, abstinere se ab honorabili cõiugio, et uitare illud, ceu rem iniquam, fœdam ac turpem & indignam homini sacerdoti scilicet, episcopo et Ecclesiæ doctori. Itaq; & plurimi canones extãt, in quibus iubent isti pseudoeπισcopi ecclesiarũ, & honestatis uastatores, ne q̃ cõiugati ad sacros ordines admittantur, cũ etiã si qui admissi, deinde ad honorabiles nuptias aspexerint, eos rursus spoliant officio ecclesiastico, & deturbant inde atque deiiciunt ceu inutiles & perniciosos Ecclesiæ.

Hoc itaque fieri ab istis pestibus Ecclesiarum & corruptelis bonorum morum, contra doctrinam Domini nostri Iesu Christi, adeoq; contra ordinationem Pauli, & totam sanctam Ecclesiam, suprã abunde expositum est. Quo nunc lectorẽ remitto, ut breuius et citius me absoluã. Illud igitur facinus nõ est flagitiosum tantũ, uerum etiam blasphemũ in ordinationem Dei, & totũ cõiugiorum statũ infamat. Si n. coniugem esse indignũ est sacerdoti, cui Christiano poterit licere, bonũ aut honestum esse habere uxore? Nonne enim ipsum uerbũ Dei, Euangelium salutis nostræ, oĩa

IN CAP. I. AD TITVM,

sacramenta, & quicquid sanctam Ecclesiam efficere potest, sunt ex æquo omnium Christianorum? Nihil enim plus ex illis habent, & usurpare sibi possunt sacerdotes, quàm quilibet ex infima plebe. Nisi quòd sunt ministri harum rerum, & quòd necessitas eis incūbit ministrandi & conferendi hoc quicquid est rerum sacrarū oībus dignis & recte ac debite petentibus eas. Quòd si administratio requirit coelibes, & administratoribus indignæ sunt nuptiæ, quomodo licebit coniuges esse eos, qui bonis ipsis administratis utūtur? An plus est ministrare res, quàm rebus ipsis participare, uti ac frui? Seruus ne maior est, qui ministrat an dominus cui ministratur? Pudeat uos phariseos & hypocritas in tantis criminibus inscitie & impietatis deprehendi.

Vide etiam & expende, quale sit & quàm inaudite tyrannidis & crudelitatis facinus, hominem prohibere unitate & consuetudine uxoris. Quæ enim uiolentia tyrannorum cum hac conferri potest? Aut quæ barbaræ Gentes unquam tale quid molitæ fuerunt? Deinde, quis dedit eis potestatem in Ecclesiam, nisi quæ est ministerij & seruitutis? In ministrando autem quid possunt, nisi docere alios de beneficio redemptionis per Christum, aut exhortari illos ad opera bona, uel cōsolari per sacramēta, tū eos qui cōtradiciunt arguere? Quid mihi ultra hæc cum Romano

mano Pontifice aut ullis alijs episcopis? An possunt illi spoliare me pecunia mea? Et, quod maius est, an possunt me libertate coniugiorum fraudare, dominari in conscientia, & perdere animam, quam Deus seruare querit? Quis dedit eis, & ubi hanc potestatem? Imò cui seruiunt in hac impietate, quæ potestate Domini nostri Iesu Christi ex diametro pugnat et aduersatur? Dicam paucis, & clare. Nam instinctu Diaboli prodierunt, ex nobis progressi, cum non essent ex nobis, ut Ioānes inquit. Isti, inquam, qui iam dudum deserto & corrupto ministerio ecclesiastico, tyrānides in Ecclesia affectarunt. Et ultra alia innumera mala quæ introduxerunt in Ecclesiā, & quibus propè deleuerunt eam, etiam his barbaricis & lenonū edictis, planèq; Diabolis grassantur, & Ecclesiam Dei turbant, uastant atque perdunt.

Sed dissimulatis paulisper his impietatibus, rogo istos per omnia sacra, perq; Christum Iesum Dominum & seruatorem nostrum, si uideri uolunt uiri honesti & boni esse, & ipsum Dominum Christū reuereri & honorare, ut dicāt nobis, cū qua utilitate Ecclesiarū, publicæ honestatis et Reip. cōdiderint istas uiolētas, ne dicā pharisaicas leges, aut retinere eas uelint, qbus uetāt & prohibēt, ne Ecclesiæ ministri sint uxorati. Quō. n. potest Ecclesiæ aut in publico noxia

IN CAP. I. AD TITVM

esse sacerdotis uxor? Imò quomodo non honesta potius esse, & ornare Ecclesiam, uidelicet pudica, honesta, casta, & liberos educans in timore Domini? Nam si laudabiles sunt, quales reliquis Christianis contingunt, quomodo non sacerdotibus laudabiles erunt, et Ecclesiae ornamēto? Aut nihil ne sperāt boni peruenturum in Ecclesiam, à sexu mulierum? Nam si omnes mulieres uitiosas credunt, & occasionem mali bonis esse, cur non in uniuersum abolent totum coniugij statum? Imo cur miscentur scortis, & alunt meretrices, qui legitimæ coniugis usum & honorabiles nuptias tam odiunt, abominabiles ducunt & execrantur?

Coniugia sunt præcepta à Deo, omnibus sub cælo hoībus, qui dono continentiae non sunt præditi, quod supra dictum, demonstratum & probatum est. Quid igitur habet, obsecro, hanc necessitatē tantæ utilitatis, uel in speciem probabilis Ecclesia quæ fingitur (Nam quæ uere est Ecclesia Dei, ea retinet ac sequitur uerbum Dei) cur debeat abrogari, tolli, & irrita fieri libertas coniugiorum in sacerdotibus? An possunt ne papistæ melius quàm mandatis Dei constituere & ordinare? Id uero doceāt nos. Si uero non possunt, cur iubet, ut relictis optimis & diuinis constitutionibus ad pessimas & pharisaicas hominum constitutiones relabamur? O ineffabilem temeritatem sceleratissimarum cogitationum.

lam

Iam, quod supra quoq; dictum est, Episcopi persona, præ alijs bono & sancto uitæ exemplo, lucere in Ecclesia debet, sed hoc ne fiat, obstant ministri isti Satanae, qui prohibent, ne Ecclesiarum pastores Episcopi uxores ducant. Nam impossibile est, tot Episcopos & Sacerdotes, quot semper habuit Ecclesia, & semper habere debet, perpetuo tenore in cœlibatu, quo uitant & fugiunt matrimonia, imò uitare & fugere coguntur, caste & continenter uiuere, aut certe, nō fœde & turpiter uri. Nihil hic suffragari mihi uolo, nisi experientiam testem, quæ omnium conscientias reuincit. Tum omnium illa turpissima exempla fornicationum, immundiciarum, & adulteriorū, quæ nostra ætas uidit, & adhuc uidet in Ecclesia Papæ. Nā Ecclesiæ Dei est alia facies. Habet enim Episcopos uxoratos, & prædicat libertatem coniugiorum, nec præbet occasionem scortandi, sed omnibus modis tollit, & abrumpit eam. Nec propter aliud præcipit, ut Episcopi habeant suas uxores.

Scribit Theophylactus, id quod hic à Paulo dictū est, talem uidelicet ordinandum esse Episcopum, qui sit unius uxoris maritus, eo dictum esse, ut hæreticorum ora occludantur, detrahentium seu obtrectantium nuptijs. Sed hunc scriptorem habuit orientis Ecclesia, inter quā, & suam occidentis, ipsi quoq; Papistæ discernūt. Et fingūt in sua Ecclesia, recte scilicet

IN CAP. I. AD TITVM,

constitutum atq; ordinatum, & pie receptum esse, quod olim in Orientis Ecclesia nemo potuit neq; uoluit recipere, aut adprobare, ut piam & sanam constitutionem, qua uidelicet libertas cōiugij sacerdoti interdicitur. Vide igitur mirabiles uices. In ueteri orientis Ecclesia, non fuit hæreticus, quisquis probabat sacerdotum coniugia: In noua illa papistica Ecclesia hæreticus est, quisquis adprobat coniugia sacerdotum. Et rursus, in Ecclesia orientis hæretici sunt, quicumq; nuptias sacerdotum improbant & dānant, in Ecclesia autem papæ sunt uiri sancti Catholici & Christianæ pietatis curatores. Nisi quòd Ecclesiæ Christi hoc ipsum probare non possunt.

Quid igitur, & cui Ecclesiæ tandem iungemus & sociabimus Deum, Christum & Apostolos? Certe enim, in ecclesia Papæ, non recipitur laudator coniugij Sacerdotū, multo minus, qui præcipiat, ut Episcopi habeant suam quisq; uxorem. Male igitur illi omnes in Ecclesia papæ audiunt, qui fauent cōiugio sacerdotum, & papistis ipse quoq; Deus hæreticus est. Deinde Christus quoq; & Paulus istis sunt hæretici. Deniq; tota sancta Ecclesia catholica, est iudicio istorum quædam colluies immundiciæ hæreticorum. Quia oportet, ut in idem uerbū Dei tota consentiat, & adprobet cū Deo, Christo atq; Paulo coniugia Sacerdotū. Intelligis opinor ex his, quo usq; promouerit

mouerit cum sua pietate & sanctimonia Papatus, qui habet Episcopos & sacerdotes, scortatores, le-
nones, & meretricum alūnos. Nihil per contumeliā
dico, sed dolore Christiano propter afflictionē Eccle-
siae, & odio execrabilis turpitudinis, quae defenditur
pro iusticia & pietate, haec omnia scribo. Nihil sin-
go, sed rem ipsam, quod nemo melius nouit quā papi-
stae, & facti historiam narro, impijs in confusionē,
pijs autem in suae fidei confirmatijs robur.

Sed haec haecenus, contra blasphemias, damnan-
tiū honestatem coniugiorū in sacerdotibus, Ecclesiae
ministris. Venio nunc ad alterā illam partem, in qua
recepti me dicturum, de digamia & polygamia, quae
fingitur à Papistis: & natura non est, uel digamia,
uel polygamia Et tamen ita male audiūt, res illae bo-
nae & sanctae, (de honestis cōiugijs loquor.) aut per
iniciuiā, aut per calumniā & malignitatē infamatae,
ut etiam eorū coniugia, ceu immunda damnentur, &
indigna iudicentur sacerdotibus, qui neq; digami ne-
q; polygami unquā fuerunt. Contendunt itaq;, quòd
Apostolus ipse arceat ab administratione ecclesiasti-
ca, eū qui sit digamus, multoq; magis, si polygamus,
propterea, quòd statuit, ne sit Episcopus, nisi unius
uxoris uir. Sed postea affingunt, digamū esse, eū qui
aut duas successiue uxores habuerit, aut qui ab alto
relictam, id est, uiduā, in matrimonium suscepit. Vel

De papistica
digamia &
polygamia.

IN CAP. I. AD TITVM,

deniq; qui ab alio stupratam duxit, quanquã uirginem credens. Hos igitur omnes abigunt Papistæ ab administratione sacrorum, & sacerdotio, seu ecclesiastico officio priuant, digne scilicet, & uehementer papistice. Sic enim decet fieri ab his, qui ordinationem Dei, quæ est in puritate & honestate coniugiorũ, odiunt, & in omnibus infamant atq; dehonestant. Tum suam ipsorum hypocrisim & turpitudinem summis præconijs uehunt, & omni dignitate ornant in Ecclesia, quasi eo ipso placeant Deo, & sint digni officio & administratiõe ecclesiastica, qui quomodocunq; coelibes uiuunt.

Sed si caussa hac nostra, imò Ecclesiæ catholicæ, Iesu Christi et Dei Patris, serio afficiuntur Papistæ dicant obsecro omnium primo, nũ agnoscant, Paulũ sacerdotibus cõcedere libertatem coniugij, cum una uxore? Si enim non agnoscunt, ociose hæc & frustra de digamia & polygamia hoc tempore disputantur, tametsi à quibusdam, in infamiam coniugij sacerdotalis proferuntur. Si autem agnoscunt, quid spoliant Sacerdotes unitate uxoris, per suas execrabiles leges? Nam totum coniugij statũ reprehendunt & dānant papistæ, ut illicitum & immundum in sacerdotibus, idq; contra Paulum, imò contra Deum. Et auferunt illis, quod Deus, & ministerio suo Apostolus Iesu Christi concessit, & donauit, Fures scilicet, & latrones

latrones perniciosissimi in Ecclesia, Qui sibi sumunt imperium in homines, in quos penitus nullū habent, & quidem, tam crudele, uiolentum, atrox, impium, & periculosum his, quibus usum propriæ coniugis interdiciunt, hoc est, uetant, ne Episcopus habeat suā uxorem. Nam ista crudelitate pharisaica legis, de præstando coelibatu ab Episcopis & sacerdotibus, plurimas haud dubie animas occidunt, ac perdunt, & priuant illas foelicitate æternæ uitæ. Quia non tātum præbent occasionem licentiæ Scortationum & turpißimarum libidinum, sed etiam sunt efficax causa, fornicationum multiplicatarum in tota Ecclesia exemplo sacerdotum. Sed pergo:

Esto igitur, ut res per se indigna sit Christiano, & præsertim sacerdoti, digamia & polygamia, (de hoc enim non contendo, planeq; improbo eum, qui per intemperantiam & ardore libidinis, una sua uxore contentus esse nolit, et plures affectet, seu quærat, &c.) tamen neq; digami, neq; polygami sunt, illi supra memorati, quos esse uos Papistæ fingitis. Nec sunt in coniugio inhonesto. Ideoq; nec prohiberi, aut deturbari, ab officio ecclesiastico debuerunt, si tamen in alijs idonei ad ministerium, & digni reperi fuissent. Non iam excusatio negotium digamiæ, sed cum Papistis ago, qui honesta coniugia, per sua blasphema commenta damnant. Tum eorundem oc-

IN CAP. I. AD TITVM,

casione, ministerio ecclesiastico deijciunt, qui ecclesie utiles esse potuerunt: & alios inutiles & perniciosos admittunt, tantum, ut pharisaico coelibatu, seu simulata apud homines castitate, se Ecclesia probet.

Non igitur inter digamos numerari debuerunt, qui unius secundae, aut uiduae, aut corruptae, mariti fuissent: multo minus reprehendi eorum coniugia, ut uiciosa & indigna Ecclesiae ministris. Et ut contendas, digamum appellandum, qui est unius secundae maritus, num est propterea in coniugio uicioso & inhonesto? Sed si coniugio uitur, digno Christianus: quomodo idem coniugij status erit indignus Ecclesiae ministro? Num coniugium per se honestum, uiciat ministerium, o hypocritae? Sed quomodo digamum probabit, aut coniugio parum honesto uti, cum qui uiduam duxit in uxorem: aut qui stupratam duxerit, ignarus praesertim uiolationis ab alio factae? Hos scilicet culpabitis, tanquam uiciosos & indignos ministerio, propter alienam culpam, nempe uxorum? Et quidem earum, quae aut non habent culpam seu uitium, ut uiduae: aut si culpabiles fuerunt, per poenitentiam emendatae sunt, ut ipsis quoque angelis & Deo probentur ac placeant, & cōmeritio tamen Episcopi apud papistas indignae reputentur. An non sunt haec summa scādala in Ecclesia Christi: qui uenit saluos facere peccatores, et poenitētes reuersos recipit

in cœtum Christianorum & filiorum Dei? Tum filiarum, quæ commertio tamen ministri Ecclesiæ, apud papistas, indignæ reputantur?

Quid quòd his cōmentis digamiæ blasphemant opus & creaturam Dei? Nam si illæ tales nuptiæ, de quibus in præsentia loquimur, sunt indignæ sacerdotibus, seu ministris, quomodo non omnibus Christianis erunt indignæ? Nam omnium Christianorum, quis est magis altero, aut minus Christianus? Imò quis magis, aut minus sacerdos? Nonne hæc sunt ipsius met Petri, ad omnes Christianos? 1 Pet. 2. Vos estis genus electum, regale sacerdotium, gens sancta, populus peculiaris, &c. Si ergo ministris Christianorum sunt indignæ istæ nuptiæ, quomodo non omnibus Christianis? Sit ergo summus Ecclesiæ minister, tamen minimus Christianus non est inferioris dignitatis coram Deo, & nullare parum honesta debet uti. Coram Deo, & in Ecclesia Christi cessat personarum respectus, nec alius alio maior, dignior aut minor est. Nec magnus, nisi quæ gratiæ prærogatiua efficit præstantem & magnum, in Christo Iesu. Non ergo damnabitis hæc coniugia in sacerdotibus, aut certe, in oibus Christianis probabitis indigna & immunda esse.

Iubetis, ut honestatis publicæ ratio habeatur, maior in ministris, quàm in alijs? ergo inhonesta probabitis hæc cōiugia? Nam eadem blasphemia usq; redit.

IN CAP. I. AD TITVM,

Non est autem ferendum, ut uestris pharisaicis legibus, opus & ordinationē Dei infametis. Quin etiam si honestatis rationem haberetis, libera permittere-
tis coniugia sacerdotibus, omnium prorsus specierū,
ut reliquis omnibus Christianis. Honestas sunt enim
coniugia, & thorus matrimonialis, est immaculatus.
Sed uos male audire facitis honestatem coniugiorū
et pharisaismum docetis, & multiplicatis scoriatio-
nes, immundicias & peccata in Ecclesia. Nam etiam
fieri potest, ut uestri isti coelibes, quos creatis, sum-
me displiceant Deo: nō propter aliam causam, nisi
quia coelibes uiuunt, etiam si coelibatus sit res libera
& media apud Christianum, ut cōiugium. Et nemo
melior aut deterior sit propter ipsum: nemo magis,
aut minus Christianus. Tamen non est liber immun-
dis, non tantū qui incontinenter uiuūt, sed illis quoq;
qui sunt uiciosi coram Deo impuritatem inuolunta-
rij coelibatus.

Alijs itaq; papistarū indignæ creduntur nuptiæ
sacerdotū, nec recipiunt nisi coelibes. Alij, etsi cōiu-
gia non damnant penitus in sacerdotibus, tamē secun-
da cōiugia uituperant: tū etiā, si Episcopus maritus
sit, unius uiduæ, aut stupratæ. Ideoq; tales oēs remo-
uētur ab officio Ecclesiastico. Quid sit ergo hoc sci-
licet. Vt frequenter reijciantur, hoīes literati, docti,
in literis sacris exercitati, boni & honesti uiri, po-
tenles

tentes in doctrina sana, ualentes exhortatione, & ad redarguendum contradicentibus sanæ doctrine apti, nulla alia culpa execrabiles papistis, nisi quia sunt uxorati, & in honorabili coniugio uiuunt. Hæc scilicet est operatio Diaboli, odientis cōiugia, maxime autem sc̃licitatem Ecclesiarum, quarum uastitatem & euerfionem his uijs querit. Rursus ad sacerdotium & episcopalem dignitatē ferē admittuntur, homines indocti, ignari sacrarum literarum, neq; boni neq; castitatis amantes, tantum pharisaico cōlibatu cōmendabiles, & plerūq; scortatores. In quo est desiderium & uoluntas Diaboli, qua quoniam uoluit in spiritibus pharisaicis & impostoribus, ex his fructibus iudicare de istis debemus, & cognoscere unde leges prohibiti coniugij, & à quo, prodierint in mundum. Videlicet, ab ipso met Diabolo, cuius fuerunt ministri, ea in re, qui coniugia sacerdotum, seu ministrorum Ecclesiæ, damnauerunt. Multa sunt horribilia exempla, quæ me nimium uera scribere, de his calamitatibus ecclesiæ testantur.

Est autem inconsiderantiæ papisticæ aliud exemplum et argumentum, quòd hoc ipsum quod Paulus iubet, Episcopum esse unius uxoris uirum, digamis & polygamis opponunt potius, quàm licentiæ scortationū. Quasi Paulus de numero uxorum Episcopi sollicitus fuerit potius, quàm de honestate uitæ, aut

Quid unitas uxoris, cur & quomodo Episcopis præcepta,

non scandala uoluerit cauere potius & arcere, quæ præbent scortatores in Ecclesia, quã prohibere ne Episcopus unam secundã aut tertiam uxore ducat. Quod igitur Paulus de unitate uxoris præcipit, nõ tam affirmatiue, quã negatiue necessario accipitur: ut Clarissimns Ecclesiæ doctor, Martinus Lutherus, in quibusdã suis propositionibus, de digamia Episcoporu, firmiter & clare probat, uulgatis anno ab incarnato Christo, 1528. Si enim affirmatiuũ esset præceptum, non liceret unquã Episcopũ cœlibem esse, sed necessario semper cogeretur unius uxoris maritus esse. Voluit ergo, illo præcepto de unitate uxoris castitatem cõiugalem docere, quasi dicere uoluerit, uxore habeat, & illa sua una contentus, caste uiuat. Ne uidelicet, aut uirgines uiciet, aut matronarũ pudicitiam uiolet, aut cum quauis alia scortetur.

Proinde unitas uxoris, significat honorabile coniugium, & castum illud, in quo maritus usu propriæ coniugis cõtentus, nullas alias petit. Præcipitur autẽ ea caussa Episcopo, illa unitas, ne, ut dictum est, sit scortator: & suo uicioso exemplo Ecclesias Dei perdat. Iubet enim Paulus Episcopũ irreprehensibilem esse: & illius necessitate præcipit, ut unam aliquã suam uxorem habeat. Alioqui, quis nescit, si Episcopus dono continentie & castitatis sit præditus, & uelit cœlebs permanere, id liberum ipsi esse: & non

cogit

cogi eum, ut uxore ducat? Sed cum non omnes Episcopi sint præditi dono continentiae & castitatis, libertas in usu coniugiorum, apud omnes Christianos, & Episcopos quoque, regnare debet. Sed Papistæ creant non solum, per suas impias, immundas & abominabiles leges, uerum etiam cogunt fieri Episcopos scortatores. An non enim uerbum hoc Dei, crescite & multiplicamini, omnibus hominibus decreatum et impositum est? nisi quæ Deus ipse alio uerbo, aut facto, aut dono suo excipiat? Sed tu hypocrita, si tuis legibus prohibeas tantæ multitudini Episcoporum & sacerdotum nuptias, quid efficias nisi immundos & scortatores?

Sic ergo præcepta est unitas uxoris Episcopo, ut necessario semper suam uxorem habeat, si aliter pure uere, & scortationes uitare nequeat. Vt supra abunde copiose & clare docui, per hæc testimonia Pauli: 1 Cor. 7. satius est matrimoniū contrahere, quā uri. Et, propter stupra uitanda, suam quisque uxorem habeat. Et per illa Christi, Matth. 19. Non omnes capiunt uerbum istud, sed quibus datum est. Et, qui potest capere capiat. His enim testimonijs docetur sane libertas coniugiorum, quæ omnium Christianorum esse debet. Quare flagitiosissimum est prohibere Episcopum unitate uxoris, hoc est, prohiberi, ne suam uxorem habeat, esto sit secunda aut tertia, &c: Nec potuit hoc conari quisquam alius in Ecclesia

IN CAP. I. AD TITVM,

Dei, quā aduersarius iste Dei & Ecclesie Iesu Christi Antichristus, uastator omnis pietatis & honestatis. Qui regnans uel potius grassans ac tyrannizans in Ecclesia Dei, tanquā sit Deus, & cui liceat in totā Ecclesiam pro libidine sua scuire:

Prorsus enim simile facinus ac scelus est, arcere Episcopum unitate uxoris, atq; si prohibeas bonū et honestum uirum esse, & iubeas scortatorē esse. Aut si prohibeas, ne officia alia faciat, sine quibus Ecclesie utilis esse non potest, uel præcipias, quæ si faciat, non potest non pernitiosus esse, aut noxius in Ecclesia. Da enim Episcopum, qui continentie dono nō sit præditus, & fac coelibem esse & sine uxore uiuere, quid nisi scortatorē præficies Ecclesie, qui in sandis libidinibus omnia repleat? Hoc uero an non est senestra Diabolo aperire, & Ecclesias illi permittere, ut bene & scelerate institutas corrūpat, euertat ac funditus perdat? Quis enim nescit, quā sint noxij scortatores Episcopi in Ecclesia, & pastores meretricibus iuncti? Quales in papatu uidimus, & usq; in hodiernum uidemus, insigni testimonio fructuum & poenarū impietatis, fraudis & astucie Diaboli, operationū erroris, in prohibito coniugio Sacerdotum.

Dic quē serio docent timorem Dei, fidem in Deū, proximi aut honestatis amorem, Episcopus scortator? Proinde non uetat Paulus, scribens de unitate
uxoris

uxoris Episcopi, ne una mortua aliā ducat. Imò semper cogit aliā ducere, si aliter continens esse nequit. Talem enim requirit Episcopū qui sit irreprehensibilis, qualis non est quisquis monogamus est, sed qui unā suam habet uxorem, siue primā, siue secundam mortua prima, aut terciā &c. cū qua usu & consuetudine coniugali caste uiuat. Nec petit aliā, sicut existimandū est nullā aliā caussam esse, cur præcipiatur unā suā uxore habere Episcopus, quā ne aut uirgines uiciet, aut alienas uxores polluat, aut licenter cū quauis alia scortetur, sed ut sit sua una cōtentus.

Sed si contendas, unitatem illam uxoris, de qua Paulus loquitur opponi digamie & polygamie, tamen aliud nihil efficies, quā prohiberi pluralitatē illam uxorū, quā lex Mosaica confirmabat, qua plures simul & eodē tempore, uir unus habere cogeatur. Quare non est mens Pauli, ut mortua prima uxore, Episcopus nullā aliam ducat, sed hoc uult, ut si cōtinentiæ dono nō polleat, una mortua, semper aliam ducat, ut suā habeat, sua utatur, ac uitet scortatiōes. Vsq; adeo, ut si opus sit et casus ita ferat, secundā nō tantum, aut terciā ducat: sed septimā quoq; ac ne sic quidē cesset alias ducere, si septem moriantur, &c.

Si enim uno anno, duobus aut tribus, septē uxores moriantur Episcopo, quis illum sua libertate fraudare possit, saltem iure diuino, ne aliam ducat? Quid si

IN CAP. I. AD TITVM,

in primo, aut altero mense, moriatur Episcopo, sua prima uxor, quid facias teli? Num alligabis hunc ad perpetuae continentiae periculosum coelibatū, ne dicam pharisaicū, id est, animi odientis coelibatum, & cohiberi à re uxoria nolentis? Sed hæc esset plusquā scythica crudelitas, quā Deus nusquā exigit à suis, sed cōiugia ex æquo omnibus libera permittit, tum Episcopis, tum alijs in Ecclesia, quos Episcopi habēt suæ curæ commissos. Linquendi sunt igitur Papistæ, isti qui coniugia Sacerdotum damnant, ut homines reprobi, & indigni quibus hac in re quisquā uir bonus obsequatur.

Pugnantia le-
gum papisti-
carum de con-
iugio sacer-
dotum,

Est autem magna uerietas & pugnantia Papi-
sticarum legum, quibus damnant coniugia sacerdo-
tum, & tradunt, qui nam in officium doctorum
Ecclesiae suscipi debeant, & qui non. Quarum hic
alioquot subscribam, ut ex eis, tanquam exemplis
impietatis, spiritus erroris deprehendi & iudicari
possint. In Decret. dist. 26. statuitur, Episcopū debe-
re monogamum esse, post baptismum, id est, quòd
baptizatus possit unam assumere in uxorem, etsi pri-
us quàm ueniret ad baptismum quoq; extiterit uxo-
ratus, secundam tamē non possit ducere in uxorem.
Rursus hic canon refellitur eadem dist. Ca. Acutius.
Is enim pronunciat digamū, qui ante baptismum ha-
buerit unā, et post baptisimū alteram duxit. Ac uetat
talem

talem suscipi debere in Episcopum. Hunc ergo talē, neq; eruditio, neq; pietas, neq; uitæ honestas, potest Ecclesiæ Papæ commendabilem reddere, cum tamen in ea notorij scortatores admittantur, neq; docti, neq; in alijs bonæ conuersationis & uitæ.

Sed proficiunt suo more papistæ, & subinde deteriores semetipsis fiunt. Siquidem quidam Martinus Papa, dist. 27. Ca. Diaconus, cōiugia sacerdotū & Diaconū, in totum damnat, & uetat huiusmodi ordinari, planeq; edicit, ne tales admittantur, nisi uoto castitatis prius emisso. Tantum scilicet permittit sibi impostor iste, in creaturas Dei, quibus nihil habet imperare, & in leges Dei, atq; decretū Apostoli, quasi superior illis fuerit, & dedita opera uoluerit Deo aduersare & pugnare. Deniq; præcipit, ut si illi, qui uoto emisso peruenerint ad sacros ordines, reuertantur ad repetendas nuptias, tum officio ecclesiastico cedant ac deponantur.

Eadē dist. Ca. Quod interrogasti, Nicolaus Papa, à Nōnis seu Monialibus, ut uocāt, requirit obseruantia perpetuā uoti continētiæ, ac præcipit, ut maneāt innuptæ, etiā si malint honestū cōiugiū deligere sibi: Ita scilicet, nō dubitauerūt in utrūq; sexū seuire, et totū hoīm genus captiuū ducere, & suis pharisaicis legibus, de seruādo cōtinentiæ uoto stultificare. Ibi dē alius Canon, cuius initium est, Presbyteris, et Papæ Calixto tribuitur, Monachis et laicis sacerdoti-

IN CAP. I. AD TITVM,

bus & Diaconis præcipit, ut ipsa quoq; contracta matrimonia dissoluant.

Distinctio mox sequens, 28. simili æstro & furoribus percita, agitur, quibus illa superior: Vnde Ca. Nullum, ex mādato Gregorij, uetat recipiendū ad subdiaconatus officium, nisi qui præstiterit antea uotum castitatis. Sequens Canon, Decernimus, Innocentij, eos qui in officio subdiaconatus & supra uxores duxerint, officio ecclesiastico priuat. His attexitur quoddam Decretum Concilij Toletani, idem exigens, ut agnoscas spiritum erroris & impietatis ipsa quoq; concilia dementare. Et paulo post aliud eiusdem farinae, ex concilio Arelatensi, ut uideas, quid negocij semper Diabolus habuerit, immiscens se concilijs, quæ creduntur errare non posse.

Et huiusmodi tenore longo procedit ferè ea tota distinctio, & annū uouēdæ castitatis plenū, & uoti irreuocabilis, statuit decimū octauū, in illis scilicet, quos uolūtas parentū, à primis infantiae annis clericatus officio mācipauit. Isti autē ridiculi uel potius deplorādi uotarij, dicūtur ibidē appetitores uiae Domini arētissimæ, & subdi scilicet iugo Domini leuissimō: cū sit plusquam infernalis catena & cruciatus damnationis uoto tali continentiae perpetuo constringi. Tum, quia uotum hoc tale fit contra Dei uoluntatem: tum etiam quia non potest, nisi pharisaice & cum summa impatientia seruari, respectu
scilicet

scilicet humani uoti & uirium humanarum, quibus in tantum fidentur, quasi res tantæ per humanam industriam possint præstari. Nam in quibus est amor continentiae, & in quibus uera castitas uiget ac durat, in ijs nõ est, quia ipsi uouerunt aut præstet eam, sed quia ex dono Dei illis contigit, raro prorsus in hominibus in hac terra. Stultitiæ est autem & superbæ temeritatis ac præsumptionis, ea uouere, quæ præstare non potes, nisi Deo donante.

Ibidem refertur ex concilio Aurelianensi constitutio, quæ iubet, si relicta à sacerdote aut diacono mulier alij nupserit, aut cõtinentiam seruet, aut separetur, aut si dicto obedire noluerit, pariter cū marito excommunicatione plectatur. O furiosam legem planeq; Diaboli instinctu promulgatam. Alia constitutio ex cõcilio Martini Papæ edicit: Si qua uidua episcopi, presbyteri aut diaconi alij marito tradita fuerit, nullus clericus, nulla religiosa persona cū ea conuiuium sumat. Quanquam morienti per sacramenta subuenire pmittat. Sed quantos, obsecro, terrores desperabūdi in consciētia gignit, & opiniones peccati, ob rem in qua nullum prorsus peccatū est. O homines peccati & filij perditionis. Denique hoc est opus & sanctiōem Dei, ut suprà prolixè exposui, infamare, laqueos peccati inijcere infirmis, Deo aduersari & saluti hominum, uereq; Antichristum agere.

IN CAP. I. AD TITVM,

Ex opposito infertur quidam generalis Canon, qui dicitur apostolorū: Si quis docuerit sacerdotem sub obtentu religionis propriam uxorem contemnere, anathema sit. Et adparet à bonis quibusdam, contra impios et pharisaicos spiritus, apostolorum iactum fuisse, q̄ decreto apostolico de coniugio sacerdotum consentiret. Quo nomine ego quoq; libenter agnosco hunc eundem Canonem apostolorum esse, quia scripturis & doctrinæ apostolorū cōsentit. Cui quis quis aduersatur, suæ uanitati & hypocrisi innitens, de facto excommunicatus est, anathema & execrabilis Deo, etiamsi is esse ab Ecclesia nondum sit declaratus. Ac nisi cōuersus fuerit, nō potest saluus fieri.

Ita sunt quedam in laudem coniugij contra uituperatores & corruptores eius sancita in tercio concilio Gangrensi, sicut refertur dist. 30: Et in Nicena Synodo tentatum fuit, ne propriæ coniugis usus permitteretur episcopis, presbyteris & diaconis. Quod ne fieret, quidam confessor gloriæ Christi in persecutione, quæ facta est sub Maximiano, restitit, quem historia uocant Paphnutium. Ille igitur contradicens, honorabiles confessus est nuptias, & castitatem esse dicens concubitum cum propria coniuge. Suasitq; concilio, ne talem poneret legem, grauem asserens esse causam, quæ aut ipsis aut eorum iugalibus occasio fornicatiōis existeret. Et hæc quiden Paphnutius

licet

licet nuptiarum esset inexpertus, exposuit, synodusq; laudauit sententiā eius, & nihil ex hac parte sancit, sed hoc in uniuscuiusq; uoluntate non necessitate permisit. Hæc lege distin.³¹ Originaliter uero libro 2. hist. Trip. capite 14.

Sed Gratianus distin. 29. meminit aliquot cautionum, quibus scilicet omnes piæ & utiles constitutiones eluduntur à papistis, & quicquid est honestissimarum & optimarum consuetudinum priscæ Ecclesiæ. Citat autem præmemoratarum cautionum regulam ex Isidoro, quæ & si utilis esse alicubi possit, tamen Gratianus & papistæ illa impie abutuntur. Sed subscribam hic uerba Isidori, ut à Gratiano recitantur: Sciendum est, inquit, q; pleraq; capitula ex causa, ex persona, ex loco, ex tempore consideranda sunt. Quorum modi, quia medullitus non indagantur, in erroris labyrinthum nonnulli intricando impingunt, cū antè iudicant quàm intelligunt, antè culpant, quàm iterando lecta perquirant. Ad idem facit, quod mox ex Gregorio idem Gratianus citat. Regulæ sanctorum patrum pro tempore, loco, & persona, & pro negotio instante necessitate, traditæ sunt.

Ars eludendi
pias constitu-
tiones.

Huius igitur regulæ potest esse aliquis usus, potest etiam in abusum torqueri. Et agnosco, si talium circumstantiarum diligens ac prudens ratio habeatur, quòd aliqua patrum excuset, quæ alioqui re-

IN CAP. I. AD TITVM

prehensibilia uideri potuissent. Atque ita certe & decretum apostolorum excusaturi, illud Act. decimo quinto, de non edendis quæ essent idolis immolata, & abstinendo à suffocato & sanguine, quia hoc donatum est illis temporibus, quæ habuerunt multos infirmos, conuersos ex Iudæis ad fidem in Iesum Christum, qui non potuerunt recipere protinus nullas constitutiones rituum Mosaicarum amplius seruandas esse. Ita profuit iam nascente Ecclesia uirginitatem & coelibatum ualde extollere contra licentiam Iudaici coniugij, de qua Matth. 19. & gentilis scortationis, si prudenter hoc tentatum semper fuisset. Sed papæ his mitigationibus fœde & impie abutuntur, quia iubent, ut illas omnes constitutiones tanquam necessarias perpetuo obseruemus, quæ hoc tempore non faciunt, quàm ad abominationes antichristianas constabiliendas.

Deniq; pro ueteribus bonis constitutionibus nouas & pessimas introducunt, & si quando inter se pugnant patrū constitutiones, semper iubent deteriores retinere, atq; adeo, si quæ sunt ueterū malæ ac prauæ constitutiones, eas continuis alijs legibus in deterius corrumpunt, cuius habes iam supra posita & allegata à me exempla. Ideo & nos in contrarium ipsis ambulare uolumus ac debemus, & nihil benigne, nihil clementer interpretari. Nihil dissimulare, quod habet aliquam

aliquam foeditatem seu turpitudinē aut impietatem, sed hoc, quicquid est, protrahere, & in publico Christianorum coetu arguere, accusare, traducere ac difsamare. Qui a non ferunt ulla, quanquam piissimas, suarum constitutionum leges mutari & corrigi.

Proinde hoc tempore ualde extollimus cōiugium sacerdotum contra cœlibatum, qui uidelicet in Ecclesia Papæ ferè est inane & uacuum nomen, titulus & gloria sine re, tum perniciosissimi exempli in Ecclesia Iesu Christi. Alioqui nulla causa est, cur cœlibatui coniugium præferatur, aut coniugio cœlibatus.

Nam suam laudem uterq; status habet & meretur: Nec iam oportet rationes dicere ultra eas, quas dixi suprâ tam prolixè & copiose. Sed aliquot tamen exempla subscribam, ex quibus intelligi possit, quomodo papistæ impias constitutiones impie mitigent, & abolis bonis legibus non retineant in Ecclesia sua, nisi pessimas constitutiones.

De constitutionibus illis sanctioribus, quæ nuptias quibusdam in clero liberas permiserāt, diaconis præcipuo, dicitur distin. 28. quòd hoc ipsum intelligendum sit, uel ex tempore, uel ex loco. Ex tempore quidem, quia nondum fuerat introducta cōtinentia. O uanam rationem, quasi Christianæ continentiae non fuerit semper æqua necessitas ab omnibus præstandæ, aut quasi pie continentes sint, quicunq; cœlibes uiuant.

IN CAP. I. AD TITVM,

Ex loco autem, quia Orientales Ecclesiæ non suscep-
perint generale uotum castitatis, quasi uouendi ratio
dolo & fraude introducta in Ecclesiam, & uiolen-
ter à multis extorta, possit probabilem efficere hanc
pharisaicam & sceleratam consuetudinem uouendi.
Sic ergo durant papisticae leges de prohibitis nuptijs
cleri in Occidentis Ecclesiis. Lege similis constitu-
tionis elusionem dist. 3. Ca. Quoniam, usq; ad finem
eius constitutionis.

Distin. 30. dicitur, q. illud in Canone apostolorum
& Gangrensis cōcilij pro coniugio sacerdotū ex cau-
sa consideretur & tēpore. Causā autē fuisse hæresim
Manichæorū, q̄ coniugiū detestabatur, quasi hæresis
Papæ sit iustior & tolerabilior, q̄ coniugiū in clero
ita dānat ac detestatur, ut nemo ex laicis ignaris scri-
pturarum sanctarū non possit suspicari, nuptias esse
rem fœdā coram Deo, & q̄ parum gratū efficiat con-
iugatum coram illo. Audi enim papisticam rationem
cur isti, qui sunt in subdiaconatu & supra, debeāt ab-
stinere à commertio uxorū, seu coniugali, quæ red-
ditur, dist. 28. ca. Decernimus. Cum enim, inquit im-
postor Innocentius, ipsi templū Dei, uasa Domini &
sacrarīū spiritus sancti debeant esse & dici, indignum
est eos cubilibus & immundicijs deservire.

Primum Innocentius iste, quisquis fuit, non curo,
mihi certū est spiritu erroris & summae blasphemiae

in hac constitutione actum fuisse. Is ergo fingit principio solum papisticum clerum, siue, ut mitius dicam, Ecclesiæ ministros tantū esse templum Dei, uasa Domini & sacrarium spiritus sancti, qui præ alijs Christianis nihil habent, ullius prærogatiue minimæ, nisi quòd ex officio tenentur uerbum Dei publicitus prædicare, & sacramēta alijs, tanquam serui, administrare. Insanit ergo contra doctrinam Pauli, qui hoc tribuit omnibus Christianis, quod ipse solis ministris. Tum etiam cōtra doctrinā Petri, qui omnibus Christianis scribens. 1. Pet. 2. Vos, inquit, estis genus electum, regale sacerdotium, gens sancta, populus peculiaris, ut uirtutes annuncietis eius, qui è tenebris uocauit uos in admirabile suum lumen &c.

Et tamen Gratianus non sanius colligit rationes ex suis Decretistis (frustra laborās & frustra sudās, ut discordantes canones cōcordet, quod ex professo sibi sumpsit) distin. 31. ubi ponit rationem à temporum circumstantia sumptā, abrogans canones, qui sacerdotum coniugia probant, & adprobans quæ improbant, ac dicēs, quia olim non fuerit institutum, ut sacerdotes continentiam seruarent. O inconsiderantiam & temeritatē, qua libidini Pontificū oīa tribuerunt, quasi potuerint pro arbitrato suo omnes leges tollere, etiā si honestas & pias atq; adeo Dei leges. An potest ulla cōstitutio unq̃ ualere cōtra dei leges?

IN CAP. I. AD TITVM

Quid quòd Innocentius, quem dixi, impudēter asse-
rit coniugia esse quasdam immundicias, & coniuga-
tos dicit immunditijs deseruire? cum Apostolus ad
Heb. 13. coniugium prædicet honoratum, & thorum
matrimonialempollutum.

Sed tamen his Satanæ legibus prævalentibus ma-
nent prohibitæ nuptiæ sacerdotum, & creduntur à
plerisq; piarum constitutionū esse. Tanta est ira Dei
ulciscētis se de impietate nostra & ingratitude.
Quia dilectionem ueritatis non recepimus, ut salui
efficeremur. Præterea multa uana, friuola ac stulta,
nec melioris notæ quàm hæc sunt, quæ proxime Inno-
centij titulo retuli. Leguntur autem ea, si quem uide-
re iuuat, dist. 31. Quanquam his impijs constitutioni-
bus solæ occidentis Ecclesiæ à Romanis episcopis in-
tantum uexatæ sunt. Orientis enim Ecclesiæ semper
liberius egerunt, ut legitur, distin. 31. Aliter se habet
Orientaliū traditio Ecclesiarū, aliter huius sanctæ
(id est, execrabilis) Romanæ Ecclesiæ. Nam eorum
sacerdotes & diaconi atque subdiaconi matrimonio
copulantur. Istius autem Ecclesiæ (matris scilicet ab-
ominationum) uel Occidentaliū, nullus sacerdotum,
à subdiacono usq; ad episcopum, licentiam habet con-
iugij sortiendi.

Volo prædictis attexere quandam impiam & in-
doctam ratiocinationē Leonis Papæ, quæ est dist. 32.

Omnium

Omniũ sacerdotũ tã excellẽs est electio, ut hæc quæ in alijs membris Ecclesiæ uacât à culpa, in illis tamen habeantur illicita. Sic. n. loquitur de coniugijs, quæ promera libidine papistica & arrogantia Pontificia fingit in Ecclesiæ ministris damnabilia esse, habere culpam, & illicita esse, quæ suprâ didicimus, autoritate Apostoli, esse pia, sancta et necessaria in Ecclesiæ ministris. Fingit tamẽ matrimonia in laicis uacare culpa, quasi rẽ seriã agat, cũ hoc attexat, ne aperto deprehendatur Deo nostro aduersari, opa & facta eius criminari. Huiusmodi stolidas imposturas plures require in eadẽ dist. in qua hũc quoq; audaciissimũ Canonem cuiusdam Urbani Papæ deprehendes innocentiam uxorũ mulctantis. Ca. Eos qui. Nam principibus, inquit, indulgemus licentiã, ut eorum (q uxoribus proprijs abstinere nolint) scēminas mancipet seruituti. O barbaricã crudelitatem in Põtifice, & latrociniũ inauditũ, cõiuges efflictim se amãtes separare. Quis ergo dissoluit cõiugia, quæ Deus cõiũxit? Quis damnat nuptias à Deo ordinatas, si Romanistæ non damnant indigni episcoporum nomine & titulo? Tantum abest, ut pro orbis uniuersalibus episcopis istos impostores oporteat agnoscere. Sed & quis dedit Papæ hanc potestatem, imperandi seu indulgendi principibus, ut seuiant in innoxias uxores sacerdotum, si non ex tyrannide Antichristiana sibi hanc usurpant?

Sed piget ac tædet, in his sordibus impietatis & blasphemiarū diutius immorari. Quanquam nō tempero mihi, qn hoc caput blasphemiarū quoq; adiiciā, quo præcipiunt, ut qui uirgines ducūt in uxores, uolentes postea admitti ad ministerium ecclesiasticum, prius separentur ab uxoribus. Ita ergo soluunt matrimonia, quæ debent inuolabilia esse, & contēnunt illud Pauli, Vir uxori debitā beneuolētiā reddat & c. Quin etiā ne nō multiplicētur peccata & præuaticationes in Ecclesia, etiam illius uxori, qui admissus sit ad ministerium in Ecclesia, nō permittūt, ne quidem post illius mariti sui mortē, ut facultatem habeat alij nubendi, quanquam solutæ & liberæ coram Deo & mundo à lege uiri Rom. 7. uidelicet iam uita defuncti, & nihil cum uxore sua in re coniugij amplius habentis. Lege dist. 32. C4. Seriatim.

Ita ergo seruiunt papistæ in utrunq; sexum, & ipsas quoq; Dei leges contēnunt. Atq; adeo salutis & perditionis Ecclesiarū nullā prorsus rationē habent. Et quoniā indignū iudicāt ecclesiastico officio, eū q habet uxore, auctores sunt, ut totus cōiugij status, ceures multis modis foeda et abominabilis, in oīm existimationē sordeat. Quæ uolui hoc loco oblata occasiōe referre, ut ex eisiudicētur illæ demoniorū doctrinæ, q bus impostores & pharisaici spūs sacra cōiugia damnat, ita ut futurū in Ecclesia Paulus dudū prædixerat,
ut est

ut est 1. Timoth. 4. uidere. Sed pergam nunc, & reliqua illa quæ idem apostolus inter decora & ornamenta episcopi numerat, quibus ille præ alijs excellere debet, referre, & sermone copiosiori pro gloria Euāgelij & Ecclesiarum bono, quantum per Domini gratiam à me fieri potest, illustrare.

LIBEROS HABENS FIDELES.

Necessarium hoc præceptum est, de cura episcopi erga suos liberos, quam exhibeat illis fidei institutione, circa disciplinam Domini. Hæc. n. si diligentia & sedulitate eius proficit in eis ad ueram & Christianam pietatem, ut credant in Deum, religiose uiuant, & timorem Domini in omni uita sua retineāt, præbet testimonium episcopo suæ pietatis in Deum, & dabit significationē optimæ spei fore, ut alijs quoq; fideliter seruiat, & sceleriter tradat uerbi Dei prædicationem & doctrinā. Cōtrā, si filios habeat infideles, luxui deditos, & rebelles, graui & intolerabili infamia aspergitur episcopus, tū ipse quoq; creditur parū utilis, ne dicā pncipiosus omni reliquæ Ecclesiæ fore custos. Hac causa certe Paulus 1. Tim. 3. ubi eadē præcepta tradit de forma & ornāmētis episcopi, inscribit, Oportet episcopū irreprehensibile esse, suæ domui bene præsentē, subditos habētē filios, cū oī grauitate. Si q̄s. n. domus suæ præesse nescit, quō ecclesiæ Dei curā habebit? Nā & grauiore scandalo peccant

IN CAP. I. AD TITVM,

in Ecclesia, si episcoporum liberi sint infideles & institutionis Christianae contemptores, si praesertim sciatur, tales negligentia episcopi factos esse. Ac notum est praeterea exemplum filiorum Eli, & negligentior institutio ex 1. Reg. 2. quorum peccata Deus, & in reliqua tota multitudine castigauit. Praeterquam quodiosis exemplis ipsi alijs noxij erant, tanquam communes & publicae quidam pestes. Idcirco episcopi et pastores Ecclesiarum maiorem operam dare, & singulari quadam diligentia & cura aduigilare debebunt, ut suos fideliter & pie instituunt, uerbo Domini gubernent, & ea tradant in disciplina & castigatione, per quam in timore Domini retineantur. Ita enim requirit Paulus fideles, ut non tantum morigeri sint parentibus, & dicto obtemperent, sed in primis, ut pietate in Deum per timorem Domini & fidem Christianam prepolleant. Ne quo modo alijs noxij sint prauae uitae exemplo, & faciant, ut doctrina pietatis male audiat & blasphemetur. Quin potius inuitet omnes alios ad pietatem, & Christianae uitae conuersatione reddat commendatorem uerbi Dei doctrinam.

NON OBNOXIOS CRIMINI LUXVS,
AUT QVI SVNT INTRACTABILES.

Ledit enim nomen & gloriam Euangelij, quicquid in infamiam episcopi cedit. Et propter hanc precipuam causam, ut dictum est, attentius cauere episcopi debent, ne propter liberorum luxum & inordinatam
uitam

uitam ipsi male audiant, & per consequens uerbum Domini, et gloria Euangelij contēnatur. Vt ergo Paulus requirit, ut sint fideles episcoporum liberi, hoc est, fide & timore in Deum præditi. ita p̄ subiecta iubet illos à certis quibusdā uitijs exterioribus abesse, quæ uidelicet Ecclesias grauius lædūt, & grauiora mala in publicū accersunt. Primū inquit, ne sint accusabiles ob luxū, hoc est, ne indulgeāt luxui & intēperantiæ, ut merito p̄pter hæc uitia accusari uideātur, et in publico traduci. Nō tātū peccātes in aīas suas, sed et scādālū morū alijs præbētes, infāmes ob luxum et intemperantiam. Temperantia enim opponitur crimini luxus, quod hoc loco dicitur à Paulo ὁσῶντις. Et ut tēperantia est moderatio oīm affectuum, & regnum suum exercet in animo, in oculis, in sermone, in incesso, in cibo, in potu & usu oīm rerum moderato, ita in luxu est intēperantia, immoderati sumptus, prodigalitas, uarij et indecori gestus, turpitudine in sermone, in factis, tū immoderatus & inhonestus rerum omnium usus. Vnde in crimine luxus sunt hæc omnia uitia, affectibus prauis frena laxare, & regnum concedere, delectari turpitudine, & impudicitia, tū sermonū tū gestuū, suas opes et facultates prodigaliter perdere, & cū sceleratis cōsumere, sectari crapulam, ebrietatē, Venerē & c. Et sunt infāmes ob luxū, q̄ temulētiae, cōmessatiōibus et libidinibus indulgēt, aut

IN CAP. I. AD TITVM,

alijs uicijs iam memoratis, uel similibus horum, non modo apud Christianos, uerum etiam apud Ethnicos & quaslibet prophanas gentes. Alterum in externis uicium, quod à liberis episcoporum cū primis abesse Paulus requirit, est non subditum esse, hoc est, non parere uidelicet eorū impio & castigatiōibus, à quibus regi & gubernari debeas. Loquitur itaq; de inobedientia & rebellioe, qua pleriq; parētum suorū monita nō ferunt, & publicarum legum ordinationes cōtemnunt. Debent autē parentum suorū monitis, Magistratuū edictis & legibus obediētiā & honorē, prorsus oēs hoies, q̄ si episcoporū liberi nō præstiterint, ipsos quoq; suos parētes efficiūt culpabiles, & pater episcopus præcipue grauissima infamia nota apud oēs in tota reliqua ecclesia laborabit. Accusabitur. n. neglectæ institutiōis suorū, quos prouehere poterit ad pietatē, sed impie p̄diderit, quasi ipse quoq; parū timeat Deū. Ac dictum est, non posse de tali spem bonā concipi, futuri scilicet fidelis dispensatoris in domo Dei, id est, Ecclesia, uel qui sit negocium Christi & Ecclesie synceriter tractaturus. Vt uel propter hanc causam remouendus à ministerio, aut non admittendus uideatur, si præsertim constet, q̄ sua ipsius culpa liberi tales sint effecti, ut uidelicet luxui seruiant, & turpia atq; immoderata deligant sibi & consecrentur, aut sint immorigeri & intractabiles.

Oportet

OPORTET ENIM EPISCOPVM INCVL
PATVM ESSE, TANQVAM DEI DISPEN
SATOREM.

Suprà admonui, Paulo eosdem dici & esse presby
teros & episcopos, quod hic omniũ maxime liquet.
Nam quos paulo ante dixit presbyteros, eos hic ad
pellat episcopos: illud ab ætate, hoc ab officio nomen
eis tribuens. Tametsi adpellationibus episcoporum
multi sibi blandiantur inaniter et male, quasi aliquid
maius sint presbyteris, cum interim officiũ facere ni
hil prorsus curent. Nec affectent, nisi imperium &
dominium in Ecclesiam, nullo modo ipsis à Deo cõ
cessum Deniq; non agnoscunt officium, nec quàm pha
risaice et simulate adpellāt sese seruos seruorum Dei.

Docui præterea, q̃ his nominibus, presbyterorũ
scilicet et episcoporũ significantur ecclesiæ ministri
et doctores. Nō sane eos qui ociose agunt, & de Eccle
siæ opibus saginantur, ut qui nihil operis faciunt, ne
minē docēt aut consolantur ullo ecclesiastico officio,
quin etiā collata Ecclesiæ bona in ministrorũ et pau
perũ usum, ipsi in delicijs suis p̃ luxũ & infandas libi
dines pdunt, sed q̃ Ecclesiæ uerbi Dei prædicatiõe et
doctrina gubernēt, sacramētis consolentur atq; confir
mēt. Quod in summa est hoc, oẽ qđ ab episcopis expe
ctatur, et Ecclesiis illis debēt. Plus autoritatis seu po
testatis nō habēt, nec aliud officium regri ab eis pōt.

IN CAP. I. AD TITVM,

Et qui plus sibi usurpât noīe & titulo episcoporum,
aut diuersum à iā dicto officiū faciunt, nō sunt episco-
pi, sed impostores & quiduis potius quàm utiles Ec-
clesiæ. Nam & Paulus inquit 1. Corinth. 4. Sic nos
existimet homo, ut ministros Christi, & dispensato-
res mysteriorum Dei. Quæ sententia neq; plus, neq;
aliud tribuit episcopis, quàm iam dixi.

Deductum est autem episcopi nomen ab inspicien-
do, uel consyderando & recognoscendo, & eum si-
gnificat, qui curam agit & prospicit de rebus necessa-
rijs. Quem latine dicere possis inspectorem siue ob-
seruatorem, qualem Christus egit curatorem, episco-
pum & pastorem animarum nostrarum, sicut Petrus
eum adpellat 1. Pet. 2. Aut qualem fuisse Paulum in o-
mnibus scriptis eius cernimus, & in relatiōe eorum
quæ à Luca de gestis Pauli sunt scripta. Aut denique
qualis Petrus fuit, qui sibi presbyteri adpellationem
tribuit. 1. Pet. 5. Neq; idcirco minus apostolicæ seu
episcopalis potestatis usurpauit, quàm reliqui q un-
quam dicti sunt aut fuerunt ueri in Ecclesia Christi
episcopi. Et tamen nihil aliud sumpsit sibi, quàm do-
cere Euangelium de Christo, & prædicare poenitentiā
nomine Christi, tum administrare sacramenta, sicut
testantur ipsius scripta, & quæ relata sunt de contio-
nibus Petri in actis apostolicis ab euangelista Luca.

Sunt ergo Ecclesiarum ministri episcopi, &
seruitutem

seruitutem illis debent. Nec prius satisfaciunt officio, quam Euangelium de Christo in Ecclesia annunciet, & peccatores illo consolentur. Simul poenitentiam doceant, & sacramenta ministrent. Tum deniq; & insidiatores puritatis doctrinae pseudoapostolos, qui tum possunt, arceant ab Ecclesia. In hoc enim tali obsequio bene praesunt, & bene ministrant, ac recte seruiunt, in Ecclesia. Qui uero rem suam agunt, avari & ambitiosi, & opes ac dignitates titulis Episcoporum sibi quaerunt, sunt publicae quaedam pestes in Ecclesia. In quas animaduerti decuit Magistratus & principes seculares, & nisi se corrigerent officio ecclesiastico deijcere.

Hic uero notabimus, quoniam hanc sententiam, oportet Episcopum irreprehensibilem esse, Paulus ceur rationem facit, subiectam prioribus illis, in quibus praecipit, de coniugio & liberis Episcoporum, etiam intelligi ex ea, cur requirat uxoratum Episcopum, aut qui liberos fideles habeat. Nempe, ut episcopus sua una uxore contentus, alias non polluat. Ne uidelicet ipse reprehensibilis, infelicem doctorem se praebeat. Similiter, si liberos habeat infideles, luxu & intemperantia corruptos, & inobedientes, hac quoq; infamia laborans Episcopus, sit inutilis minister. Cum ergo facile non sit praestare ueram continentiam in hac carnali natura, nec nisi ab illis, quibus

IN CAP. I. AD TITVM,

donata est à Deo, præstari possit, Ideo requirit ab Episcopo Paulus, ut suam uxore habeat, ne alias quas cunq; mulieres uiciet & corrumpat. Interim nihil huiusmodi requirit ab his, qui dono cōtinentiæ uere sunt præditi, sed gratulans haud dubie sinu eos suo dono frui. Vt satis liquet ex his quæ sunt, 1 Cor. 7. Nunc reliqua Episcopi decora consideremus.

NON FRAEFRACTVM.

Descripturus formam Episcopi Paulus, quo ad ipsius personam, primo per negationem tractat, à quibus illum uicijs abesse oporteat, deinde per affirmationem, quibus uirtutibus deceat esse ornatum. Locus est pie eruditus, et sanctè doctus, uidelicet reuerentus apostolica cura & sollicitudine pro omnium Ecclesiarum salute. Nam hæc multū promouetur, si illis cōtingerint pij, sancti, eruditi & fideles ministri atq; doctores, qualis hic à Paulo describuntur. Sed uideo optabile esse magis, quàm pronum aut facile, tales reperire, qui per Ecclesias, in singulis locis, ministrijs ecclesiasticis, ubiq; præficiantur.

Paulus tamen recte facit, admonēs quales esse referat ac deceat, qui eliguntur, & quibus ecclesiastica ministeria, siue ecclesiarum gubernacula traduntur. Nam hinc, qui electi & uocati sunt ad ministerium, possunt legentes discere, quid se deceat Ecclesiis præstare, si tamen uelint digno nomine Episcopi & pastores

stores illarum esse, aut perpetuo exulare ab immortalitatis gloria, & æternæ uitæ hæreditate. Nā quæ hic Paulus scribit, consciētias presbyterorum ligāt, & officium exigunt, quod nisi præstiterint, non sunt Episcopi, aut pastores Ecclesiarum, sed fatui, stulti, infideles, inutiles & perniciosi serui, eiiciendi in extremas & æternas tenebras, ubi erit fletus & stridor dentium, ibiq; perpetuo cruciandi et plectendi. Sicut legēs discere potes, Matth. 25. Luc. 12. Ezech. 3. 1 Cor. 9. &c. Nostrum uero est, sedulo ac diligenter precari, ut Dominus ipse tales operarios, quales hic à Paulo describuntur, in suam messem mittat, illustraturus gloriam gratiæ suæ, & regni iesu Christi, ad promouendam ac perficiendam electorum suorum salutem.

Itaq; primum illud αὐτῶν, uetus interpres uertit Superbum: Erasmus Rot. præfractum. Significat autem durum, & inflexibilem, atque ut idem Erasmus exponit, sui sensus plus satis tenacem. Lutherus germanice reddit eigensinnig. Compositum nomen, ab αὐτῶς & αἰσίων, placere. Quare hoc uicium est in istis, qui sibi ualde placent, quòd suo ipsorum iudicio sint uehementer eruditi, sapientes, aut quomodocunq; aliter admirabiles alijs. Efficit igitur contumaces, & superbe atq; arroganter de se sentientes, ac nimium sibi confidentes: multum

de falsa persuasionis scientia, eruditione ac uiribus
 presumētes. Quales rebus publicis, & secularibus
 & ecclesiasticis, non possunt non noxij & perniciosi
 esse, ubicunq; reperiantur. Quia nec meliorum aut
 doctiorum permoti autoritate cedunt sua sententia:
 quanquam erronea & impia. Sicut legimus in hære-
 ticis hoc uicium regnasse: Arrianis & similibus. In-
 dignum est igitur Christiano Episcopo uicium: tum
 omnibus modis fugiendum. Nam spiritus propheta-
 rum, ut Paulus inquit, 1 Cor. 14. prophetis subijciun-
 tur. Et, si alij reualatum fuerit sedenti, prior taceat.
 Et 1 Thess. 5. scribit: spiritum nolite extinguere, pro-
 phetias nolite spernere. Omnia probate, quod bo-
 num est tenete.

Reprehendit igitur hic locus eos quoq;, qui sibi
 tribuunt principatum in Ecclesia: quod tam ludum
 faciunt cum ineffabili superbia & pertinacia ponti-
 fices Romani. Volunt enim ab omnibus audiri: &
 uicissim neminem audire. Et iubent, ut in omnibus re-
 cipiantur à nobis: etiam in illis quæ manifesto pugnāt
 cum Euangelij doctrina, institutione & ordinationi-
 bus Christi & Apostolorum. Nam sibi tribuūt, q̃
 potestatem habeant, statuere & ordinare in Eccle-
 sia, quicquid uelint, quod nullo modo est ferendum,
 aut concedendum ipsis. Sunt enim ministri alieni uer-
 bi, non Domini, sed serui Ecclesiae. Sed nullum moni-
 torem,

torem, ut dixi, audiunt, & nec reuicti de errore & impietatibus corrigi uolunt. Tanta regnat contumacia impietas in eis, ut maior esse non possit. Nec erit aliquando alia similis ei, quia cum arrogātia ista sua & superba pertinacia, etiam summam tyrannidem coniunxerunt. Nam omnium conscientias, suis imperiis, pharisaicis & impijs traditionibus uiolenter & tyrannice diuexant & opprimunt, & sibi regnum sumunt, ubi penitus habent nullum. Abstineo ab exemplorum tractatione. Nam quilibet facile intelligere possunt, quæ hic disti omnia possent.

NON IRACVNDVM.

Hoc ideo, ne priuatis affectibus uideantur Episcopi indulgere atq; seruire, potius quàm negotium uerbi Dei pure tractare. Itē, quia nihil finit ira recte perficere, illum quem corripuit. Nam iracundi iudicium peruertit atq; corrumpit, & ueri intelligentiā adimit. Quin etiam, rapit eo usq; , ut per uindictæ cupiditatem contra officium faciat. Deniq; durior & furiosa increpatione, quali utūtur iracundi, aliorum animi alienantur, à uerbi Dei disciplina. Quia cum irascuntur intempestiui, & præter modum, doctores, in eo dant significationem, quod tyrannidem affectent potius, quàm gloriam Christi & Ecclesiarum salutem propagare. Quare non laudant solum, eos in quos per iracundiam seuiunt, uerum et iā

IN CAP. I. AD TITVM,

alios , à quibus uel deprehenduntur solum iracundi
esse, & potestate concessa per animi morbos abuti.

Quid, quod indecorum est furere & sauire Epi
scopum , etiamsi iracundus nulli noxius esset? Nam
quod apud omnes alios uiciosum est, in Episcopo &
doctore magis uiciosum est, & minus ferendum.
Nempe, à uicijs mortalibus superari, & regnum eis
concedere. Quod damnatur in omnibus , qui fidem
gratie Iesu Christi profitentur. Nec potest in alio
reprehendere aut corripere Episcopus uicium , in
quo ipse damnabiliter laborat. Quia solet regeri in
eum accusatio, & correptio, ac dici, medice , cura te
ipsum. Infelicitèr ergo docebit & corripiet , qui se
prius non docet & non emendat, si quem uelit in simi
li uicio laborantem docere , uel castigatum emendare.

NON VINOSVM.

Non est obscuratio, cur à uinolentia abstinere
prohibeantur Episcopi. Destruit enim uigorem in
genij, uini immodicus usus, & ad rem Euangelij pla
ne ineptos facit eius doctores. Quem enim recte do
ceant, prudenter exhortentur , aut serio corripiant
temulentis? Aut, quomodo reprehendat Episcopus in
alijs, quod in se reprehensibile habet, & mortale de
lictum? Cum enim in homine priuato sit turpis, im
pia & scelerata, uinolentia, quanto magis in Eccle
sia doctore? Ego sane homini ebrioso nulla in re fi
gendum

dendum esse, uel tuto credi posse, existimo, tantum abest, ut persuadear uinosis salutem animarum nostrarum tuto credi posse, uel administrationem Euangelij recte committi.

Lepida est græce uocis compositio. Significat enim $\pi \acute{\epsilon} \rho \sigma \iota \nu \omicron \varsigma$ non cum solum, qui assiduus est et immodicus in uini usu, siue multo uino deditus, sed et furiosum præ uino, hominem intractabilem, et indigne se gerentem ex temulentia. Quales esse cernimus omnes ebriosos, uidelicet contentiosos esse, prodigos, scurriliter cachinnari, et leuiter de rebus grauissimis nugari. Solent præterea male de alijs loqui, et alia turpia et nephanda designare. Quæ omnia ministerium Euangelij deformant, tum in Episcopi persona, quæ lucere debet honestissima uite exemplo in Ecclesia, grauius et conspectius crimen habent. Magna igitur ratio est cur in Episcopo uinolentia tolerari non debeat. Nam et Paulus in genere ad Eph. 5. inquit, Nolite inebriari uino, in quo luxur est. Is autem est abominabilis ista $\alpha \epsilon \tau \omega \tau \acute{\iota} \alpha$, de qua supra dictum est.

NON PERCVSSOREM.

Ad animæ et lingue officium referri debet, hoc quod deprecatur Paulus, ne sit percussor Episcopus, hoc est, in reprehendendo et obiurgando nimis saeuus et asper. Nā quorundā est immodica uirulentia in corripiendis

IN CAP. I. AD TITVM

Et castigandis aliorum erratis, ut credas, quòd non spectent aut querant, quomodo qui lapsi illa correptione emendentur, sed sui aliquam ultionem et vindictam. Isti igitur legant secum illud Pauli, Gal. 9. Fratres, et si praeoccupatus fuerit homo in aliquo delicto, uos qui spirituales estis, talem instaurate in aë sueto spiritu, considerans te ipsum, ne et tu tenteris. Alter alterius onera portate, et sic perficietis legem Christi.

Iam etiam formae huius praeceptionis petantur ab exemplo lenitatis et mansuetudinis Christi. Nam quoslibet peccatores ille mira facilitate recepit, et poenitentiam agentes benigne consolatus est. Denique omnes blandissime ad se uocat, dicens, Venite ad me omnes qui laboratis et onerati estis, et ego reficiam uos. Haec ergo exempla qui imitantur, etiam probant se affici Euangelij causa, et illam serio agere in Ecclesia. Sicut et Paulus 1 Timoth. 1. Ut alia eius taceam. Nam exemplum praestitae sibi gratiae, alijs proponit in consolationem. Qui uero sunt uirulenti et contumeliosi lingua, isti similiter declarant, quòd parum adhuc, uel potius nihil habeant in se, spiritus Iesu Christi, ut longe indignissimi sint officio Episcoporum in Ecclesia. Quin etiam inutiles et perniciosi.

Quaquam autem petulantiam mordacis linguae reprehensibilis est in Episcopo, tamen laudabilis est

et

Et necessaria seuerā aliqua castigatio, quantatur in
eos, qui improbius conuersantur in Ecclesia, maxi-
 me qui sanæ doctrinæ contradicunt. Sed cauendum
 erit tamen, ne uel hæc sit nimium uehemens, aut acer-
 ba, nisi agas cum illis, qui nunquam desistunt conui-
 ciari doctrinam Euangelij, & sua hypocrisi simplici-
 bus imponere. Vnde sicut abesse debet Episcopi ser-
 mo à contumelijs & uirulentis exprobrationibus,
 ita refert temperatam esse iustā increpatione, obiur-
 gatione, & utili correptione, cum grauitate. Non li-
 cet enim tacere Episcopo, aut conuiuere ad aliorum
 blasphemias & scelera, quæcunque sint illa. iuxta
 illud Ezech. 13. Si dicente me ad impium, morte mo-
 rieris, & non annunciaueris ei, neq; locutus fueris
 ut auertatur à uia sua impia, & uiuat, ipse impius in
 impietate sua morietur, sanguinem autem eius de ma-
 nu tua requiram, &c. Et Paulus inquit, 2 Timoth. 4.
 Prædica uerbū, instā oportune, importune. Argue,
 obsecra, exhortare, cum omni lenitate & doctrina.

Sic ergo Episcopus, qui fidelis esse uolet, sæpe
 utetur acriore aliqua increpatione. Sunt enim, qui ni-
 si durius obiurgati, emendari nolint: & ipsi quoq;
 impij doctores seueriter reprehendendi sunt, etiam
 si incorrigibiles esse uideantur. Nec tacenda sunt
 priuata eorum uicia & peccata. Quia opinio ueri-
 tatis & iusticiæ, detrahi cum factis, tum dictis

IN CAP. I. AD TITVM

eorum debet, ne imperiis diutius imponant. Quod nos docent exempla Christi & Apostolorum. Satius est impium & pseudopropheta male audire, & acerbissime accusari, quā plurimos innoxios in Ecclesia per impietatem, maliciam, dolos ac fraudes eius periclitari & abstrahi à fide & uero Dei cultu. Sed de hac ratione infra copiosius scribemus.

NON TVRPITER LVCRE DEDITVM.

Nam et 1. Timoth. 6. scribit, qui uolunt ditescere, incidunt in tentationem, & laqueum, & cupiditates multas, stultas & noxias, quæ demergunt homines in exitium & interitum. Siquidem radix omnium malorum, est studium pecuniæ, quam quidam dum appetunt, aberrauerunt à fide, & seipsos implicuerunt doloribus multis.

Cæterum exempla huius turpitudinis, quæ est in sectantibus per auariciam turpia lucra, uidimus prope infinita, magno totius Ecclesiæ malo, in regno Papistarum. Nam omnia diuina uenalia habuerunt, tã donationem remissionis peccati, quam impetrationē æternæ uitæ. Hinc enim factum est, quòd multa Ecclesiasticorum dogmatũ corruptissime deprauârint, ne Euangelium tandem seruiret, nisi auarissimorum cupiditati. Missa uendebatur, tanquam sacrificium pro peccatis uiuorum & mortuorum, uenales habebantur indulgentiæ, et credebantur redimere purgatoriij

torij poenas, cum essent tamen meræ imposturæ, & uaserrimum commentū auarissimorū. Purgatorium quoq; non sit, nisi fabulosum, utile tamen commentum pro auaris.

Cum auaricia autem succreuit ambitio, sic aucta tandem & confirmata in Episcopis, ut nihil quàm occupandis in hoc seculo regnis studeant, cura Euangelij et Ecclesiarum penitus posthabita & reiecta. Reprehensa sunt autem hæc uicia etiam à prophanis scriptoribus. Nam & rationis iudicio intelligi potest, quā sint noxia, & pernitiōsa moliantur, rebus publicis & priuatis, prophanis & sacris. Ac citatur ea de re Timonis dictū et sententia, illius qui cognominatus fuit Misanthropos. Nam duo pronūciauit esse malorum principia, auariciam & ambitionem.

SED HOSPITALEM.

Addit prædictis & certas quasdam uirtutes, quibus præ alijs conuenit præditum esse Episcopum. Et iste uirtutum chorus, est ornatus ille, qui decet Episcopi personam, quem Paulus uno nomine significat, 1 Timoth. tertio, ubi Episcopum iubet esse νόστρον, hoc est, bene moratum, & honestum uirum. Circa quod uerbum multa pharisaice præciunt Papistæ, de habitu uidelicet & ornatu exteriori, in uestitu, incessu & similibus. Sed da mihi, qui his uirtutibus polleat, quæ sunt bene

IN CAP. I. AD TITVM,

morati & honesti uiri, de quibus hic agit Paulus, et nihil opus erit de his puerilibus & pharisaicis delictis præcipere. Sed ad rem.

Igitur & hospitalem requirit esse Episcopum Paulus: & alijs uirtutibus Christianis ornatum, de quibus sequetur. Vt sit iuxta Petri uerbum forma gregis: hoc est, forma bonorum operum, qua præluceat in grege. Hospitalis autem, ut excipiat hospitio pauperes, cœna exhilarans debiles, claudos, cæcos & alios qui egent, & non habent retribuere, secundum Christi uerbum. Luc. 14. Vbi opus sit ita factu, & Ecclesia suos pauperes non alat. Maximeq; illos, qui exulant, pulsati à sedibus suis à tyrannis, persecutoribus Euangelij Iesu Christi:

Cæterum hæc officia ita quoq; omnibus nobis in Euangelio Dominus commendat. Hospes eram & collegistis me. Significans se in exulantibus recipi, & honorari. Matth. 25. & c. Habes autem plura, in laudem hospitalitatis, huius Christianæ uirtutis, ad Hebr. 13. Scribit etiam ad Rom. 12. Paulus: necessitatibus sanctorum communicantes, hospitalitatem sectantes, & c.

BENIGNVM.

Est in græco iucunda uocis compositio: quæ facile uno latino uocabulo reddi non potest. Græce itaq; legitur φιλαγάθον, quod sonat, interprete Erasmo,
studiosum

studiosum bonarum rerum, aut amantem bonos. Quasi dicas, qui societati bonorum se iungat, & honestis atq; utilibus in Ecclesia delectetur. Teutonice, der sicherlicher leuibe, und redlicher tadten uleyßige. Ac citat etiam Theophylactū Erasmus, qui græcam uocē huius loci exponat, humanū, modestū, minime inuidū. Sic enim scribit Theophylactus, Benignum adpellat, qui humanitate sit & modestia præditus, & nulli inuideat. Lutherus uertit guetigē, qua uoce apud germanos, humani & clemētes significantur.

MODESTVM.

Græce est σωφρων, quæ uox teste Erasmo significat sobrium & sanæ mentis. Vt intelligamus animum sibi præsentem requiri in Episcopo, & nullis temulentum cupiditatibus. Vetus interpres pro hac eadem uoce, 1. Timoth. 3. legendum exhibuit, prudentem, hic uertit sobrium. Vnde etiam ex illius mente intelligas necesse est, eum qui in omnibus actionibus suis, & in omni conuersatione sua, prudenter, temperate ac modeste & sobrie sese gerit. M. Lutherus uertit zuchtig, & exponit, uernufftig, mäßig.

Vana sunt ergo, quæ Gratianus in hanc uocē commentatur, existumans Paulū hoc loco requirere ab Episcopo, quandā peritiā literarum, tum etiam intelligentiā quandā, ad dispensandas scilicet res secu-

IN CAP. I. AD TITVM,

lares. Hoc enim enarrans quod pro hac uoce, **1. Ti moth. 3.** legit, uidelicet prudentem, deceptus per interpreterem, dicit: oportet etiam ordinandum esse prudentem. Quod contra eos notandum est, qui sub nomine simplicitatis excusant stulticiam sacerdotum. Prudentem autem oportet Episcopum intelligi, non solum literarum peritia: uerum etiam secularium negotiorum dispensatione. Hæc ille. O igitur plausibilem expositorem pro ambitiosis: quibus scilicet gloriæ regni Christi non est curæ, sed quomodo ipsi imperiose dominantur in hoc mundo. Sed tamen plausibilis glossator attexit, dicens: Cum enim Episcopus sit iudex corporum & animarum, oportet eum tam spiritali, quam seculari scientia ornari. Hæc & his similia, uana & stulia, imò impia, tyrānica et noxia, congefferunt Gratianus & Canonistæ, & scriptis Pauli affinxerunt: quæ ille nunquam cogitauit, nec potuit cogitare. Sed istorū scripta coronant Episcopi & Canonizant, non sine caussa. cum nostra, quæ sunt germana & propria, & mentem Pauli recte enarrant, damnent.

IVSTVM.

Est etiam in hoc nomine generale quiddam: & complectens ea omnia, quæ bono & pio uiro adesse debent. Quasi dicat, talem uolo esse Episcopum, qui nullis christianis uirtutibus nō sit ornatus, atq; adeo,
qui

qui reddat unicuiq; quod suum est. In hunc modum itaq; iusti sunt, ueraces in promissis, & tenaces patetorum, constantes in dictis & factis. gerecht und auffrichtig. Similiter officia dilectionis omnia facientes, ignoscentes illis, à quibus sunt læsi, & tegentes aliorum uicia & peccata. Quod est Christiane iustitiae, qualem fuisse legimus Ioseph, maritum Mariæ, uirum iustum & bonum. Matih. 1:

Huius iustitiæ studium, Christus ipse, in hunc modum nobis commendat, Matih. 7. Omnia quæ uultis, ut faciant uobis homines, & uos facite illis. Hæc est enim lex, & prophetæ. De hac ergo generali iustitia bonorum operum & factorum honestorum, cuius obedientiâ nos præstemus, loquitur Paulus. Alia est autem, & diuersa ab hac, fidei iustitia, illa, qua à peccato & æterna morte liberamur, per gratiam Domini nostri Iesu Christi, quatenus credimus in eum. Cuius effectus sunt, uerus Dei timor, uera dilectio, inuocatio, Confessio, laus, & gratiarum actio, atq; adeo tota reliqua obedientia bonorum operum. Tota enim nascitur ex uera in Iesum Christum fide.

SANCTVM.

Inter ἀγίων & ὁσίων discernunt interpretes. Nam ἀγίων dici affirmant, qui est immunis à peccato, & à uitijs alienus, quæ uox hic non legitur. Porro ὁσίων, qua uoce hoc loco usus est Paulus,

IN CAP. I. AD TITVM,

non eo tantum modo sanctum esse, sed & præcipua quadam pietate præditum erga Deū. Ac citat Erasmus scriptum Hieronymi, qui hanc uocem ita interpretatur, ut affirmet significare sanctitatem, mixtā pietate, quæ ad Deum refertur.

Hic ergo, cum legamus ὁσίων, ut dictum est, intelligamus ita sanctum à Paulo requiri Episcopum, ut non solū purus sit, ab ijs uitijs, quæ alioqui reprehendi ab hominibus solent ac possunt, uerum etiam ut illas uirtutes habeat, in quibus potissimum sita est pietas Christiana. Vt sunt uerus Dei timor, uera fiducia & dilectio in Deum, quæ uirtutes illum & ab internis inquinamentis uiciorum & peccati purgant, & uere sanctum efficiunt coram Deo. Denique amabilem pijs, utilem Ecclesiæ, tum digno nomine & utiliter Episcopum

CONTINENTEM

ἐγκρατῆν, id est, temperantem. Hòc est, superiorem omnibus prauis affectionibus in carne, præsertim libidinis. Ita ergo continentem, seu temperantem dici intelligas, ut qui sit pudicus & castus, tam in dictis quàm in factis, decorū boni et honesti uiri retinens. In summa, qui nullis cupiditatibus uincatur, sed ipse omnibus imperet ac dominetur. Tribuit enim Erasmus Hieronymo, quòd doceat, hanc uocem à quibusdam haud recte ad solam referri libidinem

nem, cum ad omnes pertineat affectus, iram, auarici-
am, ambitionem, inuidiam, timorem, ut omnibus
his sit superior episcopus. Nec displicet sententia, si
coniungas, hoc præcipuo requiri ab episcopo, ne li-
bidinibus superetur, ut conjugalem castitatem intelli-
gamus laudari, & uulgares scortationes reprehendi.
Sic enim consentiet cum eo, quo præcipit, ut episco-
pus suam quoque uxorem habeat, quem uult tamen
castum esse, hoc est, à scortationibus & adulterijs si-
bi temperantem.

Hæc ergo continentia summe laudabilis est in
episcopo, sicut intemperantia, qua ille libidinibus ser-
uit, est summe uiciosa. Nam de alijs affectiõibus, qua-
rum hic fecimus mentionem, ferè in superioribus est
dictum. Pergam nunc & de his reliquis dicere, quæ
Paulus in doctrina ab episcopo requirit, ut uidelicet
sit tenax fidelis sermonis, qui secundum doctrinam est.
Ut potens sit etiam exhortari per sanam doctrinam,
& contradicentes conuincere.

TENACEM EIVS, QVI SECVNDVM DO-
CTRINAM EST, FIDELIS SERMONIS.

Itaq; Paulus inter cætera episcopi & doctoris Ec-
clesiæ decora ultimo loco agit de ratione & necessi-
tate doctrinæ. In eligendo enim & ordinando, ante
omnia spectari debet integritas seu puritas & sancti

IN CAP. I. AD TITVM,

monia eius priuatæ uitæ. Nam si alleges & sufficias in locum episcopi hominem aliquem impudicum, scortatorem, contumacem, asperum ac seuum, iracundū, uinolentum, contumeliosum, auarum & turpiter lucra & sua commoda sectantem, nihilo melius consuleris Ecclesiæ, quanquā doctus sit quem præficias, quā si turpissimum aliquem lenonē ei in caput iungas, & facias illius gubernatorem, ut longe præstaret, neminem prorsus ei præficere, quā talem ordinare. Ille enim corruptissimæ uitæ, nec potest ueritatem doctrinæ fideliter et pure tradere, idem omnium grauissimo scandalo Ecclesiam præterea lædit, nempe ut uerbi Dei doctrina ab alijs penitus fabulosa esse credatur.

Hæc igitur non dicuntur eo, quasi calumniemur diuinum uerbum & sacramenta per impios administrata, & efficaciam seu potentiam operandi eis detrahamus. Dignitas. n. & efficacia uerbi Dei & sacramentorum semper manet eadem, à quibuscunque tandem ministrentur, & æqualiter prosunt administrata his à quibus per fidem gratiæ suscipiuntur, sed eo dicuntur, ut cōsideretur, quales pestes sint in Ecclesia, qui alios corruptissimis uitæ exemplis ledunt, nullo modo ferēdi, ut sint in Ecclesia loco pastorum & episcoporum, quia trahūt totum reliquum uulgus, ut omnia diuina contemnat, & neque fidem, neque pœnitentiam

tentiam ueraciter aut serio prædicare possunt.

Quamquam si casus ita ferat, ut huiusmodi labe
 & macula, & nepharia uitæ homines, sint ferendi,
 in loco doctorum Ecclesiæ, non est protinus tamen in
 totum desperandum, & meliores quidam hoc diligen
 tius admonere & hortari Ecclesias debent, ne pro
 pter corruptam & indisciplinatam istorum uitam uer
 æ Dei doctrinam contemnant, sed uoci Christi obe
 diant, qui, ut est Matth. 23. inquit: Super cathedram
 Moysi sedent scribæ & pharisei. Omnia ergo quæcunq;
 iusserint uos seruare, seruate & facite: secundum o
 pera uero eorum nolite facere. Sic enim commendat
 ille nobis honorem & obedientiam, quæ uerbo Dei
 debemus, & ab offendiculis & imitatione exempli
 impiorum nos abstrahit.

Cæterum non est simplex, quod Paulus inquit. In
 doctrina requiro tenacem fidelis, id est, firmi ac certi
 sermonis episcopum, sermonis, inquam, qui est secun
 dum doctrinam, hoc est, qui possit docere, pia ac fir
 ma tradere. His enim significat talem debere esse e
 piscopum, qui sua doctrina confidat, ut certæ & testi
 monijs scripturarum cõfirmatæ. Vt sit assertor Chri
 stianarum dogmatum & prædicationis. Nam si in
 certa ac dubia tradat, cui persuadeat, obsecro, aut
 quem cõsolabitur efficaciter? Sicut qui doctrinis man
 datorum hoim Ecclesias fallunt. Certa itaq; & solida

Doctrinæ cer
 titudo ac fir
 mitas.

IN CAP. I. AD TITVM

tradat, ut qbus à nemine aduersariorū resisti possit, ac ne quidem à portis inferorum, quibus homines pij adherere possint ac niti, tanquam anchoræ animæ tuæ ac firmæ. Necesse est igitur assertiones esse, ideo & assertionibus oportet uti atq; delectari episcopū. In assertionibus tamen non nitatur dogmatibus suo iudicio ueris ac firmis, sed quæ certa & firma nouit testimonijs scripturæ, & compertissima habet. Nā ὁ ὡς ὁ θεὸς, qua uoce usus est Paulus hoc loco, autore Erasmo dicitur proprie, q adheret alicui, uelut unguibus affixus, nec se finit auelli. Atq; ita certe doctrinæ Christianæ affixi & immobiliter inharētes esse debemus, imprimis episcopi & Ecclesiæ doctores.

Primum ergo opinionum uarietate, & incertitudine dogmatum, turbari, uexari, ac distrahi, haudquaquam debent Ecclesiæ, sed solo uerbo Dei gubernari. Quod etiam solum uera, certa ac firma tradit. Habes autem pestilentiissima exempla theologorum scholasticorum, qui inter se nimium uariāt. Tū incerta tradunt, de quibus ipsi dubitant et dubitare iubēt, quia multa prædicare in Ecclesia sibi sumpserunt ex doctrinis mandatorum hominū, atq; ideo meruerunt ita torqueri, ut nec suis ipsorum doctrinis satis confiderent. Diximus autem & suprā, cum uersaremur in epigraphæ enarratione, de certitudine doctrinæ, cui fidere ac niti debemus, explicantes illa præcipua capita,

capita, de fide iustificante, & operibus bonis, quæ omnes nosse, & clara intelligentia tenere refert.

Vetat ergo Paulus, ne incerta & dubia loquantur episcopi, de quibus ipsi in periculum dubitationis venire queant. Et hoc nomine adiurat Timotheum, ut firmæ prædicationi nitatur ac hæreat, atq; adeo urgens Ecclesiis illam tradat. 2. Timoth. 3. Tu uero permane in his quæ didicisti, & credita sunt tibi, sciens à quo didiceris. Et quia ab infantia sacras literas nosti, quæ te possunt instituere ad salutem per fidem quæ est in Christo Iesu. Tota enim scriptura diuinitus inspirata utilis est ad docendum, ad arguendum, ad corripiendum, ad erudiendum, in iusticia, ut perfectus sit homo Dei ad omne opus bonum instructus. In eadem capite 4. Testificor coram Deo & Domino Iesu Christo, qui iudicaturus est uiuos & mortuos in adparitione sua, & in regno suo, prædica uerbum, instā oportune, importune, argue, obsecra, exhortare, omni patientia et doctrina. Hæc .n. nisi de firmis ac certis Paulus non potuit præcipere aut loqui. Et Petrus inquit 2. Pet. 1. Habemus firmiorem sermonem propheticum, cui dum attenditis, ceu lucernæ adparenti in obscuro loco, recte facitis, donec dies illucescat, & lucifer exoriatur in cordibus uestris.

Non igitur humana & fabulosa commenta licebit in Ecclesia Dei prædicare, nec uerbum Dei cum

dubitatione aut diffidentia loqui, sed doctores ante omnia confirmati & certificati de ueritate doctrinae, firmis consolationibus erudire Ecclesias debent, & seruare illas à dubitatione & desperatione, nam qui cunque hoc non praestiterint, sunt indigni episcoporum & pastorum Ecclesiae nomine & officio, nec faciunt quod debent. Et quoniam Ecclesias hac in parte consolationum deserunt ac dilabuntur ipsi ad dubia & incerta, fures sunt & latrones, & inania idola potius quam pastores, quorum formas habes depictas Zachariae undecimo, Hieremiae uigesimotertio. Ezechielis tricesimoquarto, tum alijs pluribus locis sacrae scripturae.

In summa, Paulus non patitur fungos aut stipites Ecclesiae Dei praefici, sui ac suarum rerum, hoc est, doctrinae & praedicationis fidei ignaros, dubios atq; incertos. Nam & Act. 20. utiq; confirmatis in fidei Christianae dogmatibus, episcopis uidelicet & Ecclesiae doctoribus, in hunc modum loquitur: Cauete uobis, & uniuerso gregi, in quo uos spiritus sanctus posuit episcopos regere Ecclesiam Dei, quam acquisiuit sanguine suo: Sed quid haec multis ago? Si enim oporteat nos more Scepticorum dubitare de dogmatibus Christianis, & incertos esse, quid erit miserius Ecclesia Dei? Imò impossibile est Ecclesiam esse, quae dubitat adhuc, ignara siue incerta doctrinae fidei & consolationum

solationum Christianarum. Hanc igitur quæ uere est Ecclesia Dei, necesse est fidei petrae inniti, ac certam esse de ueritatis & salutis doctrina, aut non est Ecclesia Christi, Antichristi autem Ecclesia esse potest, quæ se mentitur Ecclesiam Christi esse, cuius tamen non est nisi uastatrix.

Sed quod ad formam doctrinae attinet, hoc quoque meminisse debemus, Paulum hoc loco tria requirere in episcopo. Primum, ut tenax sit firmæ ac certæ prædicationis siue doctrinae, uidelicet, qua Ecclesias potenter consoletur atque confirmet. Secundum, ut sit potens exhortari illas per sanam doctrinam, nimirum, ut officium faciant, & fructificent in doctrina pietatis, quam acceperunt. Tertium, ut nouerit contradicentes conuincere, & eo modo Ecclesiam ab aduersarijs Christianæ doctrinae liberare. Quæ omnia 2. Timo. 2. uno uerbo complectitur, præcipiens seruuum domini ('qualem supra ab initio huius epistolæ in Pauli persona descripsimus) esse διδασκαλικόν, hoc est, aptum siue adpositum ad docendum. teut. lernhafflich. Siquidem hūc talem necesse est, tribus prædictis uirtutibus seu potentijs doctrinae præcellere, ualere ac præditum esse.

Forma doctrinae triplex.

Conati sunt autem & ueteres quidam sancti patres formas quasdam tradere seu Canones certitudinis doctrinae, siue fidei certos articulos, à quibus uariare

nemo Christianus debeat. Quod fecerunt quidē, cum iam inualescere cœpissent hæreses plurimorū, à quibus non fuit tutum, aut facile, cuilibet è uulgo sibi cauere. Hac igitur causa scripta sunt aliquot symbola, quæ Ecclesia retinet, ut certa ac firma, & pro catholicis legit. Cum nulli Christiano liceat ab his dissentire, ut quorum certitudo ac firmitas accepta est & collecta ex sacris scripturis. Inter quæ præcipua sunt, illud quod dicitur apostolorum, & quod canitur in Missa, tum Athanasii symbolum. Sed extat præterea quidam Canon, in quo nominatim agitur, de eo, quomodo examinandus sit, qui in episcopum eligitur. Is legitur inter Pontificios. distin. 23. Qui quoniā eruditus est, tum docti & pii seculi, & à Gratiano tribuitur Carthagin. concilio quarto, curabo, ut huc uerbotim trāscribatur, quem deinde & enarratione quadam percurram.

Quomodo sit examinandus qui in episcopum eligitur.

Itaq; uerba Canonis sunt.

Qui episcopus ordinandus est, antea examine-
tur, si natura sit prudent, si docilis, si peruigil, si moribus temperatus, si uita castus, si sobrius, si semper suis negocijs cauens, si humilis, si affabilis, si misericors, si literatus, si in lege Domini instructus, si in scripturarum sensibus acutus uel cautus, si in dogmatibus

tibus ecclesiasticis exercitatus, & ante omnia, si fi-
dei documenta uerbis simplicibus asserat, scilicet pa-
trem & filium & spiritum sanctum unum Deum esse
confirmans, totamq; trinitatis unitatem, deitatem &
& coessentialem, & consubstantialem, & coeterna-
lem & coomnipotentem prædicans. Si singulas quas
que in trinitate personas plenum Deum, & totas tres
personas unum Deum: si incarnationem diuinā nō in
patre, neq; in spiritu sancto factam, sed in filio tātum
credat, ut q in diuinitate erat Dei patris filius, Deus
uerus ex patre esset, & homo uerus ex matre. Car-
nem ex matris uisceribus habens, & humanam ani-
mam rationālē. Simul in eo ueritas utriusq; naturæ,
id est, Deus & homo, una persona, unus filius, unus
Christus, unus Deus, creator omnium quæ sunt &
autor, dominus & rector, cum patre & spiritu san-
cto, omnium creaturarum, qui passus sit pro salute no-
stra, uera carnis passione, mortuus, uera sui corporis
morte, resurrexit, uera carnis suæ receptiōe & uera
animæ resumptione, in qua ueniet iudicare uiuos &
mortuos.

Querendum est etiam ab eo, si noui & ueteris
testamenti, id est, legis & prophetarum, & aposto-
lorum, unum eundemq; credat autorem & Deum, ui-
uos & mortuos iudicaturum. Si Diabolus non per
conditionem, sed per arbitrium fit factus malus.

IN CAP. I. AD TITVM

Quærendum est etiam ab eo, si credat huius quam
gestamus carnis, & nō alterius resurrectionē, si cre
dat futurum iudicium, & recepturos singulos pro
his quæ in hac carne gesserūt, uel poenas uel præmia.
Si nuptias non prohibeat, si secunda matrimonia non
damnet, si carnum perceptionem non culpet, si pœ
nitentibus reconciliatis communicet, si in baptismo
peccata omnia, id est, tam illud originale peccatum
contractum, quàm illa quæ uoluntarie admissa sunt,
dimittantur. Si extra Ecclesiam catholicam nullus
saluetur.

Cum in his omnibus examinatus fuerit, inuen
tus plene instructus, tum consensu clericorum, &
laicorum, & conuentu totius prouinciæ episcoporū,
maximèq; Metropolitanī, uel autoritate uel præsen
tia ordinetur episcopus. Suscepto autem in nomine
Christi episcopatu, non suæ delectationi nec suis mo
ribus, sed his Patrum diffinitionibus acquiescat.

Proinde hoc sanctorum Patrum decretum ma
gna & ardua ab episcopo requirit, & pulchre sub
seruit his, q̃ à Paulo in hac ad Titū epistola de epif
copi forma & insignibus siue ornamentis eius tra
duntur. Nemo nunc ad huius decreti præscriptum
examinatur, ne quidē summorū Pontificū & episco
porum, cum omnes prorsus presbyteri in Ecclesia,
q̃s pastores & doctores eius leges tenere debeant,

tum

tum honestate morum, professione fidei, ac præstatione officij exprimere. Sed quid dico non examinari episcopos, siue ordinari ad huius decreti præscriptam formam? cum nec eligantur iam ad hoc, qui bonis moribus, uel sanctitate uitæ, & sana doctrina alijs uiles in Ecclesia esse possent, sed tantum, qui in secularibus negocijs sint curiosi & callidi procuratores, opes & tyrannides augeant, per auariciam et ambitionem sibi uiuant, & supra regum gloriam euehantur.

Itaq; multi sunt hoc tempore episcopi, qui, quæ hoc beatorum patrum decretum statuit, prorsus ignorant, ac ne quidem ad se pertinere existimant, sed & legentes non intelligunt. Iamdudum enim pro abrogatis & mortuis huiusmodi constitutiones in Ecclesia Papæ habentur. Creduntur enim ueteris Ecclesiæ esse, & huius nouæ, quæ constituit Papa, alios mores & aliud ingenium esse, quod nimis uerum est. Nā & papistæ nulli quæ legibus Papæ subesse uolunt, & Papa sibi audacter sumit, quod possit præscripta apostolica suis nouis & impijs constitutionibus permutare. Iam etiam, ut sint aliqui ex episcopis, qui hoc sanctorum patrum decretum & piam constitutionem intelligant, de forma & officijs episcoporum, quot, obsecro, putamus illorum esse? quot ite ex parochis & pastoribus Ecclesiarum, quales iam diu nulli sunt episcopi?

IN CAP. I. AD TITVM,

Quapropter meum officiũ facturũs, morabor hic paululum, & quasi per digressionem exponam non nihil hanc piam cõstitutionem, ut uel imperiti (nam istis ferè gubernacula Ecclesiæ traduntur hoc tempore, hoc est, officium prædicandi uerbum Dei, & sacramenta administrandi, quod olim fuit episcoporum) melius intelligant, quid se deceat, Ecclesiæ pastores præstare, si tamẽ boni esse uelint, & officium facere. Non q̃ hæc sint necessaria propter constitutionẽ patrum, sed quia ligant omnes propter auctoritatem uerbi Dei, tũ apostolorũ constitutiones, sine quibus concilij auctoritas nulla esset, & nihil prorsus ualeret. Faciam præterea hoc in confirmationem traditæ hoc tempore purioris doctrinæ in Ecclesia, simul ut melius exponam, quid sit quod Apostolus iubet, ut talis ordinetur Ecclesiæ doctor, q̃ sit tenax eius, q̃ secũdum doctrinam est fidelis sermonis, ut potens sit etiam exhortari per doctrinam sanam, & contradicentes conuincere.

De ecclesiasticis dogmatibus, & primo
de triplici legis usu.

Illam igitur de moribus episcoporum, de quibus præcipitur in Decreto patrum, non attingam, uidelicet antea perspicua satis ijs, qui latinum idioma callent: Deinde maxima ex parte supra exposita in tractatione loci Paulini, de honestate, moribus & uita episcoporum.

porum. Sed de ecclesiasticis dogmatibus agam, quæ refert intelligere episcopum siue Ecclesiæ doctorem, & alijs clare tradere posse.

Itaq; prudenter requirunt sancti patres, talem debere ordinari episcopum & doctorem in Ecclesia, qui sit in lege Domini instructus. Eius est enim, posse Ecclesias docere de uero timore Dei, de dilectione, fiducia ac spe habendis in Deum. Item de dilectione proximi, pace & concordia cum alijs retinenda, de exercenda patiëntia in aduersis, & alijs quæ sub his partibus continentur, quæ uidelicet Christum professos uel præstare in uita, uel fugere et declinare oportet, de quibus omnibus in lege Domini præcipitur, hoc est, in Decalogo & ea Mosaica legis parte, quæ dicitur moralis, seu iusticiæ politice, & bonorum operum, cuius nos constat debitores esse. Nihil de forensibus à Mose præceptis loquor, sed de ea legis doctrina, quam urgent Christus & apostoli, & eius obseruationem quandam etiam à iustificatis requirunt, & quidem longe meliorem, quam possit à carnalibus præstari. Deniq; sine qua nec poenitentiae doctrina retineri in Ecclesia posset. Quæ omnia efficiunt legis doctrinam necessario retineri in Ecclesia, quam etiam doctores eius fidelissime tradant. Qua causa & nos curabimus eam doceri, tradi & urgeri, & modum seu formam explicandæ eius iam proponemus.

IN CAP. I. AD TITVM,

Sciunt igitur concionatores, qui uerbum Dei Ecclesiis tradunt, & curant recte instituere illas, (nihil enim nobis cum papisticis episcopis, qui neque docēt ipsi, neq; curant uerbum Dei in Ecclesia doceri, aut opprimūt etiā. Neq; enim sunt episcopi, ac ne quidem Christiani, sed homines prophani, fidei hostes, iudicijs Dei permittendi,) triplicem esse legis usum. Habet enim, lex alium usum in carnalibus, alium in spiritalibus, siue in renatis, illis, qui Euangelio Domini nostri Iesu Christi crediderunt, & a spiritu sancto gubernantur. In carnalibus autem sunt duo legis officia: prius politicum, mundanum & corporale, alterum theologicum, diuinum & spirituale: De singulis his partibus ordine loquemur.

Triplex legis usus.

Politicus legis usus.

Proinde usus legis politicus est externus, quo homines corporaliter, siue huius mundi more coërcentur, ne licentius peccent, & in omnis generis uicia & scelera diffuant ac dilabantur, sed ut bonorum morum & publicæ honestatis disciplina quadam gubernentur. De hoc legis officio & usu scribit Paulus Galat. 3. Lex, inquit, pædagogus noster fuit in Christum, ut ex fide iustificemur. Significat autem coërcitos fuisse homines carnales, & adhuc coërcendos esse, si qui sunt carnales, lege ab externis flagitijs, & ad officia ciuilia, ad pacem & concordiam urgendos, tanquam officio pædagogi & tutorum,

donec

donec perueniant ad fidem in Christum, qua iustificati, legem sua sponte faciant, & longe melius quàm fiebat opera & officio pædagogi seu legislatoris, ut cū inuiti & rebelles ad obediendum legi traheremur, uarijs scilicet & uiolentis medijs. Comminatur enim Deus transgressoribus grauissimas pœnas, uariarum calamitatum, corporalium & spiritualium, temporalium & æternorum. De quibus, ut sim breuior, lege quæ sunt Leuit. 26. Deut. 27. 28. Nam etiam punit tandem peccata & transgressiones æterna morte, in his qui non perueniunt ad fidem in Christum, & per pœnitentiam non emendantur, neque resipiscunt.

Quaquam enim nulla nostri iusticia pœnas æternæ mortis euadere possumus, certum est tamen, q̃ quicumq; in peccatis & transgressionibus legis durant, sine pœnitentia & sine correctione sui, nunquam possint salui fieri, ut ne dicam, q̃ sicut nullo timore Dei sunt præditi, ita nec fidem, qui tales sunt, in Deū per Iesum Christum habere.

Porro hunc legis usum & philosophi tradunt, & Cesarum siue imperatoriarum constitutiones. Et cauendum est omnibus pijs, ne qui male de hoc legis officio & usu aut sentiant aut loquantur. Satis est, si legi detrahas effectum iustificandi & saluos faciendi coram Deo, siue liberandi homines à peccato & æterna morte. Et ciuiles magistratus quidem seruiunt.

IN CAP. I. AD TITVM,

in hoc officio legis, huius pædagogiae ministri, ad hoc ordinati à Deo, ut iusticiam hanc morum, quanquàm non nisi externam & imperfectam tradant atq; conseruent in terris, ac puniant eius contēptores seu uiolatores, sicut Paulus docet Rom. 13. & Petrus 1. Pet. 2. Nec serant, ut quis eam conuicietur, siue male audire faciat. Et huc quoq; facit illud Pauli. 1. Timoth. 1. Lex iusto non est posita, sed iniustis & inobedientibus, impijs & peccatoribus, sceleratis & prophænis, patricidis & matricidis, homicidis, fornicarijs, masculorum concubitoribus, plagiarijs, mendacibus & periuris, & si quid aliud sanæ doctrinæ aduersatur, quæ est secundum Euangelium gloriæ beati Dei.

Significat itaque Paulus homines carnales, ut dictum est, semper coërcendos esse officio legis & ciuiliū magistratuum. Item, aduersari sanæ Euangelij doctrinæ omnes eos qui flagitiose uiuunt, & per consequens neq; posse saluos fieri. Nam si qui cū doctrina Euāgelij pugnant, quomodo isti salui fierent corā Deo? Prædicat aut & pœnitentiā Euangelium, quare hoies facinorosi & impœnitentes nequeunt saluari. Neque pertinet ad istos promissio remissionis peccati, & uitæ æternæ. Quæ omnia satis nos docent de necessitate obedientiæ erga legem, etiam si nemo p̄ eius opera & facta iustificetur corā Deo. Ac docet præterea Paulus hoies flagitiosos debere puniri.

Nullus

Nullus enim legum usus est, & nulla commoditas haberi ex eis posset, si fontibus nullæ pœnæ constituantur. Satis enim constat, multos odisse legum disciplinam, & præceptionibus illius per externas transgressiones aduersari. Qui etiam cohiberi debent, & quidem certis pœnis, administratis officio ciuilis Magistratus. Cuius est ob id honestissimum & sanctissimum officium cum Deo, qui similiter multis plagis, ut dictum est, punit hominum peccata & legum bonarum transgressiones. Adeoq; per æternam mortem tandem, in his qui sine promissionum Euangelij fide, & sine pœnitentia manent.

Sed in doctrina, de hoc legis usu prudenter admonendi sunt homines, ne per præcepta opera legis & facta sua quærant iustificari coram Deo. Nam opera legis facientes, non efficimur iusti, nisi hominum more, hoc est, ciuilitate, philosophice, atq; adeo pharisaice. Hanc enim iusticiam multi impij habuerunt & habere possunt: qui cognitionis Euangelij & fidei in Deum penitus ignorantes sunt & fuerunt. Prorsus uacui & inanes spiritus Iesu Christi, neq; legis neq; Dei amantes. Hac igitur iusticia nemo peruenit, aut perueniet ad peccati remissionem, & uitam æternā: Habet tamen multas magnas alias commoditates, hic legis usus, quia efficit ut pacifice et tranquille in hoc seculo uiuamus, cū honestate. Et Deus hanc iusticiā

multis corporalibus præmijs honorat .Leuit. 26. etc.
 Et assuefacit paulatim homines ad pietatem erga
 Deum, ut Euangelium quoq; discant, quo tandem
 spiritualibus & æternis bonis potiantur. Sic enim
 est lex pædagogus noster, ut ex fide in Christum iu-
 stificemur. Iubet enim, ut uerbum Dei discamus, tam
 promissionum gratiæ, quã debite obedientiæ nostræ
 erga legem. Per Euangelium autem confertur nobis
 ea iusticia, quæ adfert peccati remissionem & æter-
 nam uitam. Quod homines flagitiosi, qui sine disci-
 plina legis agunt, aut nunquam discunt, aut certe ra-
 rissime. Quare longe foeliciores loco sunt, qui legem
 audiunt & discunt, & illius disciplina etiam ciui-
 liter gubernantur.

Usus legis
 theologicus
 & spiritua-
 lis.

Alterum legis officium in carnalibus, est præci-
 puum ac principale, & usus eius theologicus & spi-
 ritualis. Etsi non efficiat spirituales, saltem libera-
 do homines à peccato, aut pios ex impijs faciendo.
 Nam præter id, quòd carnales motus lex aliquo mo-
 do cohercet, & abstrahit homines ne desideria illo-
 rum faciant, habet diuersum quendam alium usum,
 in illis qui fide in Christum nondum sunt iustificati.
 Iustificandis enim ostendit suã corruptionẽ, & pec-
 catum, quod habent agnatũ & coherens in carnali
 natura, et peccatũ hoc accusans, ipsos quoq; peccato-
 res indicat, & condēnat æterna morte. De hoc legis
 officio

officio & usu loquitur Paulus ad Rom. 3. ubi inquit:
 Per legem agnitio peccati. Loquitur enim, nō de illo
 peccato tātum, quod est externarum transgressionū,
 et flagitiorum, siue scelerum, quæ captus naturalis
 alioquo modo intelligit, iudicat, reprehendit ac dam-
 nat. Sed uel maxime de peccato interno, & transgres-
 sione cordis, hoc est, de peccato, quod omnes in car-
 nali natura habemus, uiciosi per improbam & tur-
 pem concupiscentiam, atq; adeo per ignorantiam
 Dei. Prorsus immedicabili uulnere peccati, nisi quā-
 tum per gratiam tollitur & sanatur. Nam eius tanta
 uis est, ut nunquā non rapiat carnales, quodam oc-
 culto odio aduersus legem, & contemptu contra
 omnia diuina.

Ac loqui Paulum et sentire de illo peccato, magis
 liquet ex his, quæ sunt de eodem, Rom. 7. Nam eo lo-
 co prolixè docet, quomodo lex est spiritualis doctri-
 na, non de externis criminibus & peccatis solum a-
 gens, sed præterea de uiciatis motibus cordis. Nam
 & requirit perfectā quandam cordiū nostrorum pu-
 ritatem ac pietatem, timorem Dei, dilectionem & fi-
 duciam in Deum. Item dilectionē proximi, & iubet
 nos abesse ab auaricia, ambitione, inuidentiā, odio,
 & similibus uicijs, prauæ concupiscentiæ & deside-
 riorum eius. Deinde asserit Paulus, nos esse hoīes car-
 nales, uenūdatos sub peccatū, ut qbus nihil prorsus

IN CAP. I. AD TITVM

cum diuinis legibus conuenit, aut potest conuenire: Ita ut de perfectione iusticie erga legem aliquis nostrum gloriari posset. Nos enim aduersamur legibus natura, nec sumus nisi peccatores. Non quam pharisei iusti, etiam cum optimi sumus. Hinc idem Apostolus & Rom. 3. scribit. Causati sumus Iudeos & Græcos omnes sub peccato esse. Sicut scriptum est. Quod non est iustus quisquam, non est intelligens, non est requirens Deum, Omnes declinauerunt, simul inutiles facti sunt, non est qui faciat bonum, ne unus quidem. His ergo demonstrationibus usus, concludit gehennæ, & condemnationis æternæ alumnos esse, nec seruari posse ullos homines, nisi per gratuitam peccati remissionem. Quæ contingit quidē propter Christum, his qui credunt in eum: In alijs efficax est mors damnationis. Huc facit itaq; , quod citat ex Deu. 27, in epistola ad Gal. Cap: 3. Maledictus omnis, qui non permanserit in omnibus, quæ scripta sunt in libro legis, ut faciat ea. Contendit enim Paulus omnes homines natura transgressores legis esse. Nam peccatum damnans ipsi quoq; infantes habent, protinus cum nati sunt. Nec liberantur ab illo peccato & damnatione, nisi per Christum.

Lex non est
iustificatiōis
doctrina.

Neq; uero satis est nosse, quod in hoc damnabili peccato natura omnes homines sumus, sed oportet præterea adijcere in doctrina, esse in omnibus nobis

natura

natura quandam impossibilitatem, ad faciendum siue præstandum ea, quæ sunt nobis per diuina mandata præcepta. Ex quo colligere est, neminem per legis opera et facta iustificari coram Deo posse. Impie igitur credi, q, lex sit iustificationis doctrina: siue, quòd homines peccatores, mereantur sibi peccati remissionem, aut uitã eternam, suis operibus et factis seu iusticia legis. Ita ut in papisticis Ecclesiis doceatur & creditur, imbutis hac pharisaica & blasphema opinione. Nam hoc uirus impiæ opinionis, & Iudaica atq; Ethnica, ipsi quoq; scholastici theologi in Ecclesia sparserunt, & adhuc spargunt, ubi regnum obtinet Pontifex Romanus, Pseudoepiscopi & Monachi, fædo ac blasphemo errore: Proinde necesse est, ut contra istas impietates semuniant concionatores, claris, firmis, & copiosis, sacræ scripturæ testimonijs, quæ doceant atq; declarent, q, nemo per opera legis coram Deo iustificari possit, nemo peccati remissionem, iusticiam, uel eternam uitam, consequi aut mereri, per illa sua opera & facta. Tum q, hæc, peccati remissio inquam, & iusticia & æterna uita, solis contingant, qui in Christum Iesum credunt, nec propter aliud, quam Christum, qui est precium pro peccato & morte, nec per aliud, quàm per fidem in eundem Christũ. Quia hæc gratiæ, iusticiæ, & salutis beneficia, aliter nõ possunt accipi, quàm per fidẽ.

IN CAP. I. AD TITVM,

Nec est fides in Christum, nisi qua homo, nude beneficijs gratiæ eius sese committit.

De priore itaq; q; nemo per opera legis iustificatur, aut saluus fiat, habemus præcipua hæc testimonia. Rom. 3. Ex operibus legis nõ iustificatur omnis caro coram illo. Per legem enim cognitio peccati. Nã si per legem iustificaremur & saluaremur, Euangelij plane nullus usus esset, & Christi mors esset inutilis & ociosa. Huc facit illud ad Gal. 2. Nos natura Iudæi, & non ex Gentibus peccatores, scientes quòd non iustificatur homo ex operibus legis, sed per fidem Iesu Christi: et nos in Christum credimus, ut iustificemur ex fide Iesu Christi, & non ex operibus legis. Propterea quòd ex operibus legis non iustificatur omnis caro. Et ibidem, Non abiicio gratiam Dei. Si enim per legẽ iusticia, ergo gratis mortuus est Christus. Et Rom. 8. Quod impossibile erat legi, (scilicet iustificare hominem & saluare, seu liberare à peccato & morte impium.) eo quod infirmabatur per carnem, (nempe, impedita, per imbecillitatem carnalis naturæ, quæ spiritualem obedientiam, hoc est, puritatem cordis & affectuum, non potest præstare.) Deus filium suum mittens, in similitudine carnis peccati, & de peccato damnauit peccatum in carne, (hoc est, Deus iustificauit nos, & saluos fecit, misso ad hoc, unigenito filio suo, quem de
dit

dit oblationem, precium, uictimam & satisfactio-
nem pro nostris peccatis, & pro æterna morte.) Vt
iustificatio legis impleretur in nobis, (iustificatio
quidem illa, de qua lex præcipit, sed impossibili condi-
tione.) qui non secundum carnem ambulamus, sed
secundum spiritum. (Id est, qui spiritu legem facimus
& non obtemperamus carni, sed desiderijs eius mo-
rimur. Spiritu autem facientes legem, quem à Chri-
sto Iesu habemus, qui confert nobis peccati remissio-
nem & æternam uitam.) De necessitate autem noui-
tatis in renatis, per promissionum Euangelij fidem,
infra dicemus in loco de tertio legis usu.

Iusti per fidem
in Christum.

Quaquam autem & iam memorata testimo-
nia clare doceant, hoc alterum de quo proposui, quod
uidelicet remissio peccati, iusticia illa, qua salui &
beati coram Deo sumus, & æterna uita, solis contin-
gant, qui in Christum Iesum credunt, nec per aliud,
quàm per fidem in Christum, & propter Christum,
tanquam precium et satisfactionem pro nostris peccatis,
& pro æterna morte: Tamè ut hæc professionis Chri-
stianæ copiose muniamus, & gloriã Christi eminèn-
ter ornemus, ac honoremus, libet etiã hæc sequen-
tia testimonia subijcere, per quæ etiam confirmati-
erunt, quæ affirmamus. Vt ex Epistola ad Ro. Cap. 3.
Nunc autem sine lege, iusticia Dei manifestata est, &

IN CAP. I. AD TITVM

Iustificata à lege & prophetis. Iusticia autem Dei, per fidem Iesu Christi, in omnes & super omnes, qui credunt in eum. Non enim est distinctio. Omnes enim peccauerunt, (id est, omnes peccatum habent, et sunt transgressores. Actus pro habitu.) & egent gloria dei. Iustificati gratis per gratiam ipsius, per redemptionem, quæ est in Christo Iesu. Quem proposuit Deus propitiatorium, per fidem in sanguine ipsius:

Ita ergo detrahit legi, uidelicet effectum iustificationis Paulus, & affirmat, nos gratis iustificari, ignoscente peccatis nostris Deo, per misericordiam, propter Christum, ut per fidem eiusdem gratuite gratiæ, remissionem peccati & iusticiam à Christo petamus: Quin etiam hæc est propria Euangelij & promissionum gratiæ doctrina, quod uidelicet, per remissionem peccati gratuitam, propter Christum à peccato & morte saluemur, si tamen in illum credamus. Ioan. 1. Dedit eis potestatem filios Dei fieri, his qui credidissent per nomen eius. Ioan. 3. Sic enim Deus dilexit mundum, ut filium suum unigenitum daret, ut omnis qui credit in eum non pereat, sed habeat uitam æternam. Iam huc facit illud Act. 4. Hic est lapis, qui reprobatus est à uobis ædificantibus, qui factus est in caput anguli, & non est per aliquem alium salus. Nec enim aliud nomen est sub coelo datum hominibus, per quod oporteat nos saluos fieri. Itē illud, Act. 10.

Petri

Petri testimonium. Huic omnes prophete testimoni-
um perhibent, quòd remissionem peccatorum accipi-
ant per nomen eius, omnes qui credunt in eum. Ad
de illud Pauli, Act. 13. Notum igitur sit uobis uiri fra-
tres, quòd per hunc, (Christum) uobis remissio pec-
catorum annuntiatur, ab omnibus, à quibus non po-
tuitis per legem Mosi iustificari. Per hunc omnis
qui credit iustificatur. Deniq; illud Rom. 10. Finis
enim legis Christus, ad iusticiam omni credenti.

Ergo iam dudum satis est testimoniorum quæ do-
ctrinam nostram muniunt, & clare explicant, quòd
iustificatio & salus nulli per opera legis contingit,
& quòd soli qui in Christum Iesum credunt, accipi-
ant peccati remissionem, iusticiam & æternam ui-
tam. Nec per aliud, quàm per fidem in Christum. qua
uidelicet Euangelij promissiones adprehendimus, de
iustificatione & saluatione nostri per Christum. Nā
iustificans fides est sentire, agnoscere & recipere,
quòd gratis, per misericordiam Dei patris, propter
iustificatorem Christum Iesum, à peccato & morte
saluemur. 2 Timoth. 1. Saluos fecit nos, (Deus) &
uocauit uocatione sua sancta, non secundum opera
nostra, sed secundum propositum suum & gratiam,
quæ data est nobis per Christum Iesum, ante tempo-
re æterna. Manifestata est autem nunc, per adparitio-
nem saluatoris nostri Iesu Christi, qui destruxit qui

IN CAP. I. AD TITVM

dem mortē, uitam aut et incorruptibilitatē in lucem
 produxit per Euangeliū. Non igitur per legē, &c.
 Ac possunt in hunc usum, plura similia testimonia,
 à studiosis sacrarum literarum obseruari & colligi:
 quibus curæ est pietas & fides in Deū. Ego tantū in
 dicare uolui rationē colligēdi, his qui minus adhuc
 sunt exercitati, in lectiōe et intelligētia scripturarū.

**Ignorantia re-
 rum fidei, &
 Iudaicæ opi-
 niones in Pa-
 pistis.**

Sed hæc aduersarijs nostris Papistis noua dog-
 mata uidentur, & hoc nomine blasphemant Euange-
 lium gratiæ Christi. Dicunt enim, per hanc doctri-
 nam, quam profitemur, noua dogmata spargi in Ec-
 clesia, & omnino statuunt, legē esse iustificationis
 doctrinam. Tanta est Euangelij & fidei ignorantia
 in ipsis, & Iudaicis opinionibus, circa doctrinam
 de iustificatione. sunt repleti. Rogant itaq; quid est
 lex, si nō est iustificationis doctrina, hoc est, si nō est
 necessaria Christiana, meritis operum legis, pro
 impetratione remissionis peccati, & salutis æter-
 næ? Quibus respondeo.

Quid obsecro amici est Euangelium, Gratia, iu-
 stificator & seruator Christus, sanctificator spiri-
 tus, si per legem & illius facta, præstita à nobis, iu-
 stificatio & salus impetratur? Si enim per legem iu-
 stificamur, oportet gratiam & misericordiam Dei
 nihil esse: & iustificatoris Iesu Christi officium, ina-
 ne et ociosum. Quin etiam necesse est spiritū sanctū,
 officio

officio uiuificatoris & gubernatoris cordiū nostrorum, & motuum eius bonorum, in summa, totius renouationis nostræ, excludere. Elige itaq; utrum uoles è duobus: ut uel legi detrahas effectum iustificationis & salutis nostræ: ac tribuas illum gratiæ Dei, redemptori Christo, & spiritui sancto, nos renouanti & purificanti corda nostra: sicut & Paulus facit, ad Titum Cap. 3. ut illo suo loco discemus. Et hæc eligens, fide glorifices misericordiam Dei, & Christū Iesum: & beneficia in te spiritus sancti agnoscas, & sis uere ac foeliciter Christianus. Aut sequere diuersam opinionē, quæ tradit ac tenet, quod per iusticias legis, à peccato & morte saluemur, & eo pacto detrahit gratuita misericordiæ Dei nostri, & officio redemptoris Iesu Christi, & operationibus spiritus sancti. In summa, totum Euangelium negat & impie blasphemat. Et hæc eligens, pharisaicis opinionibus colas Deum, & sis perfidus Iudæus, Ethnicus, pietatis in Deum & Christianæ fidei hostis.

Sed ut nostris, qui timent Deum & diligunt Christum Iesum, aliquanto sedatius loquar, si adhuc ignorant, quæ nam & qualis doctrina sit lex: & quomodo consentiat cum Euangelij prædicatione. Lex igitur est contritionis & totius poenitentię doctrina, accusat peccata, & præcipit de nouitate factorū nostrorū, qua iustificati Deū glorificemus:

Lex contriti
onis & poen
itentię doctri

IN CAP. I. AD TITVM,

Nihil agit de iusticia gratiæ, quæ in Euangelio docetur, & accipitur per fidem in Christum. Et habet lex in carnalibus diuersum alium effectum, quàm est iustificationis. Quia excitat horribiles motus & terrores in conscientia peccatoris, & ignaros gratiæ Dei adigit ad desperationem salutis: planeq; protrudit illos in barathrum condemnationis, quos gratia Dei per Christum non retrahit, aut non consolatur per Euāgelium. Ita ut protrusit horribiliter Iudam, qui prodidit Christum, & similes: quibus peccatum suum aliquando reuelatum est in conscientia, sine cōsolatione remissionis peccati, quæ contingit & datur propter Christum.

Cæterum iustificationis effectus, est pax cordis, & serenitas mētis, pacificata & tranquilla conscientia, ex fide proueniēs, in seruatorē Christū. Rom. s. Iustificati per fidem pacē habemus ad Deū, per Dominum nostrum Iesum Christū: per quē & accessum habemus, per fidē, in gratiam istā, in qua stamus, & gloriamur in spe gloriæ filiorū Dei. Hæc clare euincunt, Euangeliū esse doctrinam iustificationis & salutis, et effectū iustificationis, legis operibus à nobis præstitis, male & impie tribui. Et derogare gloriæ gratiæ dei & redemptoris Iesu Christi, quicūq; per legē, aut ulla opera sua, quærun saluari. Necdū istos plane uidere aut intelligere sua peccata. Nā si illa uere cog

re cognouissent, nunquā possent tam arroganter & superbe de se sentire, & in suas iusticias confidere, quæ sunt nullæ corā Deo. Sicut docemur exemplo hypocritæ pharisei. Luc. 18. sed supplices ad gratiam facti, humiliter cū publicano dicerent: Deus propiti-
us esto mihi peccatori. Itē, cū propheta. Et ne intres in iudicium cum seruo tuo: Quia non iustificabitur in conspectu tuo omnis uiuens:

Itaq; dixi, hunc legis usum magis propriū esse diuinis legibus, sicut etiā magis necessarius est saluandis, quā politicus. Quia per ostensionē peccati nostri perfectā, facit ad perfectā humiliationem nostri corā Deo, sine qua nemo idoneus est, ad Euāgelij cōsolationes audiendas. Nisi .n. uere & perfecte magnitudinē peccati, qualis est in carnali natura, & in quibuslibet transgressionibus legis, cognoscamus, tū quod legis præcepta iusticiæ nunquā satisfacere possumus, nunquā nec sitiemus uere iusticiā gratiæ, quæ est per Euangelij promissiones de Christo. Nec intelligemus amplitudinē beneficiorū gratiæ, & redēptionis nostræ p Christū. Deniq; nec uere unquā glorificare Deū poterimus, ut quē nondū cognouimus uere, fidei scilicet ignorātes. Et quō talis posset saluus fieri? Sunt ergo magnæ cōmoditates legis sic intellectæ, hoc est, peccati, uere cogniti per legē. Si tamē per Euāgelium à desperatione seruemur. Nō sanat Deus, nisi uere cōtritos, nec respicit, aut iuuat, nisi

IN CAP. I. AD TITVM,

aridos, et suæ gratiæ sitiētes. Iuxta illud Esaie, quod citatur à Christo, Matth. 12. Arundinem quassatam non confringet, & linum fumigans non extinguet.

Legi igitur tribuamus, quòd nobis reuelet nostra peccata, tum irā Dei in peccatores, et hanc præcipuam poenā peccati, quæ est mors æterna. Hæc uero intelligemus, si sentiamus, quòd lex nō agat nobiscum, de externo peccato, externarū transgressionū tantum, uerū etiā, de uiciatis motibus cordis, ira, odio, inuidentiā, ambitione & cupiditate honoris, auaricia, & similibus quæ aduersantur dilectioni erga proximum, & immundiciā cordis habent. Item, de ipsa ignorantia Dei, quæ efficit, ut uacui simus, ueritatis timoris, fidei et dilectionis in Deū. Sic enim sunt duplices transgressionēs in nobis, internæ, quæ sunt uicij originalis culpæ. Et externæ, flagitiorum, seu criminū, ut uocant, & ab internis nascuntur. His accedunt horribiles terrores, intus in conscientia peccatoris, per legē, ut supra quoq; dictū est. Et illi gignūt in nobis, latens quidem & paucis cognitū, sed tamē uehemens odiū, contra legē & Deū, ut quo per amorem peccati, & metū poenarū legis, sic rapitur homo, ut malit Deū potius nō esse, quā male esse sibi, aut se ab expletionē cupiditatum suarum arceri.

Ita efficitur legis esse contrariū effectū in carnalibus, quā est iustificationis. Quia ille internæ transgressionēs, quas lex dānat, etiam augentur in nobis ministerio

Legis est contrarius effectus, quam iustificationis.

ministerio legis. Natura enim explere cupiditates nostras amamus, quanquā impias et noxias. Et irascimur ei, qui nos abstrahit, quantūvis cōsulat nostrā salutē. Et de hac impietate carnalis naturæ, rebellis legi & Deo, extat copiosum scriptū Pauli, Rom. 7. Ac meminit istorū effectū, pugnantiū cū iustificatione & effectibus eius, etiā 1. Cor. 15. ubi dicitur: Actus leus mortis peccatū est, uirtus uero peccati lex. Itē Rom. 4. Lex iram operatur. Et Cap. 5. lex subintravit, ut abundaret delictum. Deniq; 2. Cor. 3. lex dicitur litera occidens, & ministratio mortis. Quæ omnia Episcopi, seu Concionatores, nosse debēt, ut aliorū animos per ostensionē peccati, ex doctrina legis, recte atq; foeliciter forment. cū propter poenitentiæ prædicationem, tum ad humiliandū peccatores, ut à Deo curentur: Reliquum est, ut de tertio legis usu dicā, qui est in illis qui fide iustificati sunt, & quorū corda à spiritu sancto gubernantur. Qui facientes legis opera, non possunt, nisi Deū uelle glorificare: & redemptori Christo Iesu aliquo saltē modo grati esse, & honori nominis eius uiuere. Atq; ut Paulus loquitur, digne Euangelio Christi conuersari, imitatores Dei esse, tanquam filios dilectos. Et ab hoc fine longe aberrant, qui iustificari per legem querunt, quare & iusticiæ istorum nunq̃ possunt Deo placere, quin semper grauiores poenas mereantur.

De usu legis
in iustificatis.

IN CAP. I. AD TITVM,

Rursus grata sunt atq; acceptæ Deo illæ præceptæ iusticiæ, & nouitas uitæ, in illis qui ex fide operantur, et habebunt ingentia præmia in coelis. Matth. 5. 16. 25. Luc. 16. 2 Cor. 5. & c. Est autem necessaria hæc operum in renatis iusticia bonorum, tanquam signum & testimoniū, ueri timoris & ueræ fidei in nobis, per Christū erga Deum. Ideo ad Gal. 5. illa iustificatorum opera uocantur fructus spiritus, qui uidelicet est corū, qui uere crediderunt in Christum Iesum, tum Deū religiose & pie timent. Qua propter etiam facit ad fidei confirmationem in iustificatis: sicut & Petrus docet, 2. Pet. 1. Neq; enim poterunt fidem retinere, qui flagitiose uiuunt. Sed sicut bonū timorē amittūt, ita quoq; excidunt à fide in Christum. Pugnat. enim cū fide, scelerate & turpiter uiuere, & tamen sentire, q̄ habeas Deū propitium et placatū:

Fides agnoscit quidem, quòd habeas Deū placatum, credens in Christum Iesum, quanquā peccator. Sed eadem intelligit & agnoscit, hanc quoq; Dei uoluntatem esse, ut pœnitentiā agamus & à peccatis conuertamur, tū bene operemur, sobrie, modeste & pie uiuamus. Et curat certe obsequi & morē gerere deo, nisi quæ est ficta, ut Paulus eā adpellat, aut mortua, ut B. Iacobus. Fide. n. iustificamur, quæ est efficax dilectione. Gal. 5. Et propter necessitatem huius obedienciæ seu nouitatis, cū Christus tū apostoli frequentes

quentes sunt in eius prædicatione, & iusticiam illam bonorum operum inculcant nobis atq; commendant. Exempla eius prædicatæ à Christo habes Matth. 5. 6. 7. 19. 25. Luc. 16. &c. Ab apostolis ubiq; multa, ut Rom. 12. Col. 3. 1. Pet. 2. 3. 4. 9. &c. Et de hac parte iusticiæ in moribus seu operibus bonis, ut uocant, scribam copiosius infra in capite secundo & tertio.

Sic ergo sint instructi episcopi & Ecclesiæ doctores in lege Domini, quod requirunt quidem sancti Patres. Sed quale sit & quantum, subito à quibuslibet non potest intelligi, ideo in eius expositione uolui aliquanto copiosius scriptum tradere, ut ab imperitis, quibus ego serui, res ea planius intelligatur. Proximè est, ut de fidei documentis scribam, de quibus iidem sancti Patres præcipiunt, ut hæc doctores Ecclesiæ seu episcopi uerbis simplicibus tradant, quod cito quidè dicitur, sed quale nam et quatum sit, uix copioso scripto explicatur. Non propter obscuritatem aut difficultatem rerum, quæ in sacris habentur, de credendis, siue de fide, sed propter eos, à quibus fidei dogmata ferè semper per illusiones et imposturas dæmonum sunt obscurata et quasi oppressa.

De fidei documentis, et primo de diuina essentia, quæ est una in tribus personis: patre, et filio, et spiritu sancto.

IN CAP. I. AD TITVM,

De dogmanbus fidei illis, quæ nobis definiunt unitatem essentiae, quæ est in diuina natura, & tamen personarum trinitatem cōstituunt, nihil opus est prolixè differere in hoc scripto, nam hoc tempore cum nemine disceptamus de hac quæstione, siue capitulum illorum doctrina. Ac satis est scripturæ testimonijs probatū tenere, ijsq; firmis, clavis ac certis, esse uidelicet unitatem quandam diuinæ essentiae, & tamen illam unam & eandem essentiam esse perfectissimam, totam atq; plenā in singulis tribus personis, patris, & filij, & spiritus sancti.

Hoc itaque fidei dogma confessum, traditum & confirmatū in Synodo Nicena, celebrato scilicet contra Arrii heresim, sub Imperare Constantino, & nos confitemur & tradimus prædicatione, et confirmatione scripturæ testimonijs constāter retinemus, nempe qd est una tantum diuina essentia et natura, quæ uocatur et est Deus, æternus, incorporeus, impartibilis, immensa potētia, sapiētia, bonitate. Et rursus tamen, qd in hac diuina natura sunt tres æquales psonæ, hoc est, eiusdem essentiae, potentiae, sapientiae, bonitatis et coeternæ, Pater, Filius, et spiritus sanctus. Hanc enim deitatis unitatem, et personarum trinitatem agnoscimus et confitemur, non propterea quod homines illam prædicant, consentientur ac tradunt, nec quia Synodi aut Concilia profitentur, sed quod extant
clara

clara et firma scripturæ testimonia, quæ nos doceant de hac unitate diuinæ essentiae, deq; tribus personis, de omnipotentia, æternitate & æqualitate patris & filij & spiritus sancti, sine quibus hominum iudiciū uel autoritas nihil quicquam his de rebus decernere, statuere aut tradere posset, nam res illæ si dei non possunt niti, quàm in solo uerbo Dei, nec aliunde certæ esse.

Esse igitur unam tantum essentiam & naturam, Esse unum
 quæ uocatur & est Deus, hoc uno testimonio clarum Deum,
 & abunde certum ac firmum est, quod uidelicet legitur Deut. 6. Audi Israel, Dominus Deus noster Deus unus est. Nam ex illo fonte & hoc Pauli testimonium promanauit prima Corinthiorum octauo: Scimus, quod nihil est idolum in mundo, & quod nullus est alius Deus, nisi unus. Plura uero de hac diuinæ essentiae unitate ab alijs colliguntur testimonia, à quibus eadem requiri possunt, siue ex scripturarum lectione. Res confessa, his quæ posui, testimonijs est satis firma, etiam si nulla alia extarent. Proinde reliquum est, ut de personarum quoque trinitate pauca quædam proferamus: In quo protinus admonendi sumus, quod in hac distinctione personarum, qua separamus patrem & filium & spiritum sanctum, personæ adpellatio non usurpetur pro qualitate, sed pro eo quod subsistit, & est substantia in

diuidua intelligens. Nam in Deum non cadit accidēs. Vnde sicut omnipotentia in Deo est diuina essentia et natura, ita sapiētia et bonitas, sunt illa eadem essentia, et nihil plane accessorium est in Deo.

Nasci autem filium ex patre, Deum uerum ex Deo
 De diuinitate uero, testatur illud Ioan. 1. In principio erat uerbum,
 patris & filij & uerbum erat apud Deum, & Deus erat uerbum.
 Nam hic locus aeternitatem tribuit filio, & eandem
 essentiam cum patre, quod ualet cōtra Arrij dogma,
 Qui uidelicet aeternitatē detraxit filio, & eiusdem
 essentiae cum patre esse negauit, quum textus aperte
 dicat: In principio erat uerbū, id est, anteq̃ res condi
 cēpissent, quod significat certe aeternitatem. Et ad
 iiciat, Et Deus erat uerbum, quod utiq̃ est affirma
 re, patris essentiam totam esse in filio. Neq̃ enim di
 cit, uerbum erat Deus, quo modo si locutus esset, uide
 retur filium praedicare alium à patre Deum. Ac rur
 sus tamen idem locus discernit personam patris à fi
 lij persona, quia inquit, & uerbum erat apud Deum,
 quod ualet contra Paulum Samosatensem, & similes
 eius, qui uerbum negant personam esse, & fingunt es
 se transitoriam qualitatem, cum sit immanens & pro
 grediens natura. Deniq̃ hoc dictum, & Deus erat
 uerbum, astruit unitatē essentiae patris & filij, quod
 facit contra Valentinianos, qui prodigiosam Deo
 rum multitudinem confinxerunt. Caterum genitu
 ram

ram filij, qua ille ab æterno & idem Deus nascitur à patre, & Micheas prædicat cap. 5. Nam de filio scribit: Et egressus eius ab initio, (prodit enim à patre Deo) à diebus æternitatis.

Deniq; de spiritus sancti diuinitate clare docemur De diuinitate spiritus sancti
per illud Ioan. 14. Paracletus autem spiritus sanctus, quem mittet pater in nomine meo, ille uos docebit omnia. Cum enim hic locus significet mitti spiritum sanctum à Deo patre per filium, seu nomine filij, primum discernit personas, & simul testatur hunc spiritum unū et eundem Deum esse cū patre & filio Deo. Illū enim detrahit creaturis, hoc est, negat, q, creaturæ illum spiritum habeant, quia si habēnt eum, ociosum esset mitti à patre per filiū, imò falsum & fictū. Mittitur ergo à patre per filium, ut quem nulla creatura habet, sed est idem & æternus cum patre & filio Deus. Nam à patre mittitur, ab illo uidelicet exiens & procedens, non aliunde, atq; idem dicitur & à filio mitti, nimirum quòd ab eodem exeat & procedat æquali processione qua progreditur à patre, iuxta illud Ioan. 13. Cū autem uenerit paracletus, quem ego mittam à patre, spiritū ueritatis, qui à patre procedit, ille testimonium perhibebit de me.

Nam idcirco, id est, propter unitatem essentiæ, quam habet spiritus ille eandem cum patre & filio, & propter æqualitatem processionis (quia non aliter

IN CAP. I. AD TITVM,

procedit à patre quàm à filio, nec aliter à filio quàm à patre, ab utroque enim totus & idem spiritus) dicitur à Paulo nunc Dei, nunc filij Christi spiritus, ut Roman. octauo &c. Mittitur autem ad sanctificandum electos Dei per Euangelij consolationes. Nam ideo inquit Christus, Ille uos docebit omnia, & testimonium perhibebit de me. Ac necesse est fateri aliam spiritus personam esse, quàm patris aut filij, quia dicitur mitti à patre & filio, procedere à patre, & mitti nomine filij. Quod postremum significat hunc spiritum merito filij Dei Christi electis conferri. Hoc ergo totum, quòd discernit personas, rursus facit contra Samosatensem, et quòd unitatem essentiae tribuit spiritui cum patre & filio, refutat Valentinianos.

Nolo in his explicandis prolixior esse, nam & plura testimonia colligere pro confirmatione istorum dogmatum, non est huius mei instituti, ut qui suscepi breuem enarrationem Decreti Aphricani scribere supra à me positi. Qui uolunt, possunt ipsi plura alia obseruare & petere, uel ex lectione sacrarum scripturarum, uel ex aliorum scriptis, ut Lombardi, Augustini, Hilarij, qui plura collegerunt, & ex professo de unitate diuinæ essentiae & personarum trinitate scripserunt. Collegit autem & nostra ætate uir clarissimus Philippus Melanthon de hoc fidei dogmate aptissima, clarissima & firmissima testimonia

in suo illo sanctissimo & utilissimo scripto, libri locorum communium theologicorum, editi anno à Christo incarnato 1535 Nec collegit solum illa testimonia, quæ dico, sed & diligentissime exposuit, ut conscientias piorum firmissime muniat in hac controuersia, quæ semper habuit plurimos & astutissimos insidiatores, tum efficaciter consoletur. Quæ scimus conuelli non posse à toto satellicio Diaboli omnium hæreticorum, qui sunt aut fuerunt, aut futuri sunt.

Proinde ut Arrium detestamur, qui filium negat esse eundem atq; eternū cum patre Deum, & ut Valentinianos damnamus, q̄ prodigiosam multitudinem Deorum, tum ridiculam & stultam confinxerūt, ita detestamur, reprehendimus ac damnamus toto corde & oris confessione Macedoniū, negantem uidelicet spiritum esse Deum. Similiter Paulū Samosatensem, & quotquot cū ipso sentiunt, q̄ filium & spiritum sanctum personas esse negat, & uerbum quod idem est filius, astute confingit, non esse substantiam, nec esse nisi cogitationē, quæ sit ipse pater. Atq; ad eundē modum ipsum quoq; spūm sanctum nō esse quā uim mouentē, q̄ sit ipse pater, nō alia p̄sona, blasphemat. Rationes antea dixi, & multo plures ex scripto Philip. Mel. ut antea dixi, peti possunt. Condēnauit aut & Macedonium secunda Synodus, quæ fuit Constantinopoli congregata sub Theodosio seniore, demon-

IN CAP. I. AD TITVM

strans (utique ijsdem testimonijs diuinarum scripturarum, quibus & nos utimur) consubstantialem esse patri & filio spiritum sanctum.

De Christi naturis.

Diximus de unitate essentiae, & trinitate psonarū in deitate breuiter qdē, sed quantū in hoc scripto, ut dixi, satis est. Nunc seorsim de Christi naturis loquemur, et unitate psonae in Christo. Christus. n. redemptor humani generis, est una persona constans duabus naturis, diuina & humana. Filius enim Dei, praefinito ac statuto à Deo patre tempore, assumpsit humanam naturam ex matre uirgine Maria, tribus Iudae, de domo David, sicut clare & copiose docemur Matth. 1. Luc. 1. & 2. Et de incarnatione hac filij Dei dicitur Ioan. 1. Et uerbum caro factum est. Et Paulus ad Galat. 4 scribit, Vbi tempus completum est, misit Deus filium suum natum ex muliere &c.

Pater itaq; non assumpsit humanam naturam, sed filium unigenitum misit, ut illam assumeret, atque ut ea quasi indutus & circumamictus, imò unitus ei, uerus ille Christus, & orbis seruator, per prophetas promissus esset. Nec spiritus sanctus assumpsit humanam naturā, sed est agitator, qui mouet corda nostra, creans in illis nouam lucem per Euangelium, & uiuificans ac sanctificans illa. Vt cognoscant atq; credant promissionibus gratiae, & credentes diligant Deum
patrem

patrem & redemptorem Christum. In summa, sperant atque confidunt in Deum patrem, filium & spiritum sanctum.

Ardua sunt hæc & stupenda mysteria, quæ duæ naturæ in una persona filij Dei sese circundederunt, diuina uidelicet & humana, sicut & Paulus ineffabilem sublimitatē incomprehensibilis mysterij agnoscit 1. Timoth. 3. ubi dicit: Et citra controuersiam magnū est pietatis mysterium, quod manifestatum est in carne, & iustificatum est in spiritu, (Perhibet enim testimonium spiritus sanctus filio Dei, ut dicitur Ioan. decimoquinto: Suae autem incarnationis & traditionis, pro peccatis nostris in mortem, de qua docemur, uique spiritus sancti magisterio, Ioan. 6: Et perhibet quidem Christo, quem alioqui impius iste mundus non agnoscit, & nō recipit seruatorem suū esse. Quin etiam ipsum met testimonium spiritus sancti repellit, reprobat ac damnat per incredulitatem) adparuit angelis, prædicatum est gentibus, assumptum est in gloria.

Proinde agnoscimus, confitemur & adoramus Deum in mensuris humanitatis. Col. 2. in ipso inhabitat omnis plenitudo diuinitatis corporaliter, hoc est, in Christi persona est perfectissima atque plena substantia ac natura, tum diuina tum humana. Verus itaque Deus, & uerus homo existit. Quapropter &

IN CAP. I. AD TITVM

confitemur necessario, Dei uerbum passum in carne pro nostra salute uera carnis passione, ac mortem in carne gustasse, uera sui corporis morte, denique & resurrexisse à mortuis, uera carnis suæ receptione, & uera animæ resumptione, in qua ueniet iudicare uiuos & mortuos. Confitemur præterea carnem Christi esse uiuificatricē, quia est filij Dei caro, non per gratiam adoptionis, sed unionis. Viuificat autem & saluat illa carne sua Christus, quotquot credunt in eum, sicut prolixè docetur Ioan. sexto, ubi inter cætera dicitur: Amen amen dico uobis, nisi manducaueritis carnem filij hominis, & biberitis eius sanguinem, non habebitis uitam in uobis. Qui manducat meam carnem, & bibit meum sanguinem, habet uitam æternam, & ego resuscitabo eum in nouissimo die. Caro enim mea uere est cibus &c. Et Ioan. quinto dicitur: Veniet hora, & nunc est, quando mortui audient uocem filij Dei, & qui audierint, uiuent. Epitasis enim & pondus argumēti est in eo, quòd uocem filij hominis Christi audimus, qui est uerus & æternus cum patre & spiritus sancto Deus, et hanc audientes, ut sponsi Ecclesiæ, eiusq; unici & æterni saluatoris, uiuificamur.

Unio duarum naturarum. Sunt autem huius unionis diuinæ naturæ cum humanarum. **man** multa testimonia in scripturis, ut Ioan. decimo quinto dicitur: Cum autem uenerit paracletus, quē ego mittam

mittam à patre, spiritum ueritatis, qui à patre procedet, ille testimoniū perhibebit de me. Sic loquitur enim mediator Christus Iesus, uerus homo, qui tamen nisi simul uerus Deus esset, non posset ita loqui, & nunquam cuiquam spiritum sanctum conferre. Proinde duæ illæ naturæ, diuina & humana, unitæ sunt & inseparabiliter coniunctæ in ea persona quæ uocatur et est Christus, qui largitur nobis spiritum sanctum, unus filius & unus Christus, atque unus Ecclesiæ seruator. Idem quoque ascendit super omnes cœlos, & cōsedit ad dexterā patris accepta potestate super omnia. Ac nisi uerus homo esset, non potuisset ascendere, & nisi uerus Deus, nec perfrui illa gloria. Si igitur ascendit, oportuit duas naturas in eo unitas atque coniunctas esse. Hinc quoq; dicitur Ioan. tertio, Nemo ascendit in cœlum, nisi qui descendit de cœlo, filius hoīs q̄ est in cœlo. Videlicet q̄a nemo alius potiri plenissima potestate et gloria Dei patris potuit, quàm unigenitus ille Dei, qui est Deus & homo, & uerus ille Christus, in quo & nos ad cœli gloriam usque & immortalitatis hereditatem penetramus, sicut ibidem continuo docetur: Et sicut Moses exaltauit serpentem in deserto, ita exaltari oportet filium hominis, ut omnis qui credit in illum, nō pereat, sed habeat uitam æternam.

Huc facit, quod Christus frequenter de operibus suis, signis uidelicet miraculosis, pronunciat. Voluit enim testari se, quamquam hominem, diuina uirtute edere miracula, & his signis cognosci Dei filius esse, ut Ioan. 5. Pater meus usq; modo opatur, & ego operor. Hoc enim dicto significat sibi communia esse opera creationis, conseruationis ac reparationis seu re=stauracionis rerum cum patre Deo. Quod quia manifestis signis probet, (ueluti illo, quod potentia uerbi curauerat eum, quem morbus triginta & octo annos incurabilem alioqui tenuerat) credi esse requirebat Dei filius, & natura siue essentia idem cum patre Deus, cū nihil quā homo esse uideri ab hominibus posset. Sic ergo et Ioan. 10. ait: Opa quæ ego facio in noīe patris mei, hæc testimonium perhibent de me. Nempe quæ ego facio diuina & ea propria mea uirtute et quidem nomine patris, hoc est, aut uoluntate patris, siue, ut pater in me glorificetur, siue deniq; potentia patris, quæ mihi est eadem & communis cum illius potentia. Nam & ego operor opera illa quæ pater usque modo opatur. Nec diuellitur huiusmodi testimonijs ab his opationibus spiritus sanctus, sed Christus, qui nihil quā homo credebatur esse, accepit testimonium suæ deitatis. Qui nisi uerus Deus esset, non posset hunc communem honorem sibi cum Deo patre uendicare. Vnde rursus legimus Ioan. decimo: Si

non facio opera patris mei, nolite credere mihi, si autem facio, et si mihi non uultis credere, operibus credite, (id est, huic testimonio operum et factori) ut cognoscatis, quia pater in me est, et ego in patre. Et Ioan. 14. Pater in me manens, ipse facit opera. Non creditis, quia ego in patre, et pater in me est? Alioqui propter opera ipsa credite. Hæc itaque; asserunt unitatē diuinæ essentiæ, patris et filij, et Christo tribuunt illā cōmunem diuinitatē. Esse autē filij aliā personā quā patris aut spiritus sancti, non aliud, siue aliā naturam, aliū Deum, suprà copiose demonstratum est.

Sunt ergo duæ naturæ in Christo, qui est una persona. Diuina fulget miraculis, humana succumbit iniurijs. Et tamen altera alterius cōmunicatione agit, et patitur, siue utraque utriusque, hoc est, ambæ naturæ in Christo agunt, inquantum uidelicet natura humana est instrumentum diuinæ actionis, et actio humana accipit uirtutem à natura diuina. Diuinitas potentiam exercet in actibus humanis, dum uidelicet leprosos tactu sanat, cæcis tactu lumen oculorū restituit, mortuos tactu huic uitæ reddit, et his similia alia agit, quæ sunt testimonia deitatis in Christo, sicut cum uentis imperat et mari, uim et tyrannidem demonū coërcet. Rursus humana natura propria sua seruans, in potentia diuinitatis emicuit, ut

IN CAP. I. AD TITVM,

dū petras scindens crucifigitur, dū potestate propria animam ponens & iterum eam assumens sepelitur.

Impegerunt autem in his mysterijs & communitatione idiomatum, ut uocāt Christi, primum Nestoriani, quos tertia Synodus Ephesina prima sub iuniorē Theodosio celebrata condemnauit. Fuit enim quidam Nestorius, qui hanc communicationem idiomatum Christo detraxit, de quo lege quæ sunt libro duo decimo Tripart. histor. capite quarto. Non fingebat duas personas Nestorius in Christo, sed negabat duarum naturarum alteram alterius communicatione agere aut pati. Verbi gratia, detraxit proprietates humanitatis diuinitati Christi, quanquam fortiter confiteretur Christum uerum hominem & uerum Deum esse, cum fatendum sit duarum naturarum proprietates in una Christi persona inseparabiliter agere & pati. Et hæc uidetur insensatio & stupiditas fuisse in Nestorio potius quàm malitia. E regione Eutyches Abbas Constantinopolitanus quidam impegit in hac idiomatum communicatione naturarum Christi. Idiomata enim deitatis detraxit humanitati Christi, ita ut Nestorius idiomata humanitatis diuinitati Christi ademit. Proinde sicut Nestorius detraxit Christo diuinam naturam, ita Eutyches à Christi persona ueritatem humane naturæ exclusit. Quæ causa uterque iure condemnatus fuit, quia uterq; scidit & distraxit

Et distraxit unitatem naturarum in Christo, et alteram ab altera impie separauit. Et Eutychen quidem quarta Synodus Chalcedonensis, quae celebrata est sub Martiano principe, condemnauit. Quanquam uterque per imprudentiam lapsus est, in suam haereseos impietatem. Nam et Eutyches confitebatur duas naturas in Christo, et si per hoc, quod negabat communicationem idiomatum in una persona, alteram naturam auferret, hoc est, ueritatem diuinæ à Christo, si tamen hæc fuit Eutychæ hæresis et error, cuius habemus incertas coniecturas potius quam firma argumenta.

Memini hæcenus quatuor Synodorum, quæ sunt celebratæ contra præcipuas quatuor hæreses in Ecclesia. Prima detraxit diuinæ Christi naturæ, secunda deitatem spiritus sancti calūniata est, duæ postremæ circa Christi naturas et personalem unitatē sunt lapsæ. Ac meminit harum Synodum et Gratianus in Decret. distin. 15. Sed nihil certi refert, nihil pia eruditione dignum, per quod de tantis rebus iudicium fieri posset, et perniciosi errores et exitium quod adferunt, caueri possent. Sed uix obiter attingit illarum causas, et ambigue, in his quæ sunt de erroribus Nestorij et Eutychæ. Sed nostra ætate optimus et clariss. uir D. Mart. Luth. instaurator Euangelicæ doctrinæ et pater noster reuerendissimus in Christo, sanctiss. sine et utilissime de his quatuor Concilijs scripsit,

IN CAP. I. AD TITVM,

uidelicet in libro illo suo germanico, cui titulum fecit de Concilijs & Ecclesia, edito in hoc ipso anno, qui nunc currit ab incarnatione Christi, millesimo quingentesimo tricesimo nono. Cui magnam gratiam debemus, cū ob alia eius nobilissima & sanctissima scripta, tum propter huius, quem dixi, libri de Concilijs & Ecclesia susceptum laborem, & foelicissime ab soluti ad communem & præcipuam quandam Ecclesie utilitatē. Qui uel ideo commendatior esse omnibus nobis debet, quod de Nestorij & Eutychæ erroribus nos clare & p exempla docet, quo melius caue ri possint. Et si metuendum est, adhuc plurimos hære re inuolutos & intricatos in illis, qui ipsi seipso non dum intelligant, sicut fit sæpe, ut errent homines pri usquam uideant errorem, imò ut errorem proprietate defendant. Sed ueniam nūc ad alia, ut in cæpto pro posito pergā.

De practica noticia essentiae diuinæ trium personarum.

Illud ex re nostra fuerit minime prætereundū hoc loco, quod ut pie docet, & prudenter atque utiliter admonet uir clarissimus Philip. Mel. ante oīa memi nisse conuenit, personas Deitatis, Patris, filij & spi ritus sancti, officijs proponi nobis discernēdas, ac ma gis prodesse, nos inueneri officia, q̄ disputare curiosius de essentia & natura. Vt patrē sacre literæ ostendūt esse

esse unicam illam causam, & fontem, unde effluit in nos, omnis illa gratia & misericordia, qua à peccato & æterna morte saluamur, eoq; & fidem in nos huius diuinæ & paternæ beneuolentiæ exigunt, & credentibus nobis promittunt liberationem à peccato, donationem iustitiæ & æternæ uitæ. Exempla require, Ioan. 3. Tit. 3. Quanquã hæc in libris & doctrina noui testamenti, nusquam non sint obuia, & ubiq; occurrant.

Porro, ad consimilem modum declarant filium esse redemptorem generis humani, & mediatorem illum, per quem ad Deum accedimus, & à quo uno omnis salus nostra pendet. Nec uero habeo testimonia, quæ hic seorsim adducam, quia hæc est doctrina totius noui testamenti. Lege totum Euangelium Ioannis, epistolâ ad Romanos, imò omnia scripta Pauli, Petri, &c. Carnẽ enim induit filius Dei, ut semet ipsum exhiberet pro nobis uictimam deo patri, precium & satisfactionem pro nostris peccatis, & pro æternamorte. De quo extat elegans doctrina, & si figura sermonis uelata nonnihil, & tectâ, Ioan. 6.

Deniq; spiritum sanctum demonstrant esse reuatore cordium nostrorum, ut quo agente & mouente nos, uiuificemur & sanctificemur, penitusq; in alios & nouos homines transformemur. Ac testatur præterea, hũc motorem cordium spiritum nobis

IN CAP. I. AD TITVM,

per Christum mediatorem conferri, in hoc ut fide recipiamus nos ad Christum, & ab illo petamus spiritum illum sanctum, qui nos alios & novos homines faciat, qui adoremus ac ueneremur Deum in spiritu, tum uera iusticia & sanctitate. Nam Ioan. 7. inquit Christus: Qui credit in me, flumina de uentre eius fluent aquæ uiuæ. Hoc autem dixit, ut Ioannes ait, de spiritu quem accepturi erant credentes in eum. Vocat autem flumina illam largitionem spiritus, qui su per nos effunditur, quia est largissima illa aqua, qua intus à quibuslibet inquinamentis & sordibus uiciorum & peccati abluimur perfectissime et defecamur. Sicut docemur, Hiere. 31. Ezech. 36. Et infra in enarratione Cap. 3. epistolæ ad Titum copiose discemus.

Hæc itaq; adpellatur noticia practica, patris & filij & spiritus sancti, qua uidelicet, res per fidem cognite ad usum adplicantur. Et propter illam causam certe, recte statuit & pie pronunciat Philippus Melancthon, quod per hæc fidei exercitia, melius agnoscamus trinitatem, quam in ociosis speculationibus: quæ disputant, quid personæ inter se agant, non quid nobiscum agant. Nam Dei patris noticia illa, qua intelligimus eum ignoscere nostris peccatis, propter Christum, & filij noticia illa, qua agnoscimus esse redemptorem nostri, est beata & saluifica noticia illa, quæ adfert cognoscentibus, & fidem habentibus

habentibus illi noticiæ, seu credentibus per eam, iusticiam & æternam uitam. Hinc sunt illa, Ioan. 17: Hæc est æterna uita, ut cognoscant te solum uerum Deum, & quem misisti Iesum Christum. Esaiæ quinquagesimo tertio In noticia sui iustificabit ipse iustus seruus meus multos, & iniquitates eorum ipse portabit.

Iam ut sacræ literæ iubent nos hanc gratiæ Dei patris fiduciam habere, per Christum & in Christo, ita requirunt, ut spiritus sancti diuinitatem, & gratiosam seu fauorabilem præsentiam eius, in ipsa consolatione, quam adfert nobis per Euangelium, & uiuificatione nostri, qua nouos motus cordium nostrorum creat in nobis, agnoscamus. Et iubent statuere breuiter, quod illo spiritu, tum paraclete & aduocato nostro, nunquam destituamur, in quibuscunque calamitatibus, seu persecutionibus aliquando fuerimus, uelut impij mundi, terrorem in conscientia, siue horrorem peccati, mortis, inferorum, Diaboli & desperationis, modo in fide mediatoris gratiæ & propitiatoris CHRISTI permaneamus. Hæc ergo tanta beneficia proponemus nobis à spiritu sancto: & auxilium gratiæ eius expectemus, fiducia tantorum beneficiorum concepta per Christum. Nam & inuocantibus datur spiritus ille, ut docemur Lucæ undecimo: & inuo-

IN CAP. I. AD TITVM,

erationes nostræ exaudiuntur, si fiducia Christi fiant, in cuius nomine & spiritus ille nobis donatur. In cuius etiam nomine non possumus non exaudiri, modo hunc bonū spiritū, et alia quæ sunt digna deo, nobis postulemus. Precantes secundum Dei uoluntatem. 1 Ioan. 5.

Iam hæc practica seu usualis noticia afficit Deū uero honore. Hoc enim impense glorificat Deum, fidere scilicet in omnibus & bene sperare de eius fauore, gratia & bonitate, per Christum filium, orbis saluatorem. Hoc item est Christum ueraciter glorificare, nempe, agnoscere & recipere eum per fidē, ut mediatorem gratiæ, iustificatorem nostri, & æternum seruatorem. Et non fraudare eum illo honore, sicut faciunt, qui per opera legis, & iusticias rationis querunt saluari. Hoc enim est contumelia afficere Christum, & gloriam gratiæ Dei blasphemare, tum spiritus sancti testimonio repugnare. Rursus hoc est spiritum sanctum honorare & colere, precari à Deo per Christum, illum suum spiritum et filij Christi, ut cordium nostrorum consolatorem & uiuificantem. Non enim habemus alium paracletum, aduocatū, patronum, doctorem & gubernatorem, qui nos uere consoletur, & corda nostra sanctificet, repurgata ab immundicijs peccati. Aut qui nos seruet à terroribus peccati & extrema desperatione.

Qui

Qui itaq; sunt in horum noticia et fide, illi demum scient potentia & bonitate Dei patris & filij & spiritus sancti bene & feliciter uti. In alijs sunt ociose & inuiles speculationes, quæcunq; tandem de unitate essentiæ diuinæ, & trinitate personarum, perquirant, uel confiteantur. Non quod sit res per se inutilis: quin etiam necesse est, tenere scripturas, de unitate diuinæ essentiæ, de tribus personis, de Christi naturis. Sed quod non est satis, ita Deum nosse, quomodo cognosci & ab impijs potest, uidelicet speculative. Sed oportet progredi, & noticiam speculatiuam adplicare ad usum, ut consolationes & uiuificationes diuinas & spirituales intus in cordibus nostris experiamur, seruemur à desperatione, uereq; à peccato et æterna morte liberemur, quod nunquam fiet, nisi per noticiam practicam seu usualem. De qua etiã uides scripturas sacras præcipue loqui, & de ea nos potissimum docere.

Sic ergo proponamus nobis deum patrem, ut qui ignoscat nobis, ac habeat nos dilectissimorum filiorum loco, propter Christum, ac donet nobis iusticiam & æternam uitam, propter eundem. quatenus credamus in eum. In hunc modum & in filium Christum respiciamus, uidelicet incarnatum, propter nos miseros peccatores. Qui etiam passus sit pro nostra salute, crucifixus, mortuus, resuscitatus, inmortali

IN CAP. I. AD TITVM,

tate & regno aeterno in cœlis glorificatus. Omnia propter nos, ut uidelicet sua tota gloria nos participes efficiat, qui beneficia hæc gratiæ ab ipso expectamus. Meminerimus etiam, quòd sua unus potentia Ecclesiam gubernet & tueatur per Euangelium & spiritum sanctum. Sic enim iustificat & saluat Electos Dei.

Similis ratio est usualis noticiæ spiritus sancti: Hoc enim est uere & utiliter cognitum habere spiritum sanctum, credere in illum spiritum, quòd nos consoletur, gubernet & uiuificet, tum auxilium gratiæ eius ab ipso expectare. Sic ergo statuet pius animus: Credo spiritui sancto, qui in Ecclesia testimonium perhibet Christo, per Euangelium. Credo item, eundem spiritum, per aliud uerbum quàm Euangelij, nō esse efficacem ad saluandum peccatores. Quapropter etiam confero me ad hoc salutis Euangelium, tanquam ad uocem spiritus sancti, qua potens est Deus saluare, quotquot per illud credunt. Credo deniq;, neminem peruenire ad pœnitentiam, quam præstet cultui diuino dignam, seu qua glorificet Deum, nisi per hoc ipsum Euangelium, de Christo filio Dei, per quod spiritus sanctus unicum omnia salutis nostræ operatur & perficit.

Hæc hæctenus de noticia diuinitatis practica, seu usuali, de qua Ph. Melanthon ita scribit. Hæc metho-

dus

aus non progreditur à priori, hoc est, ab arcana Dei natura, ad cognitionem uoluntatis. Sed à cognitione Christi & misericordiae, reuelatae in Euangelio, ad cognitionem praesentiae Dei. Atq; idem recte & utiliter censet, hanc noticiam exercere & confirmare in omni uita, in omnibus periculis, in omnibus negotijs, & excitare animum ad timorem, fidem, inuocationem, multo rectius & melius esse, quàm ociosas speculationes agitare, et rixari de scholasticis argutijs, quae tamen nō explicant arcanam Dei naturam. Et quia pleræq; sunt inextricabiles, haud dubie multorū conscientias euerterint, non erudierint: quare modū esse harū disputationū, magnopere prodesse:

De noticia & fide creationis.

Afferit præterea decretum cōcilij Aphricani, in cuius enarratione nunc uersamur, Christum esse illū Deum, qui est creator omnium & autor, quae sunt, Dominus & rector cum patre & spiritu sancto omnium creaturarum. Vnde nostri officij esse uidetur, in hoc suscepto expositionis labore, & de creatione aliqua dicere. Igitur Creationem intelligere oportebit, operationem illā diuinæ potentiae, qua Deus omnia condidit ex nihilo: sicut describitur creatio & eius effectus, Gen. 1: Et alijs innumeris locis, omnium prophetarum: & in psalmis.

Porro autem per filium Christum condita fuisse

IN CAP. I. AD TITVM

omnia, clare docet Ioannes Euangelista, Ioan. 1. ubi dicit, Omnia per ipsum facta sunt. Et sine ipso factum est nihil, quod factum est. Et Paulus Col. 1. inquit, Qui est imago dei inuisibilis, primogenitus omnis creaturæ. Quoniã per ipsum cõdita sunt uniuersa, quæ in cœlis sunt, & quæ in terra, uisibilia & inuisibilia. Siue throni, siue dominationes, siue principatus, siue potestates, omnia per ipsum & in ipsum creata sunt. Et ipse est ante omnia, & omnia per ipsum consistunt. Item, Hebr. 1. Nouissime diebus istis locutus est nobis per filium, quem constituit heredem uniuersorum. per quem fecit & secula.

Sed nõ debemus consistere solum in his, quæ sunt creationis, siue eorum omnium, semel conditarum à Deo. Et si mirabiliter erudiant nos de æternitate diuinæ naturæ, in qua omnia existunt summa atq; stupenda, sapientia potentia & bonitas. Et accendant nos ad confessionem, laudem, gratiarum actum et glorificationem Dei. Sicut Paulus testatur Rom. 1. Sed oportebit progredi, & ultra hæc alia scrutari et intelligere, per creationis fidem. Nã hoc quoq; pertinet ad creationis intelligentiam, uidere, agnoscere & sentire, quòd Deus non recesserit à suo opificio: sicut artifex quispiam ab opere consumato, ut faber ab edificata & extructa domo. Non deseruit enim suas creaturas Deus, sed perpetuo cõseruat illas atq; sustentat.

sustentat. Quapropter non est creator solum, uerum etiam conseruator omniũ rerum, per cuius unius potentiã omnia durant, quiq; perpetuo præstat animã tibus uitam ac motum. Vnus ipse fœcundat terram, & producit fructus ex illa, & cætera quæ cernimus cum admiratione, quotidie prouenire, ex rebus creatis, ab hac infinita potentia originem & causam manendi & crescendi habent. Tum necessitati & utilitati nostræ seruiunt, in quo sunt argumẽta mirificæ in nos bonitatis Dei, & amoris erga res creatas, imprimis erga hominem.

Suppeditat itaq; iumentis pascua, nobis escã, potum, indumenta, & reliqua huic corporali uitæ necessaria. Pacẽ quoq; istorũ temporum creat, aut certe impietatem & ingrati tudinem nostrã puniens, uarijs calamitatibus corporalibus nos affligit. Velut bellis, seditionibus, incendijs, fame ac peste: & innumeris alijs generibus morborũ. Et tamen illo quoq; modo, cum inuitet nos ad pœnitentiam & paterne corripiat, sicut est Hebr. 12. 1 Cor. 11. & c. commendat nobis suam in nos bonitatem et curam pro nobis: Et quid multis opus est? Nihil sub sole bonarum rerum existit, quod non habeamus, ex illa ineffabili erga nos bonitate Dei, quam dico, nihil ita aduersum & contrarium nobis, quod timentibus & diligentibus Deum non cooperetur in bonum. Condit multi-

IN CAP. I. AD TITVM

plices artes huic uitæ utiles, iuuat respublicas sapientibus & prudentibus uiris. Constituit Magistratus qui puniant fontes, & bonis sint honori & utilitati. Creat medicos, qui corporales curationes exercent. In summa, condit, gubernat, fouet, nutrit, conseruat ac saluat omnia in omnibus creaturis.

Proinde hæc per fidem intellecta, rapiunt nos ad timorem Dei & dilectionem, & fiduciam in nobis accendunt, qua bene speremus de Deo, quòd nunquã sit nos derelicturus. In aduersis efficiunt, ut patientiam retineamus, & non murmuremus contra Deum, sicut Israëlita, sed expectemus auxilium à Deo: & correpti poenitentiam agamus, & conuertamur à uijs nostris prauis. Operantur in nobis confessionem omnium operum & beneficiorum erga nos Dei, ac faciunt nos laudare Deum, gratias agere & glorificare illum in omni nostra uita. Sed & liberant nos à cupiditate rerum, & à curis huius uitæ, & per hoc à multis consilijs & artibus prauis. A dolo, fraude & astucia inquam, quibus alioqui, infideles & impij, alios fraudant, decipiunt & suis facultatibus spoliant. Quod ita fieri quidem, Deus permittit: sed infidelibus ac reprobis in pœnam. Sed homines pij sua quoq; ad usum pauperum conferunt, tantum abest, ut aliquos fraudent. Quia per hanc crea-

tionis

tionis fidem retinent timorem Dei: & fiduciam præsentia eius concipiunt. Ideo in quavis necessitate per inuocationem recipiunt sese ad Deum, ab illo consolationem & auxilium, sibi & alijs omnibus postulantes. Ita scilicet, sunt egregia exercitia fidei, in creationis noticia, recte considerata & intellecta, à pia & fideli mente.

Sic autem oportere fidem adferre, & illa alia exercitia pietatis, quæ ostendi, ad creationis noticiam, multis scripturæ testimonijs docemur. Nam & Christus creationis fidem accomodat eo, Matthæi 6. prolixa contione, ut illa, fide inquam, liberemur ab impijs curis huius uitæ, quæ homini nihil bene, recte aut pie suadent. Atque ut fiduciam præsentia Dei concipiamus, tum bene in quavis corporali necessitate speremus. Et ubi docet nos precari, inter alia iubet & hanc petitionem facere, qua corporalia quoque à Deo flagitemus, dicentes, Panem nostrum quotidianum da nobis hodie. Significans, quod in corporalibus necessitatibus æque, ut in spiritualibus à Deo adiuuemur. Cui propterea debemus sane huius gloriæ & bonitatis suæ confessionem, laudem & gratiarum actionem. Inuocationem quoque, ne in ulla aliqua corporali necessitate, quàm ad ipsum recurramus, consolationem, auxilium & liberationem rogantes.

IN CAP. I. AD TITVM

Quod contra idolatricum cultum Diuorum meminerimus obseruare, ut hoc quoq; obiter, & oblata occasione, dicam Huc item facit illud Petri, 1 Pet. 5. Omnem sollicitudinem uestram projcite in eum, quoniā ipsi est cura de uobis. Similiter illud Pauli, Phil. 4. Nihil solliciti sitis: sed in omni oratione & obsecratione, cum gratiarum actione petitiones uestre innotescant apud Deum.

Hoc igitur modo fiduciam adferre ad hæc opera creationis & conseruationis rerum, est arcana & spiritalis sapientia, & glorificat Deum, & hominem liberat à multis perniciosis cupiditatibus & curis, ac replet omni bono, ut in nulla necessariare corporali egere possit. Aut si indigeat aliquare necessaria ad tempus, illud tamen nulla sui incommoditate fiat, uel certe cum suo aliquo maiore bono, siue ut gloria Dei illustrius manifestetur. Non potest enim Deus gloriae suae deesse, aut non iuuare eos, qui fiduciā potentiae & bonitatis eius conceperunt. Ac differūt in eo homines pii, ab infidelibus & impijs, qui nihil intelligunt se de manu Dei accipere, neq; credunt etiam si quis edisserat. Cum ille solem suum oriri faciat super bonos ac malos, ac pluat super iustos & iniustos. Obserua autem, quæ mala ex ista incredulitate & ignorantia Dei oriantur. Isti enim impij statuunt cum Epicuro, quod Deus res hominum non curet.

Quin

Quin etiam dicunt in corde suo, non est Deus. Et sic necessario silet apud eos omnis laus & gloria Dei. Nulla fit confessio, nulla inuocatio, qua Deus glorificaretur. Nullæ præstantur pauperibus eleemosynæ. Sed & ad cupiditates suas conuersi, omnia sibi permittunt, & in omnibus quæ sua sunt quærant, etiam cum proximi damno, ac detrimento rerum eius. Atque inde sunt multiplices fraudes, doli, insidiæ, malæ artes, rapinæ, usuræ, & cæteræ nequiciæ auariciæ & ambitionis. In quibus multa permittit Deus fieri & succedere ad uotum impiorum: sed, ut dixi, in pœnam incredulitatis. Vt excæcati, & cupiditatibus suis uiuentes, iudicentur à Deo, quem contemnant, & pereant æterna condemnatione. Sic fieri ferè solet, ut rebus in hoc mundo potiantur impij, quibus tanto grauiorēs pœnæ sunt reseruatae ad futurum iudicium, quanto furiosius Deum contemnant, & alijs noxij sunt, dum sibi solis bene esse, etiam cum incommoditatibus aliorum, quærant.

Sunt autem plura alia testimonia, ultra ea quorum prius mentionem feci, quæ nos docent de illa generali operatione Dei, qua condit, seruat & gubernat res omnes omnium creaturarum. Nam huc quoque facit illud Christi, Ioan. quinto. Pater meus usque modo operatur, & ego operor. Significat enim se,

IN CAP. I. AD TITVM,

conseruandis, fouendis, gubernandis ac sustentandis creaturis, cū patre præesse. Et Paulus Actorum decimo septimo inquit : In ipso uiuimus, mouemur & sumus. Sed repete diligentius quæ proxime hunc locum præcedunt, prolixiore narratione. Item consimilem ferè alium locum, Actorum decimo quarto. Nam in utroq; affirmat Paulus, quòd Deus & Gentibus reuelauit noticiam hanc suæ potentiae & bonitatis, per hanc rerum conseruationem & sustentationem. Quanquam plures semper increduli fuerunt, sicut etiam nunc illi prædicationi paucissimi credunt. Sed reuertor ad testimonia huius generalis operationis Dei. Quia fidem nostram mirifice erudiunt, & ut supra dictum est, à multis grauissimis uicijs liberant, omnes qui uerbo Dei credunt, simul etiam uirtutibus pulcherrimis eosdem ornant. Itaq; Psalmo centesimo tertio elegans testimonium est, quod pulchre huc facit. Omnia (inquit propheta) à te expectant, ut des eis escam in tempore suo. Dante te illis colligent, aperiente te manum tuam, omnia implebuntur bonitate. Auertete autē te faciem, turbabuntur, auferes spiritum eorum, & deficient, & in puluerem suum reuertentur. Emitte spiritum tuum & creabuntur, & renouabis faciem terræ. Psalmo centesimo quadragesimo quarto. Qui producit in montibus

tibus foenum & herbam, seruituti hominum. Qui dat iumentis escam ipsorum, & pullis coruorum in uocantibuscum. Sed plura de his legant pietatis studiosi, in libro locorum communium Phil. Melanth. in loco de creatione.

De noticia & fide Redemptionis.

Proximus locus est de beneficijs redemptionis, quæ præstita sunt humano generi per Christum. Nā his quæ sunt de opere creationis & conseruationis rerum, mox subiiciunt constitutionis synodalis auctores, de Christo iesu, qui uidelicet passus sit, pro salute nostra. Et uolunt haud dubie, ut huius articuli noticia & doctrina confirment Ecclesias Episcopi, ut omnes in corde & perfectissime credamus, & cū tota catholica Ecclesia consiteamur, persuasissimum habentes, quòd aliter, quàm per solam in Christum fidem, passum pro nostra salute, nequeamus uel à peccato uel à morte saluari. Quod recte quidē requirunt B. Patres, censentes ex opposito damnandos esse, & fugiendos, qui contra sentiunt, & diuersa iustificationis dogmata in Ecclesiis spargunt & tradunt. Atque adeo opera Episcoporum arcendos esse, qui sunt huiusmodi, ut fidei Christianæ hostes, & impostores, qui nos fraudant salute animarum nostrarum, & CHRISTO IESU detrahunt hanc

IN CAP. I. AD TITVM,

gloriam, quòd per suam passionem saluàrit nos à peccato & morte. Nam hæc est ipsissima Euangelij doctrina, quòd Christi beneficio, qui est uictima pro nostris peccatis, salui efficiamur. Et quòd illa ipsa beneficentia est gratuita, & per fidem contingat nobis sine omnibus iusticijs, aut meritis nostris. Etsi in papisticis ecclesiis nihil alienius hac fidei doctrina, & nihil absurdius esse credatur.

Neq; enim creditur, aut credi permittitur, hic præcipuus fidei Christianæ articulus, ubi papistæ regnum obtinent, & Ecclesias gubernant. Quia, ut sunt Iudaicis opinionibus excacati, in questione seu doctrina de iusticia saluante, nolunt excludi, iusticie rationis & operum suorum meritum, cum per Euangelij doctrinam, omnis salutis nostræ gloria nobis adimatur, et uni Christo tribuatur. Papistæ igitur detrahunt illi honori Christi, à quo hoc totum beneficium habemus, quòd à peccato & morte coram Deo saluamur. Nec enim aliud nomen datum est hominibus sub coelo, per quod oporteat nos saluos fieri. Act. 4. Et quia suis meritis partem huius gloriæ tribuunt, clarum est, quòd hanc beneficentiam Christi negant gratuitam esse, & per consequens, quòd totam negant. Quia hæc Christi beneficentia, de qua loquimur, non est nisi gratuita, nec est alia
qua

qua salui efficiamur. Idcirco & qui gratuitā esse non agnoscunt, nequeunt saluari, nisi tandem ab ista opinionis impietate liberentur. Excidunt enim beneficentia gratuitæ salutis, quæ est per Christum. Nam & officiū mediatoris Christi negāt, & sibi faciunt ociosum, quicunq; per iusticias rationis quærunt saluari, sicut dicitur ad Gal. 2. Non abijcio gratiam Dei. Si. n. per legem iusticia, ergo gratis Christus mortuus est.

Huius itaq; impietatis & negatæ gratiæ Dei, & tantarum blasphemiarum, quibus detrahitur officio mediatoris Christi, perpetuo accusari à nobis papistæ debent, & traduci publicitus in Ecclesiis de negato articulo redemptionis nostræ, quæ est per Christum, donec agnoscant suum errorem, & confiteantur nobiscum in gloriam gratiæ Dei & seruatoris Christi, quòd uidelicet gratis per misericordiam Dei propter solū Christū salui efficiamur, si in promissionem gratiæ credamus. Si enim necesse fuit pati Christum pro nostra salute, & pro liberandis nobis à peccato & æterna morte, firmum est ac certum, qd per Christi passionē salui facti sumus, & nullius alterius beneficio. Nec esse aliud preciū pro peccato & morte, quàm Christi mortē, cum quo qui in parte gloriæ esse uolunt, tota beneficentia Christi carere debent, ut quam ipsi per incredulitatem negant. Non agnoscunt enim neq; recipiunt, quia gratuitā esse negant,

quæ alia nō est nisi gratuita. Quare gratuitā negare
 (qđ faciunt operarij, qđ fiduciā meritorum suorum ha-
 bens, cū nulla sint merita ipsorū.) pinde est, atq; si to-
 tā neges, quæ tota gratis cōfertur p solā fidē in Chri-
 stū. Petrus negat preciū esse pro peccato & morte,
 nisi sanguinem Christi. 1. Pet. 1. Scientes qđ non corru-
 ptibilibus, auro uel argento redempti estis de uana
 uestra cōuersatione paternæ traditionis, sed precioso
 sanguine, quasi agni inculpati & immaculati, Chri-
 sti. illa igitur sententia excludit à gloria redēptionis
 nostræ, qđquid nominari sub cœlo potest, præter san-
 guinem Christi. Ideo necessario detrahimus, non cor-
 ruptibilibus auro & argēto tantum, neq; solū operi-
 bus cæremoniariū, sed in uniuersum quibuslibet operi-
 bus et factis nostris gloriā meriti saluationis nostræ
 corā Deo, quia hæc gloria solius Christi est, redime-
 re uidelicet nos à peccato, & saluos facere à morte,
 sicut Paulus dicit 1. Timoth. 1. Certus sermo, & di-
 gnus qui omnibus modis accipiat, qđ Christus Ie-
 sus uenit in hunc mundum peccatores saluos facere.
 Multoq; magis pharisaicis traditiōibus Pontificum
 illa gloria detrahi debet, quam tamen papistæ istis ar-
 rogant iam dudum alienati à gloria Christi. Nam in
 his hominum præceptionibus nulla per se bonitas uel
 utilitas est. Et Christus significat cultum eorum abo-
 minabilem esse Deo. Matth. 15. Frustra colunt me, do-

centes doctrinas, mandata hoīm. In operibus uero legis decalogi, aut legis naturæ, quæ cōsentit cum mandatis Decalogi, est aliqua utilitas, et hæc fiunt cultus Dei, si rite præstentur, & si nemo per ea saluus fiat. Quomodo autem præstari debeant, suprà exposui, cum in enarratione epigraphæ uersarer.

Quanquam aut̃ hic locus de redemptione humani generis per Christum utilissimus est, & cum primis necessarius, qui clare & copiose in Ecclesiis exponatur, tamen in præsentiarum non multa de illo scribam, uel quia hactenus sæpe tractaui eū, ubicūq; per occasionem fieri potuit, uel quia subinde, & meliore occasione, quàm data est mihi hoc loco, à me tractabitur. Nam & infra cap. 3. seorsim & necessario per occasionem scripti Paulini dicturus sum de gratia & iustificatione. Nunc ergo uolo tantum aliquot scripturæ sententias, illasq; nude proponere, quæ uidelicet testentur, quòd alia uictima, seu precio & satisfactione, quàm per Christi mortem, non potuimus saluari. Ex quibus propositū hoc nostrum & summariā conclusionem eliciemus, q, gratis, per misericordiam, propter Christum redemptorem eripiamur peccato & morti, quatenus tamen credimns in eū, quia beneficium hoc redemptionis nostræ aliter non potest accipi aut possideri à nobis, quàm per solam fidem.

Sic itaq; docemur Ioh̃. 1. ubi sermo est de redēptore

IN CAP. I. AD TITVM,

Christo: Ecce agnus Dei, qui tollit peccata mundi.
 Rom. 3. Iustificati gratis per gratiam ipsius, per redemptionem quæ est in Christo Iesu, quem proposuit Deus propiciatorium, per fidem in sanguine ipsius.
 Col. 1. Qui eripuit nos de potestate tenebrarum, & transtulit in regnum filij sui dilecti, per quæ habemus redemptionem, per sanguinem eius, remissionem peccatorum. 1. Ioan. 1. Et sanguis Iesu Christi filij eius emundat nos ab omni peccato. Heb. 1. Per se purgationem peccatorum nostrorum fecit. Sed his testimonijs in præsentia satis est, quæ continent in se maximas exclusiuas. Nam adimunt nobis laudem meriti remissionis peccati, & omnibus iusticijs nostris, ne quis coram Deo gloriatur. Ac transferunt in Christum illam omnem gloriam, qua nos redemit à peccato & à morte, & iustificat per gratiæ suæ fidem, & credentibus confert æternam uitam, ut in Domini gratia illa sola gloriemur.

In summa, Christus est iustificator & redemptor noster, qui unius abolet peccatum & mortem, adeoque iusticiam & uitam in lucem producit. Quod quisque credit, & cum Ecclesia catholica consuetur, is iustus coram Deo & beatus est, futurus hæres æternæ uitæ. Si tamen hanc gratiæ beneficentiam recipiat per fidem ad se quoque pertinere. Hoc enim est recte credere, & cum Ecclesia feliciter confiteri, iuxta illud

Iud Pauli Ro. decimo, Corde creditur ad iusticiam,
ore autem sit confessio ad salutem:

In reliqua Decreti siue constitutionis
Concilij Aphricani.

Reliqui sunt quidam alij loci Decreti Aphricani,
sed non uacat diutius singulis immorari, neque opus
est admodum, cum multa per se claram intelligētiā
habeant. Neq; ualde urgeo humanam cōstitutionem,
neq; adprobo eam, nisi quatenus cum scripturis con
sentit. Ideo uero refertur à me & exponitur, ut in ad
uersarios Christianorum dogmatum retrudatur. Nā
isti reuocant nos ad obseruationem humanarum con
stitutionum, sine omni iudicio & delectu, & quod
uaniſſimum est, optimas quasque negligunt & con
temnunt, & pessimas retinent atq; urgent. Istis itaq;
opponimus hanc constitutionem, & iubemus, ut eam
prius obseruent, quā nos relegent ad aliarum ob
seruationem. Sed ad rem.

Igitur proximo loco agitur de autoritate sacra- De sanctariē
rum scripturarum, quæ merito debet esse summa, & scripturarīe
sola ualere in Ecclesia. Ita, ut adprobemus & recipia autoritate.
mus, quicquid in sanctis scripturis cōtinetur, & con
trā improbemus, quicquid illis quomodocunque pu
gnat & aduersatur. Quapropter etiam exercitatus
in illis atq; instructus esse debet episcopus, non ideo
solum, ut uera, firma, certa ac solida tradat in Eccle-

IN CAP. I. AD TITVM,

sia, quæ conuelli nequeant, ne quidem à portis inferorum, uerum etiam, ut nouerit aduersarijs & contradicentibus sanæ doctrinæ sese opponere, & Ecclesias à mendacibus doctrinis, reiectis impostorum insidijs ac dolis defendere atq; tueri.

Sciet itaq; episcopus, & necessario confitebitur sacras scripturas, quia sine illis nihil firmi docebit in ecclesia, neq; consolabitur quenquam, neq; poterit contradicētes conuincere. Quæ tamen sunt officij necessarii episcoporum præstadi in Ecclesia. Sic autem confitebitur, ut diuinitus inspiratas ac traditas per sanctos Dei homines, Prophetas, Christū & apostolos, atq; ut fateatur unum eundemq; autorem & Deum, uetis & noui testamenti, hoc est, tam doctrinæ legis & prophetarum, quàm euangelistarū & apostolorum. Quæ episcopus debet tradere, ut parem auctoritatem illi omni doctrinæ sanctarum scripturarum, ipse quoq; totæ Ecclesiæ tribuant, & ne existiment se ad aliud uerbū ligatos esse, aut alia regula iudicandos. Et de auctoritate scripturarum habes quædam à me et in superioribus scripta & in sequentibus.

Non habemus ergo sanctarum scripturarum nisi unum & eundem autorem ac Deum, qui locutus est per sanctos prophetas nobis, & nouissimo per filium Christum, ut dicitur Heb. 1. Quem eundem prædicat nobis apostoli & euangelistæ, iam uidelicet exhibi-

tum, uiuum, glorificatum & regnantem. Et annunciant nobis remissionem peccati & salutem per nomen eius, simulq; pœnitentiã prædicant ac docent, quam per fidẽ nominis eius præstemus. Et in ea tota doctrina & prædicatione nihil uariant à doctrina & prædicatione sanctorum prophetarum, hoc est, tam legis quàm promissionum gratiæ, nisi quòd prophætæ uenturum præd. cauerũt Christum, quem apostoli prædicant glorificatum & regnantem. In alijs, legis uidelicet, promissionum gratiæ, fideiet pœnitentiæ, doctrina est eadẽ, cuius suprà habes à me expositã rationẽ in loco de legibus & triplici illarum usu.

Quapropter & docebunt episcopi, & prædicabunt concionatores, oĩm iudicem fore nouissimo hũc eundem Deũ, qui est autor sanctarũ scripturarum, et regulã iudicandi tũc, sicut etiam nũc, sumendã ex doctrina legis, prophetarũ & apostolorũ, ut quarũ est unus ipse & idẽ autor & inspirator, neq; fert aut ferre potest illarũ contẽptũ. Puniet ergo tã legis, quàm gratiæ cõtemptum. 2. Cor. 5. Oēs. n. nos manifestari oportet corã tribunali Christi, ut referat unusquisq; propria corporis, prout gessit, siue bonũ siue malũ. Et huius rationis pete plura testimonia ex tota legis, Euangelij, pœnitentiæ & bonorũ operũ doctrina, ut Mat. 5. 6. 7. 11. 16. 19. 25. 10ã. 3. 5. 6. Ro. 3. 4. 5. 1. Cor. 6. Gal. 5. Eph. 5. atq; adeo ex tota sacra scriptura.

IN CAP. I. AD TITVM

Diabolus suo arbitrio malus.

Porro nemo sanus, ne dum pius, dicet, Diabolum uidelicet per cōditionem, hoc est, creationem factum esse malum, quasi conditus sit malus à Deo, ut causa peccati & uiciorum eius in Deum regeratur. Nam per arbitriū & propria uoluntate malus est & peccat, sicut testatur illud Christi Ioan. 8. Ille (diabolus) homicida fuit ab inicio, (mox enim post creatū hominem, insidiatus est illi, & pertractum in peccatum & rebellionem occidit.) & in ueritate non stetit, (Recedens uidelicet à bono, quū bona creatura Dei esset. Atq; ita quidē semper malus est, sed per semetipsum factus talis.) quia non est ueritas in eo. Cum loquitur mendacium, ex proprijs loquitur, quia mendax est, & pater mendacij.

Sic quoq; est quidam perpetuus autor, & causa impulsua omnibus alijs peccandi & contemnendi Deum, idq; ex propria malitia & impietate, iuxta illud 1. Ioan. 3. Qui facit peccatum, ex Diabolo est, quoniam ab inicio Diabolus peccat, Quia est qdam perpetuus aduersarius Dei, & rectis atque pijs aliorum conatibus obsistit, retrahens ab obediētia Dei, & querens pertrahere in peccatum, quos possit, ac perdere. Sic enim circumit, hostis ille communis salutis humani generis, querens quos perdat. Quapropter etiam uigilandum est omnibus nobis contra hūc aduersarium

aduersarium, sicut & Petrus admonet 1. Pet. 5. Sobrii estote & uigilate, quia aduersarius uester Diabolus, tanquam leo rugiens circumit, quærens quem deuoret, cui fortes resistite in fide.

Quamquam illa de Diabolo, quomodo sit per arbitrium malus, & non per conditionem, nihil aut parum certe ad nos, nisi q. isti, qui blasphemauerunt, & Diabolus per conditionem sit factus malus, illo dogmate fecerunt causam mali ipsum met Deum. Nos ergo conuenit gloriam Dei asserere, qui odit peccatum, nec est nisi optimarum rerum conditor & autor, sicut docemur Gen. 1. Vidit Deus cuncta quæ fecerat, & erant ualde bona. Sic causa est iusticiæ, sanctissimarum cogitationum, consiliorum, conatum, factorum & ois boni. Phil. 2. ad sanctos & recte operantes: Deus est enim, qui operatur in uobis & uelle & efficere pro beneplacito. Extat autem pia & elegans disputatio in libro locorum communium Phil. Mel. de causa peccati, qua contenti ueri & pietatis amantes quiescent, & gratias agent Deo.

De resurrectione mortuorum generali.

De resurrectione huius, quam gestamus, carnis, & non alterius, quæ erit communis & bonis & malis. Item, de pœnis ac præmijs utrorumque, quæ reddentur singulis in futuro iudicio, pulchre erudit nos illud Christi Ioã. quinto, Veniet hora, in qua omnes,

qui in monumentis sunt, audient uocē eius (filij Dei).
 Et prodibunt, qui bona fecerunt, in resurrectionē uitae: qui uero mala egerunt, in resurrectionem cōdemnationis. Et in hunc modum de pœnis & prēmijis, quæ erunt post carnis resurrectionem, pro meritis singulorum, sæpe docemur in sacris scripturis, cuius & paulo suprā citata sunt à me aliquot testimonia. Et Paulus Rom. secundo inquit: Redditurus est unicuique secundum facta sua. His quidem, qui secundum perseuerantiam boni operis, gloriam & honorem et incorruptionē quærent, uitam æternam: ijs uero qui sunt contentiosi, & quæ ueritati quidem non obtemperant, sed obtemperant iniusticiæ, uentura est indignatio & ira, afflictio & angustia, aduersus omnem animam perpetrantis malum. Plura huiusmodi testimonia ex suprā annotatis pete, uel potius ex tota sacra scriptura, quia ubique sunt obuia.

Seorsim autem de gloria resurrectionis iustorum, & de prēmijis æternæ uitæ docemur 1. Corinth. 15. 1. Tess. 4. Item in illo ad Phil. 3. Nostra autem cōuersatio est in cœlis. Vnde etiam saluatorem expectamus Dominum nostrum Iesum Christum, qui reformabit corpus humile nostrum cōfiguratum corpori suo glorioso, secundum efficaciam, qua potest ipse subijcere sibi omnia. Huc etiam facit illud Christi Matth. 19. Amen dico uobis, quod uos qui sequuti estis me, in
 regeneratione

regeneratione, cum sederit filius hominis in sede maiestatis suae, sedebitis & uos super sedes duodecim, iudicantes duodecim tribus Israel. Nā hac sententia testatur Christus futurū, in sancti q̄ crediderūt Euāgelio, & per obedientiam mandatorum coluerunt Deum, post resurrectionem carnis glorificati immortalī & aeterna gloria regnaturi sint ppetuo cū Christo. In illa. n. resurrectione complebitur demum regeneratio iustorum, quae nunc per fidē gratiae, & uitae renouationē in eis coepit. Sed de illa resurrectione & gloria iustorum, extat copiosum scriptum Phil. Mel. in lib. locorum communium, in quo de his omnibus & plenius & firmitus docemur.

Qui nuptias prohibeant, & secunda
matrimonia damnent.

Ceterū locus ille de nuptijs, in quo Patres decernūt ita recipiendum esse episcopū & confirmandū, si praeſuprà memoratas leges doctrinae fidei nuptias nō prohibeat, & secūda matrimonia nō dānet, mēre facit cōtra Romanū Pōtificē, & uniuersaliter cōtra oēs papistas, tā laicos, seu principes seculares, q̄ sacris iniciatos, & q̄ Ecclesias gubernāt, nā isti oēs prohibēt nuptias in cōiugio sacerdotū, et secūda matrimonia damnāt. Et uel hac ratione ipse Papa huius mali autor & caput, nunquā fuit digno noīe & officio episcopus q̄ diu in hac impietatis heresi et errore

fuit, sed fuit aduersarius Dei & Ecclesiæ, & spūi sancto restitit, defendens hanc heresim & impietatem. Tum quotquot ei adhæserūt, & istas impietates eius adprobauerunt, impij fuerunt, nisi quatenus excusat illos ignorantia, & peccatū, quod inuoluntarium scilicet habuerunt, præualente in Ecclesia opatione erroris, iuxta Pauli uaticinium 2. Thess. 2. tametsi Pontifex Romanus arroget sibi episcopatum uniuersalem supra omnes in Christiano orbe episcopos, & imperium in totius mundi Christianos. Quorū utrumq; sibi deberi diuino iure nunquā potuit probare, etiam si semper bonus fuisset, nec probabit aliquando.

Nuptias autem prohiberi à Romano Pontifice, & secūda matrimonia damnari, liquet ex his quæ supra docui, de libertate coniugij sacerdotum. Nā quia totius orbis cōiugia damnare neq; audet neq; potest, pharisaice & per hypocrisim suggillat illa, quæ sunt sacerdotū, fingens scilicet se spectare & quærere pietatem in Ecclesia, cum nihil agitet secum, nisi quomodo in opibus Ecclesiæ libidinetur et regnet. Sacerdotes. n. uxorati non bene conueniunt seu congruūt isti dominationi, quā Romanus Pontifex in Ecclesia quærit. De bonis, qui per errorem decepti fuerunt, nihil loquor, sed de istis, qui aut mali dedita opera fuerūt, aut admoniti, neq; reuocari se de errore, neq; corrigi passi sunt uel patiuntur. Damnat igitur nuptias
seu

seu coniugia sacerdotum Pontifex Romanus, quamquam nihil refert, in quibus damnet, modo constet, qd damnat. Et huius impietatis non opus est reuinci Pontificem, ut quam tam aperto & impudenter asserit ac defendit. Ac multo magis damnat secunda matrimonia sacerdotum, ut quæ etiam blasphemio ore infamans adpellat digamiam, alieno nomine & re dehonestans sacra coniugia. Digamia enim aliud qd dam est, coniugium uidelicet, quo quis duas simul & eodem tempore uxores habet. Nec potest excusare Pontificem, quod quosdam ex sanctis Patribus ad stipulatores in hoc errore habet. Cur enim hominum scripta sine iudicio adprobat, & non diiudicat illa per autoritatem & lucem uerbi Dei? Non enim adprobare aut promulgare in Ecclesia debet, qd astipulatorẽ Deũ nõ habet, & uerbo Dei pbari nõ potest.

Et quoniam de iure quæstio est, respondeat Pontifex, qua potestate coniugia sacerdotum damnet, & num res p se mala & impia sit coniugiũ sacerdotum? Et quomodo unus ipse Romæ episcopus, id est, parochus & concionator, nullo neq; diuino neq; humano iure, sed fraude & insidijs imperet totius orbis episcopis, presbyteris & sacerdotibus, & prohibeat ne ducant uxores? Nam diuino iure, quod satis cõstat, non est summus episcopus, aut ostendat nobis iste Pontifex ius hoc diuinũ, qd exaltet & euehat ipsum

Papæ iure diuino non est summus episcopus &c.

IN CAP. I. AD TITVM,

supra alios episcopos. Ius humanum nihil statuere in regno Christi potest, aut certe nihil miserius esset regere et cōstitutionibus Christi. Nam & posset hominibus pharisaicis episcopis, ius & dominatum cōcedere violandi & corrumpendi omnia diuina. Sed & si recipitur q, homines aliqd ordinare possint in Ecclesia, ultra ea q sunt ordinata à Christo & sanctis apostolis eius, simul fatendum est, q hominum autoritas sit inferior diuino iure. Sed & Pontifex Romanus non noscit se humana autoritate summum Pontificem esse, sed diuinā iactat, quam tamen nunquam potuit demonstrare. Aut doceat nos, & ostendat, ut dixi, nobis uno uerbo Dei, q hanc imperatoriam potestatem, quam iam diu tyrannice usurpat sibi in Ecclesia, exerceat & possideat iure diuino. Quod quia nō probat, & contra commune officium episcoporum in Ecclesia multa pharisaice & impie statuit & ordinat, decernimus impostorem esse.

In summa, Papa nō est iure diuino summus episcopus, nec accepit potestatem leges Ecclesie præscribendi, sed docendi Euangelium, & ministrandi sacramenta. ideo neq; cogimur legibus Papæ obedire, illis præsertim, quas probare possumus, quòd legibus dei aduersentur. In regno dei & Iesu Christi nihil habet ordinare non antea ordinatū, & si Ecclesia alios episcopos supra alios constituere & ordinare possit,

non

non tamen potest eis concedere, nisi quod prius concessum & demandatum est ipsis à Christo. Maiora onera iniungere potest, ut pro pluribus curam agant, imperatoriam potestatem concedere illis non potest. Multo minus donare potest istis potestatem uiolandi constitutiones Dei, & uiolant tamen hoc ius Pontifices per suas impias constitutiones, quia ordinationē Christi de Eucharistia corrumpunt, & coniugia sacerdotum damnant.

Carnium esus à quo reprobetur.

Attinet hoc quoq; ad reprehensionem Romanū Pontificis, quòd contra ius diuinum & constitutionem Patrum carnum perceptionem culpat. Quamquam hoc quoq; pharisaice & per simulationem pietatis faciat, reprehendens scilicet, si quis feria sexta, siue in alijs diebus ieiuniorum carnes manducet. Et fingit se hoc modo ieiunia ordinare, cum nisi pharisæum delectum ciborum non doceat. Et ad crapulam & ebrietatem, quæ exercentur in diebus ieiuniorum egregie obmutescat, nec in se & aula sua, nec in in alijs episcopis & monachis, in summa, in nullo prorsus reprehendat.

Et quid boni habet iste pharisaicus delectus ciborum, cur urgeat eum Pontifex Romanus? Non est enim Christianum ieiunium, & Paulus reprobat illum, Col. 2, Nemo uos iudicet in cibo aut in potu. Itē,

IN CAP. I. AD TITVM,

si mortui estis cum Christo ab elementis huius mundi, quid tanquam uiuentes mundi decretis tenemini? (uidelicet talibus), ne tetigeris, ne gustaueris, nō cōtractaueris. Quæ oīa ipso usu cōsumūtur (decretis scilicet) secundū præcepta & doctrinas hoīm. Quæ sunt rationē quidē habentia sapientiæ in superstitiōe & humilitate, et non parcendo corpori, ne honorem ei habēdo, quantū carni satis est. Et quot, obsecro, egrotis, impregnatis, senio cōfectis, isthæc pharisaica constitutio, reprobati esus carnium, letaliter nocuit?

Improbare autem carniū esum, tanquam is illicitus sit, & peccatum, quocunq; tempore, die aut loco illis uescaris, idem Apostolus numerat cum doctrinis demoniorum. 1. Timoh. 4. Spiritus autem certo dicit, q̄ in nouissimis temporibus discedent quidam à fide, attendentes spiritibus impostoribus, & doctrinis demoniorum prohibentium nubere, & abstinere à cibis, quos Deus creauit, ad percipiendum cum gratiarum actione fidelibus & his qui cognouerunt ueritatem. (Hæc ipsi quoq; hypocritæ & infideles Monachi notēt, q̄bus uno loco & aliqua certa mēsa peccatiū est, carnes manducare, quod in uulgato alio loco non sit peccatum.) Quia omnis creatura Dei bona est, & nihil reiiciendū, quod cum gratiarū actiōe p̄cipitur. Sanctificatur .n. p̄ uerbū Dei et orationē.

Et quoniam idem Apostolus continuo subdit:

Hæc

Hæc proponens fratribus, bonus eris minister Iesu Christi, enutritus uerbis fidei, & bonæ doctrinæ. Iterum significat, impostores esse & fallere Ecclesiæ demoniorum doctrinis, qui diuersum docent ac statuunt. Sed & cultus pharisaicus est, quod iste de lectus ciborum, fingitur bonum opus esse, qui sit honori Deo. De quo uide, quæ sunt Matth. 15. Summa autem blasphemia est, quod iste pharisaicus & uanus cultus, dicitur homini mereri gratiam à Deo, & expiare peccata, cum hæc per nullam obseruationē, ne quidem mandatorum Dei, impetrentur. Sed solis contingant, qui in Christum Iesum credunt, & per solam fidem.

De communicando cum pœnitentibus reconciliatis.

Quod uero requirunt sancti patres, ut pœnitentibus reconciliatis quoque communicet Episcopus, ne uidelicet habeat illos, suo commercio & consuetudine indignos, aut arceat tales à consolatione Euangelij & sacramentorum usu. Id nimirum contra eos dictum, positum & statutum est, qui censuerunt Christianis abstinendum esse à commercio lapsorum, & satis arguit, fuisse in hac opinione nonnullos Episcopos. Quod iure reprehendunt. Quanquam non præcipiant, ut quibuslibet lapsis communices, sed reconciliatis et pœnitentiā agentibus. Quales ipse quoque

IN CAP. I. AD TITVM,

Christus adprobauit & recepit. Nam & multos ex Iudæis, reuertentibus ad poenitentiam, haud dubie recepit, & suo exemplo recipiendos suavit.

Fuerunt autem in Ecclesia, qui ijs quotquot lapsi essent, post primam illam reconciliationem, quæ adipiscitur in baptismo, negauerūt peccati remissionē, ministerio Ecclesiæ concedi posse: quos præterea à sacramentis suaserunt arcendos. Hoc enim ausi fuerunt Nouatiani tentare, cuius hereseos & impietatis autor exiitit quidam Nouatius, Romanæ Ecclesiæ presbyter. De quo leges in hist. tripart. lib. 8. Cap. 9. De Nouationis autem, in hist. eccles. Eusebij, lib. 6. Cap. 34. Isti ab Ecclesia separati superbo nomine semetipsos *καθ'αγορῆς*, id est, mūdōs adpellârunt. Exstimantes pharisaica persuasionē, quod sine omni peccato uiuere possent.

Istis igitur persimiles sunt Anabaptistæ horum temporum. Negant enim & ipsi, remissionem peccati lapsis concedi posse, & arroganter ac pharisaice præsumunt, quod post susceptum baptismum, quem idcirco solis adultis tradunt, possint sine omni peccato uiuere, existimantes, quod inutiliter infantibus tradatur, qui in perseuerantia operis boni non maneant: & propterea inutiliter baptizentur. Hæc ergo pia constitutio, tradita ab orthodoxis, & scripturæ testimonijs iusta, pia & recta, seruari in tota Ecclesia

fieri

sia debet, & imprimis ab Episcopo. Nam, si repellantur ab Episcopo lapsi, qui ueniunt ad reconciliationem, & reuertuntur ad Deum, quid à reliquo uulgo fiat?

Honestum uero est, subtrahere se à commercio & consuetudine illorum, qui lapsi nunquam ueniunt ad pœnitentiam, & in contemptu Dei perseuerant. Quin etiam, hoc est diuini mandati: si uidelicet perseuerent contemnere Ecclesiæ monita, hortationes, disciplinam, et correptiones. De quo lege Matth. 18.

De remissione peccati, quæ fit per baptismi susceptionem.

Reliqui sunt duo loci constitutionis Patrum: prior, quod exigendum præcipiunt ab eo, qui futurus sit Episcopus, & Ecclesiæ doctor, quid sentiat de peccatorum remissione, quæ fit per baptismi susceptionem: posterior, quid de Ecclesia. Volunt autem ac iubent ut statuatur, in baptismo fieri peccatorum omnium remissionem: hoc est, tam istius quod in generatione carnis contrahimus, et uocatur originale peccatum, quàm huius, quod uoluntarie admittimus, adijcien-
tes morbo & uicio originali externam transgressionem. Originale enim, non est aliud, quàm uiciati habitus ac motus in carnali natura, cum adiuncta ignorantia Dei. In quo sunt fontes omnium externarum transgressionum & impietatum. Fuen-

IN CAP: I. AD TITVM,

runt autem qui contenderunt solum originale ablu-
 lū per baptismum, & externas transgressiones ex-
 piandas, per propria facta. Istorum igitur senten-
 tiam S. patres improbant ac damnant: De Ecclesia
 itidem uolunt & requirunt, sentire ac statuere Epis-
 copum, quod extra eam nullus saluus fiat. Sola enim
 clauēs habet regni cœlorum, nec concedit peccato-
 rum remissionem suo ministerio, ulli homini, nisi per
 promissionis Euangelij fidem, & sacramentorum
 debitum ac rectum usum. Dicam igitur de peccato-
 rum remissione, quæ sit per baptismi susceptionem,
 prius quàm de Ecclesia.

Proinde illi, quo sancti Patres pie & recte pro-
 nunciandum statuunt, uidelicet, quod in baptismo
 peccata omnia dimittantur, glossator canonis, homo
 Portenta papæ - ignarus Euangelij & Christi adiicit de sua salua,
 pistica doctrina - id est, dimissa ostendantur. Ne credas scilicet pecca-
 trinae, de re ta dimitti per baptismum, sed declarationem quandā
 missione pec fieri, antea dimissorum, cum homo peccator baptize-
 cati. tur. Ne tribuatur baptismi uis abluendi peccata, sed
 tantum significatio quædam, per aliud dimissorum:
 Et hoc quantum ad actualia externarum transgressi-
 onum delicta. Ita scilicet conspurcans S. patrum
 sententiam, quam non intellexit: & ueritatem Euan-
 gelij, cuius fuit ignarus, & unde patres sua college-
 rant, blasphemans. Sed hæc sunt portenta papisticae
 doctrine,

papisticæ doctrinæ, de peccatorum remissione : & communis multorum error.

Vtitur itaq; glossator his rationibus, seu commentis uerius. Nam per contritionem, inquit, dimittuntur adulta peccata, (hoc est, quæ adulti admittimus, & ultra originale, per externas alias transgressiones addimus. Barbarizat enim.) non per baptismum. Aperte negans & sine tergiuersatione, quod ultra originalia, ulla alia peccata hominibus per baptismum dimittantur. Et de alteris illis, quæ externa & uoluntaria transgressione admittimus, mox ita pronunciat. Aut enim, inquiens, adultus accedit ad baptismum cum charitate, aut non. Si cū charitate, iam nullum est in eo peccatum, si sine charitate, iam nullum peccatum ei dimittitur.

Scilicet, hoc est festiuum commentum glossatoris, quo gloriam Euangelij & Christi, id est, doctrinam fidei, de remissione peccati, quæ fit Christi nomine, penitus abolet, opprimit atq; extinguit. Et trāsfert meritum remissionis peccati, in opera actionum & iusticiarum nostrarum. Ne tamen baptismum penitus inglorium abire & discedere sinat, aliquid ei tribuit. Nam ultra hoc, quod asserit significationem remissionis peccati in illo esse, eorum delictorum quæ adultis dimittuntur, propter charitatem, idq; menda-
citer & ex Sophistarum doctrinis, sine omni uerbo

IN CAP. I. AD TITVM,

dei. Affingit per baptismum remitti poenas, quas pro peccatis pati alioqui transgressor deberet, quam remissionem peccati, per suas iusticias affectus. Et addit, originalia quoque dimitti, per baptismum, sed nullum mortale, si charitatem non habeat. Quasi ipsa quoque originalia, non sint mortalia delicta, aut quasi non sit gratuita peccati remissio, ut quam Deus propter solum Christum donat, per solam fidem eorum in Christum, sed conditionem meritum nostrorum requirat.

Habet ergo tria insignia baptismus, si isti nugaci commentatori et sophistae credimus. Primum, non abluit, nec abolet peccata, quae ipsi propria transgressionem admittimus, sed significat tantum dimissa esse, eius merito qui per charitatem ad baptismum uenit. Quid igitur significat baptismus, si quis ueniat sine charitate: hoc est, sine meritis priuatis operum legis? Quid, si fiducia nominis Christi accedat? In tali scilicet ociosus est baptismus: nisi quo ad remissionem originalis, et poenarum, transgressoribus propter externa delicta debitarum. Sed dicat nobis commentator, si peccata propter charitatem dimittuntur, non gratuita remissione per baptismum propter Christum, quomodo non eorum dimissorum significationem potius habet ipsa charitas, in qua et causa est remissionis, quam baptismus? Cum praesertim in remittendo,

seu

seu abluendo peccata, tam sit ociosus & infirmus baptisimus, charitas autem tam efficax ad tollendum peccata? Vanum igitur commentum est & sophisticum, quo eluditur sententia & fides Patrum: ne istos qui ita iudicant quis nolet alq; arguat heretica impietatis, & negatæ remissionis peccati, quæ datur per solam fidem propter Christum. Hoc de primo.

Secundum, quod tribuit baptismo commentator, est, illo scilicet dimitti satisfactiones, uel satisfationes, hoc est, debitas poenas. Sed istas poenas etiam remitti contendunt, per opera quædam indebita humanarum satisfactionum. O impios & blasphemos homines. Quam diu negabitis remissionem peccati gratuitam esse? Et meritis pharisaicorum operum, aut passionibus uestris seu cruciatibus fabulæ si purgatorii arrogabitis? Siquidem remissio peccati, est gratuita, & contingit propter Christum, solis qui credunt in eum, & per solam fidem. Rom. 4. Non operanti sed credenti in eum, qui iustificat impium, reputatur fides sua ad iusticiam. Hoc de secundo. Nam sub remissione peccati oportet comprehendere totam reconciliationem. Quibus enim remittit peccata Deus, ijs perfecte reconciliatus est, & nihil habet quod puniat in eis. Illis enim est clementissimus pater propter Christum, non carnifex aut tortor. Ioan. 3. Qui credit in filium, habet uitam æternam. Et Cap. 5.

IN CAP. I. AD TITVM

*Amen amen dico uobis, qui sermonem meum audite
& credit ei qui misit me, habet uitam æternam, &
in condemnationem non ueniet. Sed trasiuit à morte
in uitam.*

*Tertium in doctrina de baptismo sophistarū est,
quòd concedunt originalia delicta per baptismum
dimitti. Quod recte fit quidem, sed non sufficienter.
Quia non originalia tantum, sed & reliquæ omnes
actuales culpæ per baptismū abluūtur. Nec possunt
remitti ulla peccata, non baptizato, nisi cui petenti
baptismum, ille per tyrānidem aufertur & negatur.
Et omnis remissio peccati, fundamentum habet in eo,
quòd in Christum Iesum baptizati sumus. Nam ipsa
quoq; Eucharistia, quid est, nisi testimonium remissio
nis peccati, quæ baptizatis & credentibus in Chri
stum Iesum debetur? Sed sophistarum impia dogma
ta tamen sparguntur in Ecclesia, quæ adprobat Ro
manus pontifex. In quo obseruandum, qui nam sint,
qui doctrinam remissionis peccati, quæ fit per baptis
mi susceptionem, negent. Nec possint utiliter, in Ec
clesia Christi, pontifices esse, nedum summi, quos
oporteat ab omnibus alijs audiri, ut qui Christiano
rum dogmatum tam sunt ignari, et adeo aduersantur
doctrinæ fidei in Christum.*

*Canonista tamen, quem dixi, utitur suis alijs pro
bamentis, & in subsidium accersit patrum alias &
Pontificum*

Pontificum opiniones, sed ualde ineptas, quod erudito lectori, & pio, non est difficile iudicare. Ego enim nolo istorum ineptias & uanitates omnes prosequi. Nam etiam si testimonia quæ citat, suo proposito congruerent, tamen quia sunt impia, & hominum cogitata, uacua firmitate uerbi Dei, tamen oporteret illa negare, & solo uerbo Dei in hærendum omnibus nobis esset, sicut etiam hæere illi uni, tanquam firmæ petræ, necesse est, quotquot salui fieri debent, uolunt, ac sperant.

Obiter, de doctrina remissionis peccati, ex somnijs scholasticorum

Theologorum.

Vt uero intelligantur fontes erroris & impietatis huius, unde istæ omnes blasphemiae promanant, quædam altius mihi hoc loco ex doctrina scholasticorum Theologorum erunt repetenda. Isti enim docent quod in peccato sint duo diuersis modis consideranda. culpa uidelicet, qua Deus offenditur, et poena, quam ille infligit pro culpa, siue habentibus peccatū. Postea addunt, Culpā remitti per contritionē quidē, si tamē habeatur cū proposito confitendi peccata, & satis faciendi pro poenis. Ita ergo spem faciunt impetrandæ remissionis peccati, per contritionē, sed si fiat cum proposito confitendi & satis faciendi. Nam uerā contritionem fingunt uiribus rationis posse parari, &

Q

imaginantur rem ita ociosam et quietā esse, ut possit contritus uel cogitationē habere, de hoc pharisaico proposito, confitendi uidelicet peccata corā sacerdote, & satis faciendi pro poenis, de quo loquuntur, cū uerax contritio faciat hominem desperare de salute, nisi quem Euangelij consolatio retrahit & seruat. Tantum abest, ut fiduciam suae pharisaicae confessionis aut satisfactionis habere posset, quae est praeterea species quaedam abominabilis idolatriae coram deo. Res est autem contritio prorsus spiritualis, quam ne moueram nisi Deus in nobis operatur. Et confessio illa & satisfactio, de quibus praecipunt scholastici theologi, sunt de praecipis mandatorum hominum, quibus Deus irritatur potius, quam placatur.

Sed isti tamen, ut fabulosa commenta referre pergam, contritionem sufficere affirmant ad impetrationem remissionis peccati, si his conditionibus, ut dictum est, fiat. Id est, cum proposito confitendi. Sed rursus in contrito requirunt charitatē, qua si careat, neq; cōtritus neq; cōfessus accipiat peccati remissionem. Ita sunt scilicet, pharisaicis opinionibus & prodigiosis mendacijs referta omnia, in doctrina de remissione peccati, apud Papistas, et scholasticos theologos, Apostolos Papistarum. Fidei in Christum nullam faciunt mentionem, & requirunt charitatem in contritione, quae est fidei gratuita remissionis peccati

cati uacua. Cum ueram charitatem impossibile sit habere, nisi per spiritum fidei in Christum. hoc est, nisi ab eo, cuius animus est confirmatus, de accepta gratuita remissione peccati, propter Christum. In summa, meritum remissionis peccati, transferunt à gloria Christi in carnales iusticias nostras: & gratiam gratuitam esse negant, adeoque gloriationem homini aduersus gratiam concedunt, imò suorum operum fiduciam & superbam arrogantiam ædificant in illo. Quæ omnia aduersantur doctrinæ remissionis peccati, quam tradunt nobis Christus, Apostoli & Euangelistæ, quòd infra, in enarratione tertij capitis copiosius monstrabo.

De satisfactionibus autem hæc sunt apud Theologistas, superbae arrogantiæ in hominibus plantatores. Deū uidelicet in contritione remittere quidē culpā, sed pœnam æternā commutare in aliā temporalem, uel purgatorij, uel corporaliū calamitatum. Ideo permanere in contrito obligationem ad pœnā temporalem, qui si decederet sine confessione, non contēpta tamen, sed præuenta, iret in purgatorium. In quo obserua primum, quòd faciunt necessariam confessionē, de qua Deus nihil præcipit, & præceptā ac necessariam penitus tacent. Deinde, quod de quibusdam pœnis purgatorij, quod totum est fabulosum, tanquam certis & necessarijs, affirmant, pulchrum

IN CAP. I. AD TITVM

autem hoc commentum est, eorum qui per auariciã, ut Petrus inquit, & fictis uerbis, negotiantur de nobis. Deniq; afflictiones, quæ sunt paternæ correptiones, iubent haberi pro horribilibus pœnis irati dei. Quod est odium Dei, murmura & diffidentiam prædicare, & infernum in hoc mundo constituere, cum afflictionibus & cruce homini nihil dulcius esse debet, ut quibus peccatum aboletur, & sunt materia laudabilis & fructuosæ patientiæ.

Nec desunt, qui blasphemantes fingunt, quòd ministerio sacerdotum nulla peccata hominibus remittantur, nec habere illos aliam potestatem, nisi qua homines absoluant à pœna. Sed eò adigunt istos sua cõmentata, de meritoria contritione. Sic ergo statuunt, si confitearis, sacerdos te absoluit à pœna tēporali, per clauium uirtutem, cui te subijcis in confessione. His itaq; omnibus commentis, uides uniuersam gloriam Christi negari, obrui, & lacerari: multo magis quam taceri. Etsi nullo uerbo & nulla syllaba eius recordetur, in hac sua doctrina, de peccati remissione. Quin etiam totum Euangelij ministerium proculcāt & damnant, per hæc impia rationis commenta. Nam sine omni uerbo Dei loquuntur nobis.

Sacræ literæ testantur uere contritis adesse Deum ex mere gratuita misericordia, & consolari ac sanare hos per promissionem Euangelij, de Christo seruatore,

seruatore, qui est precium et satisfactio, pro nostris peccatis & pro æterna morte. Testantur item delictorum confessionem necessariam esse, quam facias contritus coram Deo, & inuocanti gratiam eius promissæ fiducia significant remitti omnia peccata. Vt in illo psal. 32 Peccatum meum notum tibi feci, & delictum meum non operui. Dixi, confitebor super transgressionibus meis Domino, & tu abstulisti iniquitatem peccati mei. Et 1 Ioan. 1. si confitemur peccata nostra, fidelis est & iustus, ut remittat nobis peccata nostra, & emundet nos ab omni iniquitate. Huc ite facit illa publicani inuocatio, de quo est, Luc. 18. Deus propitius esto mihi peccatori. Christus enim testimonium perhibet, quod eius inuocatio sit exaudita, quod facit in consolationem nostri, & fidei nostræ confirmationem.

Deinde, hoc quoque liquet testimonio sacrarum literarum, quod sacerdotibus, Ecclesiæ ministris, uerax ministerium remissionis peccati, traditum ac demandatum est. iuxta illud Christi, Ioan 20. Accipite spiritum sanctum, quorum remiseritis peccata, remittuntur eis. Hoc uero exercent illi, per Euangelij & promissionum gratiæ doctrinam, & per sacramentorum baptismi, & dominicæ cœnæ administrationem. A pœnis autem, non aliter absoluunt, quàm à peccato. Loquor autem de pœna æternæ mortis.

IN CAP. I. AD TITVM,

Qui enim credunt in Christum Iesum, transiuerunt à morte in uitam. Purgatorij pœnæ, sunt res fictæ per auaros, quorum cupiditates tandem, & missas fecerūt uenales. Afflictiones autem corporales, quas hic sustinemus, nō tolluntur per sacerdotū absolutiones, nec per nostras illas satisfactiōes, de quibus homines præcipiunt nobis, sed per iustam pœnitentiam, ac seriā emendationē nostri, sicut Paulus inquit, 1. Cor. 11. Quòd si nos ipsos dijudicaremus, non utiq; dijudicaremur à Domino,

Admiscētur autem doctrinæ remissionis peccati sophistarum, ipsæ quoq; imposturæ indulgentiarum pontificis Romani, quæ originem quidem suā habuerunt, ex Canonicis satisfactionibus, de quibus homines præcipiebant, & remittebant ex illis, uel mitigabant in eis, quantum uolebant. Sed nunc dicūtur esse precium sanguinis Christi, & ab auaris uenduntur. Scilicet, quicquid nostrum est, & Christus omnibus nobis promeruit, per passionem, crucem & sanguinem suū, pro nobis effusum, in remissionē peccatorū, id uenditur turpiter nobis in Ecclesia pro pecunia.

Sed commentum magis lepidū est, quod hic assuitur, de meritis sanctorum. Siquidem affirmant, quòd sancti homines Dei, multa bona opera meritoria operati sint, & quòd non peccauerunt, mortaliter saltē. Item, quòd hæc ipsa opera fecerint ad utilitatē Ecclesie.

Ecclesie, inter quæ præcipua sint merita beatæ uirginis. Quæ omnia Romanus pontifex habeat, uelut in thesauro, unde depromat quantum uelit, quod alijs donet, in delictorum seu poenarum purgatorij remissionem. Sed si hoc non est docere idolatriam, perfidiam, id est, abnegationem fiduciæ in Christum, dicat alius, quid sit.

In summa, si credimus papisticis doctrinis, Christus ociosus est, & nihil plane officij in Ecclesia habet. Istorum enim sententia, peccata remittuntur, in contritione & confessione, quantum ad culpam, quantum uero ad poenam, per satisfactiones, humanitus præceptas. Ita scilicet docent homines in se & pharisaica opera sua confidere, & fiduciam redemptoris Christi abnegare. Et, uel repugnante deo, iubent ut doctrinis, mädatorum hominum, ipsum colamus. Tandem etiam ad indulgentias Romani Pontificis nos ablegant, quas ille pro meritis Christi & sanctorum effundit, sed parce, nisi cum spes aliqua pecuniæ acquirendæ ei datur. Væ uobis impostoribus & mendaciorum Magistris, qui docuistis, ut Dominum Iesum Christum, qui nos sanguine suo mercatus est, abnegaremus.

Sed hæc hæcenus, de peccati remissione, cuius doctrina abolita est in papisticis conuentibus.

IN CAP. I. AD TITVM,

Huc uero affcripsi, ut intelligatur, qui nam sint, qui negant peccata remitti per baptismũ, beneficio Christi. Ad remissionem enim peccati, semper efficax est baptismus, ut signum et testimoniũ gratiæ, in his qui in redemptorem Christum Iesum credunt. Cauebũt itaq; futuri Ecclesiæ doctores sibi, à mendacibus doctrinis papistarum, & dent operam, ut Ecclesias recte doceant, de remissione peccati per Christum. De qua hucusq; frequenter & copiose scripsi, et subinde copiosius scribã. Quia huius doctrina præcipue extare in Ecclesia debet. Scribam autem & de toto genere peccati, & baptismi uirtute seorsim, infra in Cap. 3. enarratione.

De Ecclesia, & quòd extra illam nemo saluus fiat.

Reliquus est ille unus locus, in quo dicendum est mihi de Ecclesia, extra quam nemo saluari potest, & in qua omnes salui fiunt, qui modo uere sunt in ea. Hanc igitur definit nobis articulus ille fidei, & communis confessionis omnium Christianorum, in quo dicimus: Credo Ecclesiam, sanctam, catholicam, sanctorum communionem. Ecclesia est enim, hoc est, quidam coetus & multitudo unius certi populi, per unitatem fidei in Christum sociata. Neq; enim Ecclesia esset, si incertis legibus, uel potius sine legibus, & sine uerbo Dei, sparsa uagaretur. Gubernatur

Gubernatur itaque per uerbum Dei, audit ac recipit consolationes Euangelij de remissione peccati & uita æterna per Christum. Reuocatur ad poenitentiam, ad conuersionem à peccato, ad disciplinam morum, dilectionis, pacis et operum bonorum. Perfert crucē, & obtemperat monitis Dei sui. Hoc est ingenium, & hæc forma Ecclesiæ Dei, quam credimus, atque adeo scimus iustam, sanctam ac beatam esse coram Deo.

Hanc enim propterea sanctam dicimus, quia est iustificata à peccato, remissionis peccati fide per Christū. Et quia à spiritu sancto per promissiones Euangelij gubernatur, per quas efficax est Deus operari in illa, nouam aliam uitam, iustificatis ex gratia & iam filiis Dei factis, & heredibus existentibus æternæ uitæ, dignam. Qualis nouitas describitur in prædicatione bonorum operum, quam habemus traditam à Christo & apostolis, de qua suo loco satis dicam. Sancta igitur est, id est, purificata à peccato, abluta sanguine Christi. Sanguis enim Iesu Christi filij Dei emundat nos ab omni peccato. Sed si Christū hoc modo iustificatorem & sanctificatorem nostri esse credamus, imò ipsissimam iustificationem nostram, ne uidelicet extra Christum aliquid salutis aut iusticiæ nobis promittamus. Hoc enim totum quod iusti & beati coram Deo sumus, à Christo & in Christo habemus.

Iam hæc nota etiam discernere oportet hanc Dei

IN CAP. I. AD TITVM,

Ecclesiam ab alijs, quæ neq; Dei sunt, nec sanctæ existunt, sed sunt impiæ, ignorâtes Dei, pollutæ & contaminatæ peccato, & sine poenitentia agunt. Hæc .n. quam dixi, sola est sancta & beata, quod testimonijs sanctarum scripturarum satis liquet. Nec tantum iusta, sancta & beata est, uerumetiam peccatores, immundos, impios & damnatos, uenientes & ingredientes Ecclesiã, iustificat, sanctificat, lauat, emundat, & saluos facit à peccato & æterna morte. Nam id circo officiũ administrationis Euangelij & sacramentorũ habet atq; exercet, acceptum à Deo & Christo Iesu. Cũ alijs nihil habens, qui foris sunt scilicet, increduli Deo, & in impietate manentes. Neq; .n. dicitur catholica, q̃ sit uniuersaliter oĩm hoĩm, sed oĩm q̃ in Christũ le sum credunt, ut unicũ & æternũ seruatorẽ suũ, et qui ex hac fide poenitentia agunt, seu nouitati uitæ studēt. Semper aut̃ crescit, quia perpetuo ueniūt in eã, per quos numero & multitudine augetur. Peccatores quidẽ, cum ueniunt & accedunt Ecclesiã, sed iusti, sancti ac beati habitâtes ac pmanētes in ea. Cœpit ab orbe cõdito, & durabit usq; ad finẽ seculorũ.

Pharisaicas hoĩm doctrinas odit ac fugit, nec fidit nisi soli uerbo Dei. In quo certa est, q̃ errare non potest, audiens uidelicet pastoris sui uocem, per quẽ & in quo secura est ac tuta, contra quĩs aduersantia mala peccati, mortis, inferorum, impij mundi & Diaboli.

li, ac totius satellitij eius. Hæc. n. fiducia, gloriatio, et certitudo, q̄ est Ecclesiæ in Christum, & salutis per nomen eius, est petra, aduersus quam portæ inferorū nunquā præualebunt. Mat. 16. Esto igitur, sint peccatores, infirmi, immūdi, damnati, in summa, mortis et iræ filiæ, tamen ex peccatoribus fiunt iusti, sancti, ualentes, liberi à peccato & morte, filij Dei & uitæ æternæ hæredes, quatenus scilicet p̄ fidē incorporātur Christo & Ecclesiæ sanctorū, quæ uidelicet agnoscit Christū Iesum esse dei filiū, uerū deū et uerū hoīem, et oīem nostrū seruatorē, nēpe preciū et satisfactiōē p̄ peccato et morte, et pignus æternæ uitæ. Ita. n. sp̄s sum et caput suæ Ecclesiæ, in quo q̄ sunt ac p̄manēt in fide, nō possūt nō beati esse, sicut scriptura dicit: Dedit eis potestātē filios Dei fieri, his q̄ credūt in nomē eius. Fundamētum itaq; & unicā atq; perpetuā causam suæ salutis habet Ecclesia, ipsum Dominum Christū Iesum. 1. Cor. 4. Fundamētū aliud nemo potest ponere, præter id quod positum est, quod est Iesus Christus. Nō ergo gloriatur in alia ut causa recōciliationis, iustificatiōis et æternæ salutis, q̄ in hoc solo Christo. Rom. 3. Iustificati gratis p̄ gratiā ipsius, p̄ redemptiōē q̄ est in Christo Iesu. Et cap. 4. Nō operanti, sed credēti in eū, q̄ iustificat impiū, reputatur fides eius ad iusticiā. Phi. 3. Existimo oīa detrimentū esse propter eminētē cognitionē Iesu Christi dominimei,

IN CAP. I. AD TITVM,

propter quem omnia pro damnis duxi, & reputo omnia ut stercora, ut Christum lucri faciam, uicq; inueniar in illo, non habens meam iusticiam, quæ ex lege est, sed illā, quæ ex fide est Iesu Christi, quæ ex Deo est iusticia per fidem, ad cognoscendum illum, & uirtutem resurrectionis eius, & societatem passionum illius. 1. Timoth. 1. Certus sermo est, & dignus, qui omnibus modis accipiat, quod Christus Iesus uenit in hunc mundum peccatores saluos facere. Tit. 3. Ut iustificati gratia ipsius, hæredes simus secundū spem uitæ æternæ.

His testimonijs usus sum hoc loco, etsi aliàs quoq; à me citatis, ut imperitiores discernere doceam, Ecclesiam, quæ uere est Dei, ab ea, quæ mentitur se Ecclesiam illam esse, quæ tamen non est, nisi cōgregatio & conciliabulum diaboli, ut quæ huic doctrinæ fidei quomodocūq; aduersatur & pugnat. Primam tyranni in hoc mundo, qui hanc Euāgelij doctrinam uiolenter opprimunt, & gladio, igne, et quibus possunt modis eam persequuntur. Deinde, impij doctores, qui alias uias saluos fiendi corā Deo hominibus monstrāt, quā hanc unam, quæ est fidei in Christum, cum non sint aliæ uie, ut non est aliud nisi hoc unum Euangelium, quod annunciat nobis peccati remissionem, iusticiam & salutem per Christum. Vnde hoc quoque ipsa meridiana luce clarius est, de illa sancta & bea-

ta Ecclesia non esse, de qua nobis per confessionem si dei sermo est, qui iusticiam & salutem per opera legis quærent, siue iudæi aut Turcæ fuerint, siue persi di papistæ & monachi, in unum chaos confusi. Nec esse Ecclesiæ episcopos, pastores siue doctores, qui iusticiam, qua salui efficiamur coram Deo, aliunde petere iubent, quàm à solo Christo, sed esse animicidas, hoc est, perniciosissimos fures & latrones in Ecclesia. Non est enim aliud ostium, alia uia ad iusticiam et salutem, quàm Christus Iesus. Ioan. 10. Ego sum ostium, per me si quis introierit, saluabitur. Item, Ego ueni, ut uitam habeant. Et cap. 14. Ego sum uia, ueritas & uita. Nemo uenit ad patrem, nisi per me.

Igitur quisquis huic doctrinæ Euangelij refragatur quomodocunque, ut non est Ecclesiæ membrum, nec pertinet ad eam, ita nunquā potest saluus fieri nisi per gratiæ et promissorū Euangelij fidē cōuertatur, Ecclesiæ reconcilietur & uniatur. Nec possunt boni Ecclesiæ ministri esse, q̄ huic gloriæ Iesu Christi detrabunt, quòd uidelicet unus ipse saluos faciat nos à peccato et morte, quatenus credamus in eum. Quam illi sacræ scripturæ asserunt, gloriam inquam, nos saluos faciendi, ut Act. 4. Non est datum hominibus aliud nomen sub cœlo, in quo oporteat nos saluari. Item capite 10. Huic omnes prophetæ testimonium perhibent, quòd remissionem peccatorum accipiāt per nō

IN CAP. I. AD TITVM,

men eius omnes q̄ credunt in eum. Quomodo igitur
posset bonus minister esse ferendus in Ecclesia, qui
Christo Iesu in hac gloria sua detrahit? Imò Ecclesiā
dolosè & impie fraudat gloria gratiæ Dei, remissio
ne peccati, iusticia & æterna uita? Quod quomodo
faciant Papa & papistici episcopi, & quicunq; illis
perfidia Iudaica iuncti sunt, dictum est sepe. Sunt au
tem boni & commodi ministri Antichristi & Dia
boli, per quos Ecclesia Dei uastatur. In summa, ho
stes sunt Ecclesiæ, & prophanatores gloriæ Christi.
Qui nisi conuertantur, de facto condemnati sunt, &
nunquam possunt salui fieri. Ioan. 3. Qui non credit
in filium Dei, iam condemnatus est, quia non credi
dit in nomine unigeniti filij Dei.

Iam huius sanctæ Ecclesiæ, quæ habet caput et ser
uatorē Christū, est, gubernari à spū sancto, et emūda
ri à reliquijs peccati, ut per nouitatem uitæ glorificet
Deum. Quod quomodo & quibus modis fiat à spi
ritu, infrà capite tertio conabor nonnihil explicare,
nam spiritum sanctum accipit à Christo per promiss
ionis Euangelij fidem, & spiritus ille creat novos
motus in cordibus, uidelicet amorem legis, Dei &
proximi. Vnde etiam fit, ut qui illum spiritum ha
bent, studio bonorum operum excellant, quemadmo
dū qui sine bonis operibus uluūt, palā arguūt se illo
spiritu Christi nondū præditos esse, nec fidē in Chri
stum

stum Iesum habere. Quales necesse est nunquam posse saluari, facinorosos scilicet & contemptores Dei. Qui ut neque timēt Deum, ita nec diligunt eum, nec possunt diligere, ut in quem non crediderunt. Non habentes ergo spiritum Christi, & spiritu Diaboli acti, quomodo saluaretur? Nam Rom. octauo dicitur, Si quis spiritum Christi non habet, is non est eius. Testimonia autem regnātis in te Christi, & præsentiæ spiritus eius, sunt mori peccato & uiuere iusticiæ: Lege quæ sunt Rom. sexto, & ea quæ Galat. quinto de fructibus spiritus. Rursus Ioan. 3. dicitur, Qui facit peccatum, ex Diabolo est, ut quem Diabolus agit, & in quo est efficax. Tales uero sunt, qui facinorose uiuunt, & obseruationem mandatorum Dei contemnunt, quare impossibile est Ecclesiam esse illam beatam Christi, aut saluari posse. Lege 1. Corinth. 6. Galat. 5. Ephes. 1. Matth. 25. &c.

Huius deniq; sanctæ Ecclesiæ, quā predicamus Dei & Iesu Christi, sunt ministri Pontifices & episcopi, nō Domini aut Imperatores, q Ecclesiæ dominentur, aut qbus qdvis liceat in Ecclesiā, sicut oīa sibi licēter in illā pmittunt ac tribuunt. Dominus autē & caput Ecclesiæ est ipse Christus Iesus, sicut docetur Eph. 1. Col. 1. &c. Nō ergo credi aut recipi debet, q potestāte habeāt Pōtifices nouandi doctrinā à Christo & apostolis traditā ecclesiæ, aut adijciēdi ei, uel mīm iota:

IN CAP. I. AD TITVM

Cum enim adiiciunt, nō possunt nisi corrumpere doctrinā uerbi Dei. Et tamen audacter & scelerate hoc sibi permittunt. Non possunt ullo iure mutare constitutionem sacramentorum, aut noua prius ordinatis adijcere, quanquam conati sint illa non augere solum numero, uerum etiam uiolant illa Christi, quod liquet ex ordinatiōe Christi in Eucharistia. Ille enim donat utramque speciem omnibus Christianis, & uult esse testimonium & pignus erga nos beneficiorum gratiæ suæ. Papistæ autem arcent laicos à communione & usu alterius speciei, & fingūt sacrificium esse, hoc quod sacerdotes sumunt, pro peccatis uiuorum & mortuorum. Sic quadrant scilicet papistica & Christiana. Sentiamus igitur Ecclesiam Dei uerbo Christi subditam esse, & sacramentis à Christo ordinatis uti cum gratiarum actiōe. Nihil adijcere uerbo Dei, & sacramenta gratiæ minimum uiolare.

Quod uero ad remissionem peccatorum attinet, potestatem uidelicet, quæ est tradita Ecclesiæ, sic oportet iudicare. Primum, Christi illam potestatem esse, deinde Ecclesiæ propter Christum. Et Christi quidem pleno imperio, & absoluta potestate: Ecclesiæ autem, ut ministræ potestatis Christi. Christus enim pleno imperio remittit peccata, quibus omnino uult. (Nam etiam potestatem habet conferre spiritum sanctum cui uult, & efficere, ut per Euangelium creda-

mus in Deum.) Ecclesia aut officio ministrorū remittit peccata, & præterea efficax est, ut ministerio Euangelij & sacramentorū detur spūs sanctus his quē Euangelio credunt, nam Ecclesia habet clauēs regnī cœlorum, nō episcopi aut Pontifices, nisi ut ministri aut serui Ecclesiæ. Quapropter & efficacia uerbi et sacramentorum non pendet à dignitate ministrorum, sed Ecclesiæ, cuius caput et dominus Christus est, q̄ oīa potest, & in cuius noīe oīs salus nobis confertur. Pontifices ergo seu episcopi nō possunt alijs remittere peccata, nisi ut ministri, ministri autē & dispensatores alienæ gratiæ. Quare in remittēdo necesse est, ut uerbū Euāgelij doceāt, et solis, q̄ Euāgelio credūt promittāt remissionē peccati, propter Christū. Quē admodum retinere peccata nullis penitus possunt, nisi incredulis Christo Iesu, ut nec remittere peccata, si cut dictū est, q̄ ijs q̄ in Christū Iesum credūt. Ac sunt debitores huius administratiōis, et uæ ipsis, nisi hoc pacto ministrent. Istis dico, quibus dispensatio cōmissa est. Neceßitas. n. illis omnibus incūbit. 1. Cor. 9.

Quanquam autē Ecclesia soli Deo cognita est, iuxta illud Pauli, Nouit Dominus suos. 2. Timoth. 2. Et Christi, Ego scio quos elegerim. Ioan. 13. tamē habet externas aliquot notas, per quas certissimo cognosci potest. Omnium autem certissimam, uerbi gratiæ seu Euangelij annunciationem, tum sacramentorum, ba-

IN CAP. I. AD TITVM

p̄missi et dominica coenae usum. Nec n. potest p̄dī
 cari Euāgelīū, ut nō fructificet, et nō cōstituatur eccle
 siā Dei. Esa. 55. Verbū meū nō reuertetur ad me ua
 cuū. Nam Euāgelīū est potentia Dei, qua ille saluat
 credentes Rom. 1. Quod ideo facit annunciari, ut ali
 qui credant, & ubi p̄dicatur, nunquam desunt, qui
 illi fidē habent. Ex mul. is uidelicet certi quidam, hoc
 est, electi Dei. Electi nis. n. certum signum est, Euan
 gelio credere. Nec aliter p̄ium est, curiosum esse de
 electione sui, nisi ut Euāgelio credamus, & per fidē
 p̄missionum gratiæ, certi simus et electiōis nostræ
 & æternæ salutis per Christum. Sacramenta quoq;,
 quoniam sunt appendices Euāgelij, et testimonia re
 missionis peccati his qui in Christum Iesum credunt,
 efficaciter operantur credentium salutē, & constitu
 unt Ecclesiam Dei. Baptismus. n. abluit peccata, &
 sociat nos Deo, ut filios & heredes, Christo, ut fra
 tres et cohæredes æternæ uitæ. In dominica coena fit
 quoq; remissio peccati, et idem sacramentum testatur
 remissionem peccati semper durare in Ecclesia, ut eti
 am si qui lapsi sint, tamen confidant se iterum recon
 ciliari Deo posse, & eo ipso recipi in gratiam, q. spe
 remissionis peccati ueniant ad eius usum. Idco lapa
 sos potenter consolatur & seruat eos ne desperent.

Ex iā dictis uero liquet, hoc quoq; esse testimoniū
 Ecclesiæ iustorū & societatis filiorum Dei, nō reci
 pere aliud uerbū pro doctrina salutis, quàm Euange

lium de Christo. Necessse est. n. ut neminē aliū audiat
uel recipiat, pro magistro et doctore, quā Christū:
iuxta illud Matth. 23. Vnus est magister uester Chri-
stus. Item Ioan. 10. Oues meæ uocem meam audiunt,
et ego cognosco eas, et sequuntur me, et ego uitam
eternam do eis, et non peribunt in æternum, et non
rapiet eas quisquā de manu mea. Et ibidem, Alienum
non sequuntur, sed effugient ab eo, quia nō nouerunt
uocem alienorum. Hæc quātum ualeant cōtra impias
Pontificum cōstitutiones, quibus onerāt Ecclesiam,
et falsa ac uana docent, pio lectori facile intelligere
est, nam Ecclesia tota libera esse à traditiōibus homi-
num debet, nullius uerbo alligata, nisi redēptoris sui
Iesu Christi. Qui ergo pro traditiōibus hominum pu-
gnant contra hanc Christianorū libertatē, sunt pseu-
dochristiani, pseudodoctores et aduersarij Ecclesiæ
Christi. Tales item, qui uiolationem sacramentorum
Christi, quæ ab hominibus est, defendunt, cum ne ab
angelis quidem uiolari possint.

In clauium usu cognoscitur Ecclesia, si ad hūc mo-
dum administrētur, qui est traditus à Christo. Est au-
tem duplex et diuersa potestas clauīū, altera, q̄ tota
uersatur in remittēdo et retinendo peccata, et rursus
altera, q̄ exercetur in soluendo aut ligādo. Ligare. n.
prius est q̄ soluere, et remittere prius q̄ retinere. Cū
parū attētis uideri posset, idē prorsus esse remittere

IN CAP. I. AD TITVM

et soluere. Itē, retinere & ligare, sed differūt: Nā tradita est potestas, imò mandatum ipsi Ecclesiæ à Christo, ut Euangelium omnibus annūciat. Ideo omnibus qui credunt, peccata remittuntur, incredulis autem sua peccata retinentur. Rursus iubet poenitentiam prædicare Christus, & delinquentes corripere, & rebelles excludere à consortio Ecclesiæ, eos qui uideri uolunt fratres Christiani esse, cum tales nō sint, scilicet qui sunt in Ecclesia, audiunt uerbum, communibus sacramentis utuntur, & flagitiose uiuūt, & de illis præcipitur, ut impœnitentes & rebelles ligentur, scilicet uinculo excommunicationis & priuentur sacramentorum usu, qui reuersi quidem tandē ad poenitentiā, & per emendationem sui serio ad Deum conuersi, iterum recipiantur & soluantur.

Igitur clauium usus est totus in prædicatione Euangelij, poenitentiae, & administrationis sacramentorum. Fallunt autem Ecclesias Pontifices, qui se fingunt ius clauium administrare, cum neque doceant Euangelium, neque poenitentiam prædicent, neque sacramenta cuiquam porrigant: Dictæ sunt autem clauēs administratio uerbi Dei & sacramentorum, elegante Metaphora, quòd uiam uitæ aperiant, & ianuam regni cœlorum his qui uerbo Dei credunt, & sacramentis per fidem utuntur. Et contrā, q̄ hæc incredulis clausa & obserata relinquunt. Ligari au-

tem

tem per excommunicationem non posse, nisi eos qui correptiones & salutifera monita Ecclesiæ non fecerunt, disce Matth. 18. Quos rursus tamē recipere debemus ad se reuersos & pœnitentiā agentes, & continuo soluere ab excōmunicatione, & per promissionem Euangelij & sacramenta consolari.

Cognoscitur denique Ecclesia per eam fidei confessionem, quæ sit coram mundi huius tyrannis per tolerantiam crucis, & totam pœnitentiam. Confitetur enim in quibuslibet periculis, ac sustinet mortem potius quàm abneget Christū, et nominis eius gloriam. Exercet patientiam, auxilium & liberationem expectās à Deo. Inuocatio autem est testimonium internum. Sed hæc hactenus de Ecclesia, extra quā nemo saluus fieri potest, et de præcipuis quibusdam alijs fidei & doctrinæ Christianæ capitibus, in quibus instructum esse episcopum & Ecclesiæ doctorem refert: Ut recte præcipiunt Patres, Decreti Aphricani auctores, si perinde recte intelligeretur ab omnibus, siue quod magis optabile esset, si episcopi & Ecclesiæ doctores uellent definitionibus eius acquiescere. Nunc ad enarrationem textus epistolæ Paulinæ reuertor.

VT POTENS SIT ETIAM EXHORTARI PER SANAM DOCTRINAM, ET CONTRADICENTES CONVINCERE.

Hoc est, episcopus ita sit tenax fidelis sermonis,

IN CAP. I. AD TITVM,

et subseruiat ei, ut sequētes illas duas uirtutes quoq; nouerit præstare, nēpe exhortari Ecclesiā p̄ sanā doctrinā, et illi contradicentes cōuincere. Necessariæ sunt. n. in doctore, qui nisi docendi rationē exacte tenuerit, neutram harum poterit præstare, sicut papistæ, cum falsa doceant de iustificatiōe, etiam frigēt in exhortationibus suis, et ad bene operandum prorsus nesciunt Ecclesias adhortari. Nam uiolentis cōminationibus serē utuntur, & fiunt noui legislatores, cum consolari peccatores per Euangeliū deberent, et per Euangelij promissionem inuitare ad bene operandū. Hoīes in fide retinere, et per fidei doctrinam in moribus instituere, hoc est, Euangelio credētes uocare ad gratitudinē, & dehortari à gratiæ cōtemptu. Sed quæ hæc nesciunt, & falsa de fide & moribus prædicant, ideo in serijs disputationibus nec possunt sua tueri ac defendere. Quos enim conuincerent ipsi de erroribus & blasphemijs conuincendi? Sicut nunc pessime audiunt in Ecclesia, & in toto terrarum orbe traducuntur, de sparsis & confirmatis impijs doctrinis inter eos qui ueritatis doctrinæ Christianæ ignorantes fuerunt.

Proinde secundum docentis munus positum est in exhortando, tertium autē in defensione dogmatum Christianorum. Exhortatione opus est apud eos, qui Euangelio Domini Iesu Christi crediderunt, quia est
admonitio

admonitio, ut de quo docti sunt, in eo perseverent fide, agant poenitentiam, & pergant proficere in eo, quod bene coeperunt. Defensio aduersarios Christianae doctrinae repellit, quorum illa semper multos habuit, quia Diabolus nunquam qui scit, & semper excitat suos aliquos ministros, qui ueritati et sanctae doctrinae contradicant. Idcirco isti tales non predicant fidem in Christum, sed hypocrises operum nostrorum, & iubent fiduciam in ea ponere, gratiae doctrina contempta. Primo. non abolent fidei doctrinam, & praecepta de moribus ita tradunt, ut erigant in homine gloriationem aduersus gratiam. Denique praeceptis dei admiscet doctrinas mandatorum hominum, & iubent, ut pari honore & reuerentia cum mandatis Dei seruentur, ut similes Deo esse credantur, quod conari nisi Antichristus non potuit. Sed & docent de obseruationibus suorum mandatorum, quod nisi cum peccato omitti non possint, et qui seruantibus ea mereantur gratiam, iusticiam & salutem coram Deo, cum per ipsam quoque obseruationem diuinarum legum nemo iustificetur.

Cum his igitur pestibus Ecclesiae semper fuit magnum negotium, grauis contentio et pugna omnibus prophetis, Christo & apostolis, quod testimonio scripturarum notissimum est. Quapropter etiam nunc fieri aliter non potest. Ne ergo speret quis meliora, quin semper futuri sint, qui doctrinae pietatis et fidei in Christum

IN CAP. I. AD TITVM,

contradicant, & labefactare illā querant atq; euertere. Doctrinā de moribus pharisaice tradant, quemadmodū apud Iudaeos fit et Turcas. Ministri autē Diaboli sunt illi ad hoc excitati, ne per ueritatē Euangelij salui efficiamur. Cōtra istos ergo oportet uigilantes esse episcopos, & Christianae doctrinae patrocinari, scilicet hostibus Christianae fidei os blasphemiae suū obstruere & opilare. Semper autē tales fore, qui ueritati fidei contradicant, & pharisaica doceāt in plebe, & quidē auariciae & turpis lucri gratia, quo oīa papistarum seruiūt, et Petrus admonuit 2. Pet. 2. Fuerunt autē & pseudoprophetae in populo, quemadmodū & inter uos erunt falsi doctores, qui clā inducent se etas pnitiosas, etiā Dominū, q̄ illos mercatus fuerat abnegātes. Itē, p̄ quos uia ueritatis blasphemabitur, et in auaricia fictis uerbis de uobis negociabuntur.

De exhortatione.

Proinde eximium hoc est, postquam bene institueris, & recte docueris Ecclesias, possis etiam exhortari illas per sanā doctrinā, cū ut permaneāt in ea, tū etiam fructus pietatis multiplices faciāt, nā in omni genere doctrinae ille plurimū laudis meretur, q̄ quae docet, efficaciter docet, & quos docet, retinet in eo, quod praecepto et doctrina eis praescriptum est. Id ergo fit p̄ prudentē & doctā exhortationem, quae talis est apud Christianos, cum est pia. Exhortatio igitur consummat

consumat & perficit, quod bene docueris. Suadet autem & orat, multo potius, quàm cogat. Nam inuitos ac renitentes, nemo foeliciter trahit. Proponit ergo ex Euangelio amplitudinem beneficiorum gratiæ Christiana exhortatio, & iubet ut in eam respicientes, non simus ingrati, & metuamus hæc gratiæ beneficia contemnere, sed ornare per nouitatem uitæ connitamur. Eiusq; obuia sunt passim multa pulcherrima exempla. Quale est infra in Cap. 2. Apparuit enim gratia Dei, &c. Item elegantissimum aliud, ad Phil. 2. Et 2 Cor. 5. inquit Paulus: itaq; Christi nomine legatione fungimur, tanquam Deo nos obsecrante per nos. Rogamus pro Christo, reconciliemini Deo: Eum enim qui non nouit peccatum, pro nobis peccatum fecit, ut nos efficeremur iusticia Dei per illum.

Has ergo rationes exhortandi obseruent Episcopi & doctores, & retineant hunc morem apostolicum, ut in exhortando sequantur. Atq; ut Ecclesiæ ex fundamento fidei discant bene operari, & quoniam Deus spiritus est, spiritu à nobis colatur & ueritate cordis. Ne quid non uoluntarie & hilariter operemur. Fugiant ergo papisticum morem, eorum scilicet, qui prædicant iusticiam petere ex lege, & horribilibus cōminationibus serè tantum utuntur: In quo sunt multæ graues incommoditates, primum, aboletur fides in Christum, qua abolita, homines à regno

IN CAP. I. AD TITVM,

gratie Dei exulare coguntur. Deinde, non docetur, nisi uana operum hypocrisis, atq; ut homines in sua facta confidant potius, quàm in gratiam misericordiae dei. Deniq; ut quicquid faciunt, sui respectu operentur potius, quàm ad glorificandum Deum & laudandum pro gratia. Quales etiam idolatrae sunt, & sibi tantum seruiunt, uoluntati autem Dei omnium minime. Ideo enim faciunt legis opera, ut iusticiam & aeternam uitam sibi mereantur, quo studio neq; iusticiam neq; uitam assequuntur Rom. 9. 10. &c. Nos igitur ex fide, donata nobis iusticiae & aeternae uitae in Christo, uoluntati Dei obsequi studeamus, & bene operari, ut pie & ueraciter glorificetur à nobis. Impietas est enim, per opera querere iustificationem, & hypocrisis, cum tibi seruias, Deo & uoluntati eius nude nō seruias. Amore tui facis opera legis, quae debebas facere amore Dei & proximi. Quid igitur est in te nisi hypocrisis, & simulatio pietatis?

Doctrinae legis alia ratio est, quàm exhortationis Euangelij. Et de formis quidem exhortandi legalibus, habes exempla praecipua, Leuit. 26. & Deu. 29: His uero debiti perfectae iusticiae admonemur, non ideo solum, ut ad optima cōnitamur, colendi Dei studio, uerum etiā, ut cognita ac deprehensa imbecillitate nostra, & peccatis nostris, desperemus de nobis, & creq; humiliati coram Deo, ad auxiliū gratiae eius confugiamus.

confugiamus. Hinc etiā frequētes cōnationes iræ
 & maledictionum æternarum in lege occurrunt, qua-
 rum etiā Paulus meminit ad Gal. 3. ex Deu. Cap. 27.
 Contra uero fit in Euangelio. Nam per fidem in Chri-
 stum offertur nobis gratuita peccati remissio, & pro-
 ponitur spes iusticiæ, & immortalitatis, seu æternæ
 gloriæ cum Christo, omnibus qui credunt in eum. Et
 huius gratiæ fide inuitamur, ut officium faciamus,
 uidelicet peccato et desyderijs eius moriamur, recte
 factis & pijs studijs dediti simus. Sic enim accendi-
 tur in nobis, amor Dei, legis & proximi, & illo amo-
 re accēso in nobis, incipimus demū ex corde & uera-
 citer colere Deū. Tū etiā sine impijs opinionibus me-
 rēdi gratiā, iusticiā et salutē, per opa et facta nostra.
 Hinc ipse etiā Christus, suis ita loquitur, ut uidelicet
 pios, ueraces & uolūtarios cultores faciat, Matth.
 11. Venite ad me oēs, qui laboratis & onerati estis, et
 ego reficiā uos. Tollite iugum meū sup uos, & disci-
 te à me: quia mitis sum & humilis corde. Et reperiē-
 tis requiem animabus uestris. Iugum enim meum sua-
 ue est, & onus meū leue. His enim solis, qui per Euan-
 geliū in Christū Iesum crediderunt, mādata Dei gra-
 uia non sunt. 1 Ioan. 5. sed dulcescunt eis, & fiunt le-
 uia, ipsa quoq; crux & mortificatio carnis.

In exhortando itaq; præcipua ratio habeatur, ut
 beneficia Christi inculcētur, quibus uidelicet studiū
 bene operandi proponitur. Per fidē enim gratiæ suæ

IN CAP. I. AD TITVM,

uiter trahi possumus in obsequium Dei & Iesu Christi. Tales ergo rationes sunt frequētes apud Paulū, ut Eph. 5. Estote ergo imitatores Dei, tanquam filij dilecti, & ambulate in dilectione. Sicut & Christus dilexit nos, & tradidit semetipsum pro nobis, oblationem & hostiam Deo, in odorem suauitatis. Hæc ergo scripturæ exempla, morem Christi & Apostolorum, nobis proponamus: tum in doctrina & exhortatione retineamus. Communatur quidem et Christus condemnationem & iram Dei æternam, similiter & Apostoli, quos rationem docendi à Christo acceptā, tenere necesse est, sed incredulis tantum, & contemptoribus gratiæ Dei, hæc horribilia comminantur: & qui sine omni pœnitentia agunt. Atq; ita necesse est fieri, ut omnes intelligant, se gratiam Dei impune contemnere non posse.

Ex his opinor satis uideri & intelligi, quomodo per sanam Euangelij doctrinā, pia & efficax adhortatio institui possit ac debeat. Certe enim nec piaratio docendi est, si prædices legem & beneficia Christi taceas, sed est pharisaica, & indigna Christianis. Nec efficaciter docueris bona opera, si nullam facias gratiæ Christi mentionem. Tædet enim ac piget facere legem, eos qui gratiæ Dei sunt ignari. Per legem enim tristes, inuiti, & rebelles trahimur, per Euangelium spontanei efficiamur, ut ultro sequamur, &

cum

cum uoluptate mandata Dei faciamus. Hinc sunt illa apud Paulum, 1. Timoth. 1. Finis præcepti est charitas, ex corde puro, & conscientia bona, & fide non ficta. Nascitur enim charitas ex fide: & fides purificat corda, exhilarans conscientias, ac faciens nos facere mandata dei, spiritu ac ueritate: hoc est, hilariter, prompte, & cum summa uoluptate. Ideo etiam seruat homini bonam conscientiam, quæ nulla est in eis qui mandata Dei non seruant, aut inuitis animis & rebellibus illa faciunt, difficulter & cum molestia cordis. Sic scilicet fictæ & simulate colunt Deum, homines fictæ & simulate credentes in Deum, ut in quibus istæ impiæ opiniones regnant, quod operibus & factis suis sibi iusticiam & uitam mereantur. Sibi seruiunt, Deo non seruiunt, Ideo manent rebelles, ac sine spiritu dulcedinis & amoris in Deum & Iesum Christum.

Sed hæc satis de Episcopi diligentia & officio in exhortando, per Euangelij sermonem. A cuius ratione degenerauerunt nostra secula, ac reciderunt non solum in Iudaicas docendi rationes, quales sunt, cum proponitur iusticia & salus, factoribus operum legis. Verum etiam in tyrannicas & uiolentas pontificum exactiones, quibus isti cogunt, quantumuis inuitos & rebelles, ad suorum mandatorum pharisaicorum obseruationes. Et quidem plurimas inter

IN CAP. I. AD TITVM,

illas, quæ sunt impiæ sua natura, et quas præstare sine peccato potest nemo. Vt supra disputauimus, de cælibatus legibus, in his qui uera cōtinentia non sunt donati à Deo. Qui uero illo dono præditi sunt, ridicule & impiæ per hominū leges coguntur. Tandem etiā per incuriam & negligentia Episcoporum ad inania terriculamenta & somnia mortuorum deducti sumus, ut formidolose faciamus, quæ à uagis spiritibus, hoc est, ab imposturis dæmonū, quasi à mortuis, didicimus, cum Deus iubeat, ut uoluntatem suam, ex ipsius met suis legibus discamus, & regulam agendorum, siue fugiendorum non aliunde petamus. Iuxta illud Esa. 8. Et cum dixerint ad uos, quærite à pithonibus & diuinis, qui strident in incantationibus suis. Nunquid non populus, à Deo suo requiret? Nūc prouius ad mortuos recurreret? Ad legem magis, & ad testimoniū. Quòd si non dixerint iuxta uerbum hoc, non aderit eis lux, &c. Et Dominus in Euāgelio ait. Habent Moſen & prophetas, illos audiant.

DE Redarguendo.

Proximum est, ut dicam nonnihil, de redarguendo, & conuincendis ijs, qui sanæ doctrine contradicunt, quæ ratio quoq; habet multa exempla scripture, in omnibus prophetis, in doctrina Christi, & Apostolorum. Ideo melior tradi non potest, quàm ab illis

illis exercita est, ac disci potest. Optimus uero huius
Magister erit, qui se causa Euāgelij serio afficitur,
ut qui recte hanc didicerūt, & fideliter alijs tradide-
runt. Existimantes sibi aliquando reddendā esse ra-
tionē corā Deo, suae fidelitatis & cure pro Ecclesia:

Requirat autem hęc ratio non tantum firmam
peritiam, & diutinam exercitationem & usum, in
scripturis sacris, uerum etiam multarum aliarum ar-
tium scientiam, tum gręcę & hebręcę linguę cog-
nitionem. Et artes quidem, ac scientiam rerū necessa-
riarum, debet futurus Ecclesię doctor ex scholis se-
cum afferre. Exempla uero modestię, siue durioris
inreparationis in agendo, petere ex scripturis. In quo
prodest et hoc Petri pręceptū memoria tenere, quod
est 1. Pet. 3. Parati semper ad respondendum, omni po-
scenti uos rationem de spe quę in uobis est, cum man-
suetudine & timore. Nam qua uehementia liceat nō
nunquā uti contra pertinaces gratia hostes, nōnihil
expositum est à me supra, in illud, ubi uetat Paulus,
ne Episcopus sit percussor. Proponit autem & Pau-
lus in hoc primo capite epistolę ad Titum exemplū
quomodo redarguendi sint, uanitalis & hypocrise-
os doctores. Nam eos refellit, qui contra doctrinam
libertatis, iubeant pharisaicum delictum incubis-
facere & attendere doctrinas dęmoniorū, ut aliās
uocat. Hoc dicentes mundum, & illud immundum,

IN CAP. I. AD TITVM

secundum præcepta ceremonialia Moſi, quarum abſeruatione penitus nihil ad nos pertinet. Chriſtiani itaq; in ſimili caſu poterimus hæc obijcere hypocriſeos Magiſtris papiſtis. Nam ſimilibus præceptis doctrinarum hominum, libertatem quam habemus à Chriſto opprimunt, & efficiunt ut phariſaice, ad exemplum hypocritarum, ſentiamus de cibis, quos Deus creauit, ad percipiendum cum gratiarum actione fidelibus, & his qui cognouerunt ueritatem, ut eſt, 2 Timoth. 3. ſimile aliud exemplum require, Col. 2.

SVNT ENIM MVLTIVTRACTABILES,
ET VANILOQVI ET MENTIVM SEDVCTORES: MAXIME II, QVI SVNT EX
CIRCVMCISIONE. QVIBVS OPORTET OB
TVRARE OS, QVI TOTAS DOMVS SVB
VERTVNT, DOCENTES QVAE NON O
PORTET, TVRPIS LVCRI GRATIA.

Habes in prædictis formam uerorū Epiſcoporū, et ſerè totius eccleſiaſticae doctrine explicatā. Hic, ut dictum eſt, ſubiicitur admonitio, de eo quomodo caueri debeant aduerſarij Chriſtiane doctrine, & quomodo os iſtis oportet obſtruere: Semper enim eſſe, qui gloriam Chriſti labefactatam quærant ac perditam, ipſo uſu & experientia diſcimus, & iſtos excitari à Diabolo, qui eſt præcipuus calumniator uerbi Dei, Paulus ſæpe indicat. Intractabiles uero

uocat,

uocat, aut si græcam uocem ad uerbum reddas, non *Intractabiles* subditos, quòd doctrinæ ueritatis, id est, Euangelio de Christo, & doctrinæ libertatis subijci nolint, ac malint parere per impietatem & superstitionem legibus ceremoniarum Mosi, aut mandatis hominum, quã gratiæ libertate frui. Cum quo hominum genere, cui bono conuenire posset? cum à nemine corrigi se patiantur.

Imputat autem hoc uicium & obstinacis maliciæ impietatem Iudæis potissimum. Nec enim cogitari facile, ne dum dici poterit, qua superstitionis pertinacia, hic populus, in Mosi legibus, de cibis, indumentis, diebus festis, & similibus ceremoniarum constitutionibus hæsit. A quibus hoc tempore nihil prorsus uariant Papistæ, si pertinaciam & impietatem spectes. Nisi quòd fortassis sunt deteriores Iudæis. Nam errori Iudæorum, diuinæ constitutiones fauere uidebantur, Papistæ doctrinæ uerbi Dei, hominũ uanas traditiones opponunt. Tametsi sciunt Deum doctrinis mandatorum hominum frustra coli, uidelicet, toties admoniti. Requirunt itaq; prorsus Iudæi ea pertinacia & impietate, uel maiore, papistica scilicet, ut suæ ipsorum traditiones, tanquam necessarie, in omnibus Ecclesiis obseruentur, prorsus contempto Euangelio Iesu Christi, & libertatis doctrina.

Isti sunt ergo uaniloqui & mentium deceptores,

IN CAP. I. AD TITVM

non minus quā hypocritæ iudæi: imò nō paulo plus. Quia isti suis commenticijs fabulis, & inanibus doctrinis, tantum arrogant, quantum olim per ignorantiam iudæi legibus Dei. Et hoc pacto simplicibus & ignorantibus ueritatem imponunt, & in eas impietates intrudunt illos, ut se his pharisaicis credant iustificari coram Deo, & placare illum sibi. Vae uobis pestibus Christiani orbis. An non hoc est erroribus impietatis imbuerere mentes hominum, fallere & à uero auertere? Quibus idcirco necesse est os obturare, & audaciæ eorum modum ponere. Quos Paulus adhuc alterius criminis reos agit, quò uidelicet, totas domus corrumpunt & alienant à pietate, turpis lucri gratia. Vt intelligas istos nec serio causam suam agere, nisi propter auariciam, nec affici sua ipsorum doctrina, nisi quantum facit ad lucrum pecuniarum: Quò si non faciunt omnia papistarum, pro quibus dimicant contra gloriam Euangelij Iesu Christi, sint uana & ficta oīa quæ in hoc cōmentario scribimus.

DIXIT QUIDAM EX ISTIS, PROPRIVS
IPSORVM PROPHETA, CRETENSES SEM-
PER MENDACES, MALAE BESTIAE, VEN-
TRES PIGRI. TESTIMONIVM HOC VE-
RVM EST.

Versiculus est Epimenidis, quē hic citat Paulus:
de quo lege annotationes Erasmi. Nam Cretensem
fuisse.

fuisse, ex eo liquet, quòd dicit, Dixit quidam existis:
Vocat aut em proprium ipsorum prophetam, per iro-
niam, quod uanos & mendaces homines, recto &
debito suo elogio notârit. Significans Cretenses &
mendaces esse, & malas bestias, hoc est, ueneno im-
piarum doctrinarum noxias. Deniq; quas exerceât
& tradant pigri uentres, auariciæ scilicet & quæ-
stus causa. Vt antea dixit. Quid putas Paulum fuis-
se dicturum, si pontificatum Romani Episcopi ui-
disset, & tot sectas Monachorum? Quid enim non
agit Pontifex, & Monachi, turpis lucri gratia? De
quorum ferijs & pigritia, lege quæ sunt, 2 Thess. 3.

QVAM OB CAUSSAM REDARGVITO
ILLOS SEVERITER, VT SANI SINT IN FI-
DE. NON ATTENDENTES IYDAICIS FA-
BVLIS, ET PRÆCEPTIS HOMINVM,
AVERSANTIVM VERITATEM.

Vides quòd Paulus hoc loco quoq; requirit quan-
dam uehementiam & seueritatem in obiurgandis im-
pijs doctoribus, mendaciorum Magistris. Quan-
quam de hac nullum præceptum dari possit, sed sit
eorum quos spiritus Dei gubernat, & amore Euan-
gelij & Iesu Christi, incitat contra impios doctores.
Ita ut legimus ipsum met Dominum Iesum, amore
uerbi Dei, contra cæcam & deploratam impieta-
tem phariseorum & scribarum apud Iudæos con-
motum fuisse. Matth. 23. Hæc igitur uehementia

IN CAP. I. AD TITVM

et seueritas, quam hic Paulus requirit, non uacat omni ira, quam et Christum inuasisse, testatur illud Mar. 3. Et circumspexit eos cum iracundia, condolens super impietate cordis eorum.

Proinde hæc est iusta et pia ira: quam scripturæ uocant zelum Dei, cum sit iracundia, amore Dei et pietatis excitata, Qualis item inuasit Christum, quando negotiatores è templo Dei expulit. Vt tunc illud propheticum impleretur: Zelus domus tuæ comedit me. Sicut scribitur, Ioan. 2. Non irascitur zelus ille hominibus, sed uitijs hominum. Et idē necesse est sit uehemens et acer, aut non est uerus zelus, ardor et æmulationis pro pietate et gloria Dei. Quo ergo uehemetior et concitator, hoc melior est, modo sit zelus secundum scientiam. Hoc est, in quo non sit error: et propter gloriam Dei uindicandā inflammetur.

Itaque quod supra prohibuit, uetans ne sit iracundus Episcopus, et ne sit percussor, nihil cum hoc loco pugnat. Eos enim reprehendit solum qui priuatis cupiditatibus indulgent, et linguæ procacitate alios insectantur. Nihil amore uerbi Dei agentes, neque ut meliores alios efficiant. Non odio uiciorum, sed ex priuato inuidentiæ morbo in alios seuiantes. Quorum non paucos audiuius, Ecclesiæ doctores, qui ob id repelluntur ad officio Ecclesiastico debuerunt. Iubet igitur Paulus, ut quos corripimus, eorum emendationem queramus,

queramus; ut sint inquit sani in fide. Ne uidelicet
superstitioni & impietati addicti, Deum corruptis
opinionibus & pugnantibus cum fide colant.

Ceterū iudaicas fabulas adpellat, præcepta Mo-
saica de ciborum delectu, & similibus, quæ isti impo-
stores contendebant necessaria esse obseruatu, ita ut
affirmarēt sine eis neminem seruari posse. Proinde,
ut hoc tempore, de doctrinis mandatorum hominum
affirmant. Porro præcepta hominum intelligit nimi-
rum iudaicas alias traditiones, quarum multas habu-
erunt. Vt est traditio de lotionē manuum, & simili-
bus, de quibus uide, quæ sunt Mar. 7. cum quibus
conferre oportet doctrinas mandatorum hominum,
quibus nunc Ecclesias onerant, & puritatem fidei op-
primunt. De uanitate autem utrorūq; legenda sunt,
quæ habentur, Matth. 15.

Hoc uero insigniter notandum est, quod Paulus
hoc loco dicit, de præceptis hominū, quod uidelicet
ueritatem auersentur. Nimirum, non ideo solū, quod
prædicationi Euangelij de Christo non consentiunt,
sed pugnant, sed etiam, quod de rebus diuinis & sa-
lutem animæ attinentibus, nihil certi, firmi aut uerū
tradere queant. Hoc tamen pessimum est, in istis tra-
ditionibus, quod non urgentur ut res mediæ, seu libe-
ræ, sed ut necessariæ ad salutem, & quibus mors abo-
leatur, cum solius Decalogi leges sint necessariæ ob

IN CAP. I. AD TITVM,

seruatu, & nihil hominem saluet à peccato & morte præterquam mors Domini nostri Iesu Christi. Et nos stulti dementamur tamen, à menium deceptoribus istis, ut credamus, quòd nisi per obseruationē omniū papisticarum traditionum saluari nequeamus. Sed iste error, in pœnam peccati nostri debitus fuit.

OMNIA QVIDEM PURA PURIS: POLLVTIS AVTEM ET INFIDELIBVS NIHIL EST PURVM. SED POLLVTA EST ILLORVM ET MENS ET CONSCIENTIA.

Puros intelligit, omnes eos, qui in Christū Iesum credunt, ut quos ipse sanguine suo lauit. Et quibus præterea, ut mundis, rerum omnium usum liberū fecit, saltem qui cum honestate, fide in Deū & proximi dilectione non pugnat. Talibus igitur dicit omnia pura esse, id est, rerum omnium usum, esse liberū & licitum. Quia nihil uolunt, quod uoluntati Dei, legi, aut publicæ honestati sit contrarium. Respicit autem ad eas præceptiones, quibus confisi per superstitionem, aut iudæi aut papistæ, de rebus usu medijs, liberis ac licitis, tanquā de immundis & usu illicitis, dicunt, ne tetigeris, ne gustaueris, &c. Col. 2. cum omnis creatura Dei sit bona, & nihil prorsus reijciendum, quod cum gratiarum actione percipiatur. Ut paulo supra quoq; docui. Rursus pollutos dicit, quos Christus nō purificārit, neq; lauārit à peccato:

nempe,

nēpe, infideles & incredulos promissionibus gratiæ
& Christo seruatori. Nec potest de alijs, quā de infi-
delibus istis loqui, qui non recipiunt, se per solam in
Iesum Christum fidem iustificari, & contendūt, quod
opera & facta sua iustificent. Quales per super-
stitionē fingunt necessario sibi multa non licere, &
in rebus per se nullius momenti summā pietatis con-
stituunt. Quibus etiā nihil potest purū siue mundum
esse, quia usu omnium creaturarū per infidelitatē pec-
cant. Non tantū cum faciunt, quod deprecatur con-
scientia, uerum etiā, quod peccatum in eo dicūt esse,
in quo est natura nullum. Velut in cibis, iuxta illud
Christi: Mar. 7. Nihil est extra hominem, introiens
in eum, quod possit eum coinquinare. &c. Quadre ni-
hil purum, nihil licitum, nihil non dānabile est istis,
qui beneficiū gratiæ Dei, sibi exhibitū in Christo Ie-
su, nō agnoscunt. Siquidē Domini est terra & pleni-
tudo eius, cuius gloriæ isti impuri derogāt. His enim
qui Euāgelio credunt, oīa purificauit, quod negant.

DEVM PROFITENTVR SE SCIRE, FAC-
TIS AVTEM NEGANT, CVM SINT ABOMI-
NABILES, ET DICTO NON AUDIENTES
ET AD OMNE OPVS BONVM REPROBI.

Iactāt quidē, inquit, se noticia fidei præditos esse,
cū nihil minus sit in eis. Id uero ex eo deprehēdi pos-
se declarat, quidelicet in ipsis factis suis ostēdunt.

IN CAP. I. AD TITVM,

se nullo timore Dei, nulla fide, aut dilectione in Deū præditos esse. Nam hypocritæ isti, in minutijs sunt curiosi, ac uolunt apud homines uideri, quod Deum religiose colant. Sicut Matth. 6. & 23. ipsis exponitur. In præcipuis autem factis, præcepta pietatis, penitus frigent ac cessant. Sicut illi, de quibus Christus Matth. 23. Væ uobis, qui dicematis mentā, &c. & reliquistis quæ grauiora sunt legis, &c.

Sic reperias hoc tempore, qui sine omni timore, & fide in Deum, sine pœnitentia & proximi dilectione uiuunt, cum interim leuibus quibusdam ceremonijs, papisticarum traditionum, occupentur, & in illorum obseruationibus summam pietatis constituent Itaq; multi pro papisticis traditionibus digladiantur, pro gloria Euangelij nō æque, imò nihil penitus sunt solliciti. Atqui adeo Euāgelium persequuntur, ut illius odio etiā sanguinem innoxium effundant. Isti enim hypocritæ & pestes rerum Christianarum uolunt mensuram patrum suorum explere.

Isti ergo, ut inquit, sunt Deo abominabiles, cuius manifestatio ea, quā dixi. Necesse est enim, ut Deo sint uehementer execrabiles, in quibus adeo nullus est timor Dei, nulla fides & nulla dilectio in Deum, nulla dilectio proximi. Quod uero addit, dicto istos non obedire significat incorrigibiles, siue inemendabiles esse, induratos scilicet, quibus nulla ratione cōsuli possit. Per incredulitatē enim, & duriciā cordis sui,

sui, nullum sanum consilium audiunt. In summa, ita deplorati sunt, ut fuerunt, quos redarguit Stephanus. Act. 7. Ad omne opus bonum reprobi, quia sunt uacui fide & timore Dei, quapropter & spiritu dilectionis præditi esse non possunt, sed odij, liuoris, inuidentiæ, & quarumlibet insaniarum.

Cæterum hoc loco notabimus obiter, in omnibus non esse fidem, qui illam iactant, sicut etiam docemur Matth. 7. Non omnis, qui dicit mihi, Domine Domine & c. Rursus, nec haberi fidem posse sine iusticia operum bonorum, in illis saltem, quibus occasio & tempus bene operandi relictum fuit. Fides enim res efficax est uera dilectione & uero timore in Deum, adeoq; uera in proximū dilectione. Hanc uero stultā et pharisaicam opinionem, qua cor Deum non intelligit, hoc est, neq; timet, neq; cōfidit ei, & proximum non diligit. Paulus 1. Timoth. ultimo adpellat falsi nominis sciētiam, iactatam uidelicet ab hypocritis pro uera Dei cognitione, quemadmodum ab istis, q̄ Christo dixerunt: Nunquid & nos cæci sumus? Ioan: 9. Et de talibus Paulus rursus affirmat, q̄ sit in eis fides ficta, & q̄ non intelligant, neq; quæ loquuntur, neq; de quibus affirmant. 1. Timoth. 1.

IN SECVNDVM CAPVT.

VT in primo capite Paulus de forma episcoporum. & priuato ipsorum officio egit, ex

IN CAP. II. AD TITVM,

ponens, qua uita integritate & sanctimonia luce-
re illos præ alijs conueniat in Ecclesia, ad hæc quid
in prædicatione & doctrina præstare eos oportet
& sequi, ita in hoc secundo capite de aliarum
personarum officijs agit, sed Titum admonens, simulq;
omnes Ecclesiæ doctores, qua morum, uitæ & bono-
rum operum doctrina illas instituere debeant, & hor-
tari, ut gloriam Domini nostri Iesu Christi semper
in omnibus ornent. Itaque de singularum personarum
officijs scribit, & præcepta de externa morum &
operum nostrorum iusticia tradit. Cuius oportet cer-
te esse aliquam necessitatem, etiamsi per illam iusti-
ciam nemo liberetur et saluus fiat neq; à peccato, ne-
que morte. Vt autem melius de illius necessitate lo-
quar, dicam hoc loco de tota pœnitentia, cuius pars
est illa operum & obedientiæ externæ iusticia. De
qua præterea conuenit & necesse est concionatores
posse apte & clare alios docere.

De pœnitentia.

Dixi suprâ (p̄ occasionē quæstionis de remissione
peccati, quæ sit p̄ baptismū) de pharisaica pœnitentiæ
doctrina, quæ nunc spargitur in Ecclesijs papistarū.
Nā scholastici Theologi, cū neq; verā cōtritionē, nec
piā delictorū cōfessionē doceāt, tamē remissionē pec-
catorum obtineri fingunt per contritionem & confes-
sionem, quæ nisi per fidem in Christum accipi nō po-
test,

test, & ut sæpe dixi, est mere gratuitum donum Dei, & propter solū Christum datur. Quapropter uanitatibus papisticæ doctrinæ omiſſis, scribam hoc loco seorsim de Christianæ poenitentiae ratione, quam docendi gratia separabo à doctrina fidei seu remissionis peccati, quæ fide per Christum obtinetur. Alioquin satis constat, nullam esse piā uel utilem poenitentiam, uel acceptam Deo, quæ fide in Christum seruātorem careat. Necesse est enim aut hypocrisim esse, quæ hac fide destituitur, & simulationē poenitentiae, qualis à papistis docetur, aut desperationem, cuius quoque autdres fiunt papistæ, in illis, qui peccata sua uere cognoscūt, & ad fidem remissionis peccati, quæ obtinetur per Christum, nō perueniūt. Hanc fidē. n. papistæ prorsus non docent, sed quæ pugnant cū ea.

Faciā itaque poenitentiae duas præcipuas partes. Alteram & priorem, ipsam contritionem, quæ est uidelicet interna poenitentia. Cuius effectus quidam est, uera & non simulata confessio delictorum. Ac semper necessaria est utraque harum in iustificandis & saluandis coram Deo. Neque enim contritione uera non opus est aliquando homini Christiano, aut cōfessione recta delictorum. Nam etiam si fide iusti simus, qui credidimus in Christum Iesum, non tamen idcirco sine omni peccato sumus, q̃a plurima peccata in carne habemus, & nunquam ita p̃fecti sumus,

Contritio.

IN CAP. II. AD TITVM,

ut illius imperio in totum resistere possimus, ne uicti succumbamus aliquando. Quis est enim perfectus in timore Dei, in dilectione Dei & proximi, in frenanda concupiscentia carnis? Horribile est considerare, & ineffabile, quæ uis sit & quanta tyrannis peccati in carnali natura, quod etiã paucissimi intelligunt aut serio discunt. Damnatio tamen nulla est his, qui per fidem sunt in Christo Iesu. Peccata enim quæ habent, non imputantur illis propter fidem in Christũ. Sed tamen belligerantur necessario cum terroribus peccati, qui sunt in contritione, & cum tota carnali natura, ne aut desperatione absorbeantur, aut à carnis concupiscentiis superentur, ut eis seruiant. Itaq; & confessione peccati & delictorum quotidiana opus habent, quã faciant coram Deo, & inuocatione per fidem nõis Christi pro remissione peccatorum.

Externa nouitas.

Rursus alteram pœnitentiæ partem constituam illam nouitatem uitæ nostræ, quæ est sita in obediẽtia illa operum & factorum nostrorum, quã præstamus fide iustificati, seu pacificata conscientia per fidem erga mandata Dei. Nam ut contritio fidem remissionis peccati præcedere debet, (quia Deus neminem non contritum sanat uel cõsolatur per Euangelij promissionem.) Ita hæc externa nouitas sequi eãdem fidẽ debet. Complectitur ergo bonorũ operũ studium, ac habet exercitia externa pietatis, quæ præstari à iustificatis

ustificatis debent in gloriam gratiæ Dei, quam propheta Ezechiel in hunc modum prædicat, Conuertimini, & agite poenitentiam ab omnibus iniquitatibus uestris &c. capite 18. Cnnuertimini, conuertimini à uijs uestris pessimis &c. capite 33. Et Ionas capite 3. Conuertatur uir à uia sua mala, & ab iniquitate, quæ est in manibus suis.

Et Christus ipse discernit hoc modo inter doctrinam remissionis peccati & poenitentiae, operis seu obedientiae nostræ Luc. ultimo, Oportebat Christum pati, & resurgere à mortuis tertia die, & prædicari in nomine eius poenitentiam & remissionem peccatorum in omnes Gentes. Prædicatio autem remissionis peccati, est fidei doctrina, à qua si diuersa est poenitentiae prædicatio, necesse est eam intelligere, quæ est nouitatis nostræ, & fidem sequitur. Contritio enim præcedere fidem debet, quæ etiam est necessario semper cōiuncta cum fide. Fides autem fructificat hac externa bonorum operum nouitate. Et Paulus in hoc epistola ad Titum secundo capite inquit: Adparuit enim gratia Dei & seruatoris nostri omnibus hominibus, erudiens nos, ut abnegantes impietatem et mundana desideria, modeste, iuste & pie uiuamus. Hæc ille scilicet, requirit ab his, qui fide per Christum sunt iustificati.

Ex quibus sane omnibus liquet, quod ipsi prophete

Christus et apostoli hanc factorum nostrorum poenitentiam, seu nouitatem illam, quæ est nostræ obedientiæ erga mandata Dei, requirunt, ac necessariam faciunt. Etsi hanc externam nouitatem non solum intelligere oportet, ubi de illa necessitate agitur, nam uera contritio, quæ est interna mutatio et nouitas peccatoris, non minus necessaria est, quam illa externa, quia uerax contritio, ut dictum est, fidem remissionis peccati necessario semper præcedit. Ego uero in hoc scripto nolui separare contritionem à fide, cum nec fides sine contritione haberi, nec contritio sine fide utilis esse possit. Et tamen institui, seorsim facere quandam considerationem necessariæ et utilis contritionis, quam facio priorem poenitentiae partem, quemadmodum alteram et posteriorem, externam illam bonorum operum nouitatem.

Proinde semper quidem intelligi debet cõiuncta esse contritio cum uera et iustificante fide, sed ita tamen, ne meritum remissionis peccati in contritionem transferamus, quia fides hanc gloriam transfert in gratiam Dei, et in merita Domini et seruatoris nostri Iesu Christi. Rursus statuendum est, et à iustificatione requiri obedientiam erga mandata Dei, seu bona opera, quæ necessario præstent, sed sine opinionibus pharisaicis, merendi peccati remissionem aut uitam æternam. Nam et Ioannes Baptista, ubi dicit, Facite er-

go fructus dignos poenitentiae, significat se eam poenitentiam praedicare, quae per iusticiam bonorum operum multipliciter & pie fructificet. Ideo requirit, ut qui conuersi sunt uera poenitentia ad Deum, id declarēt studio renouationis suae uitae, & emendationis in melius, per obedientiam bonorum operum, quae sunt à Deo praecepta. Et illo studio testetur se uere resipuisse, nec inanem esse fidem ipsorum in Deum. Non docet mereri remissionem peccati per opera poenitentiae, quod esset scilicet abolere fidem, quam alijs locis praedicat. Et ab hac opinionis impietate imprimis abesse Christiani debemus.

In hunc igitur modum doceri de poenitentia Ecclesiae possunt, crasse quidem, sed utiliter, meo iudicio. Proinde contritio omnium primo requiritur in poenitente. Ea est autē, terror & cruciatus in mente, tum Contritio. dolor seu tristitia de impie & scelerate admissis. Huius autē terrores eximere nobis debet, ac mitigare dolores, fides promissionum Euangelij, ne tandē fiat ex contritione desperatio, quae poenā aeternae cōdemnationis accersat, sicut accidit in Iuda, qui perdidit Christum, & in similibus alijs necesse est fieri, qui promissionum Euangelij fidem nullam habuerunt. Porro fides externa obedientia & nouitas sequi debet, tanquam fructus internae pietatis, ab extra glorificans Deum, & gratiae doctrinam in omnibus ornans.

IN CAP. II. AD TITVM

De contritionis necessitate habes illud Prophetæ psal. 146. Qui sanat contritos corde, & alligat contritiones eorum. Non cōtritos ergo non sanat, ut nec alligare, nisi contritiones & uulnera potest. Quis sanaret enim superbos scilicet hypocritas, qui suum malum non uident, non sentiunt, & Deum non timēt, nec male esse sibi credunt, etiamsi qs doceat? Ac multo firmior est hæc negatiua, qua asserimus, q̄ Deus neminem non contritum sanat, quàm illa affirmatiua, qua consolantissime dicitur, q̄ sanat contritos corde. Quod in fide gratiæ intelligens Propheta psal. 50. Sacrificium, inquit, Deo spiritus contribulatus, cor contritum & humiliatum Deus non despicies.

Vt ergo necessarium sit conteri, & beatum si fides gratiæ accedat, tamen Deus neminem contritum necessario sanat, seu merito contritionis, sed quia contritis & humiliatis per meram gratiæ & misericordiæ bonitatem adest, & per consolationes Euangelij de Christo redemptore nostri sanat. Ac fieri potest, multi q̄ uere contriti sint, prorsus non sanentur, sicut in Cain & Iudâ ueræ cōtritiones fuerunt, qui relictī sunt tamen sine consolatione, & perierunt. Quæ eo facta sunt & scripta, ut Deum timere discamus, & gratiam eius implorare. Istorum enim contritiones, cum permanerent sine gratiæ fide, mutatæ sunt tandem in desperationes. Sed sanari, qui non sit contritus,

tus, est impossibile, sicut testatur illud quoq; Esa. ult. Ad quem respiciam autem, nisi ad pauperculum & contritum spiritu, & trementem sermones meos?

Nisi ergo contriti in corde timeamus Deum, ac doleat nobis q, offenderimus eum tot transgressionibus legis, quot sunt in nobis, non est, cur consolationes a Deo speremus, aut donationem æternæ salutis nobis promittamus. Consolatio autem & salus, siue sanata contritio nulli unquam cōtingit, nec cōtinget aliquando, nisi per promissionum Euangelij fidem. Per consolationes. n. Euangelij adfertur nobis peccati remissio, & quidem gratuita per Christum, ut qui gratuitam esse illam aut nesciunt aut nō credunt, nunquam possint ad ueras consolationes puenire, aut accipere peccati remissionem. Nihil. n. nisi incertis, inanibus & pharisaicis opinionibus fluctuant, ac sese decipiunt, aut fraudant tota salute, tam remissionis peccati, quàm æternæ uitæ. Non. n. est pax impijs, aut ulla salus. Sed contrā de beatitudine piorum dicitur Rom. quinto: Iustificati fide, pacem habemus erga Deum, per Dominum nostrum Iesum Christum, per quem et accessum habemus per fidem in gratiā istam, in qua stamus, & gloriamur in spe gloriæ filiorum Dei.

Ac potest ex his quoq; intelligi, quàm sit necessaria promissionum gratiæ fides, in contrito, ne uidelicet terroribus peccati absorbeatur & pereat. Requi

Externa nouitas.

ritur autē & necessaria est et externa nouitas in poenitente, sicut docui, ut q̄ passim à p̄phetis oībus, Christo & aplīs prādicatur. Quapropter necessaria est, q̄a necessario obediunt Deo, quicunq; in gloriā gratiæ eius sunt uocati. Redempti à Christo, non iam sui iuris, ut concupiscentijs carnis uiuāt, sed Deo in gloriam propter Christū. Lege Rom. 6. de illa nouitate & eius necessitate. Item Rom. 8 & c.

Certum est igitur condemnari impoenitentes & rebelles, qui q̄d uis libitum est ipsis faciunt, quantum uis Deus prohibeat. Siue qui facere recusant, seu operari bona opera, quanquam Deus præcipiat. In istis enim contemptus Dei regnat, & pleno imperio Diabolus, sicut dicitur 1. Ioan. 3. Qui facit peccatum, ex Diabolo est. Quos præterea, ut sine timore Dei agūt, ita necesse est uacuos esse fide gratiæ dei. Quare desiderijs peccati uiuentes, non possunt saluari, q̄ diu se non corrigant. Rom. 8. Ergo fratres debitores sumus non carni, ut secundum carnem uiuamus. Si enim secundum carnem uixeritis, moriemini: si autem spiritu facta carnis mortificaueritis, uiuetis. Nec ideo sequitur, q̄ per opera & facta sua quisquā saluetur, q̄a operis nostri obediētia est imperfecta. Et nemo exactiōibus legis satis facit, ac ne potest q̄dem quisquam. Deniq; opera nostra non placent Deo, nisi quatenus ex fide in Christum præstantur: Nec alia sunt

sunt quæ præmium accipiant coram Deo in cælis. Iusticia autem & salus nulli unquam contingit, nisi per solam in Iesum Christum fidem. Ioan. 1. 3. 6. 10. 14. Rom. tertio & quarto, Galat. tertio & c.

Tot ergo partibus consistit, consumatur ac perficitur Christiana pœnitentia. Cōtinet internam atq; externam renouationem. Et interna illa contritionis bona est, si coniuncta fuerit tandē cū remissionis peccati fide. Externa item bonorum operū placet deo, si ex fide fluat. Sine fide. n. impossibile est placere deo. Execratur enim Deus superbam illam arrogantiam, quæ est eorum, qui per facta sua quærunt iusticiam, & mercedem eius, æternam uitam, cum legi nullo pacto satis facere possint, siue ueri iusti esse. Rom. 9. 10. In illis tamen, qui credunt, placet Deo, quatenus ex fide promissionū Euangelij operantur. Per Christum enim ignoscitur talibus, si quid imperfectionis adhuc habent, tum propter Christum sunt oblationes et cultus illa opera, quæ per fidē nominis eius præstantur: 1. Pet. 2. Est autem inchoatio operum iusticiæ illa nouitas & studium bene operandi, in quo elaborandum est omnibus, ut proficiāt, & illam operum iusticiam subinde melius præstent in gloriam gratiæ Dei patris nostri & seruatoris Iesu Christi.

Cæterum tota pœnitentiæ ratio, quoniam res est Nouitas Christi spiritualis, impleri seu perfici ac præstari à carne Christiana est res

Spiritualis, non potest. ideo docendi sunt homines, ut orent pro
 cuius est ope ea. Nam uirtutum Christianarum oim penitus igna
 rator & esse ri sunt, qui præsunt illas se implere, perficere aut
 Et in nobis præstare sua industria, suis uiribus aut suo libero ar
 ipse spiritus birio, ut uocant, posse. Siquidē spiritus sanctus in cor
 sanctus. dibus nostris reteggit peccatum, & per terre facit ac
 confundit conscientias, atq; idem solus incitat nos, ut
 confidamus promissis Christi. Deniq; & externam
 bonorum operum nouitatem solus in nobis creat, de
 quo copiosius scribemus infra in capitis tertij enarra
 tione. Interim illo testimonio ad Eph. secundo con
 tenti, Ipsius enim sumus factura, creati per Christū
 Iesum ad opera bona, quæ præparauit Deus, ut in il
 lis ambulemus. Parit igitur spiritus sanctus in cordi
 bus nostris timorem Dei, & fidem. Item, proximi di
 lectionem, castitatem, modestiam, patientiam, pacē,
 & reliquas omnes Christianas uirtutes, quales re
 censentur ad Galat. quinto, Rom. duodecimo, Col:
 tertio &c. Atque ita fore per gratiam Christi, pro
 miserat olim Deus, nempe, ut lex scriberetur, non in
 tabulis saxeis, sed in cordibus sanctorū digito Dei.

**De poenitētia
 lapforum.**

Sed hic tandem dicamus quoq; de poenitentia eo
 rum, qui post primam reconciliationem lapsi fuerūt.
 Igitur de lapsis poenitentiam agentibus firmiter sta
 tuendum & tenendum est, posse scilicet resurgere la
 psos, reuerti in gratiam, & reconciliari Deo, ac con

sequi

sequi peccati remissionem & uitam æternam, contra
 Nouati & omnium Nouatianorū errorem, ueterum
 & nouorum. Lapsos enim dico hoc loco eos, qui post
 primam reconciliationem & receptionem sui in gra-
 tiam, retro abierūt, præoccupati scilicet à peccato,
 et uicti à diabolo. Quibus negauerūt Nouatiani pec-
 cati remissionem ultrà concedi posse, abusi aliquot
 sententijs scripturæ.

Quanquam autem scholastici Theologi non ui-
 deantur in ea opinionis hæresi & impietate esse, ta-
 men docent eam. Similiter omnes papistæ, qui iubent
 tamen, ut omnia sua pro articulis fidei adoremus, quæ
 lapsis post primam reconciliationem, quæ fit baptis-
 mo, non concedunt reuersionem in gratiam, id est, quæ
 reuerti ac redire possint, nisi per suas ipsorum ope-
 rum iusticias, contritionis uidelicet & confessionis,
 atque adeo satis factionis pro peccato, ut suprà quo-
 que declaratum est. Sed hoc plane nō est, quàm nega-
 re reuerti in gratiam posse. Negant enim remissionē
 peccati concedi posse, nisi per priuatas operum iusti-
 cias. Quia igitur peccati remissionem, quæ cōtingat la-
 psis, negant gratuitam esse, & cōstituunt alia media,
 per quæ obtineatur peccati remissio, quæ fidem in serua-
 torem Christum, certum est, quæ abolent doctrinam de
 remissione peccati nō minus scelerate, quæ Nouatiani,
 cum nulli fiat unquam ulla peccati remissio, nisi quæ gra-

IN CAP. II. AD TITVM,

tis datur propter Christum, solis qui credunt hoc nomine in ipsum. Nec uero credunt Euangelio, qui peccati remissionem, quandoque detur, gratuitam esse non credunt, aut per solum Christum dari. Quod hactenus à me frequenter expositum est.

Ad consolationem reuertor pro ijs lapsis, qui cognito errore, et deplorata impietate sua, iterum resurgunt, et poenitentiam denuo ac firmitus agunt. Nec uero sunt rari, casus uidelicet & ruinae iustorum in peccatum, sicut testatur quotidiana omnium nostrum exempla. Quanquam hypocritae negent se quotidie errare ac labi, suimet ignorantes, & peccati, quod habent in carnali natura. Sed resurgentes recipi & ad probari Deo, primo illud testatur, qd talibus praedicant poenitentiam & reuersionem ad Deum omnes prophetae. Deinde illud, quod est prouer. 24. Iustus cadit septies, & resurgit, hoc est, saepe cadens, & uictus à peccato praeter opinionem & spem, non tamen desperat de gratia, sed fiducia promissae remissionis peccati reuertitur in gratiam.

Iam etiam Christus consolatur tales prolixa conuersione, qui uidelicet cum lapsi fuerint, fraterna correptione admoniti, patiuntur se reuocari, restitui, deoq; reconciliari. Matth. 18. & Paulus quid aliud agit cum Ecclesiis enormiter lapsis denuo reconcilias eas Deo, sicut fecit cum Ecclesiis Galatarum & Corinthiorum,

nisi

nisi q̄ certum facit remissionē peccati semper durare in Ecclesia, & ne dubitemus de peccati remissione, si surgentes reuertamur? Et ad quid facit illud dominicæ prædicationis, quod dicimus quotidie. Remitte nobis debita nostra, si non est reliqua spes remissionis peccati, quanquam lapsis? Quin etiam oratio dominica tota arguit nos deficere, & semper indigere peccati remissione, quantumuis iustos. Cur enim oramus, Sanctificetur nomē tuum? &c. nisi q̄ honori dñi uini noīs, & alijs debitis ac pijs officijs nemo satisfacit, ac ne potest quidem sine peccati remissione & auxilio gratiæ spiritus sancti? Deniq; Eucharistiæ sacramentū nō est, nisi cōfirmatio eius, q̄ remissio peccati semp̄ duret p̄ eūdē Christū et fidē noīs eius in Ecclesia. Quanquam arduum est, territam peccato cōscientiā posse quietā efficere & pacare cōsolatione remissionis peccati. Dici. n. uix potest, q̄ sit potens tēlatio peccati, & terrores in cōsciētia p̄ inspectionē peccati ad abiiciēdū miseros in desperationē. Igitur prodest horū, q̄ dixi, meminisse, atq; uti talibus cōsolationibus scripturæ à Deo propositis, cū quibus non inutiliter coniungi possunt plures aliæ promissiones gratiæ ex toto Euangelio, ut quum opus fuerit, in prōptu habeantur, & quoties terremur, eis utamur. Velut illa: Arundinem quassatam non confringet, & linam fumigans non exstinguet, Hoc enim dictum est

IN CAP. II. AD TITVM,

de contrito seu contribulato corde, ac suspirante ad gratiam, nō desperāte de peccati remissione. Sed consolantiſsimū est, q̄ scripturæ proponunt nobis eundē & perpetuum mediatorem Dei filium Dominum & ſeruatoreſ nostrum Ieſum Chriſtū, & per hunc peccati remiſſionē, ut 1. Ioan. 2. Hæc ſcribo uobis, ne peccetis. Sed & ſi quis peccauerit, aduocatum habemus apud patrem Ieſum Chriſtū iuſtum, & ipſe eſt propiciatio pro peccatis noſtris. Quin etiam iuramēto aſtruit Dominus ſe recipere lapſos, quoties reuertuntur. Ezech. 33. Quanquam enim errare, labi, peccare & transgredi ſemper malum eſt & improbum, tamē reſurgere, redire ac reuerti à peccato ad Deū, ſemper bonum eſt. Ac placet Deo in illis, qui ex fide gratiæ eiſ reſurgunt et reuertuntur, gratias agētes pro gratia, ut prius ueteris uitæ inſtitutum renouēt.

Nec intelligunt, qd ſit poenitentiā agere, q̄ lapſos de nouo reſurgentes arcēt à fiducia promiſſionū gratiæ, neq; ſane poſſunt, niſi inanem hypocriſeos fiduciā docere. Fere enim omnibus momentis labimur, & rei efficiſur transgreſſionis, nempe per tentationes carnales in corde. Sed iſtos lapſus hypocritæ contēnūt, ei pro nihilo ducunt, rursus contēnēdi ut hoīes uani, q̄ nimitū remouent à Deo, iudicijs illius relinquendi. Quoties igitur ſollicitat nos ira, ambitio, auaricia, amor et curæ huius ſeculi, et his ſimiles aliæ innume

re cupiditates? Quas si quidā non habent pro peccatis, tamen nos à Christo Iesu edocti, scimus grauissima uicia & damnabilia peccata esse, lege Matth. 5. Hæc ergo qui habent sine timore dei, aut sine fiducia in Christum Iesum, qua credant, quòd gratis sibi remittantur propter Christum, isti nequeunt saluari. Taceo externas transgressiões, quarum quis est, qui non fiat aliquando reus? In quo si audiendi essent, qui negant lapsos reuerti posse, aut recipi hos à Deo, quis ex omnibus posset saluus fieri? Aut, quæ esset gloria gratiæ, uel seruatoris Iesu Christi? Dic enim & demonstra unum hominem, qui non aliquando labatur in externa uicia & peccata, nisi infantes, nuper natos excipias? Quapropter firmum est, ipsos quoq; lapsos, uere reuersos ad Deum, semper recipi, Deoq; adprobari:

Hæc uolui præmittere, ut uiam præpararent atq; præmunirent, ad ea de quibus dicendum est, in secundi Capitis expositione, scilicet, de necessitate huius externæ iusticiæ, quam nos præstamus, per mandatorum Dei obseruationem. Multa enim Paulus de bonis operibus, & illa uitæ exteriori nouitate, in hac tota ad Titum epistola, scribit, quæ sciamus ita placere, ac probari Deo, & esse uirtutes Christianas, si ab illis præstentur, qui in Christum Iesum credunt, hoc est, neq; opinione merendi, neq; fiducia inno-

IN CAP. II. AD TITVM,

centiæ in proprias uirtutes posita, sed posita omnē
 spe iusticiæ & salutis in solam gratiam Dei & Chri-
 stum Iesum. Nam de formanda uita iustificatorū, his
 moribus et operibus bonis, de quibus præcipit Tito,
 ut urgeat in prædicatione & doctrina, & exigat à
 fidelibus Iesu Christi, agit. Nihil Paulo cum incredu-
 lis istis hypocritis, qui per legē iustificari quærunt,
 siue mereri per sua facta, peccati remissionem, aut
 æternam uitā. Quorū scilicet iusticiæ, penè peiores
 sunt, quā iudaicæ & impiæ, quia fiunt ab his qui in
 ordinem ac numerum Christianorum reponi uolunt,
 cum fidei in Christum penitus sint rebelles. Et nunc
 maiore scādalo peccent, quam uel Iudæi, uel Turcæ.
 In illis itaq; qui credunt Euangelio affirmamus Deo
 placere illas operum iusticias, de quibus Christus,
 Euangelistæ & Apostoli præcipiunt, & esse cultus.
 nempe, sacrificia confessionis, laudis, gratitudinis,
 & gratiarum actionis. De quibus in singulis suis lo-
 cis, post hac plura.

TV VERO LOQVERE, QVAE DE-
 CENT SANAM DOCTRINAM.

Dixi de tota poenitētia & fontibus, ex quibus de
 necessitate ac bonitate operū in iustificatis potest iu-
 dicari. Hic in ipso ingressu exponendi textus secūdi
 Capitis, offert se nobis alia questio, de eo, quæ nam
 sint

sint opera illa, de quibus cōueniat ac necesse sit Episcopum præcipere in Ecclesia, hoc est, an sint cultus, & opera digna, quæ præstent Deo in gloriã, homines iustificati, etiam hæc de quibus homines præcipiunt, an uero, ea tantum, quæ à Deo, per Christum & Apostolos sunt præcepta. Sanè non indigna est hæc quæstio, quæ diligenter explicetur, præsertim hoc tempore, in quo tot pharisaicis hominum traditionibus tota Ecclesia oneratur. Constat igitur abũde satis ex scrip^{to} Pauli, uel in hac ad Titũ Epistola, quod nolit prædicari in Ecclesia, boni operis nomine, nisi quicquid mandatum est à Deo, & in Decalogi præceptis continetur. Nam in fine primi Capituli, redarguit quosdam superstitiosos cultus, iudaicas fabulas, & præcepta hominũ, auersantium, ut inquit, ueritatem, eorum scilicet qui fingunt, hoc mũdum, & illud immundum esse, iudaice & peruerse. Quibus cũ hic opponat præcepta de moribus, quæ continentur sub Decalogi mandatis, firmum est, quòd alia nolit doceri, nec alia Deum exigere à nobis, nec per alia doctrinam saluatoris nostri Iesu Christi ornari.

Nam in illorum mandatorum Dei obseruationibus sunt cultus spiritalis & diuini, boni, & honori Deo existẽtes, quod omnibus alijs culibus oportet simpliciter derogare. Proinde obseruationẽ mandatorum hominum Paulus damnat, cum præsertim

IN CAP. II. AD TITVM,

singuntur esse cultus, & qui necessario præstentur. Quod similiter dictum esse intelligere oportet, de omnibus Iudaicis cultibus, omnium præceptorum Mosi, exceptis Decalogi mandatis, & alijs quæ sub his continetur. Neq; enim sunt amplius necessarij post glorificatũ Christum, sed medij ac liberi. Quatenus tamen præstantur, ne quid derogent fidei in Christum: lege. Gal. 2.

Sed cultus mandatorum hominum, prorsus sunt impij, uani, inutiles, Pharisaici, perniti si & damnabiles cultus, ac prorsus indigni, qui à Christianis præstentur. Quanta uero obsecro, in his sic intellectis, ut oportet intelligere & sentire, ruina est & proculcatio omnium abominationũ totius papatus, regni scilicet pharisaici et Antichristiani? Quod nõ nosse tantum, uerum etiam prædicare Episcopum & Ecclesiæ doctorem necesse est. Quapropter & de doctrinis mandatorum hominum hic seorsim quædã scribam, ut futuri Ecclesiæ doctores firmitus erudiantur, & nouerint perfectius quæ oporteat alios docere & à quibus auocare. In summa, ut Ecclesias rectius & sanius instituant:

De hominum Traditionibus:

Dominus apud Esaiam inquit, frustra colunt me, mandatis hominum. Esa. 29. Et repetiuit hanc sententiam Christus, Matth. 15. retorquens illam in eos
hypocritas,

hypocritas, qui doctrinas & præcepta hominum, contendebant necessarios cultus esse. Quare impietas est, & summum scelus, summa iniquitas, coram Deo, traditionem ullam humanam instituere, aut seruare pro cultu Dei, seu opinione merendi gratiam et peccati remissionem, huiusmodi uanum cultum instituere & præstare. Multo autem grauior impietas est, querere tali pharisaico cultu & obseruatione, ut iustificeris, quàm simpliciter opinione gratificandi Deo, siue colendi Deū, hunc cultum facere. Sic enim & gratiæ doctrina deformatur, præterquàm quòd Deus frustra & ridicule colitur. Et tamen ita colunt Deum in multis omnes papistæ, & querunt per præcepta & doctrinas hominum iustificari, præsertim, hypocritæ Monachi. Cum nemo iustificari possit, ne quidem per mandatorum dei obseruationem. Si enim per legem iusticia, ergo gratis mortuus est Christus.

Sed cultus mandatorum hominum per se sunt inuiles & uani, tātum abest, ut iustificari quis per illos possit, siue mereri peccati remissionem, gratiam & uitam æternam. Non potest enim eludi Christi sententia, quia satis aperte dicit, frustra se coli obseruationibus mandatorum hominum. Ac clarum est, omnibus legibus detrahi effectum iustificationis, qui quanto minus sequitur obseruationem traditionum humanarum, quàm legum diuinarum? Et tamē caute

IN CAP. II. AD TITVM,

& prudenter oportebit intelligere hanc ipsam sententiam de legibus, ipsarū quoq; traditionū humanarū. Ne scilicet, quaslibet hominum doctrinas subito reijciamus, & damnemus ut impias. Sed eas tantum, de quibus pronunciant & credi iubent, quòd sint necessarij cultus, & meritorij, hoc est, quòd omissi, faciant reum mortalis peccati, & seruati iustificent, seu liberent à peccato & morte. Hoc autē affirmare, ut pharisaicum & impium est, ita cauendum est, ne cū his diabolicis cultibus, quaslibet alias obseruationes, doctrinarum hominū, sine iudicio reprobos ac damnes. Ne igitur hoc fiat per imprudentiam, oportebit discernere inter hominum traditiones, quarum hic docendi gratia duo genera ponam. Sunt enim quædam piæ & utiles traditiones, & quædam rursus, quæ sine peccato institui & seruari non possunt.

Seuera traditionum duo.

Habentur ergo quædā traditiones, de ritibus, qui nō modo citra peccatum seruari possunt, uerum etiā, sunt utiles & decori in Ecclesia. Vt sunt constitutiones de ferijs, cantilenis & ieiunijs, & similibus. De quibus rectum est sentire & pronunciare secundum Euangelium, quòd uidelicet non iustificent seruata, nec peccati reum faciant omisse. Et quòd nihil prorsus necessariorum cultuum sit in illis, sed ut humana auctoritate sunt introductæ, ita per eandem rursus uiolari

uiolari possint, ac tolli. Sed papistæ, ut dixi, tribuunt his cultibus quod sint necessarij, & meritorij, quorum utrumq; uiciosum est. Dicunt enim, quod sine peccato omitti non possint, item, quod seruati iustificent. Has pharisaicas opiniones reprobamus, & necessario detrahimus his cultibus hanc necessitatem & hoc meritum. Cum propter honorem diuinarum legum: tum propter gloriam Christi. Solæ enim Dei leges uiolatæ & contemptæ, efficiunt reum hominem mortalis peccati, & solus Christus est, cuius merito & à peccato & morte iustificamur.

Hanc impietatem traditionum & Paulus reprobatur, dicens scilicet Iudaicas fabulas, et præcepta hominum auersantium ueritatem. Item, ubi uocat doctinas demoniorum & imposturas. Non enim constitui peccatum debet, in ullare, in qua natura est nullum, nec iusticiæ meritum ulli rei tribui, cui non tribuit Deus. Quare ita sentiendum est, ad iusticiam coram Deo, siue ad impetrationem remissionis peccati, nihil prorsus facere, quàm solam in Iesum Christum fidem. Deinde, sola mandata Dei esse, quæ uiolata, transgressa & contempta, condemnent hominem æterna morte, in his qui non resipiscunt, & sine poenitentia manent.

IN CAP. II. AD TITVM

De obseruationibus autem traditionum humanarum quibusdam retulerit tantum ciuilitate sentire: ita ut pacis studio quædam obseruentur & publicæ tranquillitatis causa. Iuxta hanc regulam à Christo traditam, si quis te adegerit ad unum miliare, abito cum illo duo. Hic etiam si queri posses de iniuria, tamen hæc ferenda est, ne uidelicet excitentur periculosi motus in republ. per insuetam nouitatem. Et sic tollerari posset traditio de ciborum delectu & prohibitis carnibus, quantumuis iniusta & uiolenta. In quibusdam etiam uidendum est, ne per intempestiuum libertatis usum proximum offendas, & conscientiam eius uulneres. Quomodo enim infirmiores oportet tolerare, & non opprimere, aut contemnere, discere ex scriptis Pauli, Rom. 14. 1 Cor. 8. 9. &c.

Sunt denique constitutiones hominum quædam, de quibus oportet aliter sentire, ut quorum obseruationes sunt utiles, nec carere Ecclesia eis sine damno posset. Quales sunt, cum serię constituuntur, ordinis causa, ut populus sciat, quo tempore, quo loco, sub quibus ministrantium personis congregari ac conuenire possit, Euangelium discere & sacramentis uti. Item, cum ordinantur certæ lectiones & cantilænæ in Ecclesia, quæ multum profunt discipulis, si in ea lingua proponantur, quæ populo est cognita. De quibus & Paulus præcipit, 1 Cor. 14. Item Col. 3. inquit,

inquit, uerbum Christi habitet inter uos abundanter, in omni sapientia, docentes & commonentes uos ipsos, psalmis & hymnis & canticis spiritualibus, in gratia canentes, in cordibus uestris Domino. Ita sentio de ieiunijs, si præcipiantur, ut populus sit sobrius, & sine tumultu inter sit sacris, & ad discendum atq; orandū magis sit idoneus. Sed his finibus neglectis, papistæ de impijs solū et pharisaicis præcipiūt.

Reliquum est genus traditionum prorsus impiarum, ut quo nunquam bene uti possumus, nec potest sine peccato obseruari. In quo genere est fœdus iste cœlibatus, de quo præcipiunt pontifices Romani, & crudeliter atq; impie exigunt illum, ab omnibus Ecclesiæ ministris. Non ideo solum fœdam & impiā constitutionem, quod non attendunt, quis seruare eā aut non seruare possit: & promiscue omnibus hanc imponunt, etiam illis quibus impossibile est cœlibes permanere, uerū etiam, quod ordinationem Dei uiolant, qui coniugiorum statum uult liberum esse, & in uniuscuiusq; arbitrio positum, num cœlebs permanere, aut uxorem ducere uelit. Atq; adeo contra constitutionem Apostoli Pauli, qui seorsim de coniugio sacerdotum præcipit.

Et cur non impostores Romanistæ creant sibi nouum alium mundū, & nouos alios homines in illo, in quos pro libidine sua, istis barbaricis & pharisaicis

Genus traditionum prorsus impiarū.

legibus ſeuiant, ac tyrannizent? Quid enim nobis hominibus, à Deo conditis, & relictis in libertate animæ noſtræ, num uelimus coniugati aut cœlibes eſſe, cum iſtis impoſtoribus, hypocritis & phariſæis, qui minus pertinent ad Eccleſiam Chriſti, quàm perfidi iudæi, aut ꝑrophanae qualibet Gentes, quàm diu iſtas impias & execrables leges ſuas, contra Deum & Eccleſiam defendunt, & ſine pœnitentia irreuocabiles eſſe iubent. Proinde nihil moremnr iſtorum impias & iniquas exactiones, hi præſertim, quibus donum continentia non obtigit à Deo. Sed & quibus obtigit, non ideo cœlibes permaneant, quia hoc præcipiant Romaniſtæ, aut ulli alij ſerui Diaboli, ſed propter Dei donum fruantur ſua ſœlicitate, & glorificent Deum patrem.

Alij ducant uxores, uel in contemptum Romanæ conſtitutionis, ſic ſœdæ, impia & iniquæ, ut quæ uagas & damnatas à Deo libidines, tam auxit & augeat. Neq; enim ulla traditio humana contra uerbum Dei ualere debet, ne dum, quæ ſine peccato non poteſt ſeruari. Nec ualent hiſ in rebus uota, quia non licet uouere, aut ſeruare promiſſa, quæ ſine peccato præſtare non poteſt. Neq; magis pia ſunt hæc talia uota, quàm coniurationes ſeditioſorum. Principes quoq; qui has impias Papæ leges defendunt, peccant grauiffime, & rem ſe, maieſtate & decore ſuo, longe

longe indignissimam faciunt. Eatenus enim, quatenus ministrant istis impostoribus, sunt mendacium spirituum satellites & lictores, qui debuerunt esse publicæ honestatis patroni & defensores. Sed de impii cœlibatus constitutione supra abunde satis.

In hoc genere impiarum traditionum numerari debet & Missa, illa priuata, & ad quæuis applicabilis, quam habent in quæstu, & uenalem papistæ, & fingunt esse oblationem, & Sacrificium pro peccatis uiuorum & mortuorum. Hic damnamus omnes illas constitutiones, de exequijs mortuorum, celebribus apud Papistas, Vigilijs, ut uocant, tum primis, septem, tricesimis, & anniuersarijs quoque, in quibus omnibus sunt abominabiles cultus, propter tot innumerabilem Missarum longe impiissimam prophanationem, per avariciam sacerdotum. Quanquam autem ipsi quoque Papistæ improbent hanc Missarum prophanationem, tamen non patiuntur eam corrigi, uel emendari. Et quia Missale sacrificium contendunt retinendum esse, tanquam pium, oportet hic resistere, & quædam copiosius cū ipsis conferre, ut erubescant, quantum fieri potest, & aliquot saltem ex eis consilio sano iuuentur, ne cum reprobis pereant.

De Prophanata Missa, uel sacramento
corporis & sanguinis Christi.

IN CAP. II. AD TITVM

Oportet itaq; mouere hoc loco camerinam istam de oblatione & sacrificio, quod in sacramento dominicæ coenæ fingunt esse papistæ, qui quid offerant pro peccatis aliorum, ipsi uiderint. Certe enim Christum in suo Sacramento non possunt habere, et si præsentem haberent, idem non posset tamen sacramenti usu sacrificium esse. Non adesse autem Christum, illud probat, quòd eius institutionem uiolant & corrumpunt. Sacramentum scilicet esse fingunt, quod nõ est, & usum eius, qui ordinatus est à Christo, abolent. Quare impossibile est, ipsis adesse Christum, et sua corporali præsentia istorum impietates & blasphemias honorare, uel confirmare. Expectamus hic, qui nos meliora doceat, & rectius erudiat.

Quod igitur uiolent, & corrumpant Papistæ in sua Missa priuata, (quam esse fingunt, oblationem et sacrificium, pro peccatis uiuorum & mortuorum,) institutionem Christi, hoc est, ipsam substantiam institutionis & usum, eius impietatis illos aperte conuincemus. Si ego quamuis lotionem, & quarumcunq; rerum, dicerem esse baptismum illum Christi, quo abluuntur peccata, & cui præsentissimus adest spiritus sanctus, lauans, purificans & emundans interna cordis, & lucem gratiæ suæ infundens, nonne tu reclamares mihi, & merito diceres, me insanire? nihil probare, aut prudenter dicere, & hanc fictio-

nem

nem esse corruptionem, blasphemiam & prophana-
tionem baptismi Iesu Christi?

Sicut hoc tempore Campanas stulti quidam &
uani Episcopi tingunt, & dicunt, ac credi iubent,
esse baptismum. in quo si aliud esse uolunt hanc cam-
panarum baptismationem, quàm inutilem, ridiculam
& pharisaicam lotionem, prorsusq; impiam, & con-
uenire illi cum nostro baptismo, quod habemus à
Christo Iesu, nonne rei sunt horribilis & immanis
blasphemie, uidelicet, prophanati baptismi Chri-
stiani, penitusq; derisi eius? Imo Christi Iesu, cuius
institutioni tam audacter affingunt, quicquid ipsis
libet? Imo totius diuinæ maiestatis derisæ atque
contemptæ, quod diuina tam sine omni timore uiolant,
& contemnunt? Vtor similitudine, nihil istis
tribuo, quod ipsi non agnoscunt in se & fictionibus
suis esse.

Sic igitur est in Missa papistica. Quod enim ad
sacramentum dominicæ cœnæ attinet, in illa pa-
pistarum priuata Missa, ut uocatur, substantia insti-
tutionis Christi corrumpitur, & usus, quem tradi-
dit Christus, Euangelistæ & Apostoli, aboletur.
Non est qui alij ministret, in consolationem & con-
firmationem fidei, nec qui suscipiat à ministrante
sacramentum. Sed sacrificulus quispiam sacerdos

IN CAP. II. AD TITVM,

sacramentum quod sumit, dicitur offerre, pro peccatis uiuorum & mortuorum, & circumstātes opinantur se hoc modo & mortuos adiuuari. Quod est substantiam institutionis Christi uiolare, sicut infra copiose satis probabimus.

Corrumpitur autem & finis, atque usus. Quia non datur in consolationem ijs, quos lex, aut peccatum terruit, sed fingitur esse oblatio de nouo satis faciens pro aliorum peccatis. Et quod miserandum & horribile est dictu atque auditu, hoc quicquid meum est beneficio cœlestis gratiæ, & simul cum Euangelio totum mihi debetur, & gratuita largitione conferri à ministrante debet, quoties postulo, hoc uenditur mihi à sacrificante, ut non solum pecuniæ iacturam faciam, uerum etiam salutis animæ meæ. Nam emens nihil utilitatis accipio, sed simul reus efficior cum prophanatoribus Sacramenti. Itaque Sacrificulus quispiam, totum uorat, quicquid est cœnæ, & fingit, quòd hoc suo opere operato seruiat mihi. Quid potuit magis iudaicum dici, fingi, aut cogitari?

Respondeant ad hæc papistæ, & defendant suum errorem & impietatem, quæ est in Missali sacrificio, & reuincant nos de errore. Hoc ego ad irritandum & excitandos Papistas dico, ut intueantur

antur suos errores, & si fortassis quidam inter eos sunt emendabiles, resipiscant & conuertantur ad Deum. Cæteri uero implacabiliores reddantur, & iram Dei aduersus se prouocent, quem contemnunt. Prorsus enim securus sum, sciens, doctrinam, quam tuemur, contra opinionem sacrificij in Missa, à ne mine posse refelli aut labefactari. In hoc autem præcipuo, & omnium maximo errore, deprehensi Papista, quid possent solidi, firmi, aut certi, de Christiana iusticia, fide & pietate pronunciare? Imò quid uellent infœlicissimi homines, qui nihil quàm auariciæ student: & præcipua religionis in questu habent?

Igitur Missa ex Sacramentorum numero est, quæ sunt adpendices Euangelij, & à DEO pro erigendis, consolandis, & confirmandis conscientijs, eorum quos lex, quos peccatum terruit, instituta. Nihil enim aliud sunt sacramenta, nisi externæ notæ, & ueluti signacula promissionum gratiæ, addita uilelicet fidei uerbo, tanquam monitoria quædam. Non ad hoc solum, ut reuocent nobis in memoriam gratiæ promissionem, uerum etiam, ut nos confirmant, de uoluntate erga nos DEI, propicia illa, qua gratis ignoscit peccatis nostris, sine ullis operum nostrorum meritis, tantum propter Christum. Vnde in sacramenti usu debemus

IN CAP. II. AD TITVM,

fidem adferre, qua domum hoc seu beneficium gratiæ amplectimur, & longe abesse ab ea impia opinione, quæ statuit se offerre aliquid Deo, tanquam sacrificium, pro suis, aut aliorum peccatis. Nam Deus ipse per sacramentum pauidas conscientias consolatur atque confirmat, ut sciant, nimirum verbo gratiæ edocti, & signo confirmati, gratis sibi peccata remitti, propter Christum, si credant. Ne in terroribus peccati, quos excitat memoria grauium delictorum, desperent, sed confidant, sibi peccata remissa esse coram Deo:

Vt igitur certum est, non mentiri Deum in promissis, ita certum est ac firmum, non falli neque decipi, eos qui fidem ad promissionem, & ad usum signi promissionis gratiæ, adferunt. Ideoque illa omnia accipiunt, de quibus Deus in promissione loquitur, & requirit, ut sibi promittenti confidant ac credant se peccati remissionem accipere. Falluntur autem, omnique spe salutis frustrantur, qui sine fide ueniunt ad sacramentum, & ex opere operato illius usum, sibi prodesse, pharisaice opinantur. Multoque turpius errant, qui per sacramenti susceptionem contendunt se DEO aliquid offerre. In sacramento enim sunt hæc duo, uerbum gratiæ, & uerbi gratiæ signum ac pignus. Verum gratiæ, est ipsa promissio remissionis peccati, & complectitur

plectitur totam reconciliationem cum promissione
 æternæ uitæ. Signum gratiæ, est promissionis nota ac
 testimonium, ipsum uidelicet sacramentum, signifi-
 cans meum esse, quicquid in sacramento proponitur
 & offertur, quo toto ego per fidem promissionis &
 participatione signi utor. Sine uerbo ne intelligi qui-
 dem posset signi usus, ac ne quidem sacramentū esse.
 Cum autem uerbum accedit ad signum, siue potius,
 cum signum adiungi-ur uerbo, fit sacramentum. Et
 sacramenti usus confirmat eum, qui in gratiæ promif-
 sionem credit, qui de oblatione & sacrificio nihil po-
 test cogitare, quasi aliquid deo offerat usu sacramen-
 ti, quanquam recordetur Christum semel oblatum es-
 se in cruce, ad exhauriendum omnium delicta, & ad
 abolendum æternam mortem.

Ita sunt ergo Euangelij beneficia eorum, qui sa-
 cramento tanquam reconciliationis nota, testimonio
 ac signo utuntur. Nec desinit aliquando hoc gratiæ si-
 gnum testari, de beneuolentia erga nos Dei, & re-
 ceptione nostri in gratiam per Christum, modo in gra-
 tiæ fide permaneamus. A deo sacramentorū usus per-
 tinet ad fidei gratiæ erga nos Dei exercitationem et
 confirmationem, qua gratis nobis ignosci sciamus,
 & remitti peccata nostra propter Christum. Et nihil
 plane habet cum oblationibus & sacrificio, nihil o-
 mnium rerum quas nos Deo offeramus, et quibustan-

quam satisfactorio opere illum nobis placabile faciamus, uidelicet iam antea placatum per Christum. In cuius testimonium & pignus datur nobis sacramentum hoc corporis & sanguinis Christi, quo scilicet fidem nostram de hac tanta gratia confirmemus, nihil plane usu sacramenti Deo offerentes, sed uicissim red dentes fidei confessionem ac laudem & gratiarum actionem. Quod sæpe quidem & crasse dico, sed propter aduersarios, qui in re apertissima, clarissima & lucidissima nihil neq; uident neq; intelligunt, aut certe, quæ est malicia eorum & impietas, uidere & intelligere nolunt, uel dissimulant. Non pigeat itaq; rem eandem iterum atq; iterum inculcare Deo in gloriam, electis in fidei confirmationem, aduersarijs autem in confusionem & ruborem, nisi sunt tam deploratæ impietatis & perfrictæ frontis et meretricæ, ut erubescere nesciant.

Non igitur debent remoueri sacramenta ab hac prædicati Euangelij seu remissionis peccati fide, de qua loquor. Sunt enim sacrilegi et blasphemii, qui remouent, ut qui non considerato uerbo gratiæ, promissione salutis aut dissimulato, & quasi remoto uerbo illo à signo, fingunt in sacramento esse opus quoddam nostrum, quod Deo offeramus, & illius operis merito tum nobis tum alijs gratiam remissionis peccati & salutis æternæ impetremus & mereamur.

Est enim opus Dei sacramentum, per quod ipse nobis cum agit, muniens conscientias nostras & confirmās de donata nobis peccati remissione & æterna uita per Christum. Non est opus expiatorium nostrum, quo ipsi Deum nobis reconciliemus, sed gratiæ signum, testimonium ac pignus, per quod agnoscamus Deum esse reconciliatum & placatum nobis per Christum, remittere nobis omnia peccata nostra, & donare æternam uitam propter Christum, quatenus credimus in eum. Hæc igitur oportet usque ad tædium inculcare, ut dixi, non tamen infructuosa, tum quia glorificant Deum, tum etiam quia sunt grata & accepta, ut quibus nunquam satis hæc dici possunt. Quibus præterea non potest esse molestum, copiose cognoscere et discere, quæ sunt gloriæ Christi & salutis ipsorum, quanquam aduersarij Euangelij hæc audire plus quàm molestū est, istos impios prophanatores sacramentorum dico, qui missam fingunt esse sacrificium & opus quoddam nostrum, quod ipsi offeramus Deo, & non recipiamus potius. Quibus precamur, ut melius sapiant, & sanius iudicent, aut certe, ut plus irritetur, si Deum nostrum irrident atque contemnunt.

Proinde, sicut de Euangelio non possumus gloriari tanquam de nostro uerbo, scilicet quo nos Deū consolemur, et promittamus ei quidam nostra bona, (Euāgelij. n. est Dei uerbū, Dei promissio, cœlitus ad nos

IN CAP. II. AD TITVM,

demissa, qua ipse quidem nos consolatur, ac sua bona nobis promittit, & liberalissime donat, uidelicet peccati remissionem, & eternam uitam,) ita nec de sacramento, accommodato ad usum, gloriari possumus, tanquam de aliquo nostro opere seu donario, quod Deo offeramus. Nam usu sacramenti, qui debet esse simplicissime unus & idem omnium, & communissimus in tota Ecclesia, recipimus à Deo per ipsius benignissimam liberalitatem & profusissimam largitatem dona illa remissi peccati & uitæ æternæ, quæ contingunt omnibus, propter Christum, qui credunt in eum. Quid accidit igitur papistis, q̄ ex sacramēto corporis & sanguinis Christi faciunt suam oblationem, et suum quoddam sacrificium? Aut dicant, quomodo sacerdotum Eucharistia est sacrificium, si laicorum Eucharistia non est sacrificiū? Tam sunt stupida & peruersa omnia in missali sacrificio papistarum. An uero habent sacrificuli sacerdotes apud papistas aliam Eucharistiam, alium Christum & aliū Deum, quàm laici? Fortassis offerunt, q̄ nō est sacramentū in Ecclesia Christi, de quo uiderint ipsi. Certe Christū et Deum p̄ suas oblatiōes illas missales nō honorāt neq; colūt, sed blasphemāt. Laici aut, q̄ p̄ fidē promissionū gratiæ ueniunt ad sacramentū corporis et sanguinis Christi, uero sacramēto utūtur, & qcunq; non faciūt sacrificiū ex eo, etiamsi p̄ incredulitatē accederent.

Quid

Quid separat ergo Eucharistiam sacerdotum ab illa laicorum, q̄ oporteat aliam & diuersam credere in una & eadem Ecclesia Dei & Iesu Christi, uno & eodem tempore semel pro omnibus institutam? Nam q̄ laicis abstulistis papistæ speciem calicis, impietas & sacrilegium est, tyrannis uestra & noua alia uiolatio ac prophanatio institutionis Christi. Et tamen ne sic quidem habetis, quod uel in speciem faueat uestris fictionibus & mendacijs de sacrificio. Sed reuertor ad prius argumētum. Ergo sicut Euangelij promissio uenit nobis à deo, et ut nulli prodesse potest, quàm credenti in eam, ita ipsum quoq; sacramentum corporis & sanguinis Christi uerbo Euangelij adiectum in confirmationis notam donatur nobis à Deo, nec utile esse potest, præterquàm suscipiēti hoc sacramentum per promissæ gratiæ fidem. Peccant igitur sacrifici papistæ. non una ratione, nec leuiter in re, quæ dissimulari scilicet posset. Primo. n. quòd sacrificiū esse fingunt, in quo Deo offerant, rem quæ nobis à Deo offertur & donatur. Deinde, quòd manducatione Eucharistiæ sua illa priuata in missa dicunt se alijs mereri & placare Deum, uiuis & mortuis, cum sicut uerbum Euangelij nulli prodesse potest, nisi creditum, ita nec sacramētum, nisi per fidem à credēte susceptū. Ad mortuos aut̃ prorsus nō pertinet sacramenti usus, sed ad Ecclesiā quæ hic in terris

IN CAP. II. AD TITVM,

agitur, & promissiones Euangelij credēs audit ac discit.
 Cum ergo signum gratiae uerbo Euangelij coniunctum efficiat sacramentum, non debent separari haec duo, ubi agitur de sacramento, nam qui distrabunt, corrumpunt sacramentum, & nullum eius usum Ecclesiae relinquunt, ita ut papistae faciunt. Quod conuincit, quia seorsim loquuntur de sacramēto, tanquam de opere aliquo nostro & legis facto, remota gratiae promissione, qua planum est quod Deus nobis confert ac donat Christum ipsum & omnia Christi in sacramento. Et papistae quidem pronunciant de sacramento, quicquid ipsis libet, sine omni uerbo dei, ex meris somnijs capitum suorum. At uero per promissionem Euangelij inspicere sacramentum, & pronunciare debemus de illius recto & germano usu, qui facile corrumpitur, ubi non attendunt homines, quod nam uerbum additum sit sacramento. Quapropter & supra dixi, quod sine promissionis gratiae uerbo ne intelligi quidem possit sacramenti usus, imo ne esse quidem sacramentum. Signum autem promissionis uerbo additum ut efficit sacramentum, id est, diuinae in nos gratiae externum & sensibile testimoniū ac pignus, ita consolatur efficaciter, quotquot promissioni gratiae credunt. Atque adeo excitat fidem, ac munit eam, ut firmitus & potentius credamus. Ita ergo per sacramentum de rebus credendis agitur, & res fidei pertractatur, quas papistae transformant in opera

in opera & trāsformationes legales, nā à fidei rebus uiolēter torquent sacramentū in opus quoddā nostræ satisfactiōis. Quid iniquius in Ecclesiam cōmittere possent? ut quā fraudāt hoc modo promissione ac fide salutis, & reuocant credentes à fiducia gratiæ, in fiduciam operum & satisfactiōum suarum.

In summa, uerbū Euāgelij, cui adponitur signum, continet annunciationē remissionis peccati & uitæ æternæ p̄ filium dei Christū, in cuius fiduciā cū reuocet nos sacramentum, ut testimonium & pignus gratiæ, certe seruit in eū usum, ut cōfirmet conscientias nostras de adplicatis ad nos tantis gratiæ beneficijs et cōmunicatis nobis per Christū Iesum. Igitur missa nō est qđ audit, sed à pharisaicis spiritibus fingitur esse opus satisfactoriū nostrū. Nec prodest ex opere operato, sed ei q̄ ipse uenit ad sacramēti usum, et per fidē promissionū gratiæ māducat & bibit q̄ in signū gratiæ sunt instituta à Christo. Nec q̄a manducas & bibis beatus es, multi. n. in iudiciū māducāt et bibūt, sed q̄a per fidē ades in hac cœna, qua in memoriā beneficiorū à Christo Iesu nobis præstitorū, et in perpetuū testimoniū collatæ in nos gratiæ Dei, editur corpus et bibitur sanguis domini, q̄ te prouocent, ut gratias agas deo, & glorifices illū p̄ redēptorē Christū. nō glorieris pharisaice de tuo satisfactorio opere, aut qđ ipse præstiteris, aut qđ redemeris pecunia à sacri-

IN CAP. II. AD TITVM

cāte. Pie autē & Christiane ages gratias, si laudes mē-
sericordiā Dei, & per hanc gratuitum donum remis-
sionis peccati & uitæ æternæ. Atq; adeo, si Christū
agnoscas tui iustificatorem, et æternum seruatorem.

De pharisaicis commentis in prophæ-
nata missa papistarum.

Proinde cum his, quæ dixi de prophanatione sa-
cramenti dominicæ cœnæ in missa, conferri debent ea
omnia, quæ papistæ, homines prophani & ignoran-
tes Euangelij, docent de oblatione & sacrificio cor-
poris & sanguinis Christi in missa, quam adplicent
quocunq; uolunt. Dicunt enim missam sic esse sacrifi-
cium, ut fructum eius, nec ministri personalis malicia
possit impedire, cum scilicet ex opere operato uim ha-
beat, & in persona Ecclesiæ oblatio fiat. Qua causa
sit maximi meriti, nempe quo sibi & alijs sacrificuli
sacerdotes mereantur remissionem uenialium & mor-
taliū peccatorum, in summa, abolitionem culpæ et
pœnæ. Itaque hortari, suadere & precari ferè nun-
quam desistunt sacerdotes & Monachi, ut tales mis-
sæ in infinitū multiplicentur, fundatis præbendis pin-
guibus, & locatis stipendijs, quibus inutiles, pigri,
stertentes & ociosi uentres alantur: Quod etiam
impetrauerunt, ut uidere est in tanto numero sacerdo-
tum et monachorum, quorum nullus usus est in Eccle-
sia, nisi q̃ sacramētum corporis & sanguinis Christi
quotidie

quotidie infinitis & abominandis modis polluant & profanant, et sunt in altissimo ocio, nihil laborātes, sed curiose agentes, ut Paulus inquit 2. Thess. 3. cum scilicet in opibus Ecclesiæ libidinētur, nec cessent aliquando in auaricia fictis uerbis negociari de nobis. Quando enim non iubent, ut missas ab ipsis aliqua pecunia redimamus? Ita ergo salutē, quæ est nostra per Christum Iesum, uendunt nobis, imò spoliant nos æterna salute, quia nihil conferunt nobis, sed decipiunt fictis uerbis. Et ipsa quoq; pecunia nos spoliāt, cuius esset leuis & contemptibilis iactura, nisi simul & er rare facerent nos à fide, iusticia & æterna uita.

Hoc igitur modo impijs & auarjs seruit ipsum sacramentum corporis & sanguinis Christi in Ecclesijs papistarum, ut plus damni inde capiant homines ignari, quàm aut dici aut cogitari possit. Dicitur. n. ualere missa ex opere operato ad impetrationem remissionis poenæ & culpæ, tam uiuorum quàm mortuorum. Hoc cum audiunt imperiti & ignorantes Euangelicæ ueritatis, omnes accurrunt et adferunt pecuniam ac redimunt sibi & mortuis suis missas, imò totas hæreditates donant sacrificiis. Quis enim audiens laudari tale ac tantum precium, non ueniret omni substantia sua sibi illud redempturus? Sed rursus cum audit ac discit per Euangelium, hæc omnia gratis sibi conferri per Christū, ne teruncium qdem

IN CAP. II. AD TITVM

unum istis impostoribus pro omnibus missis ipsorum donaret, quin etiā omnia sua amitteret potius, quā partem habere uellet, quæ ipsis prophanatoribus coram Deo debetur. Quod etsi nunc non credant multi papistæ, & his monitis nostris nihil terrentur, tamen olim experientur, nos nimium uera dixisse, & dolebunt se nobis non credidisse.

Attēde igitur Christiane lector, pharisaicum comētum, operis scilicet operati in missa. Quid tu quæso operaris, accipiens sacramentum corporis & sanguinis Christi? Non ne tibi donatur aliquid, pro quo tu gratias deo debes? Et unde hæc arrogantia tibi, q̄ acceptam beneficentiam fingis donationem tui esse? Nam ipse dominus ita nobis loquitur: Accipite, comedite, hoc est corpus meū &c. Dic ergo mendax spūs, qd tu tribuis Deo usu sacramēti? Et rursum, Num per gloriā operis operati nostri iustificamur corā Deo? An nō potius ex fide gratiæ eius nā iusticia, qua saluamur Christiani, tota passiua est, tota alieni meriti, tota extra nos. Itaq; papistæ, nihil quā pharisaicas opiniōes prædicāt de fiducia operis operati, contra fiduciam q̄ debet esse in nobis in Christū iesum. Qui factus est nobis sapientia à Deo, & iusticia, & sanctificatio & redemptio, ut qui gloriatur, in Domino gloriatur. 1. Corinth. 1. Liquet ex his, q̄ gloriam Christi abolent papistæ in suis abominandis missis,

Et q̄ Ecclesias fallunt, Et quotquot erroribus ipsorum credant, eos ipsos foelicitate aeternae uitae priuēt.

Quid quòd fructus missae, id est, sacramenti dominicae coenae aliorum ministrantium usu Et perceptio ne, non potest ad alios adplicari? Certe non magis quàm gratiae Euangelij promissiones. Quae nullis uiles esse possunt, nisi credentibus in eas. Fiduciam enim promissae gratiae requirunt à nobis. Vnde sicut cuiq; opus est sua fide ad impetrationem iusticiae Et salutis, sicut scriptura dicit. Iustus fide sua uiuet, ita q̄ libet opus habet, qui fructu sacramenti participare uolet. Primum, propria sumptione Et usu sacramenti. Deinde, ut fidem adferat ad sacramenti usum. Sed tamen papistae docent ac iubent suos pharisaicos, impios, blasphemos Et execrabiles errores retinere. Nec attendunt quid requirant à nobis. Nam ipsimet nesciunt suas abominationes quas spargunt, Et defendunt ab alijs sparsas. Nulla enim consideratione rerum missae sunt solliciti, sed hanc impietatem erroris, q̄ facit oblationē et sacrificiū ex sacramēto dominicae coenae, eò solū retinēt et urgēt, q̄ eius persuasio nē à superioris seculi opinionibus impijs acceperūt.

Cæterū festiuum et callidū cōmentum est, missam adplicatile papistarū mortuis quoq; prodesse. Quamquam. n. hoc mēdaciū nihil profuit mortuis, tamē auaros mirū in modū inuit, Et auxit supra modū nondi nationes missarum in Ecclesia. Sed non est instituta

IN CAP. II. AD TITVM

hæc cœna pro mortuis, uiuis seruit, illis quos lex & peccatum terruit, qui postquam Euangelium gratiæ didicerunt, illius fiducia ueniunt ad cœnam, ac petunt à gratiæ signo suæ fidei confirmationem. Sed harum rerum nihil penitus intelligunt papistæ, opinionibus scilicet pharisaici erroris de operis operati merito impediti. Ergo qui hic nobiscum audiunt & discunt Euangelium, & promissionibus Euangelij credunt, tum inuitati fiducia gratiæ ueniunt ad sacramenti usum, illis prodest sacramenti perceptio ad peccati remissionem & æternam uitam. Alijs impossibile est prodesse, seu uiuis seu mortuis.

Proinde rursus liquet, qd omni ex parte est cæcus & impius error in missa illa priuata, quæ dicitur sacrificium esse. Sacrificium quidē fuit, & oblatio ipse Christus, cū immolaretur pro peccatis nostris in cruce. Sacramentū uero cœnæ, quod pridie q̄ patiebatur instituit, quo se nobis donat, hoc est, corpus & sanguinē suū, in signū & pignus nostræ æternæ redemptionis p̄ ipsum, nō idcirco sacrificiū est. Quāq̄ est memoria oblationis et sacrificij istius propiciatorii, quo semel exhausta sunt oīm nostrū peccata, et mors æterna extincta est. Sacrificiū aut placās Deū, aut satisfaciens de nouo pro peccato & poenis eius, non potest esse, et quid obstat, dictum est antea abunde satis. Reuocat aut nobis in memoriā illa oīa beneficia,
quæ

que præstitit nobis per mortem suam Christus, & se
dem illorum exercet, & signo perfectissime munit.

Restat quod de personali malicia sacerdotum ob
ijcitur, quam caute excusant sacrificatores missarū,
scilicet ne illa missæ uirtuti obstare uideatur, quo mi-
nus eius utilitas et fructus ad alios perueniat, etiam
per hominem impium & malum adplicata. Ita sunt
enim erroribus & impietate referta omnia apud eos
qui sacrificium & opus nostrum in missi dicunt esse.
Sed quomodo potest ille mihi placare Deum suo ope
re operato, qui est impius, incredulus, obrutus scele-
ribus, & totus in mortalibus delictis? ut ferè sunt hoc
tempore sacrifici sacerdotes, cum magno scandalo to-
tius Ecclesiæ, scilicet in manifestis mortalibus deli-
ctis agunt. Scortatores, quia domi alunt meretrices:
Temulentu, aleatores, auari & turpis lucri gratiani
hil non agentes, usque adeo, ut omnia sacra uenalia
habeant, & ipsas quoque preces suas. Deniq;
sacrarum litterarum & doctrinæ fidei plusquam ig-
nari, ut etiam necesse est non posse intelligere, ne u-
num iota quidem doctrinæ fidei, apud quos hæret
opinio meriti operis operati. In tantis ergo uicijs &
defectibus laborantes, suis operibus operatis placā-
bunt nobis Deum? Deinde solus Christus est, qui per
oblationem sui in mortem potuit nobis Deū placare.
Opinio aut meriti opis operati Iudaica est & impia.

IN CAP. II. AD TITVM,

Nos enim aliter non reconciliamur Deo, nisi per fiduciã oblationis Christi pro peccatis nostris in mortẽ. Quare nihil facit ad propositum seu excusationẽ impiorũ sacrificiũ, quod in persona Ecclesiæ dicitur fieri missæ oblatio. Nos enim contendimus de re p se impia, scilicet de opinione meriti opis operati in missa, & negamus sacramentum cœnæ huiusmodi oblationem esse, q̃ à sacrificio pro aliorum peccatis est, ferri possit, deũ placare, mereri peccati remissionẽ &c.

Quapropter & insigni iniuria, insignibus blasphemijs onerant Ecclesiam isti hypocritæ, qui oblationem missæ dicunt in persona Ecclesiæ fieri. Quæ est enim illa Ecclesia, quæ hoc uult, & tales oblationes suo nomine offerri iubet? Sic impias uidelicet & pharisaicas, quales ostendimus in missa esse? Nos cõtendimus hypocritarũ conciliabulũ esse, & meretricẽ Diaboli. Et illas maculas oportet papistas abstergere, eos dico, qui iubent credi in missa esse sacrificiũ satisfactoriũ pro aliorũ peccatis. Abstergere aut prius quàm persuadeant nobis suas istas oblationes in persona Ecclesiæ fieri. An potest Ecclesia Dei uelle aliqd aut iubere, quod cum illius uerbo, et cum institutione Christi pugnat, nisi errās faciat, et admonita de errore, errorẽ & impietatẽ corrigat? Igitur quæ sentit contra Euangelium & Christum Iesum, neq; esse Ecclesia potest quidem, nedum aliorũ impietates possit excusare.

excusare, quàm diu sciens ac prudens defendit ac retinet impias opiniones, & alios in impietatibus suis excusat. Nec sunt ministri Ecclesiæ, qui hoc faciunt, sed impostores & seductores, quos Diabolus excitat ut fallant et perdant Ecclesias. Quales multi hoc tempore, quanquam reuicti de impietate per tam claram Euāgelij lucē & ueritatem, ut manifesta est miseratione nostrum Deo, tamen iubent, ut missam pro sacrificio habeamus.

Hoc uerum est quidem, tam uerbum Euangelij, quàm sacramenta, posse per malos ministros tractari & administrari in Ecclesia, nulla incōmoditate eorum, qui audiunt uerbum, & sacramenta accipiunt. Aliena enim illa quæ sunt Dei, non possunt noxia efficere mihi, siue quo minus sint efficacia, suscepta per fidem, impij ministri, quēmadmodum nec salutifera efficere boni & pij ministri per suam pietatem. Dignitati enim & efficaciæ uerbi Dei & sacramentorum nihil decedit per nostram impietatem, quēadmodum nec accedit quid, quo illorum dignitas & bonitas augetur per nostram pietatem. Quare semper prosunt his, à quibus per fidem suscipiuntur, siue boni fuerint siue mali illorum ministri. Neq; rursus possunt prodesse, aut non esse noxia, sine fide percepta, ut etiam illorum ministri nō essent, nisi ipsimet prophætæ & apostoli, atq; adeo psonaliter ipsemet Christus Iesus.

IN CAP. II. AD TITVM

Sed suo opere satisfactorio nemo potest mihi Deum placare, nedum homo impius & hypocrita. Sacri-
fici autem fingunt se aliquid offerre Deo in missa, &
suo opere operato placare nobis Deum, non recipere
aliquid à Deo. Quod totum quanquam impuden-
ter ab impijs & auaris fingitur, tamē excusatur, qua-
si per uoluntatem Ecclesiæ Christi fiat, in qua ipsius
quoq; impij ministri oblatio sit accepta, cum illa occu-
patio de indignitate ministrorum nunc plane nihil fa-
ciat ad propositum. Prius certos esse oportuit sacri-
cij missalis, quòd esset ex deo, qui dicunt ipsius quoq;
impij ministri oblationem acceptam esse Deo, & effi-
cacem ad impetrationem doni remissionis peccati, ui-
uorum & mortuorum, eorum scilicet, pro quibus
missæ celebrantur. Fac igitur sacrificos istos missa-
lium oblationum omnes pios esse et bonos, tamen ob-
lationes illorum nulli prodesse possunt. Non magis,
quàm si interficies uirum, aut iugules canem, ut pro-
phetæ uerbis utar. Sunt enim impiæ, nec quàm ex
Diaboli imposturis natæ. Ad istas igitur obiectio-
nes respondeant nobis papistæ, & excusent sua au-
dacia facta & blasphemias impietates, aut corrigant
eas. Nec trahant alios in societatem erroris & im-
pietatis.

Verum est ergo, q̄ dignitas & efficacia uerbi Dei
nō pēdet à p̄sonali dignitate seu pietate ministrorū,
sed

Sed quid hoc iuuat papistas, ad excusandum eorum impietates, quæ sunt in sacrificio missali? Hoc ergo libenter confitemur, & cum gratiarum actione agnoscimus, uerbum Dei æqualiter utile, potens & efficax esse: Item sacramenta æqualiter utilia, potentia, seu efficacia, siue à bonis, siue à malis ministrantur. Nam uerbum Dei semper manet idem uerbum à quocunq; homine ministratur. Idcirco etiam æqualiter potens est operari salutem, in eo qui credit. Rom. 1. Virtus enim Dei est, ad salutē, omni qui credit, Ita ergo & de Sacramentorum usu & perceptione loquimur & sentimus, esse uidelicet, semper utilia & efficacia, ad impetrationem doni remissionis peccati & uitæ æternæ, in illis à quibus per fidē suscipiuntur. Et illos nihil impedire ministrantium impietatem, uel indignitatem, ut nec iuuantur eorum pietate seu dignitate. Sed quatenus in Christum Iesum credunt, recipiunt, quæ in promissione gratiæ, & testimonio eius sacramento, offeruntur. Sacramenta uero per sacrificos ad alios adplicata, seu uiuos, seu mortuos, cum ipsi per se non utantur sacramētis, prodesse ad peccati remissionē, pernegamus.

Aliud est & longe diuersum, cum dicitur, quòd homo impius, suo pharisaico opere operato, possit mihi Deum placare, & cum dicitur, quòd ministrantium impietas, nihil impediat, quo minus credenti

IN CAP. II. AD TITVM,

sint utilia, uerbum Dei et sacramenta. Non subscribi-
mus Donatistis, tam ueteribus, quàm nouis, qui ne-
gant, ministrationē sacramentorum & uerbi Dei,
posse ullis prodesse, si per malos ministros tractetur
in Ecclesia. Sed administratio, uerbi Dei & sacramē-
torum, nihil habet in quo cōueniat illis cū Missa, quæ
dicitur ex opere operato prodesse & ualere, sacrifi-
cium esse, & mereri alijs ut opus satisfactoriū pecca-
ti remissionem. Hoc enim contra totā Euangelij do-
ctrinam fingitur, & nullo apiculo uerbi Dei proba-
tur. Res ipsa clamat, promissionem & donū dei esse,
non opus satisfactorium, aut expiatorium nostrum,
in sacramento corporis & sanguinis Christi. Igitur
Missam suam Papistæ, nunquam probabunt ex Deo
esse, multo minus sacrificium, quo pro aliorum pecco-
tis satisfiat. Et quoniā Missas uenales habent, & pro
nemine gratis sacrificant, quanquam dictum sit, gra-
tis accepistis, gratis date, palamest, Missam dolosum
auarissimorū et rapacissimorū hoīm commentū esse.

In summa, quicquid ualent, aut possunt sacramen-
ta, hoc totum habent ex uirtute institutionis Christi.
Qui non uult, neq; iubet, ut se denuo, & millies, ac in-
finitis modis, sacrificemus Deo, & oblationem facia-
mus, sed ut usu sacramenti, omnes Christiani, equali-
ter consolationē fidei capiamus, & confirmemus ani-
mos nostros, de remissionē peccati, percepta à nobis,

per

per oblationem illā Christi, quæ semel in cruce facta est. Quia per sacramenti usum, ut in signo & testimonio, illa remissio, seu meritum passionis Christi, ad nos transfertur. Vt autem, cum Euangelium discimus ab hominibus, eius ministris, illud non tam ab hominibus discimus, quā à Christo Iesu & Deo patre nostro, iuxta illud, qui uos audit me audit, &c. Ita cum sacramenta nobis porrigunt Ecclesiæ ministri, non tam ministri nobiscum agūt, quā ipse met Christus Iesus, Dominus & redemptor noster. Vt cuius est, & à quo sunt, uerbum, sacramenta, & omnia quæ Ecclesia habet.

Quare nihil opus fuit excusare impietatem ministrorum, prætextu Ecclesiæ, ubi agitur de uirtute sacramentorum, et fructibus, quos ex illis percipimus credentes: qui uenimus ad usum sacramentorum. Sed hoc probandum fuit, Sacramentū corporis et sanguinis Christi, esse placatoriū sacrificiū: quod ministri, in sua Missa priuata possint ad alios adplicare, hoc est, fructū, seu utilitatem sacramenti. Itē, recte facere, q̄ pro alienis delictis, seu uiuorū, seu mortuorū offerant hoc sacramentū: & impetrēt illis peccati remissionē. Et si impetrēt mortuis, cur nō quiescāt tandem à Missis: q̄ innumeras pro uno mortuo celebrāt. Quid sibi uelit, quod scriptura dicit, qui credit in filiū Dei, habet uitā eternā, qui autem incredulus est filio,

IN CAP. II. AD TITVM,

filio, non uidebit uitam, sed ira Dei manet super eū. Si ergo credens in Christum Iesum mortatur, an ille opus habeat Missalibus sacrificijs uestris, aut si incredulus discedat, an iuuare talem possitis? Et si Missas uestras, o papiste, non poteritis probare mortuis prodesse, quomodo probabitis uiuentibus prodesse? Vt qui ipsi ad sacramenti usum uocantur, quemadmodum ad Euangelij fidem. Quibus sacramentum, non propria sumptione acceptum, tam nō potest prodesse, per alienam, quā aliena baptizatio nulli prodest, & quilibet per se opus habet in nomine Christi Iesu baptizari. Atq; adeo, ut uerbum Dei, non potest prodesse, nunquam auditum, cognitum, aut creditū, ita nec sacramentum, nisi ei, à quo per propriam fidem suscipitur.

Statuamus itaq; , tam uerbum Euangelij, quā sacramenta, propter solum Deum & Christū Iesum ualere, nec utilia esse, nisi his, qui credunt Euangelio & sacramentis per fidem utuntur. Quis enim est Dominus & Deus Euangelij & sacramentorum? Quis precium pro peccato & morte, qui uidelicet unus potuit nobis Euangelium quod habemus & sacramēta mereri & donare? Quid enim accepimus ab hominibus, Ecclesiae ministris? An non omnia salutis, à Christo Iesu habemus, qui est caput & dominus Ecclesiae? Qui item exigit ab omnibus nobis fidem
 promissionum

promissionum Euangelij, & usum sacramentorum, & credentibus pollicetur æternam saluationem, incredulis autem comminatur æternam condemnationem, quanquam sacramentis utantur. Sed papistæ, quid docent nisi incredulitatem, per suas Missas? ludent enim, ut in opus operatum alienæ sumptionis confidamus, quæ mihi nihil quicquā potest prodesse. Vt maxime per pharisaicam doctrinam, operis operati meritorij non abstraherent me, à fiducia Iesu Christi.

Vt ergo dixi, intempestiuius hæc commenta proferuntur, de merito & dignitate operis operati in Missa, etiam sacerdotis, personaliter mali. Quia nondum probatum est, Missam esse ex his, quæ sunt ordinata à Deo, quin etiam nos probamus esse uiolationem institutionis Christi, & prophanationem sacramenti corporis & sanguinis eius. Non igitur disputamus, utrum uerbum Dei & sacramenta possint in Ecclesia ab impijs administrari, sed hoc agimus, num hominibus liceat instituta Christi mutare, et quiduis eis affingere, quæ oporteat rata esse coram Deo, & credi ab ecclesia? Et Papistas nominatim accusamus, uiolata et corrupta substantiæ institutionis Christi in sacramento. Qui de hac blasphemia accusati, necessario respondebunt nobis, aut mutabunt suum impium errorem. Debitores uidelicet, ut rationem om-

IN CAP. II. AD TITVM,

nibus coram Ecclesia huius sui facti reddant : iuxta
 Petri uerbum, ¹ Pet. 3. Parati semper ad respondendum, omni poscenti uos rationem, de spe qua in uobis
 est, cum mansuetudine & timore.

De usu alterius
 speciei
 in usu sacra-
 menti susce-
 pti à laicis.

Habes rationes, cur affirmē, Missam papisticam
 inter eas traditiones hominū numerandam esse, quæ
 sanæ doctrinæ aduersantur, & sine peccato non pos-
 sunt seruari. Quapropter fugiendam esse, atq; uitan-
 dam. Sic uero impia est & execrabilis constitutio,
 traditio de usu alterius speciei, in sacramēto pro Lai-
 cis. Quia est noua alia uiolatio institutionis Christi:
 quā mutare pro libidine, quis tradidit potestatem pa-
 pistis? Quapropter qui huius uiolationis rei sunt,
 peccauerunt mortaliter, & peccant usq; hodie dam-
 nabiliter, qui iubent retinēdam esse. Nec possunt sal-
 ui fieri, si hinc discedant sine pœnitentia, & non cor-
 rigant prius suum impium errorē & impia instituta
 fugiant. Quanquā Laici, altera specie sacramenti si-
 ne peccato uti possint, si tamen confiteantur, uim sibi
 fieri, & instituta Christi scelerate mutari. Nam ty-
 rannidem ferre coguntur, sed probare non debent.
 Sunt ergo excusabiles, si mallent utraq; specie uti,
 & Christi institutionem, inuiolabiter seruari.

Nec uideo, quid aduersarios excusare possit: nem-
 pe, uiolatores institutionis Christi. Nisi fortassis una
 ignorantia illa, qua non dedita opera mali fuerunt:

scu

seurebelles institutioni Iesu Christi. Sed quicquid peccauerunt, nescientes & inuoluntarie peccauerunt, parati, castigare errorē, si talem intellexissent, in quo summam pietatē esse arbitrati sunt: Nam qui intelligentes cōtradiciunt ueritati, & resistunt institutioni Iesu Christi, nullā unquam habebunt excusationem. Viderint ergo principes quid agant, qui in fauorem papistici erroris & impietatis, iubent hæc blasphema instituta retinere & seruare, quibus institutio Christi uiolatur & corrumpitur. Adhibeant autem maturo consilio aliorum bonorum iudicia in Ecclesia, & corrigant istas impietates.

De ridiculis & blasphemis satisfactionibus De satisfactio
traditionum humanarum, quas dicunt operum inde nibus pro pec
bitorum, & soluuntur per peregrinationes in longin cati pœnis:
quas alias regiones, per cultum & inuocationem
sanctorum, certas precatiunculas, eleemosynas, ieiunia, indulgentiarum papisticarum redemptiones, & similes alias nugas ac uanitates, idem pronuncio, esse uidelicet contrarias sanæ doctrinæ Euangelij et mandatorum Dei, & seruari sine peccato nō posse. Quæ propter & uitari atq; fugi debēt, ab omnibus qui salui fieri uolunt. Hæc enim doctrina, de satisfactionibus pro peccati pœnis prorsus impia est & dampnabilis coram Deo, quam Scholastici Theologi tradiderunt per ignorantiam & errorem, cum non

IN CAP. II. AD TITVM,

intelligerent, quis olim fuisset usus, satisfactionum in publica pœnitentia coram Ecclesia, quas nihil opus est restituere.

De confessione peccati, in qua præcipitur de enumeratione omnium delictorum, quæ corā hominibus, Ecclesiæ ministris fiat.

Non sanat Deus nisi contritos, nec remittit peccata, nisi ueritate contritionis adactis ad peccati & delictorum confessionem. Hypocrisim enim & simulationem, quod satis constat, odit Deus atq; detestatur. sed idem tamen requirit aliquam peccati nostri confessionem, quam corā ipso uidelicet omnes faciamus, ut liquet ex his quæ sunt, 1 Ioan. 1. Et confitentibus sua delicta promittit peccatorum omnium remissionem. Tametsi non propter contritionem, aut confessionem peccati, ulli præstet hanc gratiam, aut saluationem: sed per aliud, utiq; per misericordiam suam gratuitam propter Christum. Ideo uere contrito & confitenti sua delicta opus est illa fiducia misericordiae dei, & placatoris Iesu Christi. Ita ut paulum supra docui, in loco de pœnitentia: mox ab initio enarrationum Cap. 2.

Non ergo prodest homini, neq; pia est, ulla alia cōfessio delictorum, nisi quæ sit uoluntarie, nō coacte, et per huius gratiæ quam dico, & beneficiorum Iesu Christi, fidem. Quare impia constitutio est, mandatū de

de cōfessione omnium delictorum, etiam internorum motuum cordis, quæ fiat coram homine sacerdote, ut quæ ab inuitis & nolētibz extorquetur, nec nisi per humanam constitutionem. Ideo nec potest nisi pharisaica & impia esse, qua Deus plus irritatur. Ac deterior est, quam hypocritæ scilicet faciunt fiducia remissionis peccati impetrandæ coram Deo, sicut hanc præstari docent Theologistæ Papistarum. Idcirco multos haud dubie perdidit, non solū istiusmodi phariseorum & hypocritarum, qui peccati remissionem peruerse quærent, uerum etiam eorum, qui aut desperauerunt se illam peccatorum confessionem perfecte facere posse, aut noluerunt facere. Et utriq; tamē arbitrati sunt eius se debitores esse. Quapropter & hæc constitutio, de hac pharisaica & pernitiōsa confessione delictorum debet aboleri, ut quæ sanæ doctrinæ uerbi Dei aduersatur. Et tamen sic anxie præcipitur, ut ei nunquā satisfieri ab ullo homine possit, & creditur peccati remissionem mereri

Suaderi tamen hominibus debet, sed delictorum enumeratio, debet libera relinqui, & in uniuscuiusq; arbitrio poni, ut confiteatur tantum de grauioribus peccatis, quantum uelit, illi præsertim, qui sunt rudiores, ut melius instituantur, alij uero omnes, ut consolationem absolutionis petant. Sed Papistis facilius est ac promptius mandare, præcipere, aggrauare,

IN CAP. II. AD TITVM

et dominari, ac premere miserorū conscientias, quān-
docere imperitos, & peccatores per Euangelium
Domini nostri Iesu Christi consolari. Scripsi autem
& suprà de peccati & delictorum confessione Chri-
stiana, ut in loco de pœnitentia, & in alio de pecca-
torum remissione, quæ per baptismi susceptionem ha-
betur. De absolutione autem & clauibus, dixi in lo-
co de Ecclesia.

De cultu & inuocatione sanctorum.

Cultus & inuocatio sanctorum, ut paucis hoc lo-
co me expediam, totus est idolatricus, & sanæ doctri-
næ contrarius & pugnans. Primo .n. nō habet aliqd
scripturæ mādātum uel testimonium & exemplum,
nec durant cultus sanctorū, nisi ridiculis honoribus,
qui illis præstantur ab ignorantibus ueritatem fidei
in Deum, scilicet diebus festis honorātur, & peregre-
nationibus, & pharisaico ciborum delectu, uotis &
oblationibus, deniq; missis, in quibus est prophanatio
sacramenti corporis et sanguinis Christi, certis can-
tilenis & lectionibus historiarum, quæ ab hypocri-
tis finguntur, tam deliris mendacibus & uanis, ut su-
prā nihil neq; dici neq; cogitari possit, quod sanæ do-
ctrinæ Euangelij Domini nostri Iesu Christi magis
aduersetur.

Rectius esset per imitationem fidei eorum, &
morum

morum seu operum bonorum, de quibus Deus præcipit, illos honorari, ut confessione gloriæ Dei & Iesu Christi, patientia in calamitatibus, aduersis, & ipsa morte, castitate, mansuetudine, benignitate, pace & similibus uirtutibus, si tamen hæc præstare, est non multo potius Deum honorare, quàm sanctos: Sed cū illis loquor, qui solent admonere, quæ potissimum nos oporteat admirari in sanctis, & ad imitandum nobis proponere ac dicere in eo positum esse rectum honorem, quo nos interim abstrahant ab idolatria. Et cum præterea significare uolūt, quid sanctis maxime placeat in nobis, siue cognoscant nostra, siue non cognoscant quæ hic in terris geruntur.

Secundo, uitiosum est in cultu sanctorum, quòd in ceruis necessitatibus inuocantur, & exauditiones & auxilia rogantur ab illis, ut ab ipsomet Deo. Docent autem scripturæ, ut in quibuslibet necessitatibus, tam corporalibus quàm spiritualibus, nos ad Deum nostrum recipiamus, & auxilium ab ipso per mediatorem Christum flagitemus. Nihil igitur à sanctis licet postulare, neque per illos, ut mediatore seu placatores, quasi Deus istorum merita respiciat & placatus per sanctos nos exaudiat, ut huiusmodi impijs opinionibus multæ blasphemæ præ in Ecclesiis Papistarum, sine omni pudore, usque in hunc diem, public

modi
calumnias
& recitantur.

IN CAP. II. AD TITVM

Quin etiam docetur imperitum uulgus sanctos inuocare, ut autores donorum, hinc scilicet alius inuocatur ut dolori dentium medeatur, alius ut seruet nos à pestilentia, alius ut ditiores efficiat, alius alia de caussa, donec exemplis ethnicorum errorum replete sint omnia.

Tertio, quia uero iubet sanctos inuocare, tanquàm intercessores, obruunt Christi beneficium, & mediatoris officio illū excludunt. Quid enim Christus est, si non est unus, idem & perpetuus intercessor & mediator Dei & hominum? Non ergo fraudari suo honore debuit, & omnium minime licuit illum in creaturas transferre. Qui nec Christo tribui posset, nisi uerus Deus, & propter nos peccatores uerus homo factus esset. Quare qui mediatoris seu intercessoris honorem transferunt in creaturas, illi simul spoliunt Christum suo honore, & ex hominibus faciunt Deos, qui ipsi indigent coram Deo, mediatore & intercessore eterno Christo Iesu. Est autem hæc quoq; blasphema et impia cogitatio & fictio, qua Christus fingitur crudelis esse, nec facile placabilis peccatoribus, cum nihil sit eo mitius, aut maiore misericordia in humanū genus affectum. Sicut docetur Matth. ii. Hebr. v. & alijs innumeris locis scripturæ. Quare inuocantes respiciit, exaudit, iuuat, reconcilians eos patri Deo, multo pronius ac prōptius, quàm optare ipsi

ipsi nobis possumus. Hanc igitur beneficentia & misericordie Christi fidem abolerent, qui iubent, ut ad suffragia Diuorum curramus. Quapropter opinio de sanctis & impia est, & debet aboleri.

Addamus uero hoc loco, quedam scripturae testimonia, quae nostra firmitus muniant, illis enim abundamus. iubemur ergo in quauis necessitate & tribulatione Dominum ipsum inuocare, & credere praesentissimum consilium apud se omnibus nobis repositum esse, ut psal. 49. Inuoca me in die tribulationis, & eruam te, et honorabis me. Et Ioel 2. dicitur: Omnis quicumque inuocauerit nomen Domini, saluus erit. Et Ioan. 16. Si quid petieritis patrem in nomine meo, dabit uobis. Hoc testimonium de mediatore Christo Iesu diligentissime obseruari debet, nam eo pertinet, ut inde discamus, Deum nihil largiri nobis, & in nullo iuuare nos nisi per Christum Iesum, tunc propter Christum nihil posse neque uelle nobis negare. Quod his de rebus intelligere oportet, quae Deum largiri decet, & quae donata nobis honori Christi seruiunt, tum salutis nostrae per Christum. Itaque Christiani, pro quibuslibet necessitatibus, & corporis & animae, instituunt preces suas ad Deum per Christum Iesum, & certi sunt, de inuocationis exauditione, & impetratione donorum necessariorum.

Addae haec sequentia testimonia, quae Christum

IN CAP. II. AD TITVM,

probât esse unicum, & eundem clementissimum, placatissimum & misericordissimum mediatorem. 1. Timoth. 2. Vnus autem Deus, unus & mediator Dei et hominum, homo Christus Iesus, qui dedit precium redemptionis semetipsum pro nobis. Cur igitur nunc non exaudiret clementissime quotquot ipsum inuocant, & per inuocationem honorant, ut suum æternum mediatorem? Rom. octauo: Christus est ad dexteram Dei, & interpellat pro nobis. Et idem usque hodie omnibus nobis loquitur: Venite ad me omnes qui laboratis & onerati estis, & ego reficiam uos. Matth. undecimo. Cuius officium, ut æterni aduocati nostri, et clemētissimi patroni ita describitur 1. Ioan, secundo: Si quis peccauerit, aduocatum habemus apud patrem Iesum Christum iustum, & ipse est propiciatio pro peccatis nostris. Semper autē iubet nos bene sperare, quoniam est nobiscum omnibus diebus usq; ad consumationem seculi. Matth. 28. Et Heb. 9. dicitur de illo: In ipsum cœlum introiuit, ut adpareat in conspectu Dei pro nobis.

Quid obsecro his omnibus testimonijs agitur, nisi ut probetur, nō esse nisi unicus mediator Dei & hominum, homo Christus Iesus, et idem clemētissimus, & summæ erga nos miserationis. Quod etiam quondam alio, & eo consolantissimo testimonio docetur in epistola ad Heb. cap. 5. quem hic recitabo: Haben-

tes

tes Pontificem magnum, qui penetravit coelos, Iesum filium Dei, teneamus confessionem. Non enim habemus Pontificem, qui non possit compati infirmitatibus nostris, sed tentatum per omnia, pro similitudine absq; peccato. Accedamus ergo cum fiducia ad thronum gratiae eius, ut misericordiam consequamur, & gratiam inueniamus in auxilio opportuno.

Quid igitur nunc facietis papistae? Num adhuc crudelem, truculentum, sanguinarium & implacabilem somniabitis Christum, qui nisi per intercessionem & merita sanctorum placatus neminem exaudiat, et neminem patri commendet? Quanquam hoc non ualde curant papistae, quis quomodo nobis placatum efficiat Christum, & Deum patrem per Christum. Sed inuocationes et cultus sanctorum ideo retinent, ac retineri iubent, quia sunt quæstuosi. Sic ergo per auiditiam excæcati, iubent nos sanctorum meritis & intercessione niti, nec curant, quàm hoc sit idolatricum, nempe fiduciam mediatoris Christi à Christo in homines, quanquam sanctos, transferre.

Sed ut meritis & iusticia sanctorum nemo confideret, tamen inuocatio opis & auxilij eorum, res est per se impia & intollerabilis, quia fingit sanctos clementiores q̃ Christum, & Christi officium ac bonitatem obscurat. Simul facit, ut fiducia sanctorum

IN CAP. II. AD TITVM

plus teneamur quàm Christi, hoc est, petram salutis derelinquamus, & in harenam ruentē ædificemus, quod est, impleamus illud Prophetæ, Me dereliquerunt, fontem aquæ uiuæ, & foderunt sibi cisternas dissipatas, quæ continere non ualēt aquas. Quin etiam inuocatio tribuit sanctis alio idolatrico errore infinitam potentiam, planeq; deos ex illis facit. Nam inuocare sanctos, qui hinc decesserunt, est somnare, quòd motus cordium nostrorum inspiciant, & exaudiant nos more Dei, & certis donis iuuent. Ex quo satis est argumentorum, istum cultum esse abominabilem Deo, & in Ecclesia Christi haudquaquam ferendum esse.

De monachatu.

Reliqua est traditio de monachatu, periculosa & perniciosa. Nam & monasticæ uitæ professio & constitutiones sic sunt impiæ, ut sine peccato seruari non possint, nisi ualide ac ualide corrigantur, hoc est, nisi uno omnium bonorum consensu ex orbe Christiano tollantur, & in totum ac penitus aboleantur. Nam etiam hoc tempore monachatum ingrediuntur, si qui sunt uiri boni, cordati, & reliquo uulgo monachorum, qui suo uentri seruiunt tantum, meliores, ut in illo salui fiant, & saluationem quidem querunt per uota præcipua tria, obedientiæ cuiusdam uidelicet, & pauperatis, & continentia. Quibus

bus nihil inanius fingi potuit, quàm nunc à monachis suscipiuntur & seruantur.

Vulgus autem monachorum uentris & ocij causa mancipat sese, & in seruitutem redigit, seruans scilicet continentiã animo rebelli & reluctante atq; optante connubia atq; commercium mulieris, si tamen seruat ac præstat corporalem continentiã. Nemo enim monachos & monachas horum temporum ignorat. Deinde præstant simulatam quandam & fictitiã paupertatem, cum rebus omnibus usq; ad luxum & intemperantiã abundant. Deniq; & obedientiam talem profitentur, quam Deus omnium minime requirit. Et tamen monachi suas impietates in tantum iactant, ut præferant eas communi Christianorum uitæ professioni & obseruationi mandatorum Dei. In monachatu enim dicunt esse statum perfectionis, in quo alij, qui non sunt monachi, neq; sint, neq; esse possint, quasi status uitæ alius melior, perfectior & sanctior esse possit, quàm communis ille, qui à Christo Iesu communi lege omnibus Christianis prædicatur.

Ita ergo isti hypocritæ deformant ea, quæ sunt prædicata à Christo Iesu, & suas uanitates, fabulas & mendacia longe præferunt eis, hoc est, sanæ doctrine contradicunt, ut præstari sine peccato, quæ monachi profitentur, nullo modo possint. Nam omnium summa & grauissima impietas est, q, monachi per aliud iu-

IN CAP. II. AD TITVM,

ificari & saluari quærunt, quàm per solam in Iesum Christum fidem. Deinde uere est irrissio & contēptus Dei, q̄ iusticiam & salutem quærunt per obseruationem mandatorum hominū. Tertio, q̄ suis fictitijs cultibus ueros ac debitos cultus Dei obscurant, nam ut Deus doctrinis mandatorum hominum non colitur, nisi frustra, inaniter, pharisaice et fictē, ita ubi sic colitur, multum detrahatur honori mandatorum Dei. Hypocrites enim & fictiones regnant, & uera pietas obruitur, quod totum efficit fraude et astucia sua Diabolus, qui ueræ pietati nunquam nō aduersatur.

Pietas ergo & perfectio Christiana, qua Deus uult à nobis coli, sita est in fide gratiæ & misericordiæ Dei, qua iustificamur & salui efficimur per redēptorem Christum Iesum. Huic autem gloriæ Christi & gratiæ Dei omnium primo derogant monachi, quia fingunt perfectionem iusticiæ Christianæ in alio sitam esse, q̄ in hac fide. Deinde, q̄ sibi hypocritis et uanis (quales necesse est esse, qui Deum mandatis hominum colunt) istam perfectionem, quæ beatos efficiat, arrogant. Et sic agunt, quasi meliorem continentiam, paupertatem uel obediētiā præstare possint, quàm oībus à Deo præcipiūtur. Quæ Christiani præstant, nō ut saluationem his operibus & factis suis sibi mercantur, sed ex fide, ut Deum pro gratia glorificent. Est aut̄ eximium quoddā donū Dei uera continentiā,

nētia, sicut reliquæ omnes Christianæ uirtutes. Quæ qui præditi non sunt, illi præceptum habent, ut uxores ducant, et continentiam coniugalem præstent. Vera autem et spūs paupertas est, si affluat diuitiæ, cor non adponere, et in egestate et penuria rerū patientiam præstare, non murmurare contra deū. Obedientia denique, qua deus uult coli, est parere et obsequium monitis parentū, doctorū ecclesiæ, principū et ciuilibus magistratus. Impia sunt ergo apud monachos omnia, nec impia solum, uerū etiam ficta et simulata. Nā quod est in uotis monachorū prædictis non pugnant? An non .n. scelus et impietas est, fidem in Dominū Iesum abnegare? Quod si monachi non faciūt, cur per aliud seruari quærent, quod per solā fidem beneficiorū gratiæ Dei, quod conferuntur propter Christū, his qui credūt in eū? Deinde uani sunt et ridiculi cultus monachorū, non ideo solum, quod per fidem non præstantur, uerum etiam quod ea faciunt, quæ Deus prorsus non requirit. Ut enim dictum est, Deum mandatis hominum colunt, ideo necesse est, ut in uotis suis alant miras hypocrises et uanitates. Vouent castitatem seu continentiam, quasi meliorem præstare possint, quàm eam quæ est omnibus à Deo præcepta. Ac ne præstatur quidem, nisi ab his, quibus donū continentiae contigit à Deo. Impium est ergo et pharisaicum uouere quod non possis præstare, nisi alienis uiribus, et quidem solis uiribus Dei.

IN CAP. II. AD TITVM,

Qui raris omnino & paucissimis donat ueram spiritus continentiam, et requirit, ut uxores ducant, quos illo continentiae dono non honorat peculiariter.

Non aliter in reliquis duobus uotis, paupertatis & obedientiae merae hypocrises & simulationes regnant. Vocant enim paupertatem, ubi est abundantia omnium rerum, & ubi uiuitur in ocio & summa securitate. Sic malunt scilicet inopes esse, & opibus alieno labore et sudoribus partis frui, quam more aliorum in hoc seculo diuites esse, sed egere, esurire, sitiire, algere, laborare, & proprijs manibus uictum quaere. Nam monachi, quanquam nullus egeant, neque esuriant, sitiant, algeant aut laborent, & delicate saginentur, tamē iubent, ut credamus esse pauperes. Et alios qui laborant, opus faciunt, & uictum sibi quaerunt, quanquam esuriant ac sitiant, dicunt opulentos esse. Opulchram philosophiā. Sed hoc uenustius est quod nihil mouentur, etiā si in sua ista paupertate flagrent auaricia & cupiditate rerum, egestatis & penuriae uerum supra quam dici potest impatientes. Usuris & alijs rapiendi generibus propemodum totius mundi opes & facultates in suum ius transferunt. Sic sunt pauperes scilicet, & colunt Deum suum Plutonē, & ne admoniti quidem possunt Deum nostrum timere.

Obedientia est puerilis & ridicula, & seditionis forum magis quam piorum. Illa enim subrahunt se debite

debita obediētia, de qua Deus præcipit, & eximunt
seſe communibus oneribus, quæ oportet alios omnes
pro cōſeruanda Repub. geſtare. Callidum eſt tamen,
grauia onera excutere, & nulla onera ferre, & in illa
licentia fingere præſtantius genus obediētiæ eſſe,
quàm in ea, de qua præcipit Deus. Quid enim non
puerile eſt et ridiculum, in obedientia, quam præſtat
monachus ſuo ſuperiori, ſi conſeras cum obediētiā
& honore, cuius debitores ſumus erga parentes &
ciuiles magiſtratus?

Liquet ex his, quantæ hypocriſes regnēt in uotis
monachorū, & quantū remoueāt ab obedientia man-
datorū dei. Poſteſt ergo iurare continentiam monachus,
ſed num etiam præſtare poſſit, ipſe uiderit. Quid. n.
ſi Deus nolit uires præſtandi ueram continentiam,
quam iurat monachus, iuranti donare? Vt ſane con-
ſtat multos iuraſſe continentiam, quam nunquam præ-
ſtare potuerunt, ſicut teſtantur multa horribilia exē-
pla eorum, qui papiftice cœlibatū uouerūt, ut uideas
in eo uoto manifeſtas impoſturas Diaboli regnare.
Et quid uouemus continentiam, cuius antea ſumus
debitores, quam quiſquis præſtare non poteſt, cogi-
tur diuino mandato coniugij ſtatum ſibi deligere?
Iam etiam quæ temeritas eſt, uouere, quod non habes
in tua poteſtate? Ac ſunt multa alia pericula in cœli-
batu, & ea damnabilia, quæ uitare haud facile eſt, ne

IN CAP. II. AD TITVM,

*ſi ei, qui libere uiuit in illo, ut ſi libeat, ducat uxore:
Que Paulus ſignificat, ubi dicit: Melius eſt matrimo-
nium contrahere, quàm uri. Et Chriſtus, ubi ait:
Nō omnes capiunt uerbum hoc. An uero nondum ſa-
pimus, docti exemplis & periculis papistarum?*

*Venio rurfus ad uotum paupertatis, prorſum pha-
riſaicum & fictum. Non enim deligunt ſerio pauper-
tatem monachi, ſed ocium & abundantiam rerum,
prætextu & ſimulatione paupertatis. An uero pau-
pertatem dicas, ubi in ſummo ocio abūde ſatis habes
rerum omnium neceſſariarum ad hāc corporalem ui-
tam? Deinde, quomodo probabis pietatem eſſe, alios
onerare, & de bonis pauperum uiuere, cum ſis robu-
ſtus & ualidus, & poſſis tibi tuo labore uictum pa-
rare? Quid ſi ex uſuris & rapinis uiuas prætextu
paupertatis? Deniq; ſi contemnas mandatū Dei, qui
iubet, ut ueſcaris pane tuo in ſudore uulſus tui? Quid
ſi monita Pauli apoſtoli Ieſu Chriſti eadem de re con-
temnas? Lege quæ ſunt 2. Theſ. 3. Dicunt ſe ſua relin-
quere, ſed hoc faciunt præter uoluntatem Dei, &
phariſaice. Ac multo rectius eſſet priuatis uti, quàm
alienis. Denique, mendicitas non neceſſaria, quam
exercent quidam monachi, eſt ſpecies furti & ra-
pine.*

*De obedientia deniq; qua ſuperbiunt monachi,
iā abunde conſtat, quàm ſit res uana & impia coram
Deo.*

Deo. Præstatur enim non modo sine omni mandato Dei, sed ita etiam, ut pugnet mandatis Dei, ut supra docui. Suis ergo prioribus monachi obediunt, si tamen obediunt. Et ut obediant, qua utilitate hoc faciunt, quo fructu, qua uoluntate Dei? Nam à Deo prorsus non est præcepta hæc monachorum obedientia. Ideo nec mirum est perniciosam esse Rebus publicis & exitialem, quia obedientiam mandatorum Dei soluit, & facit contemni eam, quæ uidelicet debetur parentibus & ciuilibus magistratibus, utilis & necessaria Rebus publicis, quam ut contemnant monachi, nos tamen sciamus hanc illa monachorum lōge excellentiorem esse, & solam uere piam & rectam obedientiam. Illam uero monachorum, esse hypocritarum obedientiam.

Iam etiam, ut monachi nihil quàm mandata Dei in suis cultibus retinerent, & operarentur diuinæ legis iusticiam, uere continentes, uere pauperes, & obedientiam à Deo præceptam seruantes, tamen non possent Deo placere, quia ipsum uitæ institutum, in quo sunt, per se impium est & malum, non minus quàm pharisaismus olim apud Iudæos, quæ per monachatum quæritur iusticia & salus, & tanti faciunt illū, ut promittāt peccati remissionē his qui monachatum ingredientur. Sed & prædicare nō erubescunt, laicum sordida monachi cuculla indutum, felicius

IN CAP. II. AD TITVM,

hinc migrare. Sunt ergo blasphemii in gratiam Dei et beneficentiam seruatoris Iesu Christi. Et ut fidei in Christum sunt inanes, ita in omnibus alijs obseruationibus suis ficti colunt deum. Per doctrinas mandatorum hominum timent eum, illic scilicet, ubi non est timor, & Deus coli omnium minime requirit.

Hec sunt, cur monachatum horum temporū quoque reprobandum & fugiendum censeam. Sunt enim precipua quedam scādala fidei in orbe Christiano, monachi, quos hoc seculū habet, & alunt multas grauissimas impietates. Inter quas precipue sunt, quod per suas pharisaicas constitutiones abolent gratiæ Dei fidem, & beneficiorum seruatoris Iesu Christi, & obseruationi mandatorum hominum nō paulo plus tribuunt, quā praeceptorum Dei. Non enim contenti sunt mandatis Dei, & fingunt se maiora prestare, quā sint Christianis omnibus à Deo praecepta. Hoc autem pessimū est, q̄ suos cultus, qui nihil quā pharisaici sunt, dicūt mereri peccati remissionē & eternā uitā. Quapropter maturo principū cōsilio in Ecclesia maximopere prodesset, has impias monachorum constitutiones corrigere & mutare, uel potius abolere ac tollere penitus.

Coenobia autem ueterum monachorum constat scholas fuisse, in quibus iuuentus operam dabat studijs literarū. Nulla erant uota, & uiuebatur in sum-

ma libertate. Ex scholis autem illis transferebantur, qui gerendis rebus apti atq; idonei erāt, siue ad ciuiliū rerū administrationē, siue ad Ecclesiasticarum. Nunc tantum sibi uiuunt monachi, quædam inutilia pōdera terræ. Ac uere possumus de illis dicere, quod Paulus de Cretensium quibusdam hypocritis scribit, esse scilicet malas bestias & uentres pigros. Principum officiū est, pristinā cœnobiorū formā reducere.

Sed iam satis est exemplorum ex impijs doctrinis traditionum humanarum, de quibus sentire oportet, q; sine peccato nō possint præstari, ideo à Christianis explodi debēt. Ac potest ex horum collatione de similibus alijs prophanis doctrinis, pugnantibus cum sana doctrina Euangelij Domini nostri Iesu Christi, facillime iudicari. Ita ergo cautum esse & prudentem oportet episcopum in deligendo & proponendo Ecclesiis, quæ nam sint opera uere bona coram deo, quibus illæ doctrinam sanam domini et seruatoris nostri Iesu Christi ornēt, nimirum, quæ sine impijs opinionibus merendi iustificationem & salutem præstātur, & fidei in Christum Iesum non pugnāt. Deinde, quæ sunt nobis à Deo præcepta, & ex Dei legibus à Christo Iesu & apostolis illius tradita. Rursus, quæ sint pharisaicæ & impie doctrinæ, quas fugere oportet, ne dum bene operari se credant Christiani, fiant cum hypocritis hypocritæ, & sectis perniciosis se immis-

IN CAP. II. AD TITVM

ēant, quales monachorum innumera sectæ fuerūt, qui Dominum Iesum, qui nos mercatus est sanguine suo, & negauerunt, & negari docuerunt. Nunc ergo de operibus bonis sanæ doctrinæ ex scripto Pauli dicamus, ut instituti operis ratio requirit, & ut plenius contra fanaticas doctrinas muniamur.

TV VERO LOQVERE QVAE DECENT SANAM DOCTRINAM.

Hoc est, ea prædica, quæ præstita à credentibus possint ornare doctrinam fidei in Christum. Mitte Iudaicas fabulas, & præcepta hominum auersantium ueritatem. Ac nos debemus gratias agere deo, quòd in hac ad Titum epistola apte & copiose de bonis operibus docemur, quæ quolibet præstare, nunquam quiescent à bono, seu ociosi erunt. Nec poterunt accusari, quòd aliquid omittant operum uere bonorum & necessariorum coram Deo. Hæc igitur tradita ab Apostolo Iesu Christi retineant ac sequantur episcopi, & Ecclesiis suis commendent.

SENES, VT SOBRII SINT, GRAVES, MODESTI, SANI IN FIDE, IN DILECTIONE, IN PACIENTIA:

Senes, inquit, sint sobrij, hoc est, non sint temulentii, & caueant sibi à crapula & ebrietate, fortassis quia huic uicio pronius indulgent senes, quàm reliqui homines,

homines, alioquin nemini non præcipitur sobrium esse, fugere crapulam & ebrietatem. Et hæc uicia faciunt, ut rebus gerendis omnium minime apti simus, & cum senes iuuetutis curam agere debent, bonis moribus illam instituere, uigiles & attenti pro omnibus esse, noxij fiunt malis exemplis, & perit institutio et disciplina, si senes fuerint temulenti. Non enim poterunt amplius officium suum facere, & iuuetutem bonis legibus moderari. Et hoc præceptum imprimis pertinet ad ciuiles magistratus, quos præ alijs decet esse sobrios, & pro regēdis alijs in bonorum morum disciplina attentos & uigilantes inspectores esse.

Iam hæc intelligentia eo magis mihi probatur, quod græca uox Νηφάλιος ambigua est, teste Hieronymo, ut citatur ab Erasmo in huius explicatione, significans utrunque, & sobrium, hoc est, non temulentum & uigilantem. Senex autem temulentus non potest esse uigilans ac prudens inspector, sibi & alijs cauens, siue in rebus pietatis erga Deum, siue in alijs, quæ pertinent ad res politicas ordinandas. Est autem magis adiunctum senectuti liberius potare, & procliuem esse ad temulentiam, quàm alij ætati, sed uiciū per se turpe est, & reuerentiā atq; honorē senectutis mirum in modum deformās, & contēptibiles alijs reddens senes. Deniq; multorū maximorum malorū causa ebrietas est, ideo caucri, cū à senibus,

IN CAP. II. AD TITVM

tum ab alijs omnibus debet. Nam & protrudit in æternam condemnationem omnes eos, qui non derelinquunt & non agunt poenitentiam.

Graues autem sint, hoc est, honesti, studiosi, teut. das sie sein erbar sich halten, redlich, auffrichtich und dapffer leben. Facit enim ad decorum ætatis, quæ præ alijs bono & honesto uitæ exëplo lucere debet, & illo prodesse ad ædificationem aliorum. Quàm enim indecorum est & turpe, si quis senem uideat leuem, inconstantem, nugatorem, neq; in dictis, neque in factis honestatis amorem & studium præferentem?

Ad idem facit, quòd senes modestos esse requirit, ne uidelicet non constent sibi in affectuum moderatione. Sed hanc uocem etiam suprâ in capite 1. exposui. Vult igitur & sanæ mentis esse senes, qui imperent affectionibus prauis, prudenter et moderate in omnibus sese gerât. Sed repete q̃ suprâ de hac uoce scripsi.

Sani uero in fide, dilectione & patientia, intelligantur, si non supersticiosi opinionibus de obseruatione Iudaicarum cœremoniarum, seu traditionũ humanarum addicti seruiant, tanquam necessarijs, & in his uanitatibus consenescant usque ad extremum suæ uitæ, quemadmodum nostri monachi faciunt, qui in suis supersticiosi factis & nihili operibus perpetuo hærent, & summam pietatis in eis constituunt, nunquam sani in fide, aut liberi à superstitione. Hæc

uero

uero intelligentiam rectam ac firmam esse, collige ex his, quæ suprà exposita sunt in fine primi capitis.

Sic ergo qui supersticiosè hærent in operibus non necessarijs aut non præceptis à Deo, plane excidunt à fide, quæ est in Dominum Iesum Christum. Deinde ipsa quoq; dilectionis opera, quæ sola requirit Deus, omittūt, aut nō ualde curāt facere, sicut testatur istorum exempla, qui papisticis obseruationibus addicti sunt, nā illa dilectionis, in quibus est legis plenitudo, ferè contemnūt, & adplicant se ad opera mandatorū hominum, tanquam melius & perfectius quid facturi, his quæ præcipiuntur à Deo. Deniq; & paciētiæ Christianæ exercitia omnia amittunt, ut cui materiā præbet doctrina fidei in Christum, & mandata Dei.

Hæc ergo oportet conferre primum cum temporibus Pauli, & aduertere, quomodo multi uaniloqui et mentium deceptores currebant, qui simplices à ueritate fidei in Christū, & à necessarijs operibus mandatorum Dei auerteabant, & obseruationes quasdam Mosaicarum cœremoniarum, siue aliarum pharisaicarum traditionum urgebant in uulgo, tanquam necessarios cultus, et in quibus summa pietatis esset posita, & quidem, per quos hominum iusticia & salus impetraretur. Cum his enim talibus impostoribus negocium fuisse Paulo & concertationem, ex omnibus scriptis eius claret. Isti ergo & fidem abolebant, &

IN CAP. II. AD TITVM

omnia exercitia dilectionis & paciētiæ Christianæ. Vbi enim puritas fidei in Christum obruitur, nec retineri uera exercitia dilectionis possunt, nec paciētiæ Christianæ, ut cuius exercendæ nulla occasio est, ubi fidei in Christum uerax confessio non durat, aut præcepta Dei negligentius docentur:

¶ Conferat nunc quisquis uolet hæc cum nostris temporibus, & uideat atq; expendat diligēter, num non & papistæ cum suis pharisaicis traditionibus de operibus ceremoniarum & aliorum cultuum ab hominibus traditorum fidem extinguant, tum exercitia illa dilectionis & paciētiæ, quæ Deus amat & à nobis requirit, penitus auferant. Quid enim nō soli monachi fecerunt, quo cultus Christianos aboleuerunt? Et quid non conati sunt Pontifices Romani, quod non faciant ad Christianæ fidei euerسیونē, ad dilectionis & paciētiæ oppressionem? Sibi regna & imperia in hoc mundo constituerunt, doctrina fidei, dilectionis, paciētiæ & crucis profligata.

Cæterum de fide nihil opus est hoc loco multiscribere, ut de qua hæctenus sæpe dixi. Dilectio uero significat obsequia illa pietatis nostra, quibus aliorum commoditatibus & necessitatibus propter Christum studemus et seruimus. Paciētiæ autē, est tolerantia in aduersis & calamitatibus seu afflictionibus, quæ præsertim accidunt nobis propter confessam

Euangelij

Euangelij & Iesu Christi gloriam, tum etiam, qua ignoscimus omnibus, qui nos sic aut aliter læserunt, resignantes Deo nostras uindictas.

ANVS SIMILITER, (VT SINT) IN CONVERSATIONE RELIGIOSA, NON CALVMNIATRICES, NON MVLTO VINO SERVIENTES, BENE DOCENTES.

κατάσκημα, pro quo posuimus conuersationis nomen, referri debet ad quemuis corporis habitum ac gestum. Hoc enim requirit Paulus, ut anus sint in decenti & sancta uitæ conuersatione, digna uidelicet religione Christiana, bene morata, & honeste atq; pie agentes. Complectere igitur omnia quæ pertinent & faciunt ad hoc decorũ, ut scilicet præ se ferant mulieres pudicitiam et castitatem, utq; sint in incessu & corporis motu tali, qui arguat, qd Deum religiose timeant et pie colant, adeoq; ut sint in amictu corporis decente, & præstent præterea, si quid aliud est quod hunc sexum decet, & hanc ætatem ornat.

Vetat autem Paulus, & iubet prohibere, ne sint calumniatrices. Opinor, quod in hoc uicio præ alijs grauius laborent anus & uetulae mulieres, tum noxiæ sint adolescentioribus mulieribus huic uicio indulgentes, quarum esse debent magistræ, & bonis moribus formare illas. Est autem maledicentia & libido calumniandi aliorum dicta & facta,

Maledicentia

IN CAP. II. AD TITVM

siue detrahēdi alijs, & deformare ipsorum bona, per se grauissimū peccatum, ut nec possint salui fieri, qui sunt in eo, nec conuertuntur, ut poenitentiam agant. Non modo enim peccant contra dilectionem, qua etiam excusare debuerunt aliorū uicia & errata, si quae essent, & tegere illa, uerū etiam aliorum odio in alios accendunt, tum contentiones & rixas, & alia innumera mala excitant & augent, & horum omnium delictorum fiunt rei. Sic ergo admittunt rem se & Christo Iesu indignam, & grauissimis peccatis onerant. Nec possunt saluari, ut dixi, si in isto uicio pergant sine emendatione sui & sine poenitentia, nec anus solum, uerum etiam quicumq; alij homines.

Notat autem & temulentiam Paulus in aniculis, ut qua magis garrulae fiunt & criminatrices, et alios apud alios contra officium & pietatem Christianam deferentes. Etiam si temulentia per se non esset mortale delictum, de quo & paulo ante scripsi. Incitantur itaq; ebriae ad conuiciandum, planeq; referunt in criminando ingenium & naturam Diaboli, cui à deferendo & calumniando nostra factum est nomen. Diabolus enim significat calumniatorem. Ac necesse est, calumniatores spiritu Diaboli refertos esse, & nihil habere cum spiritu Iesu Christi. Videbunt igitur, num salui fieri possint. Certe nisi conuertantur, & accipiant spiritum Iesu Christi, pacis, dilectionis & concordiae

cordiæ amantem, non possunt saluari, neq; anus, neq; ullæ aliæ mulieres, imò nulli prorsus homines.

Refertur autem ex Gentium institutis apud Valerium Maximum, uini usum olim Romanis fœminis interdictum fuisse, ne uidelicet in aliquod dedecus prolaberentur, q, proximus sit ab ebrietate intemperantiæ gradus ad Venerem incōcessam. Requirit autem præterea Paulus, ut anus sint aptæ ad docendum, nimirum honesta & religiosa, quibus adolēscētularum mores & uitam forment. Quod quomodo aut in quibus præstare debeant, continuo subiicitur his monitionibus Pauli.

VT MODESTIAM DOCEANT ADOLESCENTVLAS, VT VIROS SVOS AMENT, FILIOS SVOS DILIGANT, VT SINT MODESTAE, CASTAE, DOMVS CVRAM HABENTES, BENIGNAE, SVBDITAE VIRIS SVIS, VT NON BLASPHEME TVR VERBVM DEI.

De modestia, quæ significat moderationem omnium affectuum, & gubernationem honestam omnium actionum & operationum totius huius nostræ uitæ, qua fit, ut prudenter nos geramus, sobriæ uiuamus, iam semel atq; iterum dictum est. Requirit itaq; Paulus, ut honesta atq; pia doceāt anus, et adolēscētulas bene instituāt, idq; facit necessario & pio præcepto.

IN CAP. II. AD TITVM,

Nam et Erasmus existimat hæc potissimum scribi ad
anus, q̄ quædam illis annis lenæ sint, alienæ nequitie
ministra, id quod nimis uerum est.

Et hac causâ uidetur Paulus mox adijcere, ut ui-
ros suos ament. Nimirum, ut in fide casti cōiugij illas
retineant, ne optent aut uelint alienos amplecti, for-
nicari &c. Ad idem, opinor, facit etiam illud quod di-
cit, ut filios suos diligant, hoc est, ita diligant, ne per
admissum incontinentiæ facinus illos perpetuæ infam-
iæ crimine commaculent, quo si laborent, omnibus
alijs in omni uita sua despectui habeantur. Alioqui
solent natura matres filios suos maxime charos ha-
bere, & amanter affici in illos. Sed nihil opinor hic
de his naturalibus affectionibus dici, nec opus fuit ad
modum de his scribere. Laude uero pudicitie & ca-
stitatis & alijs sanctis moribus maxime honorabunt
matres suos liberos, neque quicquam preciosius istis
per hereditatem legare possunt.

Sequitur, ut sint modestæ, ut quicquid indecorum
est, fugiant, & coërceant malas cupiditates, sicut o-
mnibus Christianis præcipitur. Et de illa modestia
antea satis scripsi.

Sint etiam domus custodes, ita maritis suis sub-
seruientes, ut quæ illi laborant, & pro necessitate ui-
ctus corporalis in sudore parant, ipsæ sua pruden-
tia & sedulitate augeant & conseruent. Ne sit mi-
nor

nor curamatribus pro liberis, ut habeant unde uiuant, quàm patribus, & à scelere & fraudibus conseruentur. Solent enim homines multa scelera te conari & agere quum egent, & necessario uiuere destituuntur.

Benignæ autem sint, uel ut tolerant aliqua uicia maritorum, uel etiam dissimulent, si qui ipsis inciuiliores & parum humani contigerunt. Exemplo sit Abigail uxor Nabal, de qua leges primo Regum uigesimo quinto.

Deprecatur itaque Paulus, ne uxores sint amarulentæ in suos uiros, aut responsatrices. Idcirco etiam continuo additur, Subditæ uidelicet sint suis uiris. Vir enim est caput & dominus mulieris. Quæ propter imperio mariti subdita esse uxor debet, & non uelle dominari in illum. Lege Ephesio: quinto.

Omnino ergo si bonæ & piæ esse uolent adulescentulæ mulieres siue uxores, hæc omnia Christiana officia præstabunt. Imprimis autem Deo hoc pacto seruiant, & timeant eum, cui debent hanc obedientiam. Deinde & propter homines illam præsent, non tantum propter bonos, sed uel maxime propter malos, ne qui ex aduersarijs blasphement atque irrideant uerbum Dei, conuiciantes, quòd tam nullum fructum habeat apud eos, qui eius obedientiam profitemur.

IN CAP. II. AD TITVM,

tur, & q̄ illi in omnibus uelint obsequi & parere.

Hac causa scribit & ad Thessalonicenses Paulus: Ab omni specie mala abstinete uos. 1. Thes. 5. Et Petrus: Conscientiam habentes bonā, ut confundantur, cum detrahunt uobis, tanquam flagitiosis, qui calumniantur uestram conuersationem bonam in Christo. 2. Pet. 3. Atque adeo Christus ipse inquit Matth. 5. Sic luceat lux uestra corā hominibus, ut uideant opera uestra bona, et glorificent patrem uestrum, qui in coelis est. Hoc enim omnes homines cauere debent, ne per dissolutiorē suam uitam, sermo Dei male audiat. Sicut fiebat in Gētibz, qui uerbum & gloriam nominis Dei impie blasphemabant propter impietates & uicioſa exempla Iudæorū, qui esse debuerunt iustus, pius & sanctus populus Dei, cum serē illo nemo sceleratius uiueret, sicut liquet ex illo Esaia 2. quod legitur Rom. 2. Iudæis quoq; obiectum: Nomen enim Dei propter uos blasphematur inter Gentes.

Ne ergo tale quid fiat per mulierum indecentem conuersationem, deprecatur Paulus, & deprecari iubet. Ac pertinet admonitio hæc in genere ad omnes homines, nam gloriæ diuini nominis nosmetipsos et omnia nostra debemus. Et si curæ est nobis salus nostra, studebimus illam per omnia, & in omnibus promouere & ornare. Huc facit autem & quod Petrus scribit 1. Pet. 3. de honesta mulierum conuersatione,

&

et moribus seu operibus bonis, quæ uideas. Item ea, quæ sunt in priore ad Timotheum capite 5. de honestate et sanctis moribus mulierum.

IVVENES SIMILITER ADHORTARE,
VT MODESTI SINT.

De modestia hætenus frequenter dictum est, uirtus est summæ laudis, ac lucet in omnibus dictis et factis, quia est temperantia coercens quoslibet illicitos motus carnalium cupiditatum, et efficiens, ut prudenter et moderate homines uiuant. Et nihil penitus admittant, quod reprehendi possit. Notabis ergo, omnes quoque alias uirtutes, quæ decent senes, etiam ad adulescentiores uiros pertinere, imò omnia prorsus officia Christiana, quocunque nomine uocari possunt.

Omnium enim ex æquo sumus omnes homines debitores. Simus ergo graues, sobrij, modesti, sani in fide, dilectione et patientia. In summa, doctrinam seruatoris nostri Dei in omnibus ornemus, sicut paulo infra dicetur. Sumus ergo omnium Christianorum officiorum debitores omnes homines.

IN OMNIBVS TE IPSVM PRAEBE EXEMPLVM BONORVM OPERVM.

Id est, exhibe temetipsum talem studio bonorum operum, ut omnes habeant quod in te laudent et imitentur. Hoc enim conari omnes debemus, maxime tamen Euangelij doctores, ut ex æpla nostra præluceat

IN CAP. I. AD TITVM,

alijs, & inuitent alios ad pietatem, ad bonos mores, & ad studia honesta, et reddāt cōmēdationem doctrinam Euangelij Domini nostri Iesu Christi.

Hec fuit Paulo cura & sollicitudo pro omnibus Ecclesijs. Præcipit, ut optimi uiri præficiantur illis, qui sint doctores et gubernatores earum. Vidit enim nihil perinde noxium esse rebus Christianis, quàm si homines mali, corrupti in moribus, & uicijs seruientes, regnent per Ecclesias. Rursus, nihil æque necessariū, quàm ut boni in Ecclesia præsideant. Quid doceat enim, aut qua fronte corripiat alium errantem & delinquentem, qui totus ipse turpitudini seruit? Dicit enim solet, & regei, medice, cura te ipsum. Et, Turpe est doctori, cum culpa redarguit ipsum. Itaque malim episcopi loco seruire Ecclesiæ hominem mediocriter eruditum, & intelligentem doctrinæ fidei, & probum, quàm doctissimum & peritissimum totius scripturæ, sed sceleratum nebulonem. Et Ethnici prudenter definiunt suum oratorem, dicentes esse uirum bonum, dicendi peritum.

DOCENDO PRAESTA INTEGRITATEM,
GRAVITATEM, VERBUM SAN-
NUM, IRREPREHENSIBILE, VT ADVER-
SARIUS CONFVNDATUR, NIHIL HA-
BENS MALVM DICERE DE NOBIS.

Hoc omnium summum est in doctore, in docendo uidelicet præstare integritatem, hoc est, recta, firma, certa, integra & incorrupta prædicare & docere. Iubet itaque, ne quid admisceant doctores doctrinæ uerbi Dei ex hominum doctrinis. Per additamenta nanque doctrinarum humanarum corrumpitur doctrina uerbi Dei, ne ueritas eius uideatur, quam si uideant & intelligant homines, & credant ei, salui fiant. Hoc enim cauet sua astucia & suis insidijs Diabolus, qui excitat & mittit tales corruptores uerbi Dei, qui scilicet prædicent humana, & lucem uerbi gratiæ, iusticiæ & æternæ uitæ Ecclesiis eripiant.

Gravitatem uero requirit in doctore, hoc est, constantiam quandam laudabilem & honestam, quam præstet ipse in omnibus dictis & factis suis. Ut per hanc bonitatem & integritatem suæ uitæ & pietatis ipse magis amabilis reddatur bonis, & sic ipsum quoque uerbum Dei fiat omnibus magis graciosum, quo uidelicet alios erudit, corripit & emendat, quod si nullum fructum haberet in doctore, quomodo à discipulis amari posset? Magis autem afficiuntur illo homines, si intelligant eo ipsos quoque doctores affici & trahi.

Porro uerbum sanum quod nam sit, prolixè hactenus in hoc toto commentario expositum est.

IN CAP. I. AD TITVM,

Eius itaq; sinceritatem & puritatem retineāt ac tradant Ecclesiæ doctores, non admisceant aliena, memores, q̄ suæ dispensationis sint rationem corā Deo reddituri. Ezech. 3. 1. Corint. 9. Simpliciter itaq; sonat, hoc est, pura et recta tradant Ecclesiæ doctores. Quod facient, si præter uerbum Dei nihil doceant, nihil quod fidei aduersetur, & à fabulosis commētis & somnijs doctrinarum hominum abstineant.

Hoc enim peculiare habet Paulus, q̄ doctrinam proprie & germane Christianam adpellat uerbum sanum, ut quia nihil quàm gloria Christi & Ecclesiæ salus queritur, nam & uerbum Dei pure traditum eò efficax est, ut saluet credentes. Esa. 55. Rom. 1. 10. Ita ut corruptæ impostorum & mendaces doctrinæ sunt quædam lætifera uenena in Ecclesia. Atque huc accense, quæ sunt 2. Corinth. 10. & 11. de cauendis pseudoapostolis, & simplicitate ac puritate Euangelij custodienda.

Addit uero Paulus, requirens, ut sit irreprehensibile, quicquid episcopus docet. Sed hoc nomine nihil agit, nisi q̄ exponit, ac ueluti interpretatur, quomodo aut qd dicat uerbum sanū, uidelicet doctrinā irreprehensibilem, quam cauillari & reprehendere nemo queat, ne quidē docentis uicio, seu personali aliqua sua culpa, ut nihil scilicet habeāt aduersarij, quod iure culpæ, uideri, aut sibi aut alijs possint. Nā etiam
frequentè

frequēter solent ex doctorum uicijs calumnias in uerbum Dei struere, ut cū uerbū per se reprehendere nō possunt. Dicere possent magna exēpla, nisi prodesset abstinere, & parcere aliquibus.

SERVOS, DOMINIS SVIS SVBDITOS ESSE, IN OMNIBVS PLACENTES, NON CONTRADICENTES, NON FRAVDANTES, SED IN OMNIBVS FIDEM BONAM OSTENDENTES, VT DOCTRINAM SALVATORIS NOSTRI DEI ORNENT IN OMNIBVS.

Vrget hoc idem præceptum & Petrus 1. Pet. 3. & ipse aliàs sæpe, ut Ephes. 6. &c. Nihil autem obscuritatis habet, ideo nec indiget expositore, sed illis qui per probitatē uitæ, pro debito officio, exprimāt, imprimis, quilibet subditi erga ciuiles magistratus, de qua obedientia loquemur & scribemus infra in capite tertio.

Habet tamen quandam peculiarem rationem hoc præceptum apud Paulum. Quidam enim carnalia et mundana in prædicatione libertatis Christiane docebant, unde etiā affectabant, & quærebant sibi ciuilem libertatem quidam serui, doctrinæ Euangelij prætextu. Nec obscurum est Paulum istos notare, & iubere, ut doceant prædicatores, ne serui non uelint subditi esse, aut pœnitentia duci suæ ipsorum condi-

IN CAP. II. AD TITVM

tionis, & mala per rebellionem contra dominos suos statuere & conari.

Ita ergo saepe istorum carnalibus cogitationibus & curis occurrit, ut 1. Cor. 7. Vnusquisq; in ea uocatione, in qua uocatus fuit, permaneant. Seruus uocatus est, ne sit tibi cura &c. Rom. 13. Qui resistit potestati, Deo resistit. Huc accense illud Pet. 1. Pet. 2. Quasi liberi, & non uelamen habentes maliciae libertatem, sed sicut serui Dei:

Sequitur, in omnibus placentes, hoc est, serui ita sint subditi dominis suis, ut illis placere studeant, & gratificari in omnibus, nisi quid praecipiant pugnans cum uoluntate Dei, quod semper exceptum esse debet per generalem hanc regulam, Oportet Deo magis obedire quam hominibus.

Non contradicentes, hoc est, ne sint immorigeri, rebelles aut responsatores, non magis, quam ipsi Christo Iesu, cui hoc obsequium & hanc obedientiam, de qua praecipit, debent. Lege, quae sunt Ephes. 6. Multo minus defraudent suos heros, aliquid de bonis illorum decerpentes, ac subtrahentes illis, nam furti crimen per se mortale peccatum est.

Iam etiam antithesim addit Paulus, qua se clarius explicat, sed in omnibus, inquit, fidem bonam, id est, fidelitatem ostendentes, ita quemadmodum domini seruis multa credunt, et fidei illorum committunt,
sic

sic præstent uicissim fidelitatem in conseruandis & augēdis bonis dominorū suorum, quanquā hoc nomē nō opponitur tantum subtractionis crimini, sed alijs oībus uicijs seruorū, q̄ paulo ante deprecatus est. iubet. n. ut subditi esse, & fidelitatē in obsequēdo præstare uelint. illud, ut doctrinā seruatoris nostri dei ornent in omnibus, require suprā enarratū in illud, Vt non blasphemetur uerbum Dei, nam conscientia tantī facinoris, nemo tandē sustinere poterit, sine desperatione aternæ salutis, nisi qui serio pœnitentiam agunt, seseq; emendant. Dabunt itaq; operā hi omnes, quibus curæ est sua ipsorum salus, ut gloriam Euangelij in omnibus ornent, uicq; caueant se tanta scandala alijs obijcere, quibus fiat, ut de doctrina Christiana male sentiant & male loquantur.

AD PARVIT ENIM GRATIA DEI, SALUTIFERA OMNIBVS HOMINIBVS, ERVDIENS NOS.

De ratione et modo exhortandi per sanam doctrinam iam suprā scripsi, cum uidelicet uersarer in expositione primi capituli. Eius hoc loco inspicere exemplum, & expende, quī conueniat Ecclesias de bonis moribus seu operibus instituere, nam quæ sunt apud Paulum in doctrina fidei & bonorum operum, prorsus pugnant, qui iubent nos per opera obedientiæ nostræ erga legem, iusticiam & salutem quærere.

IN CAP. II. AD TITVM

Itaq; hic locus contra istos doctores operum facit, qui fidei in Christum derogāt, id est, gloriæ Christi, quam per fidem profiteamur, & qua ignoscimus nos iustificari & saluari propter Christum. Deinde, pharisaicis opinionibus agitantur alijs, quod putant se legis iusticijs satisfacere posse, & sic mereri eternam uitam. Hoc uerum est quidem, q̄ contemptus diuinarum legū damnat, sed nemo per obediētiā suā satisfacit legi, ideo nec saluari p̄ eā quisquam potest. Et Deus aliud quiddam proposuit, in quo largiri nobis cōstituit iusticiā & eternā uitam, nimirū Euangelium redemptionis nostræ per Christum, quo requirit fidem gratiæ suæ, qua nos saluos facit propter filium unigenitum Christū, quatenus credimus in eū.

Itaque iubent hypocritæ, ut in merita scilicet, quanquā sint nulla, & dignitates, quas fingunt, nunc congrui & nunc condigni iusticiarum nostrarum respiciamus, & illis cōfidamus, quod nos liberēt à peccato & æterna morte. Sed apostoli prædicant nobis iusticiā & salutem per fidem in Christum. Deinde autem requirunt, ut in hanc ipsam gratiam & redemptionem nostri per Christum respiciamus, & per illius fidem bene operemur, intendentes glorificare Deum, & nomen Domini Iesu Christi ornare. Sic ergo operantes nihil dubitēt, quin hæc opera sua placeāt Deo, quæ in incredulis impossibile est placere. Atque

adeo

adeo, q, habeant sua præmia in coelis, incredulorum uero iusticias consequi æternas poenas.

Manet quidem condemnationis causa in illis, qui flagitiose uiuunt, & cum contemptu mandatorum Dei, sed in illis, qui credunt Euangelio, hæc omnia peccata abolentur, & fit noua condemnationis causa ipsa incredulitas. Nec possunt iuuare ullæ iusticiæ eum, qui in incredulitate manet. Hinc sunt illa, Spiritus arguet mundum de peccato, quod nõ crediderūt in me, hoc est, causa cōdemnationis illorum est, quod non agnoscunt gratiam Dei fide, nec recipiunt me unicam esse causam suæ æternæ salutis. Sic ergo & Ioan. tertio dicitur: Qui credit in filium, non iudicatur: qui autem non credit, iam iudicatus est, quod non credidit in nomine unigeniti filij Dei.

Cæterum regnat incredulitas in omnibus, qui sine poenitentia agūt, quia impossibile est hoies uera fide præditos esse, q simul non habeant in se pium timorem Dei, siue qui possint cōtemnere uelle hoc uerbū Christi, quo omnes ad poenitentiam hortatur. Quin etiam spiritus sanctus adest his, q uere credūt in Christum Iesum, ideo non possunt immundicijs peccati uelle seruire. Quanquam ergo per opera legis nemo saluus fiat, tamen necessaria est quædam nouitas morum & operum bonorum in illis, qui Euangelio crediderunt. Et de illa necessitate iam dicam.

IN CAP. II. AD TITVM

De necessitate bonorum operum in iustificatis
seu de externa poenitentia.

Quaquam igitur & supra ab initio secundi capituli nonnihil dixi de huius externae nouitatis necessitate in iustificatis, tamē nihil uetat etiam hic paucula quaedam de eadem annotare, cum praesertim Paulus hic praecipiat de bonis opibus, quae multi corruptis, id est, impijs & pharisaicis opinionibus praedicant ac docent. Primum ergo discernamus hypocritarum iusticias ab operibus bonis, quae praestant, quae iustificati sunt fide in redemptorem Christum Iesum. Itaque hypocritarum iusticias uoco, quaecumque opera & facta ipsorum, quae praestant opinionibus merendi peccati remissionem, iusticiam & aeternam uitam, quaquam legi nunquam satisfaciunt, nec possint satisfacere. Est enim spiritualis doctrina, & purificatos motus cordium nostrorum requirit, sed corda renouare non est in nostra potestate, renouatur enim sola spiritus sancti uirtute, de qua infra capite tertio loquemur. Sed hypocritae non existimant legem, nisi de externis factis nostris concionari, ideo fiducia externae iusticiae promittunt sibi debitum remissionis peccati & aeternae uitae, & hoc contra gratiae fidem, tum beneficiorum Domini & seruatoris nostri Iesu Christi. Ideo de operibus eorum secure pronunciamus, esse impias & pharisaicas iusticias, & Deo nullo modo placere posse.

Rursus

Rursus de operibus iustificatorum dicimus, q̄ sint grata deo opera & facta, atq; adeo necessarij cultus. Deniq; q̄ ingētia prēmia habeant, præsertim in cœlo. Iustificatos autem coram Deo pronunciamus, (ut diserte hanc causam de bonis operibus explicemus) quotquot uere credunt Euangelio, nempe quòd accipiant peccati remissionem per gratuitam misericordiam Dei, beneficio iustificatoris Iesu Christi, qui est redemptor noster, precium & satisfactio pro peccatis nostris, & pro æterna morte. Illi ergo, ut neque opus habent mereri iusticiā uel æternam uitam, quia sunt salui facti per Christum, iamq; hæredes æternæ uitæ per eundem, ita nec quærūt per opera sua saluari, seu mereri iustificationem, & nulla prorsus dignitate personali sua seu priuata fidūt uel nituntur, & si quid boni operis faciūt, hoc solum spectant, ut digne ambulent Deo & Euangelio Iesu Christi, tanquam filij dilecti, siue, ut glorificent Deum, & Euangelium Domini nostri Iesu Christi in omnibus ornent.

Illorum igitur iusticiæ placent, gratæ atq; acceptæ corā Deo, non q̄ per se sint mundæ aut pfectæ, adhuc enim suas quasdam immundicias & imperfectionem habēt, sed ideo, q̄ fiducia remissionis peccati præstatur, et placatoris Iesu Christi, per quē sunt oblationes & sacrificia & ueri cultus Dei, sicut testatur illa Pauli Rom. 12. ad eos q̄ fide per Christū iustificati sunt.

Dignitas bonorum operū in iustificatis

IN CAP. II. AD TITVM

Obsecro itaq; uos fratres per misericordiam Dei, ut exhibeatis corpora uestra hostiam uiuentem, sanctam, Deo placentem, rationale obsequium uestrum &c. Item illa Petri, 1. Pet. 2. Ipsi tanquam lapides uiui super ædificamini domus spiritualis, sacerdotium sanctum, offerentes spirituales hostias, acceptas deo per Christum Iesum. Hæc profecto magna dignitas est bonorum operum, sed eam accipiunt à Christo, qui est precium & satis factio pro nostris peccatis, in cuius nominis fiducia, id est, fiducia remissionis peccati, quam obtinemus per nomen eius, operamur.

In Christum itaq; respicit Deus, ad probans illa nostra, quæ per fidem nominis eius facimus & operamur, & sunt alioqui p se adhuc imperfectæ iusticiæ, adeoq; uix inchoata obedientia boni operis, si illas iusticias nostras rigide, exacte et perfecte examines. Tametsi qui iustificati sunt, etiam à spiritu sancto inuuantur, ut subinde melius & purgatoribus animis illam obedientiam præstent, & perfectius glorificent Deum. Glorificari enim his operibus iusticatorum, Deum, firmum est ex illo Christi Matth. 5. Sic luceat lux uestra coram hominibus, ut uideant opera uestra bona, & glorificent patrem uestrum qui in cælis est. Quæ si perfecte crederemus, quem posset ullius boni operis, uel crucis & passionis tædere aut pigere? Si aut molestum est hypocritis iusticias legis facere seu operari.

operari. Nihil enim non simulate, & inuito atq; rebellis animo agunt, & tamen fingunt se colere Deum, cum sua fictitia pietate nihil quàm sua quærant.

Iam addendum est, hos spirituales & fidei cultus **Neceſſitas** etiam necessarios esse, nam Deus punit contemptum operum & legum suarum, in quibuscunq; ille durat, & punit qui obedientiæ nostræ. dem æterna morte. Ideo 1. Corinth. 6. dicitur: Non possunt regnum dei hæreditate consequi. Quin etiam neglectum boni operis eadem poena damnat, ut est Matth. 25. Quia arguit incredulitatē inesse his, qui occasione bene operandi nō amplexi sunt. Et Rom. 6. dicitur: Ne regnet peccatum in mortali corpore vestro, ut obediat concupiscentiis eius. Item Rom. 8. Si secundum carnē uixeritis, moriemini. Et q̄s ignorat nos pœnitentiæ debitores esse, quæ fructificet ab extra multis bonis operibus à Deo præceptis?

Huc facit, quod supra exposuimus de triplici legis usu, alio uidelicet in carnalibus, & eo duplici, & alio rursus in spiritualibus. Nunquam enim prorsus liberi sumus, ut liceat nobis à legis operibus uacare seu ociosos esse, nam carnalis natura coërceri legibus debet, aut reuocari ad peccati & delictorum suorum cognitionem. Spiritualis autem liberata est, non ab obedientia seu debito operis boni, sed ab exactione iustificationis, quæ fiat per legem, siue à condemnatione, quæ irrogatur his, qui legis exactionibus non

IN CAP. II. AD TITVM,

*Quæ opera
necessaria.*

satisfaciunt. Spirituales itaq; nō quærunt ocium, nec cessant unquam bene operari. Et illi discunt ex lege, qua iusticia bonorū operum, siue potius, quibus operibus bonis Deus uelit glorificari à nobis, ne in delictu boni operis aberrant, ita ut fieri uidemus ab hypocritis, qui opera uere bona & pia, de quibus Deus præcipit, serè negligunt, & alia inutilia opera traditionum humanarum sibi proponunt, de quibus suprâ abunde satis dictum est.

Docui itaq; ex tertio legis usu regulam & doctrinam operum necessariorum ex lege petendam esse, quod oportet intelligere de mandatis decalogi, sicut manifestum est ex his omnibus operibus, quæ prædicant nobis, tum Christus, tum apostoli. De alijs oībus si quis necessarias faciat ad uitam æternam, affirmamus à Christo dictum esse: Frustra colūt me mādatis hominum. Nam & cærimoniæ Mōsi & forenses leges, quas ille Iudaico populo tradidit, non magis necessariae sunt, uel ligant conscientias nostras, quàm ullæ traditiones hominum, de quibus præterea, si quis per eas contendat nos peccati remissionē mereri, aut uitam æternam, non aliter pronunciabimus, quàm de blasphemis hominum constitutionibus, per quas fit idem. Adeoq; de ipso sacratissimo decalogo Mōsi, cui ut obediatur tamen à reconciliatis, seu iustis per se-
dem

dem, contendimus necessarium esse. Sed ciuiliū magistratuum edictis, sub quorum imperijs et protectione Christiani agimus, necessario obedimus propter reuerentiam quarti præcepti mandatorum decalogi, & quia Christus & apostoli illius obedientie affirmant nos debitores esse:

Isti sunt fontes & causæ doctrinæ de bonis operibus, de quibus te papistæ & monachi nihil prorsus docere possunt. Impediuntur enim suis impijs & pharisaicis opinionibus de merito & dignitate operis operati, quo ad impetrationem doni remissionis peccati & uitæ æternæ, quasi hæc Deus largiatur nobis propter legis opera, quæ nos facimus, & nõ propter solum Christum, quatenus credimus in eum. Ita ergo transferūt in sua facta sacrilegi gloriam gratiæ Dei, & seruatoris Christi. Sed quæ uere crediderūt in Deū per Christum Iesum, in operando illi nõ aliud spectant, nisi ut uoluntati Dei patris obediant, & glorificent eum per Christū Iesum. Non quærūt suas glorias uel cōmoditates, cum sciant se saluos esse factos gratuita beneficentia misericordiæ Dei per Christū, et tamen sciūt se præmia cōsecuturos suorū laborū, operationū & afflictionū, in quibus sunt ppter confessum Euangelium Iesu Christi, si in fide permaneant, & ex fide oīa agant uel patiantur. Ab his finibus gratitudinis seu confessionis & laudis Dei in bene operando pe-

IN CAP. II. AD TITVM,

nitus remouent atq; aberrant papistæ, & non solum nihil faciunt ex fide, sed & suis illis merendi opinionibus abnegant fidem in Christum.

Itaq; si qui pie mandata decalogi faciunt, illi procul absunt ab his impijs opinionibus, quas alunt papistæ. Primū. n. nō arrogāt sibi, q̄ exactiōibus mandatorū Decalogi satis faciāt. Nam omnis obedientia operum nostrorum est imperfecta propter concupiscentiam, quæ est omnibus agnata, & nunquam non facessit negotiū omnibus nobis. In incredulis etiam augens auariciam, ambitionem & curas huius seculi, tum alias cupiditates noxias & prauas, & propter reliquas difficultates, quæ impediunt, ne perfecte, quicquid præceptum est, faciamus, et sic iusticias illas nostras, quas operamur, polluunt, sicut fit etiam per terrores in conscientia, & externas tyrannorum comminationes, quibus seuiunt contra uerbū Dei. Quis enim non impeditur per hæc mala aliquando, ut contrā, q̄ oporteat fieri, nō agat? Quis perfecte timet, diligit, odit, sperat ita, ut timere, amare, odisse & confidere seu sperare Deus iubet?

Deinde, multo minus quærent peccati remissionem aut æternam salutem per sua opera et facta, qui Decalogi præcepta recte & pie faciunt, nam p̄ fidem agnoscunt, & ore confitētur se illa dona cōsequi per gratuitam misericordiā Dei propter Christum, eoq;
mox

mox ab initio huius collationis de operibus bonis do
cui, quòd in solis reconciliatis seu iustificatis placeāt
illa, quæ nostra obedientia erga Deū præstamus, non
q̄ sit perfecta iusticia in hac obedientia, sed quia per
sonæ placent Deo, & habent peccati remissionē per
Christum, ex cuius gratiæ fide operatur, & illa in-
choata obedientia glorificāt Deum & redemptorem
Christum, sine quo nec amare legem, aut ullum dile-
ctionis opus uera cordis puritate & obedientia præ-
stare possent, sicut testatur illud Pauli Ephe. 2. Ipsius
enim sumus factura, cōditi per Christū Iesum ad opa
bona, quæ præparauit Deus, ut in illis ambulemus.

Proinde liquet ex his, quàm inaniter fidant hypo-
critæ suis iusticijs, quia nec ad perfectionē illam boni
operis, quam lex præcipit, unquam perueniunt, nec
possunt puenire in eā. Quapropter etiam frustra est
& inane, q̄ iusticiam ex lege quærūt. Rom. 9. Israel,
sectando legis iusticiam, in legis iusticiam nō perue-
nit. Quare? Quia non ex fide, sed quasi ex operibus,
uidelicet querebant iustificationem Israelitæ. Itaq;
non possunt placere Deo, quicunq; sunt in his impijs
opinionibus, & sine fide in Christum manent, qua
agnoscerent se gratis p̄ illum saluos factos, & per sua
opera & facta iustificari & glorificari coram Deo
querunt. Facit ergo gratas & acceptas sanctorum
iusticias sola in Iesum Christum fides, quæ præterea

IN CAP. II. AD TITVM,

sola efficax est, operari uerā nouitatē & ueram cordis obediētā. In summa, timorē dei, fiduciā, dilectionem, spem, & alia digna Deo in cultu Christiano elicere. Nunc igitur reuertor ad ea, quæ suprà cœpi de necessitate bonorū operū in iustificatis. Omnino enim omitti nō debet obedientia mandatorum decalogi ab eis, qui in Christum Iesum credunt, ut quos ipse uocat ad poenitentiam & renouationem totius uitæ. Quanquam ergo illa obedientia propter imperfectionem sui neminē saluet, punit tamen deus contemptum mandatorum suorum, qui esse non potest in illis, qui uere crediderunt in deum, adeo, ut nec retineri fides possit ab his, qui conscientia quotidianis peccatis onerant. Quī posset enim retineri fiducia illa, q̄ deus sit nobis propicius, si flagitiose uiueremus, penitusq; deficeremus ab operibus dilectionis, quæ ille tā opere requirit, ut inuicem alij alijs præstemus? Reluctatur enim conscientia mali operis, & statuit contrarium, id est, reos agit atq; damnat, sicut horribili exemplo docemur in proditore Christi Iuda, qđ sane scriptum est in terrorem his qui deum non timent.

Quapropter confiteri oportet esse magnam necessitatem bene operandi Christianis factam, etiamsi nullus per iusticias tuas saluus fias. Quid facias enim miser, si nō possis uincere conscientiam, quæ testatur contra te, & arguit, quòd displiceas Deo, sis uanus

& impius contemptor Dei, uidelicet rebellis perpetuo eius uoluntati? Non potest aut uinci ab his, qui sine poenitentia uiuunt, & poenitentia ducti, nisi consolationem audiāt à Deo, cuius est loqui cordibus nostris, coguntur desperare. Neq; enim ego, tu aut quisquam alius potest fiduciā gratiæ concipere, quoties aut quandocunq; uult, sine peculiari dono dei. Et oīs scriptura clamat, deū timēdum esse, q̄ contemptū suū tandē grauissimè puniat. Lege quæ sunt Deut. 32. Et Ioannes euangelista inquit 1. Ioan. 2. Qui dicit se nosse Deum, & mandata eius non custodit, mendax est. Atq; idem cap. 3. Qui facit peccatū ex diabolo est.

Itaq; quisquis salutis suæ rationem habet, studebit conscientiam recte factorum conseruare, & Deo in omnibus morem gerere, declinare à malo, & facere bonū, operari iusticiam &c. Sic enim fiet, ut fiduciā reconciliationis, quæ est nostra cū deo per Christum, retineat, tum augeat quoq; & confirmet fidem. Idq; est, quod Petrus iubet, ut bene operando studeamus certam efficere nostri uocationem & electionē apud Deum. 1. Pet. 2. Nā ipsa quoq; bona opa sunt signa remissionis peccati factæ corā deo, iuxta illud Lu. 6. Remittite, & remittetur uobis. Quapropter etiam necesse est, mala opa quoq; esse q̄dam signa irati dei in eos, q̄ flagitiose uiuūt, nec mouētur, ut poenitentiā agāt. Quid multis? Necesse est abesse sp̄m sanctum

IN CAP. II. AD TITVM,

ubi uiuitur impie, scelerate, iniuste & intemperanter,
& ubi nulla dilectionis, pacis & cōcordiæ opera re-
gnant, & tamen sine hoc spiritu nemo potest beatus
esse, iuxta illud, Si quis autem spiritum Christi nō ha-
bet, non est eius. Itaq; necesse est iusticia bonorū ope-
rum præditos esse, qui Deo placere uolunt, conscien-
tiam bonam tueri, & fidem sine desperatione retine-
re. Gal. 5. Nos enim spiritu ex fide, spem iusticiæ ex-
pectamus, nam in Christo Iesu neq; circumcisio aliqd
ualet neq; præputium, sed fides quæ per charitatem
est efficax. 1. Timot. 1. Finis autem præcepti est cha-
ritas, ex corde puro, conscientia bona, & fide non fi-
cta. Prorsus itaq; abesse non potest iusticia bonorum
operum ab his qui sunt fide iusti, quia sequi recōcilia-
tionem debet, ut testimonium fidei in credente. Qua-
re & in facinoroso illo, qui in ultimo suæ uitæ conuer-
sus est, de quo est Luc. 23. reperta est. Satis enim signi-
ficabat, se prorsus mutatum & alium esse factum.

Hæc nos oportet diligenter exaggerare, & incul-
care fidelibus Christi, ne quis existimet eam fidem
nos docere Iesu Christi nomine, quæ est sine fructu
operum bonorum, nam etsi doceamus, q. sola per Ie-
sum Christum fide iustificemur & salui efficiamur,
propterea, q. iustificatio nostri est gratuitū beneficiū
misericordiæ Dei donatū propter Christum, quam
per solam fidem obtinemus, tamen ipsam quoq; poeni-
tentiam

tentiam & iusticiam bonorum operum Iesu Christi nomine prædicamus. Sed qua credentes & iusti & beati in Christo Iesu Deum pro gratia glorificemus. Testificantes omni homini mortuam esse, seu fictam & rem fabulosam, fidem, quæ iusticia bonorum morum & operum, quæ Deus præcipit, careat, non placere Deo, qui facinorosi sine pœnitentia uiuunt, nec fore regni Dei heredes. Ac ne sic quidem, si omittant occasionem bene operandi per opera dilectionis. Lege 1. Corinth. 6. Gal. 5. Eph. 5. Matth. 25. Luc. 16.

Hæc habui, quæ in præsentiarum uolui annotare de iusticia bonorum operum in credentibus, & de necessitate eius, quam constat præterea habere multa præmia apud Deum, tum corporalia, tum etiam spiritualia & æterna in cœlis. Quemadmodum & transgressio habet pœnas & sempiternam condemnationem, iuxta illud Rom. 2. Reddet unicuique secundum facta sua. Et 2. Corinth. 5. Omnes nos manifestari oportet coram tribunali Christi, ut referat unusquisque propria corporis, prout gessit, siue bonum, siue malum. Luc. 6. Date, & dabitur uobis. Et exemplum Cornelij act. 10. testatur & spiritualia præmia conferri his, qui fiducia bonitatis Dei bene operantur. Et Mar. 10. dicitur: Nemo est, qui reliquerit domum, aut fratres, aut sorores, aut patrem aut matrem, aut liberos, aut agros propter me & Euangelium, qui non acci-

IN CAP. II. AD TITVM

piat centupla in tempore hoc, & in futuro seculo uitam eternam. Item Luc. 16. Facite uobis amicos de mammona iniquitatis, ut cum defeceritis, recipiat uos in eterna tabernacula. Matth. 25. Cū autem uenerit filius hominis &c. usq; ad cap. finem.

Sed ille pollicitationes præmiorum nihil ad incredulos, quos fiducia merendi tenet, per sua facta peccati remissionem &c. pertinent, non magis, quàm ad eos, qui scelerate uiuūt, & mandata Dei penitus deserunt. Qui enim manet in incredulitate, ut nullam assequitur peccati remissionem, ita manet in morte et æterna condemnatione. Ioan. 3: Qui incredulus est filio, non uidebit uitam, sed ira Dei manet super eum. Pergam nunc ad alia, in quibus uidelicet nonnihil de abrogatione legis dicam. Cum enim constet nos per Christum liberatos esse à lege, & prædicari tamen iusticiam operum, de qua lex præcipit. Item, necessariam esse illam iusticiam, quam iustificati præstent, queri solet, quatenus sit lex abrogata, aut quid in illa cum obedientia boni operis necessario præstetur. Et pauci sane recte de illa abrogatione iudicant.

De legis abrogatione.

Potest igitur ex his, quæ dixi de necessitate bonorum operum in iustificatis, iudicari recte de legis abrogatione. Nam quia obediētia erga decalogū necessaria

saria est, et semper manere debet, cærimonijs aut & forēsibus Mosi legibus nihil penitus debeamus Christiani, palam est coactionem abrogatā esse, q. ad cærimonias & forēses leges attinet, hoc est, cogi nō posse Christianos, ut cærimonias Mosi aut forēses leges seruent, sed liberos esse ad utrunque, ut uel seruēt aliquot ex illis ritibus & ordinationibus, uel prorsus nihil seruent, ita ut utile & commodum esse Ecclesiæ uidetur. Sed quantum attinet ad decalogi mādātā, quoniam obedientiam illius retinere oportet, nihil in illo abrogatum esse, nisi exactionem iustificationis et ius condemnandi homines peccatores, hoc est, non potest decalogus me cogere, seu præcipere mihi, quatenus in Christum Iesum credo, ut iusticiam per opera legis & facta mea quæram, & quanquam perfectam obedientiam non habeam, non potest tamen me condemnare, nam per Christum Iesum, qui semetipsum dedit precium redemptionis pro peccatis meis, sum iustificatus, & liberatus à mortis æternæ condemnatione, quæ irrogatur aliqui per comminationes legis.

Hæc ratio abrogati decalogi colligi ex tota doctrinā iustificationis & potest & debet. Nobis. n. impossibile fuit exactionibus legis satisfacere. Ro. 7. et 8. Eoq; & indignimus iustificatore & seruatore Christo Iesu, qui nos suæ gratiæ beneficentia iustificaret,

IN CAP. II. AD TITVM

sine lege, id est, sine meritis operũ nostrorũ. Rom. 3. Galat. 2. Et iustificatos defenderet ab ira & æternis execratiõibus legis. Gal. 3. Et retineret tamẽ in obedientia mandatorum decalogi. Rom. 6. 8. quæ quamquam imperfecta est, tamen reprehendi à lege non possit propter Christum iustificatorem. Imò non possit non placere & grata esse Deo. Rom. 12. 1. Pet. 2. Col. 3. Nam etiam ornat gloriam gratiæ Dei & seruatoris Iesu Christi. Tit. 2. Et glorificat deũ. Mat. 5.

Ita ergo cum loquimur de legis abrogatione, sentire oportet & iudicare. Primum, cærimonias Mosi & fœrenses leges nihil prorsus ad Christianos pertinere, & tamen liberũ esse illis, ut quicquid libeat uel commodũ sit, adplicent ex eis ad suas commoditates. Quemadmodum aliquot dies festos retinemus Christiani ad imitationem Mosaicæ legis, sed per merã libertatem, ut quos abrogare & penitus tollere possemus, sed ordinis causa in ecclesia retinemus, ut plebs commodius de religione & fidei articulis doceatur. Alia est autem decalogi abrogati ratio, quia illius obedientia semper necessaria est. Pertinet enim ad pœnitentiæ doctrinam, nempe doctrina timoris, dilectionis & fidei in Deum. Item, præstandæ dilectionis, pacis, cõcordiæ, obedientiæ & pœnitentiæ apud homines, & fugiendæ iræ, inuidentiæ, simultatis, odiorum, auariciæ, ambitionis & similibus, quæ omnia
Christus

Christus & apli in prædicatione & doctrina urgēt.

Abrogatus est ergo decalogus sicut dixi, ne recipiatur doctrina iustificationis esse, seu ut habere, exigendi à nobis iustificationem, quam præstemus per opera legis. Hoc enim si recipiatur, facit oibus nobis impossibilem iusticiam & salutē, quia impossibile est exactionibus legis satisfieri à nobis. Ideoq; & necessario sub legis æternis maledictionibus permaneremus, si eius debitores essemus, id est, exactionū mandatorum decalogi. Continēt enim spirituales doctrinam præcepta decalogi, & præcipiunt de mundicie cordis, sicut Christus testatur Matth. 5. & Paulus Rom. 7. Ideo non potest decalogus, nisi reos agere et cōdemnare peccatores. Quin etiam contrarius est effectus eius, quàm iustificationis. 1. Corinth. 15. Virtus peccati lex. Rom. 7. longe copiosissime hæc explicantur.

Misit ergo filium suum Deus, qui nos sanguine suo purgatos iusticia & salute participes efficeret. Sine lege, id est, iusticia, quæ non est sita in meritis operum & factorum nostrorum, sed quæ tota est fidei gratiæ remissionis peccati per Christum. Rom. 3. Nunc manifestata est iusticia Dei sine lege. iusticia autem Dei per fidem Iesu Christi in omnes & super omnes, q credunt. Item, iustificati gratis per gratiam ipsius, per redemptionem, quæ est in Christo Iesu. Et

IN CAP. II. AD TITVM

Rom. 8. quod impossibile erat legi, (eò quòd infirmabatur per carnem) Deus filium suum mittens, damnavit peccatum &c. Galat. 2. Non iustificatur homo ex operibus legis, sed per fidem Iesu Christi.

Fuit ergo necesse abrogari totam legem. Imprimis autem decalogum & illius exactiones. Vere enim impossibiles nobis fuerunt, quæ nisi abrogatæ essent, nemo posset saluus fieri. Illis autem abrogatis, & ira legis seu maledictiones illæ æternæ mortis quoque sunt oblitteratæ. Aboleri autem per Christum debuerunt. Et huc faciunt illa Pauli Galat. tertio: Christus nos redemit de maledictò legis, factus pro nobis maledictum, ut Gentibus contingeret benedictio Abrahamæ per Christum Iesum, ut pollicitationem spiritus acciperemus per fidem, hoc est, ut utrique nostrum, tam Iudæi quàm Gentes acciperemus promissum spiritum sanctum, per quem intelligimus nos esse filios & hæredes Dei, & in quo clamamus: Abba pater, & decenter uiuimus, sicut docent mandata Dei, quia à spiritu sancto gubernamur, quem accepimus per Christum Iesum, & per legem haud quamquam accipere potuimus, quia hæc augebat timorem cruciantem, & operabatur desperationem. Utile igitur fuit, abrogari legem, quin etiam necessarium:

Et de illa abrogati decalogi necessitate etiam hæc intelligi

intelligi debent, quæ sunt scripta à Paulo Col. secundo: Et uos, cum mortui essetis in delictis & in præputio carnis uestre, conuiuificauit cū illo, condonans nobis omnia delicta, delens quod aduersus nos erat chirographum decretis constans, quod erat contrarium nobis, & sustulit illud è medio, affigens cruci, & expolians principatus & potestates, ostentauit palam, triumphās illos per se. Quàm enim, obsecro, exiguum futurum fuisset beneficium Christi, imò penitus nullum, si à cærimonijs Mosaicæ legis aut à fœrensibus constitutionibus eius tantum nos liberauisset? Ac uere tunc non esset humani generis seruator, sed destructor potius bonarum ordinationum Mosi, sicut à Iudæis blasphematur.

si enim nos per legis decalogi exactiones oporteat iustificari, quam incommoditatem habent cærimoniæ aut fœrenses leges, utræque certe bonæ, cur non simul in populo Dei relinquantur. Quòd uero Paulus in prius citato loco, ad Collossenses secundo, de legis abrogatione, solum exempla ponit abrogatarum cærimoniarum, ad eos respexit, qui illarum superstitiosam obseruationem & pharisaicam à Gentibus requirebant, & nihil penitus necessariam, quum interim loquutus esse intelligi debet de totius legis abrogatione, quod uel ex eo intelligi potest, quia, ut prius docui, exactiones

IN CAP. II. AD TITVM

decalogi omnibus impossibiles fuerunt, & quia Christus est iustificator & seruator noster, qui nos à maledictionibus legis redemit, & pro omnibus peccatis nostris satisfecit.

igitur à decalogi exactionibus omnium maxime liberauit nos Christus, & rursus non ita liberauit, quasi nunc cuiuis, quicquid libet, liceat, sed soluendo factus pro nostris peccatis, exactionibus decalogi & totius legis p nobis satisfecit, & ipsum adeo spūm sanctū nobis promeruit, p quē ipsa decalogi praecepta melius facimus, quā unquam potuimus antea prestare. Sic ergo reinet nos in obedientiam mandatorum decalogi, quam scilicet oportet in iustificatis manere, quod supra prolixè expositū est. Huc facit illud Rom. 6. Non ergo regnet peccatum in mortali corpore uestro, ut obediatis concupiscentiis eius etc. Quanquam ibidē dicatur: Non estis sub lege, sed sub gratia, sed proxime prae misis his uerbis, Peccatum uobis non dominabitur, quo significatur iustificatos gubernari per spiritum sanctum, quoniā sunt in gratia, & habent placatum Deum. Sed qui ab hoc spiritu gubernantur, non possunt peccato frena uelle laxare Rom. 8. Debites sumus nō carni, ut secundū carnē uiuamus. Si. n. secundū carnē uixeritis, moriemini: si autē spiritu facta carnis mortificaueritis, uiuetis. Quicunq; .n. spiritui dei aguntur, hi sunt filij dei.

Quanquam

Quamquam ergo legi nihil debemus, quo ad eius impossibiles exactiones, et liberati simus ab omni legis ira, tamen ita nihil debemus, quatenus credimus in Christum Iesum, & gloriæ eius studemus, cui oīa debemus quæ decalogus docet. Quæ ut melius præstemus, ipse efficit, adiuvās nos p̄ spiritum sanctum. Et si quid minus perfecte facimus, tamen impetrat, intercedens pro nobis æternus gratiæ mediator, ne hoc, quicquid est imperfectionis seu uicij, imputetur nobis, sed misericorditer cōdonetur. Nos sumus enim mali seu uiciosi, & defectibus laborantes, sed secundū infirmitatē & inuiti, & malleus meliores esse.

In summa, abrogatio non tollit debitam obedientiam, sed mutat, & aliā facit, ut ex prisca, pharisaica & carnali fiat noua, Christiana & spiritualis, quia facit ex tristibus, inuitis & rebellibus uolentes, hilares & lubentes legis factores, qui spiritu & ueritate colant Deum. Et pro abrogata legis doctrina surrogatur Euāgelium, iustificationis & uitæ doctrina, & abolentur horribiles decalogi maledictiones.

Opinio iustificationis querendæ per legem tollitur, et datur iustificator Christus, in quē dum credimus, iusti & beati sumus. Itaq; fides non est querere per opera decalogi iusticiam & salutē, sed gratia & misericordia Dei, & beneficentia iustificatoris & redemptoris Iesu Christi fidere ac niti. Et iusti sumus.

IN CAP. II. AD TITVM,

nō propter op̄a legis, sed p̄ gratiā propter Christū, q̄
est preciū et pignus pro peccatis nostris, et pro æter
na morte. Cæterū, in superiori loco de iustificatorum
operibus bonis, abunde satis dictū est, quòd, quomodo
et cur ipsa operum bonitas pendet à fide in Christū.
Item, q̄ per Christum placet et grata est Deo, tanq̄
sacrificium et cultus, ornans uerbum Euangelij, et
Deum glorificans. Accingamur nūc ad ipsius textus
epistolæ Pauli expositionem, quem præmissa hac co
pioſa tractatione doctrinæ de bonis operibus, uolui
mus munire cōtra aduersarios, q̄ prædicationē Euan
gelij in oībus calumniantur, neq; quicquā intelligunt
in doctrina legis seu bonorū operū. Ait itaq; Paulus:

AD PAR VIT ENIM GRATIA DEI SA
LUTIFERA OMNIBVS HOMINIBVS.

Sed significationem græcæ uocis ἐπεφάνη ma
gis proprie et significantius reddidit Erasmus p̄ uer
bum illuxit. Paulus ergo significat ortū Euāgelij et
Christi conspicuū et illustrem esse factum, et cū ma
gnifica quadam et optabili pompa spectatum esse in
in mundo, quasi respexerit ad illud Esa. 60. Surge et
splend̄ſce, quoniā uenit lux tua, et gloria Domini su
per te orta est. Quod etiā in animo habuisse uidetur,
cū ad Eph. 5. ex incerto aliquo prophetarū loco scri
beret, propter qd̄ dicit: Surge q̄ dormis, et exurge à
mortuis, et illuminabit te Christus. Et Ioā. 1. dicitur:

Vidimus

Vidimus gloriam eius, gloriam quasi unigeniti à patre, (quasi diceret: Maxime illustrem & nobilem gloriam, ac uere diuinam gloriam, qualis decuit unigenitum filium Dei) plenum gratia & ueritate.

Cum igitur Paulus sit sermo de gratia Dei, quæ per Euangelium de Christo humani generis redemptore uulgata est, significat magnifice prædicatâ esse omnibus in toto terrarum orbe, nec prædicatâ solum, sed & signis & prodigijs & uarijs uirtutibus & spiritus sancti donis confirmatam. Nec aliud est gratia, quàm gratuita beneficentia misericordiæ Dei, quæ peccato & morti eripimur per liberatorem Christum. Quæ recte ob id dicitur salutifera, & quia in omnes uulgatur & spargitur sine personarum respectu salutifera omnibus hominibus. Marc. ultimo: Prædicate Euangelium omni creaturæ. Gal. tertio: Non est Iudæus neque Græcus &c. Rom. tertio: Nunc manifestata est iusticia Dei sine lege per fidem Iesu Christi in omnes & super omnes, qui credunt. Et cap. 10. Non est distinctio Iudæi & Græci, nam idem dominus est oim, diues in omnes, qui inuocant illum: Omnis enim quicumq; inuocauerit eum, saluus erit.

Et illæ omnes uniuersales diligenter obseruandæ sunt, non ideo solū, quod meritis operum nostrorum derogāt debitum remissionis peccati, (testantur. n. q. illa promiscue in oēs cōferantur, q̄ faciūt ad nostram

IN CAP. II. AD TITVM,

eternam salutem per gratuitam misericordiam Dei, & liberatorem Christum.) uerum etiam quia peccatores mirifice consolantur. Itaq; respexit Paulus ad eos scripturae locos, quibus significabatur olim Christum fore lumen populi sui, quale paulo ante testimonium citauit ex Esaia, Solus enim illuminat omnes per cognitionem sui, noticia gratiae, iusticiae & aeternae uitae. Imò est ipsissimum lumen, uia, ueritas & uita, atq; adeo aeterna salus oïbus q in ipsum credant.

Hec de insigni ortu Christi & Euangelij, seu gratiae salutiferæ uulgatione, q̄ facta est per Euangelium & Christum Iesum in toto terrarum orbe. Sed adijcitur à Paulo de illo effectu Euangelij, quo retrahimur ab operibus peccati, & in uiam iusticiae, quæ est, bonorum operum, dirigimur.

ERVDIENS NOS, VT ABNEGANTES IMPIETATEM ET MVNDANA DESIDERIA, MODESTE, IVSTE ET PIE VIVAMVS IN PRAESENTI SECVLO.

Eò itaq; non inuitat solum nos gratia Dei per prædicationem & doctrinam, uerum etiam efficax est, nimirū spiritus sancti uirtute, n. uare scilicet animos nostros & corda nostra, ut impietati uitæ & desiderijs, quibus in hoc seculo pleriq; acquiescere solēt, renunciemus, & cōtrà, modeste, iuste & pie uiuamus. Hoc cum gratiae tribuat Paulus, meminisse debemus,
quòd

quòd id ipsum efficaciæ legis detrahat. Quapropter nec legis opera quisquã præstare potest digna Deo, nisi p gratiam Iesu Christi, tantum abest, ut per sua facta quisquam coram Deo iustificari posset. Quod etiã docet ad Ephes. 2. ut suprã citavi, & ad Phil. 2. inquit: Deus est enim, qui operatur in uobis, & uelle & efficere pro beneplacito. Non est autem efficax Christus, nisi in solis illis, qui Euangelio crediderunt iam antea per gratiam iustis & beatis, ut nequeant uelle iusticiam ex lege quærere.

Cæterum, impietas est contemptus numinis, uicium, quo homo sine timore et sine fide in deum agit, tum sui & uirium suarum fiduciam concipit, aut præsidij aliarum creaturarum, contrã, quàm Deus ordinat ac statuit. Quæ in quibus durat, eos necesse est nunquam posse saluari, nisi tandem ab hac liberentur: Mundana uero desideria sunt carnales concupiscentiæ, ut ambitionis, auariciæ, libidinis, ira, inuidetiæ, odiorum, & similium, quibus homines seculi huius dediti atq; addicti seruiunt, ut est uidere in illis, qui sine fide in Christum agunt, impijs scilicet. Rursus, uiuere modeste, iuste et pie, cõtingit in his, q in Christum Iesum credunt. Est aut modestiæ, coërcere quælibet praua desideria carnis, sobrium esse, honeste et decenier se gerere. Iusticiæ uero, neminẽ fraudare, suũ cuiq; reddere, ac ne quidem malũ malo retaliare,

IN CAP. II. AD TITVM,

patientiam prestare in malo, & bono uincere malū,
ita ut iusticie species depingitur Matth. 5. Rom. 12.
Sed pietas complectitur timorem & fidem, ideo est
basis & fundamentum omniū consiliorum, conatuū,
operum & studiorum rectorū, & omnia facta nostra
grata efficit deo, ita ut suprā plixē demonstratū est.

EXPECTANTES BEATAM ILLAM SPEM
ET ADPARITIONEM GLORIAE MAGNI
DEI ET SALVATORIS NOSTRI IESV
CHRISTI.

Hoc est, expectantes rem illam speratam, quæ
adprehensa & possessa beatos efficit. Ea uero est ip-
sa adparitio gloriæ Christi, quæ erit eius regnantis,
nō humilis, ut prior illa oppressi sub cruce, quia tunc
iudex aderit uiuorum & mortuorum, uindicaturus
se de aduersarijs suis, & glorificaturus, quotquot li-
berationem per ipsum expectant.

Speratur autem illa adparitio gloriæ Christi,
seu expectatur adhuc, quia per fidem cognita, non-
dum est exhibita clara & perfecta manifestatione
glorificationis iustorum, & cōdemnationis reprobo-
rum. de qua ita scribitur 1. Ioan 3. Nunc filij Dei su-
mus, & nondum adparuit id, quod futuri sumus. Sci-
mus autem, quòd cum adparuerit, similes ei erimus,
quoniam uidebimus eum sicuti est. Et Rom. 5. Glori-
mur in spe gloriæ filiorum Dei.

Est autē spei natura, fidere ac niti solis promissioni
 bus Dei, & futura adparitione gloriæ redemptoris De spei natu
 Iesu Christi, ideo & certos atque securos efficit ani ra,
 mos nostros de immortalitatis gloria possidenda.
 Neq; enim fallit aut fallere potest Deus suis promif
 sis, ac certum est uetūrum Christum in gloria, ut per
 ipsum glorificemur. Phil. 3. Nostra autem conuersa
 tio in cælis est. Vnde & saluatorem expectamus Do
 minum Iesum Christum, qui reformabit corpus humi
 le nostram, configuratum corpori suo glorioso secun
 dum efficaciam, qua potest subijcere sibi omnia.

Huc pertinent ergo contiones de resurrectione
 mortuorū, quales sunt Mat. 19. 25. Io. 5. 11. 1. Cor. 15.
 1. Thess. 4. & Act. 3. uocantur tempora refrigerij,
 quæ his locis scripturæ de futura gloria iustorum per
 Christum scribuntur, et restitutionis omnium rerum.

Est autem hoc loco manifestum testimonium, ma
 ximeq; clarum, deitatis Iesu Christi. Cum enim Pau
 lus describat adparitionem gloriæ Iesu Christi, mox
 adpellat eum magnum Deum, qui idem est uerus ho
 mo, una persona, constans duabus naturis & serua
 tor noster. Magnum uero dicit, non ad differentiā ali
 cuius alterius Dei, quàm si sint Dī plures, & aliū
 quidam parui. Non est enim nisi unus Deus, & si fi
 lius est alia persona à patris persona, non tamen
 alius, sed idem Deus. Proinde magni adpellatio.

IN CAP. II. AD TITVM,

non est comparatiuū nomen hoc loco, sed quædam peculiaris nota potentie & maiestatis Iesu Christi, quam æqualem & eandem habet cum Deo patre.

QVI DEDIT SEMETIPSV M PRO NOBIS, VT NOS REDIMERET AB OMNI INIQUITATE, ET MVNDARET SIBI POPVLVM PECVLIAREM, SÆCTATOREM BONORVM OPERVM.

His uerbis elegantissime complexus est Paulus illud Christi, quo uniuersam gratiæ & bonorum operum prædicationem & doctrinam, tum causam suæ mortis & glorificationis, una quoq; & breui sententia comprehendit. Luc. ult. Oportebat Christum pati, & resurgere à mortuis tertia die, & prædicari in nomine eius pœnitentiam & remissionem in oēs Gentes. Pœnitentiæ enim prædicatio & doctrina sita est in his duabus partibus, in contritione uidelicet, quæ est interna pœnitentia, & fidem præcedit. Et rursus in externa nouitate, quæ fidem sequitur, & nulla potest nisi per fidem in Christum præstari. Fides autem sanat contritionem, quæ in quibuscunq; uera est, eos efficit præcellenter studere operibus bonis, ut hæc omnia copiose exposita sunt ab initio secundi capitis de pœnitentia, & proxime de necessitate bonorum operum in iustificatis, & legis abrogatione.

Testatur itaq; hic locus Christum esse precium redemptionis

redemptionis pro nostris peccatis. Fac ergo ualidissimam exclusiuam, hanc uidelicet, iusticiam operum legis seu rationis, aut cærimoniarum Papæ uel monachorum, aut deniq; rerum omnium, quæ sub cælo nominari possunt, non esse precium pro peccato, ut possis statuere firmus in corde tuo, & concludere te per solam in Iesum Christum fidem iustificari à peccato, & saluari à morte. Neq; enim aliud nomen datum est hominibus sub cælo, in quo oporteat nos saluos fieri. Act. 4. Et ipsi Domino Christo Iesu testimonium perhibent omnes prophete, q; remissionem peccatorum accipiant per nomen eius omnes, qui credunt in eū. Act. 10. Et Paulus inquit 1. Timoth. 2. Vnus autem Deus, unus & mediator Dei & hominū, homo Christus Iesus, q; dedit redemptionē semetipsum pro omnibus. 1. Pet. 1. Non auro uel argento redempti estis, sed precioso sanguine, quasi agni inculpati & immaculati Christi. Porro hanc salutem aliter non posse à nobis adprehendi, quàm per solam in Iesum Christum fidem, aliàs sæpe docui, & probatur ex his locis, qui testantur iustificationem nostri gratuitam esse, & huius gratuite gratiæ Dei fidem à nobis requirunt, ut Rom. 3. 4. &c. Recte itaq; affirmamus, nos sola in Iesum Christum fide iustificari & saluos fieri.

Illud, ut redimeret nos ab omni iniquitate, perinde est, quasi dicas à quouis peccato, Græce enim est

IN CAP. II. AD TITVM

ἐνομίᾳ, uicium, quod complectitur quaslibet legis
 transgressiones, tum internas, tū etiam externas. Ac
 testatur hic locus nos omnes esse peccatores & legis
 transgressores, peccatum damnabile, & transgressio
 nes morte & condemnatione æterna dignas habere,
 nisi nō simus redempti per Christū. Si enim redemit,
 ut redemit certe totum hominum genus, ab his uicijs
 & peccatis redemit, & à tantis transgressionibus di
 gnis æterna morte. Quæ omnia testantur nos habere
 peccatum in natura, uarijs transgressionibus fructifi
 cans ad mortem. Redemit ergo peccatores filios iræ
 & mortis, ut qui credunt in ipsum, condemnari ne
 queant. Ro. 2. Nihil nunc dānationis est his, q̄ sunt in
 Christo Iesu, qui non secundum carnem ambulant.

Nam & à carnalibus affectionibus retrahimur
 per Christum, ne scilicet illæ usurpent sibi regnum et
 imperium, siue potius tyrannidem in nobis. Idcirco
 enim præmemoratis continuo adiectum est, Et puri
 ficaret sibi ipsi populum peculiarem, sectatorem bo
 norum operum, ut intelligas hanc alteram causam
 fuisse, cur Christus sit traditus pro nobis. Ipse enim
 uoluit ac debuit pro officio Christi spiritum sanctum
 nobis mereri, qui nos ab interioribus inquinamentis
 uiciorum, peccati & transgressionum emundaret,
 efficeretq; bonorum operum ex animo studiosos, id
 est, sectatores bonorum operum in spiritu & uerita
te,

te, ita, ut nemo studere bonis opibus potest, nisi cuius cor est accensum spiritu sancto, quem nobis Christus Dominus & seruator noster meretur atq; largitur. Hinc enim sunt illa ad Roman. octauo: Lex enim spiritus uitæ, (id est, gubernatio, quæ sit per spiritum sanctum uiuificantem interna cordium nostrorum,) in Christo Iesu, liberauit me à lege peccati & mortis, propterea, quòd in intimis nostris ueram cordis pietatem format, & facit obedire legi.

Et hunc talem populum dicit Paulus peculiarem Christo esse, q. d. propriū, suū, hereditariū, ut quæ sanguine suo redemit, in quo rex esse uoluit, & regnare à mari usq; ad mare, uidelicet nō inter flagitiosos & scelerate uiuētes, nō magis certe q̃ inter incredulos. Et tales uelle Christū, paulo ante copiose declaratum est, & ex illo 1. Cor. 6. pulchre colligere est: Nō estis ipsi uestri iuris, nā empti estis precio. Glorificate iā deū in corpore uestro, & in spū uestro, quæ sunt dei.

HAEC LOQVERE, ET EXHORTARE,
ET ARGVE CVM OMNI IMPERIO. NE-
MO TE CONTEMNAT.

Hanc formam doctrinæ retineto, & flagitans exhortare, puta, si q̃ cessent officiū Christianorū facere, ac uolēt tamē Ecclesiæ Iesu Christi mēbra esse: sin fuerit aduersarius doctrinæ Christianæ, seueriter redarguito illū. Ita. n. meo iudicio cōplexus ē hoc loco

IN CAP. II. AD TITVM

tria illa, de quibus cap. 1. præcepit, quod Episcopo adesse debeant, et quod oporteat illū in eis ualere et potētem esse, ut cum grauitate agat oīa, nec patiatur se à quoquam contemni. Et talia precipit 1. Timoth. 4. &c.

IN TERTIVM CAPVT.

ARgumentum tertij capitis non multum dissimile est argumento secundi capitis. Pergit enim dehortari nos Paulus ab ijs uicijs, quæ pugnant cum religione et professione uitæ Christianæ, monere etiam et hortari, ut contraria recte, iuste et decenter facta, quæ pietatem ornant, facere et operari instituamus et cōnitamur. Deinde, similibus omnino rationibus dehortandi à uicijs et pertrahendi ad officium utitur, qualibus usus est in secundo capite. Retinet enim apostoli et euangelistæ morem, non cōminatur horribiliter, sed per fidem gratiæ Domini nostri Iesu Christi inuitat nos ad debitam obedientiam. Quanquam nihil obscure significet condemnari, si qui manserint rebelles, cum ad eos gratia redemptoris Iesu Christi penitus nihil pertineat.

Sic ergo præscribit Titurationes ac formas, et sub Titi persona omnibus Ecclesiæ doctoribus, quibus uti illos conueniat in prædicatione et doctrina bonorum operum, apud eos omnes, qui in Iesum Christum crediderunt. Eas igitur et nos, quos habet Ecclesia ministros

ministros & concionatores retinere conuenit & imitari, & ne latum quidem digitum ab illis discedere.

Vt uero in secundo capite de officijs singularum personarum egit, ita in hoc tertio capite docet, quæ communi lege omnes Christiani præstare debemus, uidelicet ciuilibus magistratibus subditi esse, parere imperio & legibus eorum, & promptam atq; paratam obedientiam in omnibus exhibere, hoc est enim principibus & potestatibus subditum esse, & dicto magistratus obedire. Deinde alia addit, ut quod iubet docere, ut ad quodlibet bonū opus parati simus, nulli conuicium dicamus, nō simus litigiosi, sed comodi potius, seu benigni & suauēs, exhibētes omnē mansuetudinem erga omnes homines. Postea subiicit in quibus & quantis uicijs hæserimus aliquādo, utiq; natura, id est, uicio originalis culpæ, insipientes, immorigeri, errantes, & seruiētes desiderijs noxijs & uoluptatibus carnis &c. A quibus omnibus malis tandem docet nos per gratiā liberatos esse, et ablutos baptismate Christi, nunc gubernari à spū sancto, ut hoc modo iustificati, hæredes æternæ uitæ efficiamur.

Hanc formam doctrinæ Paulus Tito præscribēs, præcipit, ut de illis affirmet tanquam certis & indubitatis, quibus fides habenda est, & mos gerendus, ideo mox attexit, ut qui credunt Deo, solliciti sint bonis operibus præcellere, quo & contemptum Dei de-

IN CAP. III. AD TITVM

precatur, et significat decere, quin potius necessariū esse, ne sint ingrati per contemptum & rebellionem Deo suo Christiani. Huc itaq; pertinet ea omnia, quæ suprà cap. 2. exposita sunt, uel de tota pœnitētia, uel de traditionibus hominum in ecclesia, ubi scilicet regnare minimum debent, uel quæ scripsimus de necessitate bonorum operum in iustificatis & legis abrogatione, ut sine quibus nemo potest recte in doctrina & prædicatione Christiana uersari. Et hoc tempore magis, in quo uniuersa doctrina Christiana tam iacuit obscurata & oppressa, & ab aduersarijs papistis adhuc obscuratur & opprimitur.

ADMONETO ILLOS, PRINCIPIBUS ET POTESTATIBVS SVBDITOS ESSE, ET DICTO OBEDIRE.

Proinde hoc primo loco tertij capitis insigniter notabimus functionem ciuilis magistratus, imperiorum ordinationem & principatuum sublimitatem, esse iustissimam, sanctissimam, utilissimam & rebus publicis ita necessariam, ut illa in terris omnino nequeamus carere. Quæ si recte intellexerimus, magis efficient, ut illum ordinem, sicut conuenit, & iustum, pium ac Christianum est, amemus, honoremus, & ordinationibus eius pareamus, contra furorem Anabaptistarum & aliorum, quos similes hac in re habent, ut qui imperiorum constitutionē damnant ac negant Christianum

stianum esse, qui principem huius seculi agat, nec licere Christianis, ut suam fidem iuramento illis astringant, qui regna & imperia in hoc mundo tenent. Libet igitur hoc loco paulum digredi propter istas impietates, & nonnulla seorsim contra eas scribere.

De necessitate & commoditatibus imperiorum & ciuilis magistratus.

Vt ergo parentum autoritas est sacrosancta, honorabilis, iusta, pia, utilis & necessaria, ita autoritas regum in his terris, & principum seu ciuilis magistratus, nam etiam succedunt in locum parentum, & uicem Dei in terris gerunt. Ideo sunt ordinata & legitima potestas, quibus propter Deum oportebit obedire. Qua etiã causa ipsis nec licet pro cupiditatibus suis imperare, sed certis legibus moderari respublicas debent, et commoditatibus illarum seruire, nec conari aliud, nisi quod iustum, rectum & pium est, adeo que gloriæ Dei seruit, cuius agunt ministros, in quo est summa laus magistratus, uidelicet ita ministrum diuinæ uoluntatis esse, ut dixi. Quomodo igitur non essent iusti, utiles, optabiles & rebus publicis necessarij, & quis bonus uir imperijs & constitutionibus eorum, qui agunt ciuiles magistratus, non libenter obsequeretur?

Ordinatio itaq; imperiorũ, res bona est & necessaria, & principes debent amari à nobis. Quòd etiam

IN CAP. III. AD TITVM

merentur multis beneficijs, quæ præstant in Remp. Debent etiam timeri, ne constitutiones eorum uiolamus. Quicquid enim huius fit, id redundat tandem in Deum, qui sui contemptum non feret. Et ipsi quoque magistratus sui & legum suarum contemptum ulcisci debent propter ordinationem Dei, quæ uiolari non debet. Itaq; honorabimus Christiani ciuiles magistratus promptissima obedientia & summa gratitudine. Peccant enim grauissime, qui hoc non faciunt, effrenes & rebelles, & gloriam magistratus deformantes. Nec possunt, qui tales sunt, salui fieri coram Deo, nisi ualde poenitentiam agât, & conuertantur ab hac sua iniquitate, facientes deinceps officium bonorum ciuium :

Nam rebellem esse magistratibus, est Deo repugnare, quod nemo qui facit uel adprobat, excusabit aut defendet coram Deo à mortali delicto. Quod aut relinquendum est & mutandum meliore instituto, aut faciet reum æternæ mortis. Quod etiam Paulus intelligit, ubi iubet obedire magistratibus ex necessitate, non solum propter iram & ultionem, quam exercet magistratus in cõtumaces & rebelles, sed & propter conscientiam erga Deum. Res enim conscientie spectant ad solum Deum. Nec potest quisquam retinere aut tueri bonam erga Deum conscientiam, teste Paulo, qui potestati resistit, nam Dei ordinationi resistit,

sistit, ut idem apostolus inquit. Igitur Deum ipsum in magistratibus honoremus & timeamus, idq; ex illa tanta necessitate, propter retinendam bonam conscientiam erga Deum, ne ipsimet Deo repugnare uideamur. Quod quisquis facit sine penitentia et sine correctione sui, quomodo saluus fiet? Et puniendos esse tales etiā hic in terris à magistratibus uoluntate dei, iam ex ipsiusmet Pauli & Petri apostolorum Iesu Christi uerbis discemus.

Paulus itaq; ad Rom. 13. hæc scribit. Omnis anima potestatibus sublimioribus subdita sit. Non est enim potestas, nisi à Deo. Quæ uero sunt potestates, à Deo ordinatæ sunt. Itaq; quisquis resistit potestati, Dei ordinationi resistit. Qui autem resistunt, ipsi sibi damnationem acquirunt. Nam principes non sunt terrori bene agentibus, sed male. Vis autem non time re potestatem, quod bonum est facito, et feres laudem ab illa Dei enim minister est, tibi in bonam. Quòd si feceris id quod malum est, time. Nō enim frustra gladium gestat, nam Dei minister est, ultor ad irā ei, qui quod malū est, fecerit. Quapropter oportet esse subditos, non solum propter iram, uerum etiam propter conscientiam, propter quod & uectigalia soluitis. Siquidē ministri Dei sunt in hoc ipsum incumbentes:

Petrus uero 1. Pet. 2. de eadem obedientiæ nostræ necessitate, & utilitatibus magistratus in hunc modū

IN CAP. III. AD TITVM,

scribit: Subiecti igitur estote omni humanæ creaturæ propter Dominum, siue regi, tanquam præcellenti, siue ducibus, tanquam ab eo missis. Ad uindictam quidem nocentium, laudem uero recte agentium, quia sic est uoluntas dei, ut bene facientes obmutescere faciat imprudentium hominum ignorantiam, quasi liberi, et non uelamen habentes maliciæ libertatē, sed sicut serui Dei.

Satis, opinor, liquet ex his testimonijs apostolorum Iesu Christi, ordinationem ciuilis magistratus et imperiorum in terris esse sanctam, iustā, utilē ac necessariam, quia est à Deo in hunc bonum finem constituta, ut homines noxi puniantur et coërceantur, et boni defendantur, pax et rerum publicarum tranquillitas conseruetur. Hæc uero perturbantes arceant, bellis et alijs poenis. Quos idcirco et propter hanc uoluntatem Dei honorare debemus, et timere, imperijs et legibus eorum subditi esse, non deesse illis auxilio nostro, siue belli, siue pacis temporibus, quia per tributorum solutionē ministrare illis debemus, et in subsidijs armorum.

Hunc uero honorem et reuerentiam nos deo debere, Petrus clare significat, ut ex suprā citato testimonio patet. Cum enim imperiorum constitutio sit ordinata à Deo potestas, ut Paulus docet, manifesta ratio est, quod dicto magistratus obediētes Deum ipsum honorant, et hunc nostrum honorem erga ciuiles magistratus

gistratus, nos ipsi met Domino Deo nostro debere, quia ipsa ordinata potestas magis est Dei, quam hominum potestas, sicut dicitur 2. Paral. 19. Non enim hominibus exercetis iudicium, sed Dei. Et quoniam principes sunt ministri à Deo ordinatæ potestatis, etiam Dei adpellantur, ut psal. 8. Ego dixi, Dii estis. Quapropter obedientiam et honorē, quem poterimus, maximum illis præstemus, honorantes in eo Deū nostrum. Nec alia erit pia aut Christiana obediētia, nisi quam præstiterimus ex horum omnium fide et timore dei.

Atque utinam homines intelligerent, quæ hic loquor, et imprimis ipsi ciuiles magistratus suā dignitatem diligenter considerarēt, nam in tantis negocijs et rerum difficultatibus, quibus obruuntur, qui gubernant respublicas, maiorem diligentiam, fidelitatem et patientiam præstarent. Viderent enim sibi maxima et splendidissima fidei exercitia et timoris erga Deum proposita esse, et se posse multipliciter deum honorare et colere, nempe seruire proximo, ut more scripturæ loquar, et de tota republica bene mereri, patres patriæ esse, et præcellenter Christiani, si fidem in dominum Iesum simul retinerent. Nec enim omnibus tanta fidei exercitia sunt obiecta. Ipse uero populus timens Dominum, et magistratus honorans, multas commoditates deriuaret in rempublicam, quia DEVS uicissim honoraret illam multis corporalibus felicitatibus, et à calamitatibus et plagis

IN CAP. III. AD TITVM,

contrarijs liberaret eā, sicut dicit dominus 1. Reg. 2.
Quicumque honorificauerit me, glorificabo eum: qui
autem contemnunt me, confundentur.

Ipsi igitur magistratus, cum officium suum faciunt,
caute obseruent, ut omnia dirigant ad gloriam Dei,
& ad utilitatem publicam. Quærant profectum re-
rum publicarum & communis utilitatis, nec chario-
rem ducant hanc suam uitam, quàm illam dei uolunta-
tem facere, diligere proximū, eiq; seruire per rerum
publicarū custodiā illam & conseruationē. Cogitent
q̄ suorum consiliorum & factorum sint aliquando ra-
tionem reddituri deo. Rursus populus, cui necessitas
incumbit obedientiæ, uideat, ne conscientiam oneret
multis grauib; delictis coram Deo, si fuerit rebellis
ordinatæ à deo potestati, q̄ ista peccata & terrores,
quos hæc excitant in conscientia, oīm difficillimū est
uincere sine desperatione æternæ salutis. Videndum
etiam magistratibus, ne licenter aut tyrannice im-
perent, & sua culpa faciant rebellem, leuem & in-
constantem populum, quod dolemus factum sæpe.

Vindictā ma homini libet liceat, sed quod iustum est & rectum co-
gistratus esse ram Deo, rei publicæ utile & necessarium.
præceptam.

Quanquam autem ex his, quæ supra citauimus,
testimonijs Petri et Pauli abunde patuit magistratus
uindictam esse à Deo præceptam, tamen cū quidam
damnent

damnent magistratus, quasi exerceant uim iniustam, uidendum est, ut nostra copiosius muniamus & confirmemus, quæ probent illam magistratus uindictam iustam coram Deo & rectam esse, atq; adeo præceptā à Deo. Itaq; præceptā esse, probat illud Gen. 9. Quicumq; effuderit humanum sanguinem, & per hominem fundetur sanguis illius. Ad imaginem quippe Dei factus est homo. Sed oportet hanc ultionem fieri per legitimam potestatem, ut intelligamus magistratus uindictam probari tantum, quia alioqui & priuata uindicta licita esset, quā constat tamen prohibitam esse. Non ergo cuius quiduis licet in hominem, ac ne magistratibus quidem, nisi quatenus noxios puniūt, quod faciunt iubente Deo.

Rursus alia scriptura dicit: Mea est ultio, & ego retribuā. Deut. 32. Sed cum Deus adprobet aliquam uindictam, quæ per homines exerceatur, quod prius demonstratum est, necesse est eam uindictam & ultionem esse, quam exercent legitimi magistratus, ad hoc uidelicet ordinati atq; constituti à deo, ut illam exerceant. Eoq; & magistratus uindictam, proprie Dei uindictam esse, quam illi scilicet ut ministri exercēt, reddentes scilicet malis debitam mercedem, hoc est, dignas & promeritas poenas, & defendentes innocentiam iustorum. Tyrannidem tamen & uim iniustam, id est, quæ exercetur in innoxios, hæc nihil ex

IN CAP. III. AD TITVM,

cusant, sed damnant magis. Et nos loquimur cū scriptura de iusta & legitima magistratus uindicta.

Nec licet somnare, hanc legitimam et iustam uindictam, & has fontiū poenas per Euangelium abrogatas esse, nam etiamsi Mosaicæ constitutiones oēs sint abrogatæ, tamē in Euangelio docetur fontiū poenas oportere durare, sicut liquet ex illo Christi Mat. 26. Omnes qui acceperint gladium, gladio peribūt. Hoc enim de iure dixit Christus, tametsi p̄ clementiam misericordiæ dei defensus sit Petrus. Et Paulus inquit: Lex est iniustis posita. Nam cū isti oēs leges contemnant, sentit coercendos esse sic iniustos, & certis ac debitis poenis retaliandos, quales & lex Mosi in fontes cūstituerat in hac talionis lege. Exod. 21. Reddet animam pro anima, oculū pro oculo, dentē pro dente, manum pro manu, pedem pro pede, adustionē pro adustione, uulnus pro uulnere, liorē pro liore. Et hæc oīa hi loci, quos suprā citauī ex epistola ad Ro. cap. 13. & ex priore Petri cap. 2. confirmant.

Et Ioannes baptista in prædicatione pœnitentiæ militibus loquēs, & iubens illos cōtentos esse stipendijs suis, significat militum officium non impium esse, sed adprobari à Deo, nam alioqui damnare debuisset, sed relinquit illos in officio. Nec deprecatur, nisi ut in iniustam, & insidiosam circumuentionem. Sequitur itaq; totius ciuilis magistratus ordinationē Deo probari

probari, & fontiam poenas, & bella, per quæ uis in iusta coërcetur. Erant enim milites Romani illi, quibus locutus est Ioannes, qui in ciuitatibus Iudææ iudicia exercebant, & foris bella gerebant.

Sed obijci solet multos potestate abuti, et latrocinia uerius exercere quàm iudicia Domini, esse crudeles, officij negligentes, seuire plerunque in innoxios, & noxios relinquere impunitos, fraude ac scelere occupare imperia, & huiusmodi alia, quæ solent exaggerare multi. Quibus respondemus, nos de ipsa potestate loqui, non de uicijs hominum, nec probare tyrannides. Potestatem iniuria damnari, etiam si sint, q̄ abutatur ea, nam alioqui ipsam quoq; Euangelij administrationē damnabis, consideratis uicijs auariciæ & ambitionis Pontificum, episcoporum, & aliter præfidentium in Ecclesia. Remoue igitur hæc personalia uicia principum, quæ plerunq; euenire sinit Deus in pœnā propter ingratitude & peccata nostra, & inspicere ipsam ordinationem, quam oportet cōfitearis à deo esse, esse itē sanctā, iustā, bonā, utilē & rebus publicis necessariā, ut antea docui. Peccant igitur, q̄ hoc modo responsant. Nec sane nisi ipsi Deo obloquuntur, reprehēdentes eius bonas ordinationes.

Comminatur deus operationes erroris & impietatis in pœnam nostri peccati, ut uidere est ex illo 2. Thess. 2. Ideo mittet illis Deus efficacē imposturā, ut credant mendacio, ut iudicentur oēs q̄ nō credide

IN CAP. III. AD TITVM,

runt ueritati, sed consenserūt iniquitati. Ita etiam euenire p̄mittit Deus, ut ciuiles magistratus sepius peccent, & plurima non legitime faciant, neq; utiliter, sed crudeliter, iniuste &c. sed in p̄enam nostri peccati & ingritudinis. Igitur emendemus nos omniū primo, & corrigamus uicia & peccata nostra, & erit Dominus nobiscum. Et in ipsis magistratibus timeamus Deum, siue boni fuerint, siue mali. Cui etiam relinquendi sunt & iudicādi, si mali fuerint. Hæc qui serio expendūt, mitius iudicabunt de quorundam tyrannide, & nunquam resistent potestati, neq; aliter sentient, quā in p̄missione Dei fieri, si quid peccent magistratus, & quidem in nostri admonitionem & correptionem.

Solet etiam obijci, q̄ Christus prohibeat se ulcisci de iniuria, dicens: Ego dico uobis, ne resistatis malo &c. Matth. 5. Recte, sed magistratus est officij, & publica uindicta non se ulciscuntur, sed respublicas. Et quidem propter hanc maximam causam, ut pacem horum temporum, & alia corporalia commoda alijs conferuent. Christus autem priuatis loquitur, et priuatam illam uindictam damnat, quam suadet ira, odium, auaricia, & similes noxiæ cupiditates. Publicam illam magistratus uindictam, quæ legitime exercetur, non prohibet, imò præcipit, ut alia q̄ ad promouenda publica cōmoda, per dilectionis legē fiunt,

aut sunt facienda. In summa, has necessarias ordina-
tiones Dei adprobat & confirmat, sed tyrannides
non adprobat, & si suadeat ferendas. Quapropter et
timenda est magistratibus illa uox Pauli Col. 3. Qui
enim iniuriam facit, recipiet id quod inique gessit, et
non est personarum acceptio. Timenda, inquam, ne
cui uim cū iniuria faciant. Et boni magistratus hāc
uiolentiam omnibus modis cauebunt, fugient et decli-
nabunt. Nihil enim licet magistratui contra manda-
ta Dei, nihil in fortunas ciuium contra charitatem, et
præter necessitatē, sed oīa pro gloria Dei, & rerum
publicarū cōmoditatibus incremēto & cōseruariōe.

Breuiter, finis ultimus magistratus constituti in
his terris, qui etiam potest nobis reuerentiam & a-
morem erga illum augere, est defensio bonorum ci-
uium, ut cum pace illi & tranquille uiuere possint. Et
hunc finem attingit Paulus 1. Timoth. 2. ubi iubet
precari pro regibus & omnibus qui in sublimitate
constituti sunt, ut quietam & tranquillam uitam aga-
mus cum omni pietate et grauitate. Item Hieremias,
Hier. 29. Quærite pacem ciuitatis, ad quam trans-
migrare uos feci, & orate pro ea ad Dominum, quia
in pace illius erit pax uobis. Sub hoc fine cōprehen-
di defensionem omnium corporalium facultatum &
bonorum, domus, agrorum, pecoris & similium ad
hanc corporalem uitam necessariorum. Ad hæc, pua

IN CAP. III. AD TITVM,

dicitiæ coniugum, & honestatis liberorum. Item bonam famā, ut quæ oīa illi ex officio nobis defendunt, quibus propterea honorē debemus & gratitudinē.

Honorem autem hunc præcipuum, quo agnoscamus magistratus à Deo ordinatos esse, & mentes eorum diuina sapientia gubernari. Similiter defendi illos à Deo, ut utrunq; præstare possint, & sapientia gubernare respublicas, & potentia tueri contra latrocinia, & quæuis alia mala. Hic honos efficiet nos precari pro magistratibus, & petere, ut Deus pacem concedat per illos, seruet bonos principes, et dirigat eorum corda in gloriam suā, & publicæ utilitatis defensionem. Hinc etiam libenter nos consilij & imperij eorum commitemus, eò, q̃ nos gubernant, ut dictum est, diuina sapientia, & diuina potentia protegent, ita ut sapientia Dei de se prædicat Prouerb. 3. Meum est consilium & æquitas, mea est prudentia, mea est fortitudo, per me reges regnant, & legum conditores iusta decernunt, per me principes imperant, & potentes decernunt iusticiam &c.

Ita ergo Deus officia magistratus nobis commendat, & ostēdit sua esse, quo magis amemus, timeamus & reuereamur. Abstineamus à contemptu, à seditiōnibus & similibus malis. Hæc enim accelerant uindictam & ultionem, iuuante magistratus Deo, & urgente poenas. Quapropter etiam existimandum est,
iram

iram iustam magistratus, esse Dei iram, de qua nimis
 rum oportet intelligere illud Prouerb. 20. Sicut rugi-
 tus leonis, ita & terror regis. Qui prouocat eū, pec-
 cat in animam suam. Sed est reliqua quedam & sum-
 ma laus alia magistratus, tueri uidelicet religio-
 nem, & gloriam Euangelij & Christi propagare,
 nam hoc quoque officium regum esse, testatur illud
 Esaiæ 49. Et erunt reges nutritij tui, & regine nutri-
 ces tue. Hic enim locus significat semper fore princi-
 pes & reges, qui Euangelij gloriam in Ecclesia pro-
 moueant & propagent, & quantū in ipsis est, defen-
 dant. Et scriptura præterealaudat aliquot bonorum
 principum exempla, q̄ religionem defendissent, &
 instituerant, qui pietatem docerent.

Et hæc hætenus de magistratibus, commoditatib;
 & necessitate illorum, quæ libuit copiosius prose-
 qui, ut in omnibus nobis augeāt præceptam reueren-
 tiam erga magistratus, & ut fidem illis diligenter et
 religiose obseruemus, necessario & pio iuramento
 promissam. Non iuratur enim, nisi pro conseruatione
 impiorum contra latrocinia, seditiones & huiusmodi
 alia mala. Ac constat Deum requirere, ut conseruamus
 omnia studia nostra ad conseruationem impiorum et
 suarum ordinationum, atq; idem odit latrocinia, sedi-
 tiones &c. Quapropter etiam amat illa promissa &
 iuramenta, quæ per eius nomen præstamus, ut impe-

IN CAP. III. AD TITVM,

ria & magistratus conseruentur, & aduersantia mala destruantur. Licet ergo uti iuramēto, quod defert magistratus, nec licet solum, uerum etiam pium est, & iustum uti.

AD OMNE OPVS BONVM PARATOS ESSE.

Hoc quorsum dictum sit, tum quibus operibus, et quō bonis coli à nobis Deus mereatur, hactenus frequenter expositum est, & in illius expositione adhuc uersor. Curabunt itaq; episcopi, ut Ecclesias admoneant sedulo, ne unquam uacēt ab operibus bonis. Nullo enim tempore desunt occasiones bene operandi, et qui frigent ac cessant in bene operando, nō minus periculoso loco sunt atq; q facinoribus indulgent. Lex enim utrunq; agit, prohibet facinora, & præcipit de recte factis. Hinc est, quod neglectus officiorum charitatis & aliorū operum præceptorum, tam est peccatum coram Deo, quàm sunt peccata damnabilia, latrocinia, cædes, adulteria, furta, rapinæ, mendacia, proditioes & conuicia in proximum dicta. Lege autem de necessitate dilectionis Matth. 25. Luc. 16. & eam, quæ est Ioannis inter canonicas prima, per totum. Item Esa. 1. 58. Osee 6. &c.

NEMINI CONVITIUM FACERE, NON LITIGIOSOS ESSE.

Duo uicia hic connectit paci & humane societati imprimis

imprimis infesta, & pugnancia cum dilectione, nec rara in uulgo, imò ita uulgata, ut uix aliud æque uulgatum & commune, cum tamen sint talia, ut nisi derelinquantur, & per pœnitentiam corrigantur, reos efficiant æternæ condemnationis, quot quot ea habent.

Ac satis intelligi ex hoc loco potest, q̃ in ipsis quoq; primis Christianis, iã nascentis Ecclesiæ, Paulus hæc uicia persenserit. Ita enim sumus carnales, et nunquã omni ex parte perfecti, et sæpe præoccupamur à Diabolo. Sed nostris his temporibus uidentur plenum imperium in plerisque obtinere, atq; ita, ut à plurimis, ne quidem pro peccatis habeantur, cum sint reuera mortalia delicta, & excludant noxios his uicijs regno gratiæ Dei & hæreditate æternæ uitæ.

Quapropter cautius fuerit agendum nobis, si sapimus, & si uerbum Domini apud nos locum habet, Et cauenda erunt tanta peccata, in quibus tam displicemus deo, ut etiã manētes in eis, sine pœnitentia et correctione, atq; emendatione sui nunquam queant saluari. Prius est maledicentia, alterum complectitur lites, iurgia, rixas & contentiones, quæ in idem serē recidunt. Dicamus autem seorsim de singulis horū.

De maledicentia.

Est ergo maledicentia uicium eorum, qui spargunt de alijs sermones, quibus famam illorum lædūt, aut detrahunt aliorum existimationi, plerunq; ex so-

IN CAP. III. AD TITVM

lo animi morbo, quo acerbitate criminationis delectatur, et uanitate conuiciorum. Ita sunt enim multi, in quibus nascitur hoc uicium ex sola naturæ malicia et uanitate, cum nullam prorsus habeant causam maledicendi, sed tantum delectet eos alijs detrahere, et male loqui de alijs. In alijs habet causā nonnunquam ipsam inuidentiam et dolorem ob successum et prosperitatem in alienis fortunis, uel ambitionem, in qua certatur de eodem honoris gradu. Sunt deniq; q per adulationem in quorundam gratiam, in alios cōuicia dicant, aut quibusdam alijs de causis.

Vitium autem est tetrum et noxium, et multis modis indignū his qui profitentur fidem in Christum Iesum. Quid enim pinde aduersatur dilectioni, quam Christiani inuicem debemus per dominū Iesum Christum? Exponit autē beatus Iacobus prolixè, quæ mala frequenter alijs conflet conuiciatrix lingua. Inter alia enim scribit Iacob. 3. Omnis enim natura bestiarum, et uolucrum, et serpentium, et cæterorum domatur, et domita est à natura humana. Linguā autem nullus hominum domare potest. Inquietum malum, plena ueneno mortifero. Significat itaq; multis noxiā esse maledicentiam, in morem mortiferi ueneni:

Ac fit ferè, ut quæ reprehendunt in alijs maledici, ijs intra se ipsi abundant præ alijs, ut sit grandis cecitas, et deplorata quedam et incorrigibilis impietas

in hoc uicio, scilicet non uidere crimen, quod in te habes, aut dissimulare & nolle uidere, & id ipsum in alijs carpere & cauillari. Siue potius mendaciade alijs spargere, ubi non habes uicia, quæ in illis traducas. Detestabile hoc est adeo, ut omnes boni merito oderint, quod deus omnibus modis execratur & damnat, iuxta illud Christi Matth. 7. Quid autem uides festucam in oculo fratris tui, et trabem, quæ est in oculo tuo, nõ uides? Aut quomodo dicis fratri tuo: Frater, sine eijciam festucam de oculo tuo? & ecce trabs est in oculo tuo. Hypocrita, eijce primũ trabem de oculo tuo &c. Exemplum autem huius petulantiæ habes in hypocrita quodam phariseo. Luc. 18

Et quoniam istius uicij præcipua causa est ignorantia sui, & odium proximi fratris, attendere debemus, ne nimium placeamus nobis, & innocentiam tribuamus, ubi habemus nullam. Vere enim beatus Iacobus dixit: In multis offendimus omnes. Iacob. 3. Sciamus etiam odium & inuidentiã esse præcipuam quandam pestem pietatis, nam ueri iudicium et intelligentiam peruertit. Imò ex odio fit, ut homines data opera dissimulent aliorum recte facta, & ea solum retrahant, accusent, exaggeret, reprehendant ac damnent, quæ aliqd uicij habere uidetur, cū ea tegere deberent p charitatē Christianā et alia facta bona prædicare in excusationē fratris, siue ad ædificationē aliorum.

IN CAP. III. AD TITVM

Tales igitur ingenium & naturam Diaboli propriissime referunt calumniatoris omnium primi & precipui, & certo signo & testimonio declarant, se in oībus alijs quoq; nō agi, nisi Diaboli spiritu, à quo scilicet captiui tenentur. Nec possunt utiq; salui fieri coram Deo, ut etiam Paulus inquit 1. Cor. 6. Male dici regnum Dei non possidebunt. Et Ioannes ita scribit 1. Ioan. 3. Omnis qui odit fratrem suum, homicida est. Et scitis, quòd omnis homicida non habet in se uitam eternam manentem. Mature igitur corrigi hæc impietas debet ab omnibus, qui suæ salutis rationem habent, sicut inquit Christus: Nolite iudicare, ne iudicemini.

Modum uero corripiendi & castigandi aliorum uicia & errata tradit Christus Matth. 18. & Paulus Galat. 6. Quos locos etiam huc facerē transcribi, nisi prolixiores essent, & omnibus satis cogniti. Meminisse tamen debemus, non esse maledicentiæ uicio tribuendum, si qui ex officio aliorum errata, uitia et peccata reprehendant, & acerbius quoq; carpant, ut contionatores uerbi Dei, si tamen modum exempli Christi & apostolorum seu prophetarum retineant. Nihil ex odio dicant, sed uel studio gloriæ Dei, uel ut castigatos emendent. Similiter, si iudices officium facturi, retrahant aliorum crimina, & accusari faciant atque damnari.

In summa, damnabilis maledicentia est, uel extra iudicium ordinatum & præceptum à Deo, aut extra contionem, qua agitur à doctore Ecclesiæ de necessitate pœnitentiæ, aut deniq; extra castigationem familiarem & amicam, qua per dilectionem aliorum errata emendantur, male de alijs loqui, acerbius interpretari quædam aliena uicia, uel ex solo animi morbo et uanitate conuicijs insectari alios.

De litibus & contentione:

Porrò lites & contentiones coniunctæ sunt priori uicio. Feruent enim cōtentiones, ubi præualuerūt liuidorum morsus & criminationes, & ubi regnant æmulationes, inuidentia, odium, ambitio, auaricia et similes morbi, à quibus abesse nequeunt maledici, qui ferè & aliorum animos incendunt, ut cum alijs rixentur & contendant.

Et ut lites seu contentiones alicubi nullam talem causam habeant, ut cum uidentur quidam se per lites iure & necessitate ipsa coactos tueri, tamen cōtentio ita habet, ut semper plus damni adferat quàm lucri retineat: Mansuetudo uero & pacis atq; concordie sarcientiæ studium utilissimum est, etiam ad corporales facultates retinendas et augendas, sicut Christus inquit Matth. 5. Beati mites, quoniam ipsi hereditate accipient terram.

In contentione uero, præterquam quod est per se

IN CAP. III. AD TITVM,

mortale peccatum, & multa alia uicia mortalia eam sequantur, sunt præterea multa grauiam damna & amissiones corporalium facultatum plurimarum ex ea sequuntur, quod experientia testis omnes docet, & rerum usus quotidianus. Hinc etiam inimicitie tales frequenter nascuntur, ut desperandum sit de scienda concordia, quod quàm periculosum sit apud Christianos non ignaros uoluntatis Dei, quid attinet dicere? Oriuntur nonnunquam & cædes inde, quòd quidam nimis indulgent uicio contentionis. Et hæc mala omnia significat Paulus illo ad Galat. 5. Quod si alius alium uicissim mordetis & deuoratis, uidete ne uicissim alius ab alio consumamini.

Magis autem noxia est contentio, cum feruet inter eos, qui gubernandis Ecclesiis præfecti sunt. Quod multis horrendis exemplis didicimus nostro seculo, quibus litigatur à doctoribus adeo, ut multi p impunitatem contentionum alienentur à studio Euangelij discèdi. Docui uero suprà, qd liceat his, qui causæ Euangelij uere & ex animo patrocinantur contra illos aduersarios, quibus oportet os obturare. Quod & Christus & prophætæ & apostoli sibi sumpserunt facere, et sit necessario à pijs & uocatis doctoribus, ubi sunt sunt, qui sanæ doctrinæ Domini nostri Iesu Christi contradicunt.

De alijs itaq; quibusdam loquimur, quos sola ani
mi

mi libido incitat, & priuatum odium, priuata causa auaricia & honoris cupiditas, ut in alios seuiant, contentiones & rixas augeant, & hæc pessima scandala Ecclesiæ Christi obijciant. Quos illa uox Christi abstertere & retrahere debuit, quæ est Matt. 18. Qui offenderit unum de pusillis istis, qui in me credunt, expedit ei, ut suspendatur mola asinaria in collum eius, ac demergatur in profundum maris.

Caute igitur obseruemus omnes, ne cui Satan imponat, concordia & pacis hostis, & per contentiones, lites & iurgia auferat à nobis & fidem noticiæ Christi, timorem Dei, dilectionem proximi, & per consequens æternam uitam. Vbi enim contentiones feruent, ibi necesse est abesse timorem Dei, & charitatem amitti, quibus amissis & fides extinguitur, ac perit contentiosis promissio æternæ uitæ. Non enim odium cum charitate simul existere potest, et ubi odium inter se homines, euidens signum est spiritus fidei in Christum & timoris Dei amissi, quia est pacis & mansuetudinis spiritus, & omnium piarum actionum. Infidelitas autem & contemptus Dei punitur æterna morte, eisi ipsa quoque uicia, de quibus loquor, per se illam mercantur, grauius tamen punientur, qui occasionem salutis, quæ præbita est eis, per incredulitatem ex uicio morborum animi spreuerunt.

Facit autem & Paulus catalogum quendam uicio

IN CAP. III. AD TITVM,

rum carnis in epistola ad Gal. cap. 5. in quo & hæc sequentia numerat, uidelicet inimicitias, contentiones, emulationes, rixas, iras, dissensiones, inuidetias et sectas, & dicit, q̄ qui in illis sunt, nequeant fieri hæredes regni Dei. Hæc autem ferè sunt coniuncta, & contentiosis omnia adherent. Sunt autem inimicitie, uel operta uel manifesta odia & insidiæ. Contentio autem, est litigium, uel auariciæ, uel ambitionis, siue alterius morbi uicio & culpa. Aemulationes autem sunt contentiones, quibus certatur in honoris ambitu, siue cum aliter efferri alius supra alium affectat & querit. Iræ uero, sunt animi commotiones, & uehementes concitationes uerse in furorem, ex cupiditate uindictæ. Rixæ autem sunt ex actionibus cōtentiosorum, in quibus nemo contentiosorum alij cedit, ne ad latum quidem digitum. Ideo inter tales difficilimum est, pacem & concordiam restituere. Dissensiones quoque nihil absunt à rixis, & sunt eorum, qui amarulētis iurgijs inter se concitati, alius in alium debacchatur. Inde autem existunt sectæ, nusquam perniciosiores, quàm in Ecclesia: Videmus autem in his omnibus uicijs multos immodice laborare, quæ excludunt tamē illis obnoxios ab hæreditate æternæ uitæ.

SED COMMODOS, OMNEM MANSVE
TVDINEM EXHIBENTES ERGA OMNES
HOMINES.

Prioribus

Prioribus duobus uicijs duas contrarias uirtutes opponit. Prior est, ἐπιεικεία, æquitas, uirtus, qua omnia benigne & commode interpretamur, hoc est, aliorum dicta et facta etiam in speciem mala commoda interpretatione lenimus, & plurimum cōcedimus aliorū affectibus, multa ignoscentes, nec ubiq; ius nostrum uiolenter tuemur, quin etiam cedimus de iure, tranquillitatis publicæ causā. Igitur maledicētiæ opponitur & contentioni. Vtraque enim uicia hæc corrigi & emendat.

Eodem facit & mansuetudo, cuius nos significat debitores esse erga omnes homines. Dilectio enim debitores facit, quam præceptam esse, nemo ignorat. Dilectionem etiam nos debere omnibus, sine discrimine, bonis, malis, amicis, inimicis, gratis, & ingratis, liquidissimum est, ex his, quæ Christus præcipit Matth. 5. & Paulus Roman. 12. de dilectione, Mansuetudo autem, species dilectionis, quæ græce à Paulo dicitur πρᾶξις, cōmoditas quædam est & dulcedo in omni nostra cōuersatione, quæ facit, ne simus duri, inclemētes, asperi, morosi & intractabiles, sed humani, qui facile aliorum erratis ignoscamus & condonemus, si qua in re nos læserūt. Item, toleremus iracundos, & cedamus eis.

Aduersatur itaq; & hæc ipsa mansuetudo crimini maledicentiæ, tum contentionibus & rixis. Hanc

IN CAP. III. AD TITVM,

Uero mansuetudinem & lenitatem ita prædicat nobis Paulus Col. 3. Supportātes inuicem, & donātes uobismetipsis, si quis aduersus aliquem habet querelam. Sicut & Christus donauit nobis, ita & nos. Itē ad Rom. cap. 12. Si fieri potest, quod ex uobis est, cum omnibus hominibus pacem habentes. Et Dominus ipse in Euangelio, ut est Matth. 5. Ego dico uobis, ne resistatis malo, sed si quis percusserit te in dexteram maxillam tuam, præbe illi & alteram, & ei qui uult tecum in iudicio contendere, & tunicam tuam tollere, dimitte ei & pallium, & quicumque te angariauerit mille passus, abito cum illo & alia duo.

Vtrum liceat in iudicio causam dicere,
& se ab iniuria defendere.

Videmus itaq; non damnari solū maledicentiam, contentiones & lites, uerum etiā præcipi equitatem & mansuetudinē, quo aliorum iniurias nobis illatas etiā toleremus patienter, & quasi dissimulemus, tum his similia alia officia dilectionis faciamus, ut iam dictū est. Sed quæritur huius doctrine occasione, utrū liceat Christiano contendere in foro, & quicquid ablatum est ei, siue debitum, iure politico repetere, & ulcisci & uindicare de iniuria. In summa, contra uim iniustā causam dicere, accusare aliquem, & se ab iniuria defendere.

Sane ex his, quæ proxime citavi, testimonijs Christi & Pauli abunde claret, requiri à Christianis, ut sint prompti atq; parati ad tolerandum quamuis iniuriam, atque ut malint duplicatam ferre & pati, quàm uel minimã regerere, aut se ulcisci de iniuria. Et tamen oportet huius sententiæ aliquam mitigationem querere, qua constet, q, ordinata uindicta possit Christianus uti, & auxilium magistratus contra uim iniustam implorare, quia ipse quoque Christus causam coram Pilato dixit, ut se illi innocentem probaret, ut liquet ex his, quæ sunt Ioan. decimo octauo. Declarauit enim se ex improba calumnia pōtificum accusari, confessus præterea ac protestatus, regnum suum non esse ex hoc mundo. Et Paulus Cæsarem adpellauit, quum uideret ex quorundam fraudulentia, & cum iniuria secum agi. Sed hæc exempla uidentur hoc solū probare, quòd ille, qui reus agitur, iam pro tractus in iudicium, possit respondere, & iniquam accusationem depellere. Difficilior itaq; quæstio est, utrum liceat accusare & queri de iniuria, & auxilio magistratus illi resistere.

Mea hæc responsio et sententiæ est, posse Christianū hoc auxilio magistratus & ordinatæ uindictæ uti. Quia licet nimirū ordinationibus dei bonis, sanctis, iustis, utilibus & rectis, qualis est illa ordinata potestas ciuilis magistratus, uti, Suprà enim prolixè do

IN CAP. III. AD TITVM,

cui, quòd magistratus secularis, & ciuiles cōstitutiones illæ legitime, sunt bonæ ordinationes Dei, honestæ & utiles Reipub. nihil uicij habentes. Quin etiā neecessariæ, non tantum ut facinorosi puniantur, uerum etiā ut boni defendantur, quod est, ut pio & iusto auxilio magistratus utātur. Ac nisi liceret illius auxilio & protectione uti, nec magistratus solum, quanquam bonus & neccessarius, uerum etiā ipsemet Deus per suas ordinationes, tametsi sanctas, bonas, utiles et neccessarias, deseruiret homini ad peccandum. Sed hoc blasphemum est, uel cogitare de Deo, & ordinationibus eius. Oportet igitur, ut grauissime errent, & iniurijs sint in magistratus & bonas ordinationes Dei, qui negant, q. homo possit auxilio illo legitimo ordinate potestatis uti. Cū aut sit res prorsus libera, hoc auxilio magistratus uti, et Christus præcipiat, ut perferāt Christiani quaslibet iniurias, idq; contra priuatam uindictam, quam et apostoli deprecantur, Paulus Rom. 12. et Petrus, 1. Pet. 2. Melius faciunt ac tutius, qui quaslibet iniurias tolerant cum patientia Christiana, ac prorsus dissimulant, et malum bono uincunt. Sed rursus melius faciunt, qui se defendūt auxilio magistratus contra uim iniustam, quàm si priuatim de iniuria sese ulciscantur. Quin etiā tunc præceptum est, auxilio magistratus potius uti, quàm recurrere ad uindictam priuatam. Si
perferre

perferre ac tolerare alioqui nequeas, aut non debeas uim iniustam, ut, si pudicitiam uxoris defendas, aut liberorum, uel aliud honestatis & rerum necessaria rum. Quemadmodum præceptum est, ut ducas uxorem, si aliter continens nequeas esse, cum per se aliqui res libera sit, ducere aut nō ducere uxorem. Præceptum est tamen coniugium ei, qui cōtinentiæ dono non est præditus, quia scortationes semper sunt prohibe & damnatæ. Nec melior est priuata uindicta coram Deo, quàm scortatio, res foeda, iniqua & impia. Sed uti tamen magistratus ordinata uindicta non est malum, quin etiam rectum est & bonū, illius auxilio uti, & depellere uim iniustam in comparatione priuatæ uindictæ.

Sic ergo existimandum est, melius & tutius agere, qui prorsus non requirunt se ulcisci & uindicare de iniuria, ne quidem ordinatæ potestatis auxilio & protectione, quàm qui qualibet de causa ueniunt ad iudiciū magistratus, & rogant retaliationē uindictæ, si tamē talis est iniuriæ species, ut citra honestatis lationem perferri queat. Non est. n. musitanda iniuria, si quis stuprum inferat uxori aut filiæ, aut matri aut sorori &c. & si uapulatio & rapina possint tolerari cum pietate. Sed priuatim se ulcisci, nunquam licitum est, non solum, quia priuata uindicta est contraria ordinationi Dei, de ordinata magistratus uindicta.

IN CAP. III. AD TITVM,

Et, sed etiam, quia est mixta odio, ira, & similibus
damnatis morbis. Nec exerceri tandem posset, quin
fieret ex ea uis iniusta, quæ etiam si cōcessa esset, non
faceret, nisi ad euerfionem ordinis rerum in omni hu
mana societate. Si ergo utendum sit ultione & uindi
ctæ, siue potius auxilio contra uim iniustam, adi pote
statem, & roga legitimum auxilium, & utere illius
protectione.

Non peccas itaq; si implores hoc auxilium &
hanc defensionem ciuilis magistratus contra uim in
iustam, sed melius tamen factururus, si iuxta uerbum
Christi perferas & dissimules in totum irrogatas in
iurias. Quæ dissimulari cum honestate possunt, ut di
ctum est, & sine charitatis lesione. Peccares autem,
si priuatim expeteres uindictam cōtempta magistra
tus autoritate & ordinatione Dei : Etsi pater uapu
let, filius, uxor, aui quomodocunq; aliter proximus
tuus, iam urget charitas, ut roges defensionem à ma
gistratu. Extra quam necessitatem uel similem aliam
ferre ac pati priuatam iniuriam, & aduersarijs con
donare quamuis lesionem propter Deum, & ultioni
atque uindictæ dei cedere, est excellens quid, adeoq;
melius, quàm auxilio & protectiōe magistratus uti.
Etsi non est malum hoc auxilio uti, quin etiam præ
ceptum in comparatione ad uindictam priuatā, nam
priuata uindicta nunquam licita est. Ideoq; peccant
mortaliter,

mortaliter, qui priuatim se ulcisci malunt quàm magistratus uindicta uti, ita ut peccât, qui neglecto seu potius contempto matrimonio & coniugiorum statu & usu legitimæ uxoris conferunt se incontinentes ad stupra uirginum aut uiolationes matronarum, siue aliter prohibitas & damnatas libidines.

Quia ergo Christus & apostoli docent nos mansuetudinem, clementiam, misericordiam, studium pacis & concordie, ignoscentiam, & dehortantur nos à uindictæ cupiditate & ultione, ac uetant, ne illam expetamus, litigemus uel contendamus, uidendum est Christiano, ne quo modo in negotio priuato cōtra hæc præcepta delinquat, ut priuata utilitatis causa propter auariciam, inuidentiam, iram, ambitionem, aut similes morbos, quos per se lex reprehendit ac damnat. Sic enim Paulus scribit & ad Philip. 2. Nihil per cōtentionem, neq; per inanem gloriam, uidelicet agatis. Item, Non quæ sua sunt singuli considerate, sed ea quæ aliorum. Itaq; perferamus potius iniurias, quàm ultionem & uindictam queramus, ne quidem coram magistratu. Et ignoscamus omnibus, ac toleremus omnia, respondentes professioni, nempe qui Deo quotidie ita loquimur, dimitte nobis debita nostra, sicut & nos dimittimus debitoribus nostris.

Sed licet hæc sic habeant, non peccant tamen, qui in priuata causa auxilium magistratus implorant, et

IN CAP. III. AD TITVM,

melius faciunt, q̄ si ad priuatā uindictā sese conuerterent. Imò in hoc casu grauissime peccarēt, q̄ magistratus ordinata uindicta uti nollent, & suā priuatā expeterent. Quod me oportet hoc diligentius inculcare, quo plures sunt ex fanaticis spiri-
tibus, qui oēs damnant, & Christianos esse negant, qui hoc auxilio magistratus implorato, pro defensione sui & rerum suarum utuntur. Quo etiam uti oportet proximi causa, & turpitudinis depellendæ, ut suprā docui. Et officii Christiani est, auxilio ciu-
lis magistratus illa turpitudinis mala arcere & depellere à proximo. Aut si quauis alia non ferenda iniuria ab iniquis pre-
matur. Sed uidendum est, ne qui ueniunt ad auxilium magistratus, aliquid ex morbis priuatis secum in illo-
rum iudicium adferant, hoc est, caueant sibi & abstin-
neant se ab emulationibus, auaricia, inuidentia, ira, dolo, fraude & similibus, & causam puri ab his affe-
ctionibus & liberi in iudicio dicant. Solo defensionis studio uel repetant ablata, uel accusent uiolentos & iniquos. Et illa ordinata defensione utantur ex fide, tanquam sibi licita, libera & concessa à Deo, & utantur cum gratiarum actione.

Hec nimirum est recta, pia & iusta sententia in hac controuersia. nam ordinationibus Dei bonis, iustis & sanctis possumus utiq; Christiani bene, recte, iuste, pie & sancte uti. Et q̄ Paulus inquit, magistra-
tum

tum esse honori bonis. Et quia Petrus testatur, magistratus mit. i ad laudem bonorum, quibus tamen omnino uiciosi essent, si qui uterentur illorum protectione peccarent. Nec est existimandum, quod hæc ordinata iudicia magistratus, quæ ipsemet Deus adprobat, imò & ordinat, & est autor illarum, seruiant ad peccandū ei qui illis uti uolet. Quanquam difficillimum est uenire in hoc iudicium, & recte ac pie illo uti, hoc est, uacare his omnibus morbis, à quibus debere alienum esse antea docui eum, qui in iudicio uolet cōtendere, ut uidelicet nihil agat ex cupiditate uindictæ, nihil ex odio, emulatione, inuidētia, ira, & nihil per auariciam, sed tantum propter necessariam defensionē causam dicat, ut nulli noxius esse quærat, ne aduersario quidem & inimico. In summu, nihil ex fraude aut insidijs agat.

Non tamen est impossibile, hac puritate & pietate Christiana causam in iudicio dicere, & si rarum omnino & difficile. Ideo consultius multo ac tutius agunt, qui propter difficultatem periculose actionis & ab his accusationibus iniquorū & iniuriosorum in totum abstinent, & suas omnes uindictas, etiam legitimas illas iudiciorum & sententiæ magistratus Deo condonant, ignoscentes aduersarijs, & deprecantes pro eis, si quo modo cōuertantur & salui fiāt, & si adhuc sentiant se affectionibus prauis nonnihil

IN CAP. III. AD TITVM

commoueri, tametsi abstineant se ab accusando, illas deprecentur, ac confidant sibi ignosci eas propter Christum. Peccant enim, uel qui aduersarijs & inimicis irascuntur. Prorsus enim non licet irasci aut odisse, nisi uicijs & peccato. Viciosi autem & peccatoribus & ludentibus nos ignoscere debemus, & precari pro eis, ac benefacere ipsis, sicut docetur Matth. 5. Multo magis peccant, qui iracundiæ et alijs uiciosi morbis obtemperantes, ueniunt ad magistratus, ut alios accusent, quanquam uiolentos & inturiosos, nisi sine ira ueniant & accusent, & propter necessariam defensionem.

Proinde ad locum Pauli 1. Cor. 6. Iam quidem omnino delictum est in uobis, quia litigatis inter uos, id ipsum respondere, quod uir clarissimus, & summus theologus Philippus Melanthon prudētissime & rectissime respondet, dicens: Reprehendit non ipsas lites seu disputationem forensem, cum Paulus concedat eā coram arbitris, sed obiurgat partē iniustam. Solet enim altera pars esse iniusta. Aut certe odium & auariciam reprehendit. Sed uide reliqua eius scripti in eam sententiam in 13. caput commentariorum epistolæ ad Rom. Anno 1532. editorū. Opinor itaq; ex iam dictis clare intelligi, quatenus Christiano liceat causā in iudicio dicere, & cur tutius sit à repetendo ablato seu debito, uel accusando in totum abstinere. Pergo igitur ad alia.

Eramus

ERAMVS ENIM ALIQVANDO ET NOS
INSIPIENTES, INOBEDIENTES, ERRAN-
TES, SERVIENTES DESIDERIIS ET VOLV-
PTATIBVS VARIIS, IN MALICIA ET IN-
VIDIA VERSANTES, ODIOSI, ODIENTES
INVICEM.

Rationem hic dicit Paulus, cur oporteat Christia-
nos ad omne bonũ opus paratos esse, & sibi ab omni-
bus uicijs temperare, commodos, benignos, mansue-
tos erga omnes esse, quia hoc gratiæ tempus, in quo
nunc agimus liberati per Christum Iesum & salui
facti, alios mores postulat, quàm illi ueteres fuerũt,
in quibus egimus & conuersabamur, nihil iustitiæ
habentes aut intelligentes, uidelicet nondum redem-
pti à peccato, necdum filij Dei & heredes æternæ ui-
tæ per Christum. Nam & suprà cap. 2. docuit, q̃ gra-
tia Dei nos erudiat, ut abnegâtes impietatem & mun-
dana desideria, modeste, iuste & pie uiuamus.

Quoniam autem hic se offert occasio dicendi co-
piose de toto genere peccati, uidelicet de origine,
caussis, incremento & damnis eius, immorabor pau-
lisper huic loco, & nonnulla de peccato originis, &
alijs quæ ex illo dependent, scorsum scribam, priusq̃
ad textus expositionem perueniam. Et ut melius de
peccato iudicare discant nouitij theologi, quàm scho-
lastici potuerunt, atq; ut beneficium Christi rectius

IN CAP. III. AD TITVM

intelligamus. Quod oportet ignorare, ubi non intelligitur exacte quid est peccatum. ideo necessarium est, ut prudenter de hoc loco & utiliter in Ecclesia respondere concionatores & differere possint.

De peccato originali.

Vt igitur clare & sine sophistica fraude locum de peccato exponam, iubeo omnes obseruare nos adpellatione peccati originalis complecti simul duo præcipua uicia carnalis naturæ, nempe ignorantiam Dei, & concupiscentiam. Ad hæc, ex his, ceu fontibus malorum, omnia alia uicia & peccata, omnes calamitates & poenas peccatorum promanare, propagari & existere. Et ignorantiam quidem Dei esse priuationem boni debiti, & ex illa sequi Dei contemptum, & regnare in eis, in quibus illa ignorantia adhuc durat. Nec liberari unquam uere ab illo contemptu, præterquam eos, quibus reuelatus fuerit Deus, & cognitus per Euangelij annunciationem de Christo. Est autem contemptus iste præcipuus et summus, cum prædicatio & doctrina uerbi dei, cum legis tum gratiæ irridetur, aut reputatur res esse non ualde necessaria, sicut fit ab incredulis & impijs istis, qui dicunt in corde suo: Non est Deus, hoc est, Deum & diuina nihil curant, nec existimant, quod Deus illa quæ sunt & fiunt apud homines curet, quemadmodum Epicurus et ei similes: Vnde uere est quidam fons omnium malorum in hoc uicio et peccato.

Rursus

Rursus, in concupiscentia sunt ac dominantur quidam uolenti motus & uiciati habitus carnalis naturæ, quibus nemo unquam satis resistere potuit, uel poterit aliquando, ita sunt uidelicet intrinsecus in natura, & hærent in carne, congenili omnibus, ut etiam necesse sit hanc carnalem naturam prius incinerari, quàm prorsus sanari ab eis possit, & sanata ac repurgata restitui in nouam uitam ad possidendum immortalitatem & æternam gloriam, nam & in sanctis per Christum Iesum iustificatis isti uiciosi motus adhuc uiuent, & si nō regnent in eis. Sed tamen omnium difficillime resistitur eis, etiam per eos, qui à spiritu sancto gubernantur, sicut testatur illud Pauli ad Gal. 5. Caro enim concupiscit aduersus spiritum, spiritus autem aduersus carnem. Hæc enim sibi inuicem aduersantur, ut non quæcunque uultis, ea faciatis.

Porro ignorantia Dei illa, quæ habet cognatum Dei contemptum, de quo dixi, priuat hominem uero timore Dei, uera fide, dilectione & spe in Deū. Quo modo enim timeat homo Deum, quæ ignorat, et cuius uoluntatem discere ex uerbo illius contemnit? Ac ne credit quidem, q̄ deus suo uerbo nobis loquatur, nec plus tribuit prædicationi diuinæ legis aut Euangelij quàm prædicationi & doctrinæ mandatorum hominum. Et quomodo, obsecro, diligat talis Deū, aut confidat illi, seu speret in eum, cuius est natura ignorans

IN CAP. III. AD TITVM,

Et audacissimus contemptor? Esse autem hominem ta-
 lem, multis scripturæ testimonijs probari potest, et
 ipsa omnium rerum magistra ac teste experientia et
 usu. Sic enim est mundus quoddam quasi amplissimum
 impietatis theatrum, in quo spectare licet, quomodo
 hæc grauissima uicia regnent in homine. Seu priua-
 tio uirtutum maximarum, et habitet in eo, loco uirtu-
 tum illarum, quædam impia ignorantia et horribilis
 contemptus Dei, ut ipse quoque euangelista Ioan. di-
 cat: Et mundus totus in maligno positus est. 1. Ioan. 5.
 Paulus uero in descriptione huius mali utitur hac sen-
 tentiarum congerie Rom. 3. Nō est iustus quisquam,
 non est intelligens, non est requirens Deum. Omnes
 declinauerūt et inutiles facti sunt, non est qui faciat
 bonum, ne unus quidem. Item, Non est timor Dei co-
 ram oculis eorum. Hæc ille de his summis uicijs scri-
 bit, quæ comitantur ignorantiam et contemptū Dei,
 siue potius de priuatione maximarū uirtutū, scilicet,
 quod homines natura uacant uero timore Dei, item uera fi-
 ducia, spe et dilectione erga deum. Inde autem ruit
 et euertitur totus homo, et omnis reliqua obedi-
 tia perit, nō solum primæ tabulæ, sed et posterioris.
 Maxime tamen primæ, id est, confessionis, inuocatio-
 nis, laudis et gratiarum actionis, et similium exer-
 citiorum pietatis. Et ut præstent homines aliqua ope-
 ra secundæ tabulæ, tamen longe manent ab operibus
 perfecte

perfecte bonis, quia retinēt in corde immundiciē carnalis concupiscentiæ, & sine uera in proximum dilectione uiuunt.

Rursus, ipsa carnalis concupiscentia complectitur in se multos uiciosos habitus & indomabiles motus, sicut sunt, fremitus & indignatio contra eos, quorum regimini & imperio subiectum esse conuenit hominem, hoc contra parentes et magistratus. Vnde nascitur inobedientia, rebellio, seditiones & alia innumera mala peccati, ut sunt, contumeliæ, probra, maledicta, & id genus alia in parentes & magistratus regeſta, quorum imperium dedignamur & contemnimus. Sic ergo dominantur in homine multa grauiuaicia & peccata, ut sunt, contemptus diuinæ autoritatis in parentibus & magistratibus. Atq; ita de alijs affectibus prauis oportet pronunciare, qui natura in carnalibus hærent. Vt de iracundia & uindictæ cupiditate, quam sequuntur contumeliæ, & probra in proximum dicta. Item, iurgia, uapulationes, cædes. De libidine, quæ cauſa est fornicationum, adulteriorum, & similium infandorum concubituum. De auaricia & habendi cupiditate, atq; adeo curis huius uitæ, quæ efficiunt homines furari & rapere aliena, et in negotio & contractibus infideles & iniustos esse. De odio, inuidentia, animi malignitate & uanitate, & his similibus alijs, unde extstunt mendacia, periu

IN CAP. III. AD TITVM,

iuria, pactorum uiolationes, perfidia in promissis, et falsa testimonia, quæ in iudicijs dicuntur, contentiones & lites, cum in foro iudiciario improborum, tum extra forum. Item maledicentia, calumniæ, proditiones. Deniq; & concupiscentia omnis doli, fraudis et iniquitatis in proximū, principalis causa & caput, in qua regnat illa ἀσorgία, quæ est immisericordia, inclementia, & carētia oīm piorū motuū internorū.

Sic sunt uidelicet in peccato originis siue in natura nondū renouata per spiritum sanctum, nō tantum uiciati motus, sed & priuatio iusticiæ spiritus, hoc est, timoris, fiduciæ, spei & dilectionis in Deum, dilectionis in proximum. Atq; adeo quædam impossibilitas naturalis ad efficiendum has spirituales uirtutes, scilicet ueri timoris Dei &c. Nam qui tribuunt homini, q. possit eas uirtutes efficere, simul tribuunt ei naturam integre & perfecte sanam à peccato, & contra communē sensum sentiūt, streben uider synn und uernunfft. Et maiestati spiritus sancti detrahūt, cuius est, corda nostra repurgare à carnalibus uicijs concupiscentiæ, & nouos alios motus in cordibus nostris creare, spirituales uidelicet, bonos & sanctos. Sicut etiam ex testimonijs sanctorum prophetarum liquet, ut Hierem. 31. Ezech. 36. Et scholastici theologi, qui fingunt, q. homo diuinis legibus possit satisfacere, & mereri gratiam de cōgruo, pelagianizāt,

&

Et peccatū originale negant, uel potius in totū ignorant. Si. n. intelligerent, quale est, et quanta uis eius in carnali natura, nunquā tribuerēt homini, q. legis facere posset, aut gratiam per opera et facta sua mereri. Cum itaq; quidam istorum dicāt, quod homo proprijs uiribus possit Deum supra omnia diligere, et legem Dei facere, isti somniant naturam liberam à peccato, etiam sine Christo, ac nesciūt se peccatum originis negare. Deniq; non uident, quod Christi officia faciunt ociosa.

Iam non opus est prolixè dicere de causis, incremento et damnis peccati. Constat enim, sicut Paulus docet ad Romanos 5. peccatum ab uno propagatum esse in omnes. Atq; idem confitetur et propheta Dauid psal. 50. Nam in se agnoscit hoc uicium, cum ita scribat: Ecce enim in iniquitatibus conceptus sum, et in peccatis concepit me mater mea. Nec aliud sentit Christus, quàm carnalem hominis naturam totam esse sub peccato, ubi dicit: Nisi quis natus fuerit denuo, non potest uidere regnum Dei. Tum neq; quenquam posse seluari nō reatum statuit, id est, non receptum in gratiam filiorum Dei. In alijs autem docet hanc regenerationem fieri aqua et spiritu sancto, loquēs de baptismo, quo abluimur à peccato, et incorporamur Ecclesie filiorum Dei. Et de efficatia spiritus sancti in nobis, qua intus in cordibus nostris repurgamur à

IN CAP. III. AD TITVM,

peccato. Nec. n. p nostras vires potest aliquādo huic incurabili morbo peccati resisti satis, multo minus potest tolli nostris viribus ex natura. Ac constat hoc peccatū semper uigere, semper ferax esse uiciorū, et semper fructificare ad morientem. Huc enim facit illud Gen. 6. Cuncta intentio & cogitatio cordis mala est omni tempore. Item illud Gen. 8. Intentio humani cordis mala est ab adolescentia sua. Adde illa Pauli testimonia Roman. 5. Per unum hominem peccatū in hūc mundum intrauit, & per peccatum mors. Item illud eiusdem capite 6. Serui peccati ad mortem. Et capite 7. inquit: Cū essemus in carne, affectus peccatorū, qui sunt per legem, uigebant in membris nostris ad fructificandum morti.

Sed hæc hætenus in doctrina de peccato, ex quibus intelligi potest, quale sit, & quanta uis eius, quale & quantum incrementum, damnum & poenæ peccati. Nam horribilissima omniū poena mors est æterna illa, quæ priuat hominem fœlicitate æternæ uitæ, de qua potissimum docendi sumus inter alias poenas, quibus annumerari debet ipsa quoq; cōcupiscentia, & ignorātia illa, quæ in nobis est dei. His. n. talibus malis punit Deus totam Adæ posteritatē, priuans illam luce gratiæ suæ, & uiuificatione spiritus, & dono æternæ uitæ. Ac punit præterea alijs calamitatibus corporalibus & spiritualibus mundum, uelut bellis, seditionibus,

seditionibus, gladio, peste, fame. Deniq; est alia quædam poena, quæ dicitur excæcatio & induratio, in illis, qui Euangelio nō credunt, & sine poenitentia manent, de qua est Matth. 11. Luc. 13. Rom. 1. 9. &c. Quamquam autem calamitates corporales sunt poenæ in incredulis, tamen in his qui Euangelio credūt, non sunt poenæ neq; signa iræ, sed sunt optabiles & salutiferæ monitiones & correptiones, quibus castigati uocamur ad poenitentiam, ne cum impijs & incorrigibilibus condemnemur, sicut est 1. Corinth. 12. Heb. 12. &c. Conferamus itaq; cum iam dictis de peccato scriptum Pauli ita dicentis :

ERAMVS ENIM ET NOS ALIQUANDO INSIPIENTES.

Nam hæc scribit Paulus de ignorantia illa Dei, quæ est omnibus nobis agnata, uicio originalis noxæ, & præcipuum malum in originali peccato, siue priuationem, seu aliter uocare uoles. Certum est enim priuationem esse, seu carentiam ueræ iusticiæ & pietatis in Deum, adeoq; omnis boni coram Deo. Nec potest aliter tolli, quàm per promissionum Euangelij fidem de Christo iustificatore luce & æterna uita nostra. Ac fuit hæc ignorantia peccati non tantum in Gentibus, uerum etiam in Iudæis, solis exceptis, qui tandem uindictati sunt ab illa per promissionum gratiæ fidem, siue Iudæi, siue Gentes, ut Cornelius iste,

IN CAP. III. AD TITVM,

de quo Act. 10. & eius similes alij. Loquitur enim Paulus de uicio omnibus congenito, siue quod natura in oibus hæret. Nec perpetratur actibus malis, sed uiuitur in eo, in quo est causa omniũ transgressio nũ, & ois iniquitatis, ut suprà explicatũ est. Sequitur:

INOBEDIENTES, ERRANTES,

Ignorantiam enim illã Dei, quæ est natura in omnibus nobis, sequitur quedam contumacia seu rebellio, quæ est illa inobedientia, nobilitata insigni contẽptu Dei, & omniũ mandatorum eius. Ideo coniunxi eam suprà cum ignorantia dei in descriptione peccati originalis. Et in illa contumacia, rebellionẽ & inobedientia insunt omnes nostri errores, & omnia nostra peccata & delicta, q̃ nemo admitteret, si cognosceret Deum uere, aut per ullam prædicationem & doctrinam illi de Deo & rebus diuinis persuaderi posset. Vnde etiam, q̃ tales sunt, uocantur à Paulo ἀπειθεῖς τοῦ θεοῦ, quod perinde sonat, quasi dicas, imperuasibiles, hoc est, quibus persuaderi non potest, & qui nulla sana consilia admittunt. Vetus interpres hanc uocem conuertit increduli, significans rebelles & contumaces esse. Cæterum, hanc inobedientiam & istos errores, propheta Esaias in hunc modum describit capite 53. Omnes nos, quasi oues errauimus, unusquisq; in uiam suam. Verum Dominus omnium nostrũ peccata in illum (Christum) reiecit. Peccata

nãq̃

namq; nostra non potuerunt tolli, nisi per solam beneficentiam Domini & seruatoris nostri Iesu Christi, id est, naturæ morbus sanari nisi per gratiam non potuit, nec tolli nostra peccata, nisi potentia Dei.

SERVIENTES DESIDERIIS ET VOLUPTATIBVS VARIIS.

Hæc sunt dicta à Paulo de concupiscentia carnali altera specie seu parte peccati originalis. & τὸ ὁμιλοῦναι enim sunt concupiscentiæ carnales, & desideria illa praua, pugnantiæ cum lege dei, nam sic etiam uocantur à Paulo ad Romanos 7. Et illæ quidem affectus sua dulcedine trahunt, quæ tamen amarior est ipsa morte, si quis serio attēdat in uarias ac multiplices delicias et uoluptates carnis. Atq; idcirco dicit, nos non tantum in illis desiderijs egisse, sed etiā seruasse eis, quasi dicat, pleno impio nos illis subiectos fuisse. Quod quale, quātum & quā horribile sit, discite ex his, quæ Paulus scribit copiosa disputatione Rom. 7.

Describit itaq; Paulus uicium originis his duabus partibus, quas dixi, ignorantia scilicet dei, in qua est inobedientia seu rebellio & contemptus rerum diuinarum, tum errores, insidijs & astucia diaboli excæcatorum. Item concupiscentia, in qua sunt uiolenti quidam & impuri motus cordis seu animi affectantis quæcunq; pugnat cum mandatis Dei. Sunt autem carnali naturæ uoluptates, sed tales, ut earum neminem

IN CAP. III. AD TITVM,

non pudeat. Ideo non sunt ueræ uoluptates, & in incredulis accersant æternam mortē. Et in hoc tempore plus tristitiæ adferunt & doloris, quàm gaudij aut uoluptatis, sicut intelligere est ex usu auariciæ, libidinis, crapulæ & ebrietatis, ac similium.

IN MALICIA ET INUIDIA VERSANTES,
ODIOSI ET ODIENTES INVICEM.

Iam prædictis, in quibus egit de peccato nobis congenito, subiicit quædā de operibus seu effectibus carnis, hoc est, peccati in carnali natura, nam de illis loquitur, in quibus peccatum pleno imperio regnabat, aut etiam num regnat, ac numerat quædam copiosius de his uiciosiis operibus peccati Galat. 5. Rom. 1. 2. 1. Corinth. 6. 2. Timoth. 3. Quæ quisquis uolet, legat suis locis apud eundē aptum, & addat eis similia alia ex scriptis aliorū apostolorū & euāgelistarum.

Proinde malicia, quo nomine hic usus est, generale est, & significabat quamuis transgressionem & uiolationem mandatorū Dei. Inuidia autem, affectio est, qua felicitàti aliorum irascimur, ac mallems male eis esse quàm bene. Idq; agimus consilio & factis, ut prosperitates eorū in malū cōuertamus, nec q̄scimus antea, quàm perficiamus. Id quod etiam inhumanum est, nedum damnabile coram deo. Ac sic interpretor inuidientiam, non tantum ut morbus est, sed etiam, ut in impio uiolenter regnat.

συζητοῦ

συγκτοι, odibiles, hoc est, odio digni, Vueste
 freche leute, des hasses uuerd, nam & qui tales sunt,
 eos odit & execratur Deus, & ipsi quoq; homines
 tales odiūt & execrātur, tametsi nemo non est huius
 modi, sed alius plus, alius minus, nemo tamen non di
 gnus odio, nisi quem reconciliat Deo, & amabilem
 alijs efficit ipse Dominus Christus Iesus.

Cæterū, mutua odia malorū inter se his sequentibus
 notat: Inuicem odio prosequētes. Quæ quid efficiāt,
 nos docent quotidiana in uulgo exempla, nec opus est
 alia illustratione, quam ab exemplis improborum ha
 betur. Prodesset autem minus exemplorum esse.

CVM AVTEM BENIGNITAS ET HVMA
 NITAS AD PARVIT SALVATORIS NOSTRI
 DEI, NON EX OPERIBVS IVSTICIAE,
 QVAE FECIMVS NOS, SED SECVNDVM
 MISERICORDIAM SVAM SALVOS NOS
 FECIT & c.

Huius loci uidetur inabsolutus sermo esse, qui ta
 mē ita compleri possit, quòd pro insipientibus sapien
 tes, pro incredulis & errantibus credentes & in uia
 iusticiæ reducti simus, quòd item pro seruientibus de
 siderijs & uoluptatibus carnis, in iusticia spiritus ui
 uamus, & deniq; q; pro maliciæ operibus in dilectio
 nis operibus ambulemus, id totum ex diuinæ gratiæ
 munere contigisse nobis, qua etiam beati & salui fa

IN CAP. III. AD TITVM,

Si simus nullo prorsus merito nostro, aut iusticiarū legis respectu.

Et hæc reuocans nobis in mentem Paulus, vult ut bene cōfidamus de gratia, planeq; securi simus credentes iusticiæ gratiæ & æternæ uitæ. Tum non ingrati studeamus deinceps uoluntati Dei obsequi, & in operibus bonis excellere, nam si pro nostris meritis & nostra dignitate tractari debuissēmus, nemo nostrum nō periisset æternæ mortis condemnatione. Cum ergo iustificati sumus per gratuitam beneficentiam misericordiæ dei, quæ præstita est nobis in Christo Iesu, ultrā nō debemus obsequi peccato & desideriis eius, sed cum gratitudine erga Deum, in nouitate uitæ & iusticia bonorum operum ambulare.

Proinde peccatum quidem, de quo paulo ante egimus, serio & uere cognitum adfert desperationem, sed habent tamen peccatores contrariam consolationem per gratiæ Euangelij doctrinam, de qua hic agitur à Paulo. Media autē prædicatio & doctrina est lex, qua præcipitur de iusticia factorum nostrorum, sed quanquam præcipiatur, non tamen per legem iustificamur, quia obedientia operis nostri est imperfecta, & reuinemus immundiciem agnatam in corde: Quapropter per legem perducimur tantū ostensione peccati nostri ad priuatæ iusticiæ desperationem. Simul eiusdē officio quasi urgemur & impellimur, ut gratiam

gratiam seu misericordiam & ignoscentiam peccati
& delictorum nobis à Deo per Christum Iesum roge
mus & petamus. Hoc. n. q̄squis facit, iustificatur &
beatus efficitur, iuxta illud Ioel 2. Omnis quicumque
inuocauerit nomen Domini, saluus erit.

Neq; enim inuocatio illa est aliud, nisi suspirium
& precatio cordis pro gratia, qua peccatis nostris
ignoscitur per misericordiam gratuitam dei propter
Christum. Quale fuit in eo suspirium & supplicatio
cordis, qui Deo ita locutus est: Deus, propicius esto
mihi peccatori. Luc. 18. Quem Christus testatur iu
stificatum fuisse illa sua inuocatione, & illius exem
plum nobis proponens in consolationem, significat,
q̄ similiter omnes iustificemur, quicumq; ex fide pro
missionum Euangelij uenimus ad gratiam, & pecca
ti remissionem per Christum flagitamus. Dictum est
autem proxime de peccato, & per occasionem, in
primo capite de usu diuinæ legis. Iam ergo & de gra
tia & iustificatione dicemus.

De gratia & iustificatione.

Multa hactenus dicta sunt, ex quibus omnibus cla
re intelligi potuit, & intelligētur ex his quoq; quæ
deinceps dicentur, occasione & necessitate eorum,
quæ Paulus in hoc tertio capite de gratia & iustifi
catione nostri scribit, quid uidelicet gratiæ nomine
significetur, quomodo fiat iustificatio, & qd sit Chri

IN CAP. III. AD TITVM

stiane siue formaliter iustum esse. Denique qui sint, qui prædicationi gratiæ & iustificationis, quæ per Euangelium traditur, detrahant, & Christianas consolationes omnes auferant ex Ecclesia. Item perfidiã Iudaicam, hypocrisim operum, uanitatem & desperationem, uenturam ad extremum ignorantibus Deum, doceant.

Cum igitur Paulus testetur nos saluari per gratuitam misericordiã Dei, quæ dicit, quod Deus nos saluos faciat, non ex operibus nostris, sed per suam misericordiã, palam est gratiæ nomine significari hoc gratuitum beneficium misericordiæ Dei. Ad hæc, iustificationem nostri fieri per gratuitam remissionem nostri peccati, nam meritum remissionis peccati iusticijs nostris detrahit. Per quod manifestum est, opera nostra excludi à iustificatione Christiana, qua homini salus æterna coram deo contingit. Non excludi autem, ne iustificatos obedientia operum nostrorum sequatur, sed ne quis opera nostra faciat precium & satisfactionem pro peccato & morte. Aut, ne quis iustum fingat hominem coram Deo per sua facta, siue sint opera mandatorum legis, aut doctrinarum hominum, quia iustificatio fit gratis sine operibus nostris per misericordiam. Et aliud quoddam precium est redemptionis nostri, quo satis fit pro peccatis nostris, & pro æterna morte, siue propter quod iusticia gratiæ

tiæ nobis cōtingit & imputatur, atq; adeo salus æternæ uitæ nobis coram Deo donatur.

Significat itaq; gratia gratuitā acceptionē hominis peccatoris, quæ fit per misericordiā Dei, & complectitur donationem remissionis peccati, adeoque æternæ uitæ. Nec tollit exclusiua, qua derogatur operibus nostris meritum remissionis peccati, ipsa bona opera, de quibus in lege præcipitur, ne eos, qui per gratiā iustificati sunt, nō sequantur necessario, quem admodum aduersarij nostri hanc gratiæ doctrinam calumniantur, ut imperito populo inuisam reddant, dicentes, bona opera, quæ constet à deo præcipi, prohiberi ac damnari ab his, qui doceant, q, gratis & sine operibus nostris coram Deo iustificemur, sed iubet, ut alium mediatorem gratiæ queramus, in quem respiciamus tanquam in precium & satisfactionem pro peccatis nostris & pro æterna morte, quia iusticiæ nostræ non sunt precium pro peccato, non sunt satisfactio pro morte. Contingit enim gratis remissio peccati, nec aboletur mors nostra potētia, sed quadam alia diuina. Rom. 3. Ex operibus legis non iustificatur omnis caro coram Deo. Gal. 2. Scimus, quòd non iustificatur homo ex operibus legis.

Cæterum, mediator ille gratiæ siue precium pro peccato et morte, est unigenitus filius Dei, Dominus & seruator noster Christus Iesus, sicut de illo dicitur

Quid possit
aut uelit ex
clusiua.

IN CAP. III. AD TITVM

Ioan. 1. Ecce agnus Dei, qui tollit peccatum mundi.
 Ephe. 1. Per quem habemus redemptionem, per sanguinem eius remissionem peccatorum. 1. Pet. 1. Redempti precioso sanguine, quasi agni inculpati & immaculati Christi. 1. Ioan. 1. Sanguis Iesu Christi filij eius emundat nos ab omni peccato. Quid multis? Hæc est propria Euangelij doctrina, quod sine legis iusticijs per solam gratuitam gratiam Dei propter Christum Iesum saluemur à peccato et æterna morte, ideo ad hæc gratiæ doctrinam oportet nos adferre fidem. Qui enim per incredulitatem illi resistunt, non possunt saluari. Nec possunt aliter accipi aut possideri beneficia gratiæ, nisi per fidem. Atq; hinc est, quod docetur, nos sola per Christum Iesum fide saluari à peccato & à morte. Atq; huc facit illud Pauli Roman. 3. Iustificati gratis per gratiam ipsius, per redemptionem, quæ est in Christo Iesu, quem proposuit Deus propiciatorium per fidem in sanguine ipsius. Item Ioan. 3. Sic enim Deus dilexit mundum, ut filiū suum unigenitum daret, ut omnis qui credit in eum, non pereat, sed habeat uitam æternam.

Itaq; gratia, ut docui, est gratuita acceptatio peccatoris, & donatio remissionis peccati propter Christū. Hæc uero gratiæ doctrina requirit à nobis fidem. Atq; inde colligere est, iustificationem nostri plane non aliud esse, quàm donationem remissionis peccati,

peccati, & imputationem iusticiæ, quæ fit per misericordiam Dei, quæ ignoscit peccatis nostris propter Christum, & fide in Dominum Iesum Christum, ut mediatorem gratiæ, & precium pro peccato adprehenditur. Deniq; formale in fide & iusticia Christiana, non esse opera legis, quæ nos præstamus, quemadmodum somniant scholastici theologi, doctrinæ iustificationis Christianæ in solidum ignari, sed esse ipsissimam fiduciam promissionum gratiæ. Nec ob aliud prædicatur iusticia gratiæ, aut fides in eam requiritur à nobis, nisi ut fiducia meriti operum nostrorum excludatur, & ne quis corā deo gloriatur, quasi per suam iusticiam saluus fiat & beatus corā Deo. Neq; intelligunt, quid sit peccatum, lex, gratia, Christus, iusticia, fides, bonum opus, qui in doctrina de iustificatione nostri coram deo, fidei operum et meritorum nostrorum fiduciam attexunt.

Iam ergo, cum in effectibus gratiæ oportet numerare & agnoscere donationem remissionis peccati, iusticiæ, pacem conscientiæ, & securitatem æternæ uitæ, ut ex his, quæ docui, manifestum est, quid sit, & illos effectus aduersarij nostri papistæ & monachi tribuūt legi? (hoc est, meritis operum suorum?) quam Paulus facit ministram iræ et damnationis. Num lex est iustificatiōis & saluationis doctrina? An nō Euangelium de gratia & misericordia Dei, per quam an-

IN CAP. III. AD TITVM,

nunciatur nobis gratuita peccati remissio, & æterna
 vita per redemptorem Christum? qui est precium pro
 nostris peccatis, cui ob id tribuitur iustificatoris &
 seruatoris nomen. Et Petrus negat aliud nomen datū
 esse hominibus sub cælo, in quo oporteat nos saluos
 fieri. Et affirmat, quòd testimonio omnium prophetarum
 remissionem peccatorum accipiant per nomen
 Christi omnes qui credunt in eum.

Vide nunc, qui nam sint, qui obloquuntur blasphemantes,
 & detrahunt gratiæ, & consolationes Euangelij obruunt
 in Ecclesia. Vtiq; papistæ, nā falsa sunt & impia
 commenta, quæcunq; tradunt ex doctrina scholasticorum
 theologorum de iustificatione monachi & papistæ, quia
 doctrinæ fidei assuunt conditionem meritorum nostrorum,
 per quod gratiam negāt gratuitam esse. Quod plane nō est,
 quā negare gratiam, & homini gloriati onem aduersus Deum
 concedere. Nisi enim gratis contingat gratia, non est gratia,
 & si pro meritis nostris datur remissio peccati, ipsa
 remissio peccati est debita merces, non gratia, sicut
 Paulus cōtendit in illo Rom. 11. Si autem gratia,
 (saluamur) iam non ex operibus. Alioqui gratia iam non
 est gratia. Sin ex operibus, iam non ex gratia. Alioqui
 opus iam nō est opus. Si enim ex gratia salus contingit,
 opus quod iactatur meritoriū remissionis peccati,
 est quoddam fabulosum & monstruosum commentum:

mentum. Et contrà, si per merita operum nostrorum obtinetur peccati remissio, ipsa doctrina gratiæ est res inanis & fabulosa. Cum autem per gratiam iustificemur coram deo, potes ex his plane diiudicare, qui nam euacuent gratiam, & Euangelium Domini nostri Iesu Christi calumnientur.

Quin etiam quia isti aduersarij nostri, quos dicunt, fingunt ex doctrina scholasticorum fidem Christianam ipsis quoq; impijs inesse posse, manifestum est, q, in doctrina fidei nihil loquuntur de fiducia misericordie & bonitatis Dei, qua ille ignoscit peccatis nostris propter Christum. Et in illo errore deprehensi, iudicari possunt, quòd perfidiam quãdam Iudaicam docent, & ipsum Dominum Christum Iesum saluatoris loco penitus excludunt. An possunt enim impij fiduciam misericordie Dei concipere? Si non possunt, quomodo credunt? Aut possunt ne impij sibi promittere Deum placatum per propiciatorem Christum Iesum? Si nō possunt, quo loco habent Christum Iesum? Certe pro iustificatore et seruatore suo illum non possunt habere, quia alioqui propicium & placatum esse sibi Deum, agnoscerent per Christum Iesum. Sed ita neq; permanerēt neq; essent impij. Et prorsus impossibile est, fiduciam gratiæ & iustificatoris Christi in eo esse, qui est impius & flagitiose uiuit, peccato & desiderijs eius indulget, & sine poenitētia manet.

IN CAP. III. AD TITVM,

Prorsus igitur sophisticum & fabulosum commentum est, in iniuriam gratiæ Dei confictum, quo dicitur, q̄ fides, qua Christiani credunt, impijs quoq; inesse possit. Dixi ergo, q̄ in doctrina de iustificatione aduersarij nostri papistæ de fide proprie Christiana nihil loquantur, neq; intelligant. Credenti enim nihil tribuunt, nisi q̄ sentiat esse Deum, tum uera loqui Deum. Hæc est scilicet illa sophistarum fides, qua etiam demones credunt, uere papistica, & perfidiæ iudaicæ cōtumelia. Nam etsi oportet credere esse deū, & uera illum loqui, hoc est, promissiones & comminationes Dei ueras esse, tamen credenti ad iusticiam hoc non est satis. Aut, si satis est, cur damnamus Turcas & perfidiam iudeorum? Et cur uos aduersarij Dei & Ecclesiæ catholicæ & communis salutis sanctorum papistæ in prædicatione fidei iustificati nullo facitis fiducia & promissionum gratiæ & iustificatoris Iesu Christi mentionem? qua una scilicet discernere oportet pios ab impijs, Christianos à perfidia reliquarum Gentium?

Verum age, quando incidimus in istorum sordes & blasphemias, prosequamur aliquanto copiosius retere impia commenta, ut abominatio doctrinæ, quantum fieri potest, profligatur tota ab Ecclesia sanctorum. Querūt itaq; medium scholastici, per quod discernant pios ab impijs, quod cum suo iudicio non reperiunt

reperiunt in eo, quod dicitur, credere esse Deum, & uera esse quæ Deus loquitur, cōuertunt se ad illud cōmentum, quo uidelicet fingunt fidei iustificantis esse postquam credideris esse Deum, & uera esse quæ loquitur, tum operibus bonis gratiā & æternam uitam mereri. Et hoc uocant credere in Deum, & credēdo per bona opera ire. Quod si non est Iudaicum, à quibus sit fiducia promerendi gratiam & uitam æternā, dic quaeso, qd sit? Pulchre adeo, id est, diabolice, per hoc pharisaicum commentum docemur negare gratiam, & iustificatōrē Christum, & fidē Christianā.

Adde, quòd isto commentio dicunt formaliter iustos esse eos, qui suo ipsorum iudicio credunt, non quia credunt, seu propter fidem, sed quia opera charitatis habent, & propter illa opera. Quod an non est operibus tribuere meritum iustificationis & uitæ æternæ? Tum fidei adpellatione, sophistica delusione tantum abuti, ad deceptionem auditorū? Si enim alij, qui credunt Deum esse, & uera loqui illum, non sunt iusti & beati, nisi coniungant illi fidei sua opera meritoria remissionis peccati & æternæ uitæ, firmum est, quòd iustificatio & salus obtinentur non per fidem, sed per opera. Sic ergo, q charitatem fidei coniungunt, & partialem causam iustificationis faciūt, hoc sophistico & pernicioso errore, isti gratiam in solidum negant, & Christum iustificatoris loco exclu-

IN CAP. III. AD TITVM,

dunt, fidei doctrinam obruunt Iudaicis commentis: Dicunt enim formaliter iustos esse, qui habent iustitias legis, promissiones dei negant gratuitas esse, sua opera faciūt precium pro peccato & morte. Et hominibus eo ipso concedunt gloriationem contra gratiam. Quarum omnium blasphemiarum cum rei sint papistæ & monachi, tamen nolunt admoneri.

*Tria fidei
obiecta.*

Proinde contra istos omnes Iudaicos errores opponere tria fidei obiecta, quæ quàm diu negant aduersarij papistæ, securus pñuncia aduersarios Dei, Christi, fidei Christianæ & Ecclesiæ sanctorum esse. Primum autem fidei obiectum est, ipsa promissio remissionis peccati & æternæ uitæ. Hanc enim facimus fidei obiectum, quia constat, quòd promissio illa gratiæ aliter quàm per fidem accipi non potest. Per legē enim obtineri nō posse, testatur illud Pauli, Rom. 9. Israel sectando legem iustitiæ, in legem iustitiæ non peruenit. Propter quid? Quia non ex fide, (scilicet querebat iustificari coram Deo.) sed tanquam ex operibus legis. Secundum obiectum, in quod intueri credentem oportet, est, q. promissio illa gratiæ & remissionis peccati seu iustificationis & æternæ uitæ est gratuita, quam papistæ gratuitā esse negant. Sed gratuitam esse, paulo post docebo. Tertium obiectum est, ipse iustificator Christus Iesus, q. ut Paulus inquit, dedit semetipsum preciū redēptionis pro oībus. 1. Tim. 2.

Et

Et in eadem epistola capite 1. idem apostolus inquit: Certus sermo est, & dignus, qui omnibus modis accipiatur, quòd Christus Iesus uenit in hunc mundum peccatores saluos facere.

Qui igitur ista fidei obiecta aut non prædicant, aut negant, eos scias uel ignaros esse fidei Christianæ uel aduersarios eius, non Ecclesiæ doctores. Ac constat, quòd promissionum gratiæ in doctrina iustificationis nulla sit mentio à papistis, quemadmodum nec Christi iustificatoris & seruatoris nostri, quanquam etiam si aliquam mentionem promissionum facerent, tamen hoc frustra fieret, propterea quòd fingunt iustificationē nulli gratis contingere, sed dari illam pro meritis operum legis. Ita ut cõtendunt Christum nulli prodesse, nisi operati, quemadmodum prius ex dogmate eorum ostēdi. Oportet ergo omnium maxime firmum esse, ac certum Christianis, promissionē gratiæ gratuitam esse, nec dari salutē per opera nostra, sed gratis propter Christum.

Itaq; gratuitam esse gratiæ seu Euangelij promissionem, primum testatur ipsius rei adpellatio. Non esset gratia, nisi gratuita esset, & gratis contingeret credēti peccati remissio, iusticia & æterna uita, sicut antea docui testimonio allato ex Paulo Rom. 11. Cui adde & hæc sequētia Rom. 3. Iustificati gratis p gratiam ipsius &c. Et ibidē: Decernimus iustificari ho-

Promissionē
Euāgelij esse
gratuitam.

IN CAP. III. AD TITVM,

minem per fidem sine operibus legis. Galat. 2. Nos natura Iudæi, & nō ex Gētibus peccatores, sciētes, q̄ non iustificatur homo ex operibus legis, sed per fidem Iesu Christi. Et nos in Christū Iesum credimus, ut iustificemur ex fide Iesu Christi, & non ex operibus legis, propterea, quōd ex operibus legis non iustificatur ulli caro. Ephe. 2. Gratia enim estis saluati per fidem, & hoc non ex uobis. Dei enim donum est, non ex operibus, ut ne q̄s gloriētur. 1. Corinth. 1. Ex ipso autē & uos estis in Christo Iesu, qui factus est nobis sapientia à deo, & iusticia, & sanctificatio & redemptio, ut quemadmodum scriptum est, Qui gloriatur, in Domino gloriētur. Tit. 3. Non ex operibus nostræ iusticiæ, sed secundum misericordiam suam saluos nos fecit &c.

Hæc clara & aperta testimonia surdis papistis inclamamus, qui doctrinā gratiæ impie blasphemāt. Nec opus est pluribus testimonijs, nisi cui opus uideatur totos Euangelistas, & totas epistolas apostolorum huc transcribere. Quid est enim tota Euangelij prædicatio & doctrina, nisi quædam uniuersalis exclusiua, qua Deus testatur, quōd nos gratis per misericordiam suam, non propter iusticias nostras, sed propter Christum saluos faciat à peccato & æternamortē, quatenus credimus in eum? Itaq; quoties legis nos fide iustificari, & saluos fieri, memor esto
istius

istius exclusiue, quæ detrahit hoc meritū gratiæ nostris iusticijs & factis, ut cum dicitur Ioan. 1. Dedit eis potestatem filios Dei fieri, his, qui credunt in nomen eius. ut intelligas hominem aliter non posse recipi in gratiam filiorum Dei, & hæredū æternæ uitæ, nisi per solam in Christum Iesum fidem. Quod etiam hæc sequentia testantur. Ioan. 3. Qui credit in filiū dei, habet uitam æternam: qui autem incredulus est filio, nō uidebit uitā, sed ira dei manet super eo. 1. Io. 5. Qui habet filium Dei, habet uitam: qui non habet filium Dei, uitam non habet.

Scias igitur falsum & impium commentum esse, cum dicitur, fidē impijs posse contingere, qui nō continuo iustificentur & salui fiant, si permaneant in fide. Nulli enim impij, quatenus manent in impietate sua, possunt promissionibus gratiæ credere, sed negāt illas in cordibus suis, & contradicunt eis. At uero hypocritæ, qui se credere fingunt, negāt gratuitas esse, ideo conferunt in suas operū iusticias meritum remissionis peccati et æternæ uitæ. Sic ergo detrahūt Christo mediatoris gratiæ & iustificatoris officiū, iuxta illud Pauli Galat. 2. Non abiicio gratiam Dei. Si enim per legem iusticia, ergo gratis Christus mortuus est. Potest impijs tribui historica noticia rerum in scripturis comprehensarum, qualis est, qui aut Liniū aut alias Gentium historias legunt, fiducia gratiæ & re

IN CAP. III. AD TITVM,

missionis peccati tribui non potest. Et contremiscunt horribiliter isti impij more demonum, quando reuelatur eis suum ipsorum peccatū, propterea q̄ fiduciam gratiæ nullam habent. Non sunt ergo præditi uera et e iustificante fide. Rursus in hypocritis est opinio pharisaica de fide, q̄ diu somniant, formale fidei iusticantis opera dilectionis esse. Eo nanq; beneficiū gratiæ in totum negāt, ē produnt se neq; intelligere qd sit gratia aut beneficentia seu officium seruatoris Iesu Christi. Tene igitur Christiane lector firmus in corde tuo formale fidei iustificantis à peccato, ē uiuificantis beata ē æterna uita, esse fiduciam promissionum gratiæ gratuitarum, ut docui, de peccati remissione per Christum.

His de gratia ē iustificatione Christiana præmissis, subiiciam nunc ea, quæ sunt in scripto Pauli, epistolæ ad Titum, cum aliqua sui enarratione. Quod igitur Paulus inquit:

CVM AVTEM BENIGNITAS ET HVMANITAS AD PARVIT SALVATORIS NOSTRI DEI.

Valde significantibus uerbis usus est, prædicans ē commendās nobis eam gratiæ beneficentiam, qua iustificamur à peccato ē à morte. Benignitas enim græce est *χρηστότης*, lenitas quædam ē clementia, seu placabilitas, q̄ efficit, ne ullo modo asperi in alios
simus,

simus, sed ut erratis aliorum non grauanter ignoscamus, ac toleremus patienter illa aliena mala, non attendentes, ut eligamus, qd summo iure nobis in alios liceat, sed quid tutum sit alijs & commodum, idq; retinemus & sequimur. Quo certe significat Paulus, q omnia uicia & peccata nostra Deus quasi dissimulet, iustificans nos & saluos faciens per Christum Iesum, quod nō agat nobiscum aspere aut rigide, prout uicijs nostris merebamur tractari, sed secundū suā in nos propiciā uoluntatē, & gratiæ bonitatē seu benignitatē. Huic si coniunxeris sequēs uocabulū, humanitas, quanquam græce significātius legitur *φιλανθρωπία*, id est, amor erga homines, intelliges hoc dici, q uidelicet deus, tanquam indulgentissimus pater, ex præcipuo quodam & ineffabili amore in humanum genus, præstiterit nobis saluatōem æternam per Christum Iesum. Quo nihil dulcius, suauius, aut maius dici potuit de incomprehensibili illa bonitate, gratia, misericordia & clemētia Dei nostri, qua non passus est nos miseros peccatores interire, adeo, ut per traditionem unigeniti filij sui in mortē quæsierit nos saluare à peccato & à morte. Huc facit hoc præcipuum testimonium Ioan. 3. Sic enim Deus dilexit mundum, ut filium suum unigenitum daret, ut omnis qui credit in eum non pereat, sed habeat uitam æternam. Item illud Pauli Rom. 5. Commendat autem cha-

IN CAP. III. AD TITVM,

ritatem suam erga nos Deus, quòd cū adhuc essemus peccatores, Christus pro nobis mortuus fuit. Multo igitur magis nunc seruabimur, iustificati sanguine eius, per eum ab ira.

Hæc est igitur saluifica gratia illa, qua nobis deus ueluti blanditur, ignoscens non solum omnibus peccatis nostris, sed & conferens nobis, quicquid est regni sui & immortalis gloriæ, non plane, quàm ex mera in nos liberalitate misericordiæ suæ, siue amoris in nos sui, per Dominum Iesum Christum seruatore nostrum. Rom. 8. Qui proprio filio suo non pepercit, sed pro nobis omnibus tradidit illum, quomodo non etiam omnia cum illo nobis donet? Non respexit ergo neq; ad merita uel dignitates nostras, sed & nulla merita & nullas dignitates habuimus, imò ne quidem nisi graua demerita, & summas indignitates, propter multiplices transgressiones & grauissima peccata in carnali natura. Solam igitur misericordiam suam seu benignitatem & humanitatem intuitus est, & in illis efficax erga nos fuit, ut auferret à nobis peccata nostra & eternam mortem per Christum Iesum. Quod præterea mox sequentia quoque testantur, illa uidelicet:

NON EX OPERIBVS IUSTITIAE, QVAE
FECIMVS NOS, SED SECVNDVM MISERI
CORDIAM SVAM SALVOS NOS FECIT.

Hic non solum detrahit iusticijs nostris meri-
tum

tum remissionis peccati et aeternae uitae, uerum etiam oim clarissime significat, gratuita esse in nos dona illa remissionis peccati, iusticiae & aeternae uitae. Nos igitur diligenter notabimus utrunq; hanc exclusiuā, et hoc gratiae praeconium, nam utrunq; testatur iustificationem & saluationem nostri esse gratuita beneficia misericordiae Dei, & sine meritis operum nostrorum ea contingere nobis.

Et haec de gratia, gratis iustificante, & saluante nos sine meritis operum & factorum nostrorum, sedulo inculcat nobis Paulus, praeco uidelicet gratiae Dei diligentissimus, & apostolus Iesu Christi feruentissimus, & salutis animarum nostrarum studiosissimus, quia nec gratiae Dei suam laudem detrahi patitur, nec Christo Iesu titulos, honorem & gloriam iustificationis & redemptoris aeterni auferri. Nec deniq; nos fraudari sinit foelicitate aeternae uitae per falsas & impias persuasiones de merito nostrarū iusticiarum. Hinc enim & 2. Timoth. 1. scribit: Saluos fecit nos, & uocauit uocatione sua sancta, non secundum opera nostra, sed secundum propositum suum & gratiam. Ac habet his similia innumera in omnibus scriptis suis. Ac mirum est, plurimos ita cecutire in illorū lectiōe, ut quae luce meridiana sunt clariora, nō uideant, siue potius uidere nolint ac dissimulent, qd est efficaciae et opationis diaboli in eis, ne credētes salui

IN CAP. III. AD TITVM

fiant. Sed cōfero me ad alia textus et scripti Paulini.

PER LAVACRVM REGENERATIONIS
ET RENOVATIONIS SPIRITVS SANCTI,
QVEM EFFVDIT IN NOS OPVLENTE PER
IESVM CHRISTVM SALVATOREM NO-
STRVM.

Dixit de gratia, qua salui facti sumus per mere gra-
tuitam misericordiam Dei, sine iusticijs nostris, hoc
est, sine meritis operum & iusticiarum nostrarū. Hic
etiam mediorum meminit, per quæ allata est ad nos il-
la gratia dei, uidelicet baptismi. Is enim est lauacrum
regenerationis, tū renouationis, quæ sit in nobis spiri-
tu sancto. Et postremum propiciatoris Iesu Christi.

*Tria fidei
obiecta.*

Ac docui prius in doctrina gratiæ & iustificatio-
nis esse obseruanda, tria ueluti obiecta, in quæ cre-
dentem semper respicere oportet. Primum ipsam pro-
missionem seu Euangelium, nam fidei iustificantis
doctrina est Euangelium, seu promissio remissionis
peccati. Secundum, quòd hæc ipsa gratiæ seu remissio-
nis peccati promissio est gratuita, id est, quòd gratis
per misericordiam, & sine meritis operū nostrorum
confertur nobis peccati remissio, iusticia & æterna
uita. Tertium denique, quod est ipsemet Christus, in
quem nos intueri oportet, ut in propiciatorem, per
quem Deo reconciliati sumus, adeoq; ut in precium
& satisfactionem pro peccatis nostris, & pro æter-

na morte, tum deniq; ut in ipsissimam iusticiam & ui-
tam nostram, quia extra Christum nullam, neq; iusti-
ciam, neq; salutem habemus. 1. Corinth. 1. Factus est
nobis à Deo iusticia &c. Col. 3. Vita uestra abscon-
dita est cum Christo in Deo.

Nunc ergo & de baptismo & operatione in no-
bis spiritus sancti dicemus, excutientes, quomodo cū
his fidei obiectis, quæ dixi, consentiant, nam quod
Paulus inquit nos saluari per lauacrum regeneratio-
nis & renouationis spiritus sancti, loquitur quod sa-
tis constat de baptismo, qui est externum aquæ laua-
crum, & de renouatiōe interna, q̄ sit spū sancto in no-
bis, atq; intus purgat nos ab inquinamentis peccati.

Baptismus autem est signum promissionis illius
gratuitæ, qua confertur nobis peccati remissio, iu-
sticia & uita per Christum. Ideo auelli baptismus
ab illa promissione non potest, nec uicissim promissio
à baptismo. Sed ubi de baptismo agitur, ibi oportet
et promissionē gratiæ intelligere, quæ nobis de Chri-
sto iustificatore concionatur, cuius fiducia baptiza-
mur. Ac rursus ubi de promissione agitur, semper uti-
lissimum est, & signorum meminisse, per quæ cōstat
promissionis gratiam & beneficia seruatoris Christi
nobis conferri, & quasi in nos transfundi. Sunt enim
signa adposita Euangelio, tanquā monitoria promissio-
num gratiæ eius, & testimonia, per quæ cōstet no-

IN CAP. III. AD TITVM

his donata esse, q̄ Iesu Christi noīe prædicantur, ipsa uidelicet peccati remissio, iusticia & æterna uita.

Porro, ipse quoq; spiritus sanctus, siue operationes in nobis illius sunt his coniunctæ. Neq; enim aliter efficax est in nobis sua uirtute spiritus sanctus, operari in nobis nouā & spiritualem uitam, hoc est, uerum timorem Dei, ueram fidem, spem, dilectionē, patientiam, castitatem, temperantiam, sobrietatem, & reliquas Christianas uirtutes, quā per gratuitas Euangelij promissiones, de propiciatore, iustificatore & redemptore Christo Iesu nobis prædicatas. Solo enim uerbo Dei est efficax in nobis, & quidem solo Euangelio ad iustificandum & saluandum nos à peccato & morte. Et sicut per Euangelium consolatur nos, ita etiam iuuat nos per fidei sacramenta.

Sic ergo hæc inter se concordant, nos uidelicet saluari per Euāgelij gratuitas promissiones de Christo, & saluari per lauacrum regenerationis baptismum. Item, per renouationem illam internam nostri, qua creantur noui motus in cordibus nostris uirtute spiritus sancti, quia baptismus est signum & pignus promissionum gratuitarum, quæ testantur, quòd propter Christum accipiamus peccati remissionem & æternam uitam. Et ipse spiritus sanctus non aliter efficax est ad renouandum corda nostra, ut spirituali uita et Deo digna uiuamus, nisi per Euangelium, & ad penitentes illius sacramenta.

Quod

Quod igitur Paulus ait, nos saluari per lauacrum regenerationis, significat baptismo ablui omnia peccata nostra, ceu gratiæ Euāgelij signo. Et eos, qui ex fide promissionum gratiæ baptizantur, adoptari & recipi in gratiæ filios. Sic enim est lauacrum regenerationis baptismus, qui ut testimonium et pignus gratiæ abluit peccata eorum, qui gratiæ uerbo credunt. Ephe. 5. Mundans eam (Ecclesiam) lauacro aquæ, in uerbo uitæ. Et quoscunque sic lauit, eos efficit filios Dei, & uitæ æternæ hæredes, more signi, hoc est, testatur esse Dei filios, & quidem ex filiis peccati, iræ & damnationis factos esse filios gratiæ, iustitiæ & uitæ æternæ.

Rursus, quòd inquit nos saluari per lauacrum regenerationis spiritus sancti, ostendit operatione spiritus sancti intra nos fieri, ut Euangelio credamus, & timeamus deum uere, diligamus illum, & speremus in eum. Item diligamus proximum, patientiam exerceamus & mansuetudinem seruemus erga omnes, pacem & concordiam retineamus, uiuamus modeste, iuste, temperate, caste & pie. In summa, Euangelio Christi et filiis gratiæ digne cōuerssemur. In his enim consistit operatio spiritus sancti in nobis, & illi sunt præclarissimi effectus eius, quos creat in saluandis:

In hunc itaq; modum duo attendi à nobis debent in doctrina illa regenerationis, quæ est oibus necessa

IN CAP. III. AD TITVM,

ria ad salutem. Alterum est, ipsa ablutio delictorum, quæ fit ministerio Ecclesiæ per baptismũ in illis, qui Euangelio credunt. Et rursus hoc alterum, quod est internæ renouatiõis nostræ, quæ fit spiritu sancto, & totum hominem mutat, ac noua, spiritali et Christiana uita uiuere facit, de qua lege, quæ sunt Hiere. 31. Ezech. 36. Galat. 5. Nam ex his testimonijs abunde constabit, totam nouitatem Christiani hominis deum operari & perficere in nobis uirtute spiritus sancti. Et huc facit illud Pauli, ad Ephe. 2. Deus est enim, qui operatur in uobis, & uelle & efficere pro beneplacito. Iam idem hæc opera sua nõ operatur, nisi per Christum Iesum, sicut constat ex illo Ephe. 2. Ipsius enim sumus factura, creati per Christũ Iesum ad opera bona, quæ præparauit deus, ut in illis ambulemus.

Quid igitur iactamus liberi arbitrij uirtutes? cum illæ, quas nostra industria præstamus, longe absint à uirtutibus Christianis, pharisaicæ uidelicet & immundæ, nã in ipsis quoq; sanctis suis defectibus laborāt, qui non imputantur quidem his, qui in Christum Iesum credūt. Iam etiam, si quid decenter, recte aut pie facimus, cur non agnoscimus in eo beneficia gratiæ, tum Deum & iustificatorem Christum glorificamus pro gratia, & gratias agentes potius, quàm uirtutes nostras iactemus? nam & Christus inquit: Sine me nihil potestis facere:

Porro

Porro hæc duo nostræ regenerationis, quæ dixi,
 & Christus una sententia comprehendit, & uocat, re-
 nasci ex aqua & spiritu, & affirmat, q̄ sine hac renas-
 centia nemo possit saluus fieri. Sic enim inqt Ioan. 3.
 Nisi quis renatus fuerit ex aqua & spiritu, non po-
 test introire in regnum Dei. Sed scribam illa occasio-
 ne quædam in genere, de sacramentis noui testamen-
 ti, mox etiam seorsim de baptismo & dominica cœ-
 na. Neq; enim habemus Christiani, nisi hæc duo gra-
 tiæ seu Euangelij signa, quæ uocant sacramenta. Po-
 stea addam nonnulla de operatione & effectibus spiri-
 tus sancti, quo melius instructi concionatores, pie &
 utiliter Ecclesias dei gubernent, si qui ex illis harum
 rerum adhuc sunt imperitiores, nam illis hoc nostro
 scripto potissimum seruire statuimus, atque adeo, ut
 aduersarijs Euangelij & contradicentibus Christia-
 næ doctrinæ melius & promptius nouerint resiste-
 re & respōdere, & impudentiā ac maliciā eorū corā
 oī reliqua Ecclesia retegere, accusare & coarguere:

De sacramentis noui testamenti
 in genere.

Itaq; sacramenta, sunt quædam Euangelij adpendi-
 ces, nempe signa promissionum gratiæ, hoc est, moni-
 toria Euangelij de remissione peccati, iusticia & ui-
 ta æterna per Christum. Reuocant igitur nobis in me-
 moriam Euangelij promissionē, & testantur nostram

IN CAP. III. AD TITVM,

esse, seu beneficia in nos cōferri, qui sacramentis per promissorum Euangelij fidem utimur, quorum sunt signa. Ideo adferunt peccati remissionem, iusticiam & eternam uitam omnibus, qui sacramentis pie utūtur, hoc est, qui per fidem gratiæ suscipiunt ea, & Deum ac redemptorem Christum Iesum laudant & glorificant pro gratia. Non enim proponunt nobis legis conditionē, sed gratiæ promissionem, qua requirit fidem à nobis. Et signo muniunt conscientias nostras, ac securas efficiunt remissi nobis peccati nostri, & donati iusticiæ & eternæ uitæ.

Non igitur conferunt ipsa per se gratiam, hoc est, non prosunt suscipiētib; ex opere operato. Qui est sophisticus & pharisaicus error, uulgatus in Ecclesia papistarum. Fieri enim potest, ut sacramentis quidam utantur in grauiorem sui condemnationem, sicut Paulus testatur 1. Cor. 11. Nec sunt nisi pharisaica commēta, quæcunq; nugantur sophistæ de suo obice, id est, proposito mortalis delicti retardante fructum & efficaciam sacramenti, nam etiamsi talis obex nullus adsit suscipienti sacramentum, tamen non conferatur ei gratia saluationis, nisi utatur sacramento ex fide promissionis Euangelij de gratia per Christum. Sacramento itaq; uti sine hac fide, etiam noxium est, at cum fides in promissionem gratiæ adest, tunc utiliter illis utimur, nempe, ueluti signis & testimonijs gratiæ

gratiæ & promissionum eius. Quæ signa, inquam, testantur quidem totam illam saluationis gloriam beneficium redemptoris Christi nostram esse.

Ita sunt ergo gratiæ signa, & testimonia remissionis peccati, ac uitæ æternæ sacramentahis, quæ fiducia Christi promissionibus Euangelij credunt, proposita in uberio rem consolationem & confirmationem fidelium, certificante illos Deo per gratiæ promissionem, & illius signa ac testimonia, significantia & testantia peccati remissionem & æternam uitam ad nos pertinere, propter iustificatorem & saluatorem Christum Iesum, qui totus noster est, quatenus credimus in eum. Quapropter uanus est & impius ac perniciosus error docentium, q̄ usu sacramenti homines iustificentur, etiam si non adferant fidem. Tantum ut careant proposito mortalis delicti, et designandi alicuius sceleris prohibiti in lege Dei. Ita somniant enim, obtineri remissionem peccati & iusticiam, quæ gloriam saluationis nostræ totam transferunt à gratia Dei, & à Christo Iesu, in nostras immundas iusticias rationis, & infinitis atque ineffabilibus modis pollutas coram Deo.

De baptismo.

Postquam in genere de sacramentorum ususcripsi, scribam iam nunc etiam seorsim de singulis, baptismo uidelicet & dominica coena. Non enim habemus Chri

IN CAP. III. AD TITVM,

stiani plura noui testamēti, id est, gratiæ seu promissionis Euangelij, signa, quàm hæc duo. Docui autem suprâ, in quam sententiam Paulus baptismum adpellet lauacrum regenerationis, nam abluit peccata eorum, qui promissioni credūt. Abluit autem, tanquam signum & pignus seu testimonium gratiæ, quæ præstita est omnibus nobis per Christum, qui nos sanguine suo à peccatis lauit. Significat igitur baptismus, eum, qui Euangelio credit, & propiciatori Christo Iesu, esse receptum in gratiâ adoptionis propter Christum, & iam uere Dei filium esse, sicut testatur illud Matth. 28. Docete omnes gentes, baptizantes eos in nomine patris, & filij, & spiritus sancti. Clarum est ergo recipi in fauorem & gratiam filiorū Dei, quot quot fiducia iustificatoris sui Iesu Christi baptizantur, nam quæ in doctrina proponi debeant, baptizando uidelicet, fidei cōsolatio, p̄ promissionē euangelij, expressius dicitur Marc. ult. Prædicate Euangelium omni creaturæ, Qui crediderit & baptizatus fuerit, saluus erit: q̄ uero nō crediderit, cōdemnabitur.

Ita ergo baptismus est signum gratiæ, & testimonium quoddam ac pignus, promissioni de gratia illa remissionis peccati & æternæ uitæ additus, ut plenius consoletur & perfectius confirmet eos, qui Euangelio credunt. Quapropter sine fide susceptus plane nulli prodesse posset, nec baptizari quisquam sanæ
mentis

mentis optaret, non credēs Euangelio, & si baptizaretur quisquam incredulus, non ideo melius haberet, sed longe deterius, nimirum propter contemptum gratiæ, qui est in incredulo, & rei sacræ, hoc est, sacramenti, prophanationem. Si ergo quæras, ad quid profit baptizari. Respondere oportet, multum oīno prodesse. Operatur enim peccati remissionem baptis-
mus in illis, qui Euangelio credunt, & constituit illos æternæ uitæ heredes, liberatos à Christo ab inferis, peccato, Diabolo & æterna morte. Baptizati igitur & peccati remissionē accipimus, & filij Dei sumus, sicut testatur illud | Act. 2. Poenitentiam agite, & baptizetur unusquisq; uestrum in nomine Iesu Christi, in remissionem peccatorū, & accipietis spiritum sanctum. Sane enim spiritus ille non datur, nisi filiis dei, heredibus æternæ uitæ. Huc quoq; facit illud Ananiæ ad Paulum, Act. 22. Exurge, & baptizare, & ablue peccata tua inuocato nomine Domini. Item illud Galath. 3. Omnes uos filij Dei estis, q; credidistis Christo Iesu. Nam quicumque baptizati estis, Christum induistis.

Nec existimandum est, nisi q; Deus lauet nos per baptismum officio ministrorum Ecclesiæ, & peccata nostra ita auferat. Ad hoc enim cōsecratus est baptis-
mus, ut uidelicet sit medium instrumētum, per quod Deus officio ministrantium in Ecclesia operetur &

IN CAP. III. AD TITVM,

perficiat nostram salutem. Sunt enim Dei omnia, cum uerbum gratiae, tum sacramenta. Et quidam certi homines ministrant ea in Ecclesia, aliena uidelicet, non sua. Quare magna dignitas est uerbi & sacramentorum, & magna utilitas, si à credentibus uel audiat uerbum, uel percipiantur sacramenta. Huc facit illud ad Ephe. 5. Christus dilexit Ecclesiam, & seipsum dedit pro ea, ut illam sanctificaret, mundans eam la uacro aquae in uerbo, ut exhiberet ipse sibi gloriosam Ecclesiam, non habentem maculam aut rugam, aut aliquid huiusmodi, sed ut sit sancta et irreprehensibilis. Et Petrus incidens in baptismi mentionem, testatur illo nos saluos fieri, quo, inquiens cōtinuo, non sordes carnis deponuntur, sed conscientia bene respondet apud Deū, per resurrectionē Iesu Christi à mortuis. Qui est ad dexteram Dei, deglutiens mortem, ut uitae aeternae heredes efficeremur. Profectus in coelū, subiectis sibi angelis & potestatibus & uirtutibus.

11. Pet. 3. Ceterum, de allegoria baptismi, lege quae Paulus scribit Rom. 6. Significat .n. ueteris naturae abolitionē, ut in noua uita ambulemus, donec ad aeternae uitae gloriam perueniamus, in qua Christus est, nostra iusticia, salus & aeterna uita.

De dominica coena.

Sicut remissionis peccati signum, tum adoptionis nostrae est baptismus, ita sacramentum corporis & sanguinis

sanguinis Christi testatur remissionem peccati, per quā sit adoptio, semper durare in Ecclesia. Ad hæc, nos perpetuo manere filios Dei, modo fidem retineamus. Cōstat enim huius sacramenti usu, quòd etiamsi lapsi aliquo casu aut infirmitate fuerimus, nō tamen irritam fieri seu euacuari promissionem remissionis peccati, nec amitti cōtinuo adoptionem, modo libeat nobis, ut dixi, in fide gratiæ permanere, & reuertē iterum per conuersionem nostri ad Deum. Idcirco enim in hoc corporis et sanguinis Christi sacramento, cuius usum conueniebat esse quotidianum, sicut uerbi Euangelij prædicationem, proponitur eadem promissio gratiæ & remissionis peccati, de qua agitur in baptismo.

Itaq; habemus duo consolantiſſima promissionis gratiæ signa. Baptismum, quo abluimus peccatum, et recipimur in filios dei. Eucharistiā aut, quæ testatur remissionē peccati eandē semper durare in Ecclesia, hoc est, non remitti tantum originalia propter Christum his, qui credunt, sed & actuales & quotidianas culpas. Quanq̃ aut baptismus quoq; sit perpetuum signū remissionis peccati, & testatur omnia delicta remitti p̃ Christū his, qui credūt in eū, etiamsi in aliquo deficiant, aut sint in grauia quædam crimina lapsi, tamen ita placuit Deo, nos illo quoq; corporis & sanguinis Christi sacramento copiose consolari & mu-

IN CAP. III. AD TIT VM,

nire cōtra quaslibet periculosas certationes, & præfertim ne lapsi desperemus de gratia. Quod alioqui quàm proum sit, quis nescit? Ne ergo aliquando cogitēt lapsi, sibi deinceps nullam peccati remissionem apud Deum reliquam esse, se amplius non esse Dei filios, frustra esse, q̄ nouam uitæ pœnitentiā instituāt, prohibet ipsa Eucharistia, reuocās nos ad eandē promissionū gratiæ fidē, ad quā p̄ baptismum uocamur.

Itaq; sentio huius sacramenti usum potissimum ad lapsos pertinere, eos dico, qui post recōciliationem, quæ fit baptismo, forte iterū in graua aliqua uicia, peccata, scelera, trāsgressiones reciderūt. Quos peccati terrores crudeli desperatione enecare possent, et præcipitare in sempiternam condemnationem, uel etiam in eum errorem protrudere, in quo existimarēt iteratam pœnitentiā sibi nihil prodesse coram Deo. Quis nescit enim, huiusmodi tentationibus cor hominis peccatoris frequenter pulsari, ut ne dicam lapsi? Ne igitur quid huiusmodi fiat, siue admittatur à nobis, uetat ordinatus ille & præceptus usus sacramenti dominicæ coenæ in ecclesia Christi, in qua eadē peccati remissio per gratiam Dei, & ea perpetua propter Christum, durat. Non sunt autem rari lapsus iustorum, imò quis nescit quotidianos esse, uel optimorum in Ecclesia? Ideo dixi prodesse, si huius sacramenti usus quotidianus esset, aut certe creber & frequentior

quentior, quàm est apud multos, q̄ nec salutis suæ rationem habere uidentur, & dona Dei aspernari. Nemo tamen cogi ad illius usum debet, sed illum oportet liberū omnibus relinquere, sicut etiam nemo cogitur ad baptismi susceptionem. Inuitari autem à doctoribus Euangelij homines debent, ut promptius & frequentius ueniant ad Eucharistiæ perceptionem, propositis consolationibus et promissionibus Euangelij. imprimis, si qui periculosius fuerint lapsi, in quibus metuendum, ne admittant desperationem, aut se tradant in operationem omnis iniquitatis.

Ac uideri potest, quòd hoc sacramentum obtinuerit apud ueteres Eucharistiæ nomē in Ecclesia, quòd frequētes essent quidam, qui in illius usu gratias agebant Deo, memoria redemptionis, quæ est omnium per Christum, non utiq; illi tantum, qui stare uidebantur, sed uel maxime, qui lapsi fuissent. Siue hoc nomen inditum est illi sacramento propter mandatum Christi, Hoc facite in mei commemorationem. Quo similiter reuocat nobis in memoriam beneficium suæ crucis et mortis pro nobis, requirens à nobis fidem & gratiarum actionem, siue stare uideamur, siue cōstet lapsos esse. Hoc enim cū oēs rectissime faciant, tamen peculiari quadam & summa necessitate lapsi iterum reuerſi et poenitentiam agentes. Deniq; quia exercitia hæc habet, eius usus est potius apud adultos, quàm in

IN CAP. III. AD TITVM,

fantes, & magis necessarius his, qui lapsi sunt, quàm qui adhuc stare videntur.

Est autem maxime clarum ex descriptione huius sacramenti apud Euangelistas, q̄ debeat esse eius usus, & quæ fides ad illū adferri, maxime ex ijs, quæ Paulus scribit 1. Corinth. 11. quid sit digne aut indigne māducare. Nihil enim obscure docemur in sacramento hoc dominicæ cœnæ de fide incarnati filij Dei, & traditi pro peccatis nostris in mortem, cum Christus ita nobis loquatur: Hoc est corpus meum, & hic est sanguis meus, q̄ effunditur pro uobis in remissionem peccatorum. Ideo non est satis utentibus hoc sacramento eam fidem adferre solum, quæ agnoscit & confitetur nobiscum ueritatē corporis & sanguinis Christi, in hoc sacramento esse, uerum etiam, qua credant filium dei Christū nostri saluandi causa factum esse uerum hominem, & pro redimendis nobis à peccato & æterna morte sanguinem suum effudisse.

Quare nec ambigere licet, te usu huius sacramenti accipere peccati remissionem & æternam uitam propter Christum, in quem credis, et hoc nomine illo sacramento uteris, quia per illius usum inuitat te ad tantæ gratiæ & remissionis peccati fiduciā. Hæc igitur fides etiam discernit digne manducantes à diuersis illis, qui manducant indigne, uidelicet incredulis uerbo promissionis, siue qui opinantur illius usum ex opere

opere operato sibi prodesse, aut qui fingunt deo se oblationē & sacrificium facere, cū sacramento utūtur.

Hæc hæctenus de usu signorum, quæ usitate uocāt sacramenta. Sunt autē monitoria promissionum Evangelij, & testimonia collatæ in nos gratiæ Dei. Ideo reuocant nobis in memoriam promissionē remissionis peccati & æternæ uitæ, & eiusdem fidem à nobis requirunt. Et, quod maximum est, testantur promissionem illam gratiæ, iusticiæ & æternæ uitæ ad nos pertinere, qui credimus in Christum, & per fidem nominis Christi sacramentis utimur. Si qui uero præterea de Eucharistiæ usu plura requirunt, illi rependant ea, quæ suprâ scripsi de prophanata missa, & in quodam alio opere, de poenitētia, copiosius de sacramentis, & de infantium baptismo scripsi.

De operatione & effectibus

spiritus sancti.

Dictum est suprâ nonnihil de uirtute & præcipuis effectibus spiritus sancti, sed nihil uetat iisdē de rebus seorsim paulo copiosius differere, ita, ut seorsim de sacramentis institui dicere. Paulus itaque loquens de uirtute, operatione & effectibus spiritus sancti, dicit nos saluari per lauacrum renouationis spiritus sancti, nam duo lauacra facit, prius externū, quod est, baptisimi, & posterius internū, qđ est operationis spiritus sancti in nobis. Prius lauacrum habet

IN CAP. III. AD TITVM

homines administratores in Ecclesia, posterius neminem nisi deum. Nemo enim intus lauit nos à sordibus peccati, nisi Deus, aut certe Deus & homo, Christus Iesus. Ille enim, quia est mediator gratiæ & salutis, non solum impetrat nobis peccati remissionem sanguine suo, quem pro nobis effudit, sed etiam intus renouat & purificat corda nostra. Quapropter etiam dicitur baptizare spiritu sancto, ut Matth. 3. &c. Quod etiam sibi sumit, ut pertinens ad officium suum. Act. 1. De cælo enim missurus spiritum sanctum, dixit: Ioannes quidem baptizauit aqua, uos autem baptizabimini spiritu sancto non post multos hos dies. Ac disputata sunt quedam à me & in superioribus, quomodo Christi est, ecclesiam electorum suorum gubernare spiritu sancto.

Proinde Paulus de operatione & effectibus spiritus sancti loquens, uocat hoc, quicquid est, lauacrum renouationis spiritus sancti, quod ab inquinamentis uictorum, ita ut realiter auferantur à nobis, non laui mur, nisi sola spiritus sancti uirtute, qua potens est in nobis Deus pater, & redemptor humani generis Christus Iesus. Baptisimum uocat lauacrum regenerationis, quia abluens peccata nostra, ut gratiæ signum, efficit nos filios Dei. Virtutem uero spiritus sancti, adpellat lauacrum renouationis, quod est nobis autor internæ nouitatis huius, qua corda nostra à sordibus peccati

peccati repurgantur. Nam eius est, corda nostra renouare, & eam totius uitæ nouitatem operari in nobis, qua Deum spiritu & ueritate adoremus & glorificemus. Siquidem efficit nos digne Deo ambulare, cum summa uoluptate & dulcedine cordis mandata eius facere, qui futuri sumus hæredes æternæ uitæ, cuius sunt multa testimonia in scripturis.

Quanquam autem hæc collatio uideatur à Paulo instituta esse per occasionē, tamē tribuēs spūi sancto, q̄ in morem cuiusdam lauacri nos renouet ac repurget à sordibus uiciorum, allusit haud dubie ad ea scripturæ testimonia, in q̄bus emūdatio illa, q̄ fit spū sancto, dicitur fieri quadam mūda aqua, & spiritus ipse dicitur effundi, & uocatur mūda aqua. Translaticie enim loquitur scriptura, uim repurgantem spiritus sancti aquam dicens, seu efficaciam illam, qua steriles in omni opere bono fœcundat, ut fructificemus per pietatem multarum bonarum & honestarum actionum & operationū, sicut in illo Esaiæ 44. Effundam aquas super sitientem, & fluenta super aridam, & effundam spiritum meum super semen tuum, & benedictionem meā super germina tua, & succrescent inter herbas, & quasi salices iuxta riuos aquarum &c.

Ex hoc testimonio clarum est, quòd aquas illas, quas Dominus promittit, mox dicit suum spiritum, quo uidelicet multipliciter efficax est in nobis. Et in

IN CAP. III. AD TITVM

morem aquæ, aut lauit nos à peccato, aut foecundat, ut largiter fructificemus bene operantes. Item, quòd ipsam bonorum sitim hoc spiritu restinguit, & illo in tentationis æstu nos recreat, sicut etiam docemur illo Ezech. 36. Effundam super uos aquam mundam, & mundabimini ab omnibus inquinamentis uestris, & ab omnibus idolis uestris mundabo uos: & dabo uobis cor nouum, & spiritum nouum ponā in medio uestri: & auferam cor lapideum de carne uestra, & dabo uobis cor carneum: & spiritum meū ponam in medio nestri, et faciam, ut in præceptis meis ambuletis, & iudicia mea custodiatis & operemini.

Satis liquet ex his, quòd quicquid est Christianæ nouitatis, primum internæ, deinde, si quid boni inde proficiscitur, id totum tribui operationi & efficaciæ intra nos spiritus sancti. Quod etiam agnoscunt homines pij, & inuocant Deum pro auxilio spiritus, & adiuti gratias illi agunt, nam illi sunt omnes effectus spiritus in nobis, quòd uidelicet diuinarum oīm rerum, quas animalis homo non percipit, facit nos intelligentes. Ideo efficit nos auidos uerbi Dei, ut illi, cognito ex audito, nihil hæsitante fide adhareamus, & per consequens, Deum nobis promittamus propiciū, & beneuolentiſſimum patrem, per Christum Iesum. Mox etiam confiteamur, laudemus, prædicemus et gratias agamus in omnibus, quæ glorioſe operatus

operatus est, tum quod saluos nos fecit per unigenitum filium Christū, cuius fiducia consistimus in periculis mundi huius, & mala quæq; perferimus. Effecti in summa noui homines, ut qui antea auari, ambitiosi, raptores, iniqui, & nostra tantū quarebamus, continuo mutati, & abnegatis nobismetipsis, quæramus ea quæ sunt aliorū, sinceram dilectionē in cibus custodientes, & sequentes, ut scribitur Phil. 2.

Hæc itaque in omnibus, qui Christi sunt, spiritus ille sanctus operatur, quem quisquis non habet, ut neque Christi est, ita nō potest saluus fieri. Et quoniam agit in nobis ac perficit omnia, per quæ æternam salutem adipiscimur et oblinemus, ideo Christus Ioan. 4. de illo spiritu inquit: Qui biberit ex aqua, quam ego dabo ei, non sitiet in æternum: sed aqua, quam ego dabo ei, fiet in eo fons aquæ salientis in uitam æternam. Item capite 7. Qui credit in me, sicut dicit scriptura, flumina de uentre eius fluēt aquæ uiuæ. Hoc enim, inquit Ioānes, dixit de spiritu, quē accepturi erant credentes in eum. Quanquam hæc non agnoscunt, qui uires liberi arbitrij prædicant, qui quantum errent, ex tota doctrina de gratia dijudicari potest. Et attigi nonnihil seorsim istorum errores & impietates paulum suprā. Sed plura de spiritus efficacia, & illius uiruite intra nos nihil attinet in præsentia dicere, quum ex his satis intelligatur, q̄ nulla uere Christiana uir-

IN CAP. III. AD TITVM,

tus est, cuius non sit ipse autor atq; effector in nobis. Ideoque illius admonendæ sunt Ecclesiæ, ne quid de suis uiribus præsumant, aut arrogantius de iusticijs suis sentiant, sed orent in omnibus ignosci sibi, cum nihil satis faciant, & rogent sibi auxilium spiritus miti, & subinde ualidius robur conferri, quo uoluntatē Dei melius faciant. Rogent autem hunc spiritum per Christum Iesum. Neq; enim p aliud medium datur. Inde etiam sequitur in scripto Pauli de illo spiritu.

QVEM EFFVDIT IN NOS OPVLENTE
PER IESVM CHRISTVM SALVATOREM
NOSTRVM:

Vt enim mediatorem promissionum gratiæ habeamus Christum Iesum, ita ipsius quoq; spiritus sancti, cuius uirtute, ut dictum est, efficaces efficit in nobis gratiæ promissiones. Ioan. 14. Paracletus autem spiritus sanctus, quē mittet pater in nomine meo, ille uos docebit omnia, & suggeret uobis omnia, quæcunque dixi uobis.

Creat igitur in cordibus nostris assensum, quo credamus his omnibus, quæ in Euangelio sunt prædicata, unde nascitur fiducia rerum accipiendarum, quæ per Euangelij promissiones offeruntur. Simul autem & alias Christianas uirtutes operatur. Sed de effectibus spiritus sancti antea satis dictum est.

Quomodo autem ille spiritus & à Christo mittatur,

tur, ut à domino regni gratia, aliàs quoq; dictum est. Habet autem in præcipuo opere officij sui Christi gloriam per Euangelium illustrare, & arguere mundum de peccato, quod non credit in Christum. Ioan. 15. Cum uenerit paracletus, ille testimonium perhibebit de me. Et 16. Arguet mundum de peccato, quod non crediderunt in me.

VT IUSTIFICATI GRATIA IPSIVS HÆREDES SIMVS SECVNDVM SPEM VITAE AETERNAE. CERTVS SERMO EST.

Hic locus admonet nos de illis fidei obiectis, de Tria fidei obiecta.
quibus supra scripsi, & ostendi tria præcipua seu principalia esse. Quæ omnia negligunt papistæ in fidei prædicatione. Itaq; reuocat nobis in memoriã Euangelij promissiones, quas ubi attingunt papistæ? Deinde significat gratuitas esse illas promissiones, quia uocat gratiam Dei. Hanc uero negant gratuitam, q per opera sua gratiam & iustificationem mereri docent. Denique & clare innuit, per Christum mediatorem nos iustificari. Valde igitur impiũ est & impudens, si q̃s suas iusticias faciat preciũ p peccato et morte.

Iam discite ex hoc loco, gratiæ adpellatione, non significari habitus infusos seu qualitates in nobis, hoc est, nostras uirtutes, quanquam fatearis esse dona infusa spiritus sancti, & nihil ex illis uirtutibus tibi adscribas, sed gratuitam beneficentiam alieni fauoris,

IN CAP. III. AD TITVM,

videlicet redemptoris Iesu Christi, esseq; beneplacitum diuinæ misericordiæ extra nos, quā consequitur peccati remissio, imputatio iusticiæ & æterna uita.

De spe non
ex meritis.

Liquet etiam ex hoc loco spei naturam esse, non niti nostra iusticia aut nostris meritis, sed in fiducia diuinæ gratiæ & beneficiorū Domini nostri Iesu Christi, nam iustificatis per gratiā tribuit apostolus eam spem, quæ est quædam firma & certa expectatio future beatitudinis & æternæ uitæ, sicut definitur ad Roman. 8. Nos ipsi primitias spiritus habentes, intra nos ipsos gemimus adoptionem filiorum Dei, expectantes redemptionem corporis nostri. Spe enim salui facti sumus &c.

Cum igitur sperandum sit, secundum quod Deus pro amplitudine bonitatis & misericordiæ suæ promittit, non pro meritis carnalium iusticiarum nostrarum, hoc uanius est & audacius atque sceleratius sophistarum commentū, & Lombardi, qui contrarium definiunt. Nam Lombardus, quem scholastici theologi magistrū habent, in 3. sentent. dist. 36. ita definit spem: Est enim, inquit, spes certa expectatio future beatitudinis, ueniens ex Dei gratia, & meritis præcedentibus. Vel ipsam spem, quam natura præit charitas, uel rem speratam, id est, beatitudinem æternā. Sine meritis enim aliquid sperare, non est spes, sed præsumptio dici potest. Hæc ille.

Quasi

Quasi hæc non sit sceleratissima præsumptio, nisi fiducia propriæ innocentie, & iusticiæ priuatæ coram Deo, in cuius conspectu nemo prorsus est inculpabilis & innocens. Sed hæc est rationis theologia, quam pro fundamento habet Lombardus & scholastici, nam hominum more iudicant de Deo, quasi ille neminem adprobet, nisi secundum quod habeat priuatas iusticias & opera meritoria, ut uocant, cum ille plane nulli possit fauere, nisi pro immensa illa bonitate, scilicet misericordiæ suæ, qua gratis nobis peccatoribus ignoscit propter Christum.

Quid igitur sentiendum sit de hoc impio & blasphemio commento doctrinæ sophistarum de spe, poterimus ex tota illa doctrina de gratia, fide & iustificatione, in suprascriptis sæpius explicata, diiudicare, nam simile est illi somnio, quo formale fidei faciunt fiduciam operum legis, cum hac nihil uanius, nihil æque impium esse queat. Hoc enim est pharisaica iusticiæ fidere, & quod longe deterius est, misericordiæ Dei, & propiciatori Christo Iesu detrahere:

Nos ergo ita potius statuamus, quemadmodum formale fidei didicimus esse ipsam fiduciā promissionis gratiæ, & redemptoris Christi, ita intelligamus ex eadem fiducia gratiæ & Christi spem prouenire, & ex ea sola.

Huc ualent & illa apostolorum testimonia, Pri-

IN CAP. III. AD TITVM,

num Paulus nō dicit: Fiducia meritorum nostrorum gloriamur in spe futurae foelicitatis, sed: iustificati ex fide, (gratie nimirum & beneficiorum Iesu Christi) gloriamur in spe gloriæ filiorum Dei. Et Petrus non diſſimiliter detrahit fiducia meriti operum nostrorum, & reuocat nos ad fiduciā beneficiorum gratiæ, & ſeruatoris Iesu Christi, ubi hæc de ſpe ſcribit, 1. Pet. 1. Secundum magnam miſericordiam ſuam re genuit nos in ſpem uiuam per reſurrectionem Iesu Christi ex mortuis, ad hæreditatem incorruptibilē, & incontaminatā & immarceſſibilē cōſeruatā in cœ lis, pro uobis, q̄ potentia dei cuſtodimini, per fidem, ad ſalutem, paratam reuelari in tempore nouiſſimo.

Hoc igitur eſt blaſphemie phariſaice commen tum, quod iubet nos fiducia meritorū noſtrorum ſpe rare foelicitatē æternæ uitæ, & nihil niſi impia præ ſumptio & uanitas, quæ neceſſario conuertetur tan dem in deſperationem, quādo homini immundicia iu ſticiarum ſuarum fuerit reuelata, quam antea igno rauit, & ſpem ſalutis in eam poſuit. Nec poteſt unq̄ ſatis explicari, quāta mala hæc impia perſuaſio fidu ciæ humanæ iuſticiæ inuexerit in Chriſtianum orbē, nam gloriā gratiæ Dei & redemptoris Iesu Chri ſti obſcurauit, & ignaros fidei in Deum, quos pertra xit in hanc impiam perſuaſionem, foelicitate æternæ uitæ priuauit.

Esto igitur, ut nunc secure fidant hypocritæ meritis operum suorum, tamen in serio examine conscientiarum obruatur desperatione. Sed qui Deum timet, intelligentes Euāgelij gratiæ, simul postquam hoc cognouerunt, conferunt se ad gratiam, desperantes de omnibus iusticijs suis, & dicentes cum propheta Dauid: Et ne intres in iudicium cum seruo tuo, quia non iustificabitur in conspectu tuo omnis uiuens. Ac sunt securi illi ac certi, quod pro gratiæ amplitudine ac bonitate, & propter Christum exaudiuntur. Istis enim loquitur Deus in promissione. Omnis quicumque inuocauerit nomen Domini, saluus erit.

Sicut ergo prolixè in hoc toto commentario docuimus, formale fidei & iusticiæ Christianæ non esse nostra merita, aut iusticias nostras, sed fiduciam promissionum gratiæ & redemptoris Iesu Christi, ita de ipsa quoque spe sentiamus, ut quæ coniuncta est fidei, & simul cum illa oritur. Proposita enim fiducia remissionis peccati et æternæ uitæ, ut fit per uerbum promissionis, & illa adprehensa per fidem à nobis, simul speramus, nisi non credimus, & fidem promissis Dei nullā habemus. Oportet igitur & de spe sentire, & pronunciare, q. ex solius gratiæ promissionum Euāgelij fiducia oriatur, et q. sine omnibus meritis iusticiæ humanæ concipienda est spes æternæ uitæ. Concipienda autem fiducia gratiæ promissæ in Euan

IN CAP. III. AD TITVM,

gelio, & Iesu Christi, qui est iustificator & redemptor noster, imò ipsissima iusticia, redemptio, uita & salus nostra.

Ex iam dictis intelligi præterea potest, hoc quoq; inane & friuolum commentum esse, q̃ uidelicet charitas dicitur natura ipsam spem præcedere. Quomodo enim diligas eū, de quo antea nō aliquid boni promittas tibi? Itaq; ut nemo amare potest Deum, quem non sciat antea, & intelligat per fidem sibi reconciliatum & placatum esse, ita uere & ex animo diligere Deum, neq; quisquam potest, nisi antea securus ac certus promittat sibi ac speret fiducia reconciliati et placati Dei, immortalis uitæ gloriam.

Illud non magni refert, q̃ charitas dicitur rem speratam præcedere, hoc est, beatitudinem æternam, ut Lombardus interpretatur, nisi sentias cum sophistis, qui charitatem faciunt causam, propter quam uita æterna homini donetur. Sic enim loquuntur de legis operibus, quæ quisquis in gratia faciat, id est, p̃ charitatem, is mereatur æternæ uitæ gloriam, & quidem de cōdigno. Et hæc blasphemia beneficiorum gratiæ docetur in papisticis Ecclesiis, & summa impietas. Neq; poenitet quisq̃, tametsi admonitus, ac ne intelligit quidē aliq̃s inter eos, q̃ nihil quàm meras operū hypocrises, & ficticias iusticias prædicant ac docēt. Quod hic mihi libuit, & per occasionem doctrinæ

de spe, retegere, quare fert nosse ac plane intelligere,
quid aduersarij nostri de dogmatibus fidei sentiant.
Nā odisse oportet, & execrari ac fugere, si beneficia
cælestis gratiæ & redemptoris Iesu Christi uolumus
ac speramus salui fieri.

ET DE HIS VOLO TE AFFIRMARE,
VT QVI CREDVNT DEO, SOLLICITI
SINT BONIS OPERIBVS PRAECELLERE:
HAEC SVNT ENIM BONA ET UTILIA HO
MINIBVS.

Vides, de quibus rebus uelit doceri Ecclesias Pau-
lus, & in quem finem? nam de gratiæ doctrina sentit
ac loquitur, quæ excitatur in nobis spes, quæ est firma
quædam securitas & certitudo æternæ uitæ. Neque
enim fallit aut mentitur Deus, & per doctrinam gra-
tiæ non aliud agit, nisi ut fiduciam bonitatis & mise-
ricordiæ suæ habentes, saluos faciat à peccato & ab
æterna morte.

Iam per illam gratiæ doctrinam potest demum im-
petrari ab his, qui crediderunt in eam, nouitas uitæ
Christiana. Nec potest antea amari Deus aut proxi-
mus, nisi p̄ fidē gratiæ antea didiceris reconciliatum
esse tibi Deū. Similiter nullæ iusticiæ tuæ possunt pla-
cere Deo, nisi ex hac gratiæ fide proficiantur &
fiant, ut suprà in capite secundo prolixè docui. Tan-
tum abest, ut placeas Deo, si fiducia meritorum tua

IN CAP. III. AD TITVM,

rum promittas tibi, ac speres beatitudinem eternā.

Notabis præterea ex hoc loco, q̄ dogmatū Christianorum Paulus requirit cōstantem assertorem, q̄a inquit: De his uolo te affirmare. Quid efficiat enim, qui ipse ambigat de doctrina, num ei fides sit habenda, & secure nitendum ea, quòd placeas deo, si secundum hoc uerbum eius, quod tibi proponit, uiuas & agas atq; patiaris omnia? Ac liquet etiā ex his, quòd in Ecclesia Dei præter uerbum Dei doceri ac prædicari non debet. Quomodo enim erit assertor seu affirmator, nisi qui nouit se non hominum doctrinas, sed solum uerbum Dei prædicare & docere? Quid hic facient, qui uanitate doctrinarum hominum Ecclesias replent?

STULTAS AVTEM QVAESTIONES
ET GENEALOGIAS, ET CONTENTIONES,
ET PVGNAS LEGIS VITABIS. SVNT
ENIM INVTILES ET VANAÆ.

In hunc modum Paulus in utraq; ad Timotheum uarie admonet nos, ut odiosas illas ac uanas, nihili rerum & inutilium contentiones ac pugnas fugiamus: Lege 1. Timoth. 6: & 2. Timoth. 2. &c.

Non dissimilis ratio est, cum rixatur de uanitate traditionum humanarum in Ecclesia, & sana doctrina interim omittitur, q̄ est per fidem & dilectionē in Christo Iesu. Quamquam istis traditionibus hoīm,
quibus

quibus affingitur, quòd sint necessarius cultus dei, et quòd mereantur homini gratiã & remissionem peccatorum, oportet resistere, & hanc gloriam detrahere, quod suprà pro uiribus feci in capite secundo.

HAERETICVM HOMINEM POST VNAM ET ALTERAM CORREPTIONEM VITABIS, SCIENS, QVOD TALIS EVERSVS EST, ET DELINQVIT PROPRIO IVDICIO CONDEMNATVS.

Hæreticum hominem adpellat eum, qui impijs opinionibus & doctrinis est factiosus in Ecclesia Christi, qui suæ sententiæ nimium inhæret, & suis placitis nimium fidet, adeo, ut nulli cedat, & à nemine se abstrahi ab impia sententia patiatur, quanquam reuictus de errore & impietate opinionis. In summa, qui sentit pertinaciter contra dogmata Christiana, & Christianum se simulans, conmittitur alios in suas impias opiniones pertrahere. Quales hæretici iamdiu fuerunt Pontifices Romani & episcopi, qui impias opiniones eorum probauerunt, uel adhuc probant, & sanæ doctrinæ Euangelij Domini nostri Iesu Christi cedere nolunt.

De hæreticis
& corripiendis illis ac indicandis:

Atq; istos suprà meo iudicio notauit, in capite i. ubi uetat, ne sit præfractus episcopus, hoc est, morosus, durus, pertinax, inflexibilis, & suarum opinionum nimium tenax, qui tunc nimirum plus noxius est

IN CAP. III. AD TITVM

Ecclesiæ, & minus ferendus in ea, quando impia dogmata defendit, q̄ præsertim pugnant doctrinæ Evangelij & fidei in Christum. Siue, cum legibus onerat Ecclesias, quia in illas nullum tale ius habet. Ac magis impius est, si oneret Ecclesias huiusmodi legibus, quæ sine peccato seruari non possunt. Quod facere audacter iam diu Pontifices Romanos, suprâ aliquot exemplis declaravi.

Non tamen sunt comburendi tales hæretici, ac ne quidem pro hæreticis haberi debent, nisi antea admoniti, & reuerti de errore & impietate opinionis & doctrinæ, retractationem suæ impiæ sententiæ & impij instituti facere, & mutare impia dogmata recusent. Tunc enim puniri possunt, prout magistratus iudicant, ac placet ipsis. Ac ne sic quidem possunt eos mortis supplicio afficere, nisi seditiosos motus in Republica ciuili excitent suis impijs doctrinis. Nam iudicium de puniendis hæreticis spirituale est, & pertinet ad iudicium Christi. Itaq; & Paulus præcipit, ut tales semel atq; iterum admoneantur seu corripiantur, qui si impia consilia, instituta & dogmata mutare nolunt, & præfracti esse potius quàm obtemperare Ecclesiæ & rectis monitis uolunt, uitentur ac fugiantur. Sed etsi ulli hæretici comburendi fuissent, aut comburi deberent, de papistis & monachis debuisset ac deberet hoc supplicium sumi,

Pertinet

Pertinet ad officium ciuilis magistratus, cohibere factiosos istos, qui impia dogmata serunt in Ecclesia, & pertinaciter defendunt ea, idq; magis facere debent, ne seditiosi motus excitentur per eos, qui impias doctrinas in Ecclesia spargunt. Quin etiam, si admoncant tales, & ipsi parere imperio nolint, iam licebit, ut cum factiosis in Rempublicam & inter seditiosos supplicio capitis afficiantur, sicut hoc tempore aliquot in locis animaduersum est in anabaptistas. Sed magistratus tamen uiderint, ut recte iudicent his de rebus, ne ipsi impias opiniones & impios cultus contra Deum & Ecclesiam Iesu Christi defendant. Quod factum est sepe, & usq; hodie fit à multis. Nec desunt, qui obijciant nobis, quòd impie cedere de nostra sententia nolimus, & iudicio magistratus subijci & illi parere. At nos reddimus dogmatum nostrorū Christianorum rationem, quam quia quidam non audiunt, sed non contemnunt, ita consolamur nos, quòd scimus Deo magis obediendum esse, quàm hominibus. Et gaudemus in eorum numero esse & haberi, quos Deus dignatur pro nomine Iesu Christi contumeliam pati. Nam omnes qui pie uolunt uiuere in Christo Iesu, persecutionem patientur. secunda Timoth. tertio.

IN CAP. III. AD TITVM,

DISCANT AVTEM ET NOSTRI BONIS
OPERIBVS PRAECELLERE AD VSVS NE-
CESSARIOS, VT NONSINT SINE FRV-
CTV.

*His, meo iudicio, hoc postremo loco iubet eleemo-
synas precari & colligere ad necessarios usus pau-
perum. Reliqua huius epistolæ non indigent ex-
positione.*

*Sit soli Deo gloria, Ecclesiæ pax,
unitas fidei, & concordie
studium.*

*Verbum Dei nostri florebit
in æternum.*

FINIS.

FRANCOFVRTI EX


Officina Petri Brubacchi
Mense Martio.


ANNO M. D. XL.



Ob. G. II 3663









Biblioteka
Uniwersytecka
w Toruniu

STARODRUKI

066 II 3663-3664